


# Quickborn

K. Groth

38. e. 18





# Quickborn



Klein, Beth & am 2. Juni 1891  
zu Fuß am S.O. Abhang.

# Quickborn

Zweiter Theil

Vollleben

in plattdeutschen Dichtungen ditmarscher Mundart

von

Klaus Groth



Leipzig

Verlag von Wilhelm Engelmann

1871



# An uns Kronprinz

in Frankrik.





an schickt je gern sin Best int Felo.

Sin Allerbestes hett man stellt,

Ja Bele, wat se op de Welt

Alleen weer bleben.

Dat liggt in Frankrit ünner't Telt,

Wenn't noch ann Leben.

Wat gev't en Storm int dütsche Land!

„Is denn de Kerl ut Rand un Band,

De Schandfranzos?“

So heet dat, „denn de Flint to Hand,

Un denn man los!“

Un wo't so still weer, as en Mus,  
 As man en dütsches Dörp un Hus  
 In Feld un Wold, in Dat un Duf:  
 „Napoleon!“  
 So klung't dar lud in Sus un Brus',  
 „Du friggst den Lohn!“

Still broch de Vader de sin Sæhn,  
 De Moder broch em rut mit Ween'.  
 „Min Kind, wat wæn mutt, dat mutt wæn,  
 Tröst Fru, un Brut,  
 Sit süßn, sin Rinner Mennigeen,  
 Un störm hinut.

Denn ditmal gung't voer dütsche Ehr,  
 Voer Hus un Hav, voer dütsche Ger,  
 Dat goll ditmal oder nimmer mehr,  
 Op Leben un Dod  
 Uns wedder halen wat unse weer,  
 Un Freuden, will's Gott.

Un as en Swarm, as Spreen, als Bin',  
 So trock dat lustig an den Rhin.  
 Wat nablev much dar trurig sin,  
 Much klagen un zagen,  
 Uns Helden leken in Frankrif rin:  
 Wi wüsst se jagen! -

Un och, wi sorgen un klagen sehr,  
 Dar an den Rhin, hier an dat Meer!  
 Wi kenn' „de Daren“ vun fröher her!  
 Un keem' se wedder,  
 Se leeten nich en Fru de Ehr,  
 Keen Hohn de Fedder.

Un achter se dar lur noch Wen,  
 Wett al de Tung un wif de Tahn,  
 Den kenn wi gar vun fröher hen  
 Wi Holstenjungn.  
 Wa war't uns gan, uns Fründ de Dän,  
 Wenn de uns fung!



Wi hörn't al rasseln uten Norn,  
 Er „Hurrah“ klung uns in de Ohru,  
 Wi seegen vun uns Strand un Thorn  
 Al Damper un Smok.  
 Un sünd wi ok ni licht verfrarn:  
 Nadenkli doch ok.

Gar, as't nu heet: de eerste Slacht!  
 Saarbrüggen brennt! — — So harrn wi't dacht:  
 Erst kregn wi Prügel, un hernach  
 Denn kregn se Släg',  
 Un denn: herut mit se! un sacht  
 Mit se to Weg'!

Doch, do keemst Du! — Forts los op Wörth!  
 Süß, säst Du, Rinner, dats ni weerth,  
 Bi'n Of to töben op den Steert:  
 Man bi de Hörn!  
 Man angefat, un afgesmert,  
 He ward sik lehrn!

Gotts Blix! dat flusch! dat slog en Brand!  
 Glicks wedder rut mit em ut't Land!  
 Kehrt ma! he! Un na alle Kant  
 Dar stov he un slog.  
 Süllst wi hier hörn vun em ann Strand  
 Blot, wat he log.

Ja, wi weern plögli as in Freeden!  
 Hebbt nich inn Slap mal Unruh leden,  
 Kunn warkdags arbeidu, sünndags beden  
 Mit Kind un Fru,  
 Uns Feld bestellen, uns Wart bereiden  
 In seker Ruh.

Un Turkos, Mohren, Mameluken,  
 De Spahis, Zephirs un Haiduken  
 Un wat de Wälschen sunsten bruten  
 Uns to beglücken,  
 Dat sehn wi blot as Slaven hucken,  
 Hann oppen Rüggen.

Blot dat wi alse anner Dag  
 Mal lesen: Wedder'n grote Slacht!  
 Un repen: Junges, wat en Bracht!  
 Un wedder de Frig!  
 Rechts is de, links, un ehr man't dacht,  
 Rein as de Blij!

Un denn, as vun en Himmelsstrahl  
 Rucht't vun de Helten alltomal,  
 Vun'n König bet to'n Schützen dal:  
 Uns Stamm, uns Blot,  
 So heet dat, unse sünd se all:  
 So schirm se Gott!

Ganz Düttschland, vun den Rhin ton Best,  
 Wi alle hebbt uns Besten stellt,  
 De stat tohopen, nu dat gelst,  
 Un't is to hapen:  
 Een Rit dat Land, een Heer int Feld,  
 Een Kaiser haben!

Doch, de darvoer de Daden do't,  
 De't endli opricht mit er Moth,  
 De dat tohop sweift mit er Blot — :  
 Wer wull nich schicken  
 Sin beste Gav, in Noth un Dor  
 Se to erquicken?

Denn gräßlich is un blifft de Krieg,  
 Un föhr he of vun Sieg to Sieg!  
 Denn Jüm, de dar int Water liegt  
 Oder int Blot,  
 Noth deit't, dat Jüm Erquickung kriegt,  
 Ja, dat weet Gott!

Un Mennig streckt sin bleke Hand,  
 Un Mennig süßt int fremde Land,  
 Un Mennig liggt int kahle Sand  
 Bedeckt, beweist,  
 Un nich de Nam mal ist bekannt,  
 Wer dar bekleit't!

So schickt denn Jeder wat he hett,  
 Sin Hemd, dat Laken vun sin Bett,  
 Sin Brod, sin Botter un sin Mett,  
 Toglit sin Segen,  
 Un „Liebesgaben“, as se heet,  
 Fahrt allerwegen.

An Di — nu ja, war of wul dacht,  
 Wat Spiß un Drunk in Anbetracht,  
 Un Hemd un Lager, un mal sacht  
 En Pip to smöken,  
 Un wenn't to hart weer mal en Nacht,  
 En wecker söken.

Un wenn't Din Fru Prinzessin hör,  
 — Wi kennt de smuck lütt Fru vun Föhr! —  
 De schickt Di wiß wat achterher,  
 Chokolad un Kof  
 Un warmes Tüig, un sunst wat mehr,  
 As Annere ok.

Doch seilt Di ok keen nödi Sat —  
 Süß, Herr, hier is en lütten Pack,  
 Bellicht mit wat in vöer Din Smack,  
 Den wull ik schicken,  
 Dat de mal bi en Pip Toback  
 Di much erquicken.

En „Liebesgabe“ vöer Din Hart,  
 Wenn Di't mal weef un trurig ward,  
 Mal richti mör is, brennt un smart,  
 Dat Du in Freuden  
 Mal muchst Din Arbeit swar un hart  
 En Stunn vergeten.

Ik schick min Best! — Mich blot en Bild  
 Ut Schleswig-Holsteen fram un mild,  
 As Du dat leef heft — ne, verhüllt  
 In Niim un Wit  
 De Lev ok, de hier vöer Di quillt,  
 Vöer „unsen Fritz“.

Du büßt nich blot uns Königssehn:  
 Du reist Din Pflicht as Jedereen,  
 Du leets Din Mutter, de der ween,  
 Din Fru bi't Weegen,  
 Un heft den Dod in Ogen sehn  
 Inn Kugelregen.

Un süh! dat heiligt unse Sak!  
 Mal kumt de Dag, denn treckt de Dat!  
 Denn ward dat heten: Nu is't maht,  
 Dütschland is klar!  
 Un dat wovær Büm kriegt un waht:  
 De Freeden is dar!

Un kumt de mal, de Freedenstid,  
 Denn kumm na Holsteen grön un blid,  
 Un bring Din Kronprinzessin mit  
 Un de Jungens all,  
 Un schaft mal sehn: dat ward en Tid  
 Na Din Gefall.

Denn sing ik Di noch mal en Leed  
 Vun Glück un Freid, vun Ruh un Fred. —  
 Denn wat wi hüt noch wünscht un fleht  
 Vunn lewen Gott  
 Is Sieg un Heil. — So wünscht un bēdt  
 Of

Din

October 1870.

**Klaus Groth.**





## Vorwort.

Der gute plattdeutsche Name meines ersten Buches — man liebt kurze Büchertitel, sagt Claus Harms im Vorworte zu seinem Gnomon — scheint für den Schriftsteller den Nachtheil gehabt zu haben, daß er, wie der Mathematiker sagt, ihn selber und seinen Eigennamen fast gedeckt und so veranlaßt hat, daß oft selbst Freunden meiner Muse meine Vertelln, der Rothgeter, das Buch Kinderlieder Vær de Gærn oder meine Hundert Blätter hochdeutscher Gerichte unbekannt geblieben sind.

Ob sie es werth seien gekannt zu werden, soll hier nicht untersucht und beurtheilt werden; es spricht wohl für sie, daß sie in verschiedene fremde Sprachen, die Vertelln auch mehrmals in's Hochdeutsche übersetzt sind. Sie waren jedenfalls, — die hochdeutschen immer ausgenommen — wie der Quickborn, gemeint als Bilder aus dem holsteinischen Volksleben.

Dasselbe gilt von dem vorliegenden Bande, bei dem ich aus diesem Grunde zu dem alten Titel zurück-

gekehrt bin. Zum Unterschiede von dem ursprünglichen Quickborn nenne ich ihn den zweiten Theil. Er hätte als dritter Theil erscheinen können, wenn ich die oben genannten Dichtungen als zweiten gesammelt hätte, was in Zukunft vielleicht einmal geschehen wird.

Bei den inzwischen erfolgten häufigen Auflagen des ursprünglichen Quickborn habe ich bis zur siebenten Ausgabe am lyrischen Theile Zusätze geliefert, wodurch der Uebelstand eintritt, daß die Besitzer älterer Auflagen meines Buches durch diesen zweiten Theil nicht in den Besitz meiner sämtlichen Lieder kommen. Dieser Uebelstand, wie die vielleicht nicht Allen angenehme Mischung von Prosa und Versen unter dem bekannten Titel läßt sich erst später in einer Gesamtausgabe durch eine andere Vertheilung des Inhalts abändern, dann vielleicht auch Karl Müllenhoff, jetzt Professor in Berlin, sich noch einmal bewegen, sein vortreffliches Glossar zum ersten Theile auch auf das übrige Material auszudehnen.

Riel, 2. Nov. 1870.

K. G.

# Inhalt.

Anmerkung. Die mit einem \* bezeichneten Stüchken sind Proben aus des Verfassers wenig gekanntem Buche: *Var de Wam, Kinderreime alt und neu*, mit 52 Holzschnitten nach Originalzeichnungen von Ludwig Richter, geschnitten von August Habert. Leipzig, Georg Wigands Verlag.

	Seite
Widmung. An uns Kronprinz . . . . .	V
Vorwort . . . . .	XIX

## De Heisterfrog.

I. Michelimarkt . . . . .	3
II. Silberwisch . . . . .	21
III. Op den Hof . . . . .	33
IV. De Marschbur. . . . .	48
V. Op den Dreeangel . . . . .	56
VI. Utgang . . . . .	72
Um de Heid . . . . .	103

## Bermischte Gedichte.

Quidborn . . . . .	241
In Dülstern . . . . .	242

	Seite
Ma'n Haben . . . . .	243
Summer . . . . .	243
Geduld. . . . .	244
Idyll . . . . .	244
De Bläder fällt . . . . .	250
Trost . . . . .	251
Spruch. . . . .	251
Min Jehann . . . . .	252
Min Otto. En Breef vun to Hus. (An Otto Jahn). . . . .	253
Einer Braut in der Fremde . . . . .	256
Vær de Smed. (An Friedrich Esmarck). . . . .	260
Sommerbild ute Marsch. . . . .	264
Inn Harst . . . . .	265
Die Sage von Herr Nanne . . . . .	266
De Altentrog. Ballade . . . . .	268
De Hasentrieg. Romanze . . . . .	270
Dree Jägers . . . . .	272
En bunt Gesicht . . . . .	273
Kufuf . . . . .	274
De Beester inn Kieler Haben. . . . .	276
Fru Nachdigal. (An Jenny Lind) . . . . .	278

### Verder.

Wer hö't se vær de Dev . . . . .	280
Aut Över . . . . .	281
To Schep. (An Fru M. M.) . . . . .	282
Ünnern Fliederbom . . . . .	283
Inn Regen . . . . .	285

	Seite
Se lōv so fram . . . . .	286
Maibom . . . . .	286
Dat ole Leed . . . . .	287
Trinett de Marketenbersch . . . . .	288
To kleen . . . . .	290
In Gwermoth . . . . .	291
An de Karthofsport . . . . .	292
Königin . . . . .	293
Frage . . . . .	294

### Bun un vœr de Gærn.

Kinderfrühling . . . . .	296
Einem Erstgebornen . . . . .	298
* Zuckermund . . . . .	299
An Pathe Klaus . . . . .	300
* Smucke Diern . . . . .	300
* Briamel to't Opstan . . . . .	301
* Schnaderhilpfel . . . . .	301
* Ghaselen . . . . .	302
* Kif in . . . . .	302
* Verstecken . . . . .	303
* Sünnschin . . . . .	303
* Bun de Bageln . . . . .	303
* Häschen im Regen . . . . .	305
* Lustspiel . . . . .	306
* To Bett . . . . .	306
Ma'n buten . . . . .	307
Dat Kind verkehr sit . . . . .	309

	Seite
<u>Dat Kind weer erstaunt . . . . .</u>	<u>310</u>
<u>Dat Kind gruel . . . . .</u>	<u>311</u>
<u>* Winters Anfang . . . . .</u>	<u>311</u>
<u>Na't eerste Jahr . . . . .</u>	<u>312</u>
<u>Na'u Pol. (An Dr. Fansch) . . . . .</u>	<u>313</u>
<u>Willkam in Kiel. (An die Philologenversammlung 1869)</u>	<u>316</u>
<u>El Boß an sin Fru . . . . .</u>	<u>318</u>
<u>Se much ni mehr . . . . .</u>	<u>319</u>
<u>Mit einem Erntekranz . . . . .</u>	<u>320</u>
<u>An Chalybäus. . . . .</u>	<u>321</u>
<u>An Welfer . . . . .</u>	<u>322</u>
<u>Der en Sülwerpaar . . . . .</u>	<u>324</u>
<u>Noch Een. . . . .</u>	<u>326</u>
<u>Einem dito goldenen . . . . .</u>	<u>327</u>
<u>An den Großherzog von Oldenburg . . . . .</u>	<u>329</u>
<u>Mit einem Portrait . . . . .</u>	<u>334</u>
<u>Schluß: Der Gelegenheitsdichter . . . . .</u>	<u>334</u>

# De Heisterfrog.

---





I.

Michelimarkt.

In Bredsted weer't vundag' Michelimarkt. —

Vær Dag al weer dat lut warn in den Ort  
 Vun Wagen fahrn, vun ropen un vun ballern.  
 Junkveh un Ossen knojen langs de Steen,  
 Man hör se kam un langsam wider pusten,  
 Heesch weern de Stimm, de Drivers repen lut  
 Centali los, as gung dat na den Taft;  
 Dartwischen knalln de Pitschen, fulln der Släg',  
 Bet inne Feern dat sachten war un stiller.

Denn knurr un grunz en Drift vun Swin verbi,  
 Dat snubber langs de Strat as ging't int Water,  
 All na dat Markt rop, of de Schap un Lammer,  
 De truri böllken un væræwer draben.

Pær keem der, as man hör, en ganze Snor,  
 Se trampeln langs de Steenbrügg dat dat gnaster.

vundag' heute.	ropen rufen, praet. repen.	ballern knallen,
lärmend anschlagen.	knojen im Schmutz gehen, waten.	heesch
beiser. Driver Treiber.	centali gleichmäßig.	bet biß. Drift
Trupp, eigentlich Trieb.	snubbern schnüffeln.	Snor Trupp.
eigentlich Schmur.	Steenbrügg Straßenpflaster.	gnaster n
knirschen.		

Un juchzen hell un gnittern, as vœr Lust  
Dat Bredstœd dar weer un Michelimarckt.

Nu weert't to Enn west mit de Rau int Hus,  
De egen Bœß inn Stall warn ungedüllig,  
Un mit de Hunn, un mit de Junges gar,  
De't hörn int Lager twischen Drom un Waken,  
Dar weer keen Stürrn un Holn, se müssen rut.

Ja, wat Michelimarckt in Bredstœd is,  
Dat seggt of Keen, as de dat mit belevt hett,  
Un de't belevt hett, seggt dat of man kum.  
Dat gift vœl Herlichs inne schöne Welt,  
As Sünndags utfahrn, Bagelnestier söken,  
Nætplücken, Winters Stritschoh lopen;  
Dat gift vœl schöne Dr, as Tönn un Flensburg,  
Un Hamborg schall noch gar vœl grøter wœn;  
Dat gift vœl schöne Dag' dat lange Jahr,  
As Wihnacht, wo dat Pepernæten loht,  
Un Ostern, oder Pingsten, wenn dat grœn ward,  
Wenn't Beh to Gras un wenn de Hatbar kumt — :  
Doch Bredstœd un Micheli is dat schönste!

Ol Bredstœd liggt recht midden inne Welt,  
Wo alle Weg' na to un wedder weg fœhrt,  
Un Frönn un Nawers wahnt der bi enanner.

gnittern lachen, wiehern.    Rau Ruhe.    Wœß pl. Bœß Ruchß.  
stürrn un holn steuern und halten.    söken suchen.    Stritschoh oder  
Schlitschoh Schlittschuhe.    Tönn Tönnung, Städtchen an der Eider.  
Dr Erter.    dat loht es gift.    Hatbar Sterch.    Frönn un  
Nawers Freunde und Nachbarn.

Iwars sünd dar nicht vel Böm, dar is keen Holt,  
 Dar is keen Water, sünd keen hoge Bargen :  
 Doch sünd dar Appelböm vun alle Art,  
 Fröhripe un de platten Sippelappeln,  
 De man bet Lichtmeß wahn kann ünnert Heu,  
 Rothstreken gar, un söte Figenbörn, —  
 De kennt man all genau, un süht se ripen,  
 Un friggt dervun, wenn of wul mit Gefahr  
 Bær tweie Büxen un en Drach vull Brügels.

Doch lusti is't, un Rætbüsch waßt der wild,  
 Lantwaltsche un de lütt mit dicke Sluven,  
 De man des Sünndags ut de Reddern söcht.  
 Dar achter streckt de Wischen lant sit hin,  
 Dar gras't de Melkköh un de fetten Ossen,  
 Dar gat de Töten mit de jungen Fälen,  
 De all uns kennt, de fründli büllt un snubbert,  
 Wenn wi hendalspelt un se mal besöft.  
 Noch wider streckt de Heiloh sit herut :  
 Op Milen kann man wandern ganz alleen,  
 Man drippt ni Minsch noch Beh, ni Perd noch Wagen,  
 De Bageln seht Een to bi't Bickbeernpflücken,  
 Dat is so still, man hört en Fleeerlink flegen.  
 Un wenn man denn to Huß na Bredsted to geit,

twars zwar.    Holt Wald.    all ell jeder, alleen ein jeder.  
 Sippelappeln Zwiebeläpfel.    roth streken rothgestreift.    Figen-  
 börn Feigenbirnen.    ripen reifen.    twei entzwei.    Büxen Hosen.  
 lantwaltsche lange welsche d. i. italienische Rüsse.    Sluv Rüsschaale.  
 Redder Weg zwischen zwei Knickhefen.    Töten Stuten.    hendal  
 hinunter.    spelt spielen.    Heiloh Heide.    Bickbeer Schwarz-  
 oder Heidelbeere.    Fleeerlink Schmetterling.

De Thorn deræwer un de Wulken achter,  
So treckt Een't orndli warm hin æwern Boffen,  
Denn is't so smud — wat Schöners gift dat nich. —

Gar nu Micheli is't binah to vel.  
Dat ward al lang beræfent na'n Kalenner,  
Na Wæten, Dag', un endli na de Stunn,  
Wa lang't noch hin is to de schöne Dag.  
Man röppt sik't morgens to: Nu man noch fiv,  
Nu man noch dree! un endli: æwermorgen!  
Denn wenn't eerst morgen heet, so is't of dar.

Denn sünd — as Wandervageln, sunnerbar  
De kamt wenn't wat Besunners gift an'n Hæben —  
Fohrwarken kam mit sunnerligen Optog:  
Pær as de Begen, Kinner, Hunn un Apen —  
Wer se nich sehn hett, lett sik doch vertellen;  
Dar steit keen Mäden bi de Finstern waschen  
— Un wuschen ward de Finstern all to't Markt —  
De weet vun Wunner de sik wifen ward!  
Dat fehlt der nicht, dar kumt en Hexenmeister  
De Künsten kann, wo Een de Hut bi schudert,  
De hett al ünnerwegens Dinger maht  
Mit Hals affniden un mit Kopp opsetten,  
Un hett Ducaten kloppt ut Höhnereier!  
Kistkasten schüllt der kam, un Ungeheuer:  
Genog, dat ward en Markt dit Jahr besunners —  
Danz un Musit versteit sik nebenbi.

Thorn Thurm. Boffen Brust. Wæten Wachen. Hæben  
Himmel. Apen Affen. Mäden Mädchen.

So kumt't. — In Bredsted, wat en Hart hett, pudert.  
 Is't nich to denken, dat man tidi waft,  
 Bi Wagen rasseln un bi Ossen driben,  
 Bi Swin un Schap un wat an Hunden belln kann?  
 Man hett to don, dat man sik wascht un antreckt,  
 Un kum de Tid den Kasse rin to slubbern,  
 Un wenn man rut kumt langs de grote Strat  
 Inn nien Rock un unbequeme Steweln,  
 Un wenn man wannert na dat Markt herop,  
 So is al Nawer, Nawersch un de Frünn,  
 So sünd al Hansohm, Thiefohm, un de Annern,  
 Al all to gang', de Jungs ni to vergeten.  
 Schol is der nich, Perzepter steit vør Dør  
 Un hört, as inne Kark, andächtig to  
 Na Orgeldreiers un na Harfenspelers,  
 De unscheneerli Stratenleder singt,  
 Plattdütsche gar, un nich as ut't Gesangbok.  
 Un unscheneerli drängelt sik de Jungs,  
 Un hört andächtiger as de Perzepter.  
 Wa is't en Lust! in Stuff un in Getöf',  
 Wat jümmer to nimmt as man wider kumt,  
 Mit Per un Minschen, mit Trumpet un Trummel,  
 Mit allerhand Gerüch, Geschrigg, Geballer.  
 Hier röppt en Juden ut en lüttje Bod,  
 Is dat ni Isak mit de Podenaaren?

pudern pochen. tidi zeitig. slubbern schlürfend trinken.  
 Nawersch Nachbarin. Perzepter Schulmeister. unscheneerli  
 ungenirt. Stuff Staub. Gerüche Geschrei, Gefnalle Bod  
 Bude. Podenaaren Podennarren.

Wa is he to drögt sit verleden Harst!  
 Hier steit en staatschen Mann, as en Throler,  
 Un grippt sit ut den Hüpen um em rum  
 En rechten Burjung rut mit apen Mund,  
 De he en Placken utmakt ut sin Jack,  
 Un denn sin Seep utbütt rein to'n Verschenken.

Wer koff ni geern? Wenn blot dat Geld man reck!  
 Landmädens kopt sit Bänner anne Mützen,  
 Schoh oder Tüffeln kopt sit Arbeitslud,  
 Wul Slev un Appeln of un holten Teller,  
 De wat to Siden achterto to hebbn sünd.

Barto sünd all de Boden mit den Staat  
 In Gold un Sülwer, un de Zuderbäckers,  
 De gar vun Ikehoe un wider kamt.  
 Dat treckt de Rütten an de stat un lungert,  
 Oliggütti gat de groten Burn verbi —  
 Wa't mögli is! mit Dalers inne Taschen!  
 So unbegriplich fast as vun de Bäckers,  
 De alle Welt er Herlichkeit verkopt  
 Un süßn derachter stat mit drögen Munn,  
 Gar wul en Roggenbotterbrod vertehrt!

De Handel recht eerst findt sit um de Karf.  
 Dick as de Flegen, as en Immenswarm  
 Drängt dar sit Beh un Minschen doer enanner.

to drögen eintrodnen.	verleden Harst vorigen Herbst.
Hüpen hüfen.	Placken Fleck.
reden reichen.	Tüffeln Pantoffeln.
Slev.	achtertö hinten.
drög trocken.	lütt klein, de Rütten die Kinder.

Dat geit as in en langsam tragen Strom  
 De Hüser lank un unme Karf torügg.  
 Dartwischen stat, en Keemstod umme Hand,  
 Pelzmützen op, in Regenröck un Wulldöf,  
 Kofstkammers mant de Ber un seht se na.  
 De lett een draben, de beföhlt de Hofen,  
 De steit inn Handel mit en freeschen Bur,  
 Un bedt, as um sin Seel er Seligkeit,  
 Em um sin Brun, „væ utverschamtes Geld“,  
 So seggt he, „rein ut luter Lev un Fründschop!  
 Man mutt doch handeln — sunst — he smitt dat weg,  
 Rein weg, dat sware Geld, ut schiere Grappen,  
 Wil dat he sit vernarrt hett in de Bur!“  
 Dat hör sik an, dat kunn en Steen bewegen.  
 Un würlki röhr dat hier un dar en Hart,  
 De an to reden fungn: Na, giff man to!  
 Hol hin de Hand! En Toslag un en Wintop!  
 Un luder war de Kofstamm un sin Wort,  
 Greep an sin Pudelmütz un schov se scheef,  
 Klattsch op den Brun sin Fetterügg mit Verachtung:  
 Wa dat en Krack weer! man en halwe Katt!  
 Doch wull he't mit neh'n' ut Barmhartigkeit.  
 Un as of dat nix hölp, so flök un swor he,  
 Dat wul de Klocken dræhn' kunn inne Karf,  
 Un Minschen denken, dat gew Mord un Dodsflag.

Keemstod Stod mit Riemen.    mant zwischen.    freesch friesisch.  
 Grappen Grillen, Einfälle.    Wintop Weintau, Trunk nach dem Kauf.  
 Krack Schindmähre.    en halwe Katt halb nur eine Kape.



Doch awer, unvermodens ward dat still,  
Un denn en Klattschen gift dat mank de Twee  
Bun Hand to Hand as mit twe Mangelbröder :  
Klar is de Handel ! Winkop gift't inn Krog !

Wenn't blot man mægli weer de Dær to reden !  
Uns Herrgotts Hus is Sünndags nie so vull,  
De Düwel, seggt man, hett en gröter Rundschoop.  
De Stuben hebbt keen Rum vær Stöhl un Banken,  
De Dischen kum den Plag vor Gläs un Butteln,  
Un as ton Sticken is de Lust un Dunst.

Doch bringt man dær mit Lust un guden Willen,  
Denn wat man drippt, sünd allens gude Frönn.  
Dat geit mit Guden Dag ! un Of al hier ?  
Mit Ohm un Better gröten rechts un links,  
Mit Hann to schütteln un de Schullern kloppen,  
Un twischen in mit Drängn un Schuppsen værwarts.  
Dat hört Micheli mit to't Marktvergnögen :  
Dar mußt wat los wæn, anners hett't keen Art.  
En Kofstamm is hier recht as in sin Lust,  
Wo alle schriegt un prahlt, schriggt he noch luder,  
Dar schallt sin egen Stimmi em as en Machtwort.

Ja, wat en Lust ! De ganze Ort to Gang,  
Un wat man Been hett ut de ganze Gegend,  
Of ohne Been ! De Kræpels fehlt der nich !  
Dat fruppt un humpelt, Blinne lat sik treden.  
Wat sunst dat Jahr lauf inne Stuben huckt,

unvermodens unvermüthet, plötzlich.      Krog Krug, Schenke.  
schuppsen schupfen, stoßen.      los wæn los sein.      krupen kriechen.

Wat eensam in en Sodenhütt bilang  
 De Heiloh wahnt un nie en Minschen süht,  
 As mal en Imker, wenn de Heiloh blöht,  
 De mit sin „Volk“ op wüde Weten rut kumt,  
 Inn Wagen slöppt un Dags sin „Stöck“ bewannert,  
 De dar denn summt, wo nu de Westwind hult  
 Un æwer't kale Feld de Möven jagt —  
 Wat so dar huckt, verkümmert un verlaten,  
 An junge Kinderseeln un ole Stufeln:  
 Dat kumt vundag', as loek se wat herut,  
 As leeg wat inne Lust wat reep un trock  
 As Hæpen, Lengn, as Sehnsucht un Erinnern.

Inn besten Staat, half schüchtern un half lüstern,  
 Sieh mal so'n Olsche wanken mit ern Enkel!  
 Wat de mit er veer Dgen hüt vertehrt,  
 Twe junge helle un twe blank un gläsern!  
 Dar snack un leyt se nu en Jahr dervun. —  
 Is enerlei, ob't Mark heet oder Karf,  
 Wenn't treden schall — de Faden is desülwe,  
 Vær Een nan haben, dalwärts vær de Anner.  
 Un drippt dat mal so recht en wunne Seel,  
 De Ton is eens: ob dar de Klocken klingt,  
 Ob dar de eerste Kiwitt schriggt um Dstern,  
 Ob dat dat Marktgetöf' is ute Feern,

Sodenhütt	Hütte aus Hasenstüden gebaut.	bilang	nebenan,			
entlang.	Imker	Bienenvater.	Wet	Woche.	wüde	Weten
einige	Wochen.	Stufel	Krüppel.	Hæpen	hoffen,	hoffnung.
Lengn	Verlangen,	Sehnsucht.	Olsche	Alte.	dalwärts	nach unten,
haben	oben.	Kiwitt	Kiebig.			

De Larm vun Minsch un Veh, vun Per un Wagen,  
 De lisen her klingt, mit Gesang dertwischen,  
 Mit Orgeln oder Blasen bi't Karussel:  
 Wer't mal beleert hett in sin Kinnertid,  
 De maß mit wannert is mit Mōhm un Moder,  
 Mit seken hett mit Ogen, de wat glänzt  
 Vær Gold holt un wat lacht vør glücklich —  
 Den drippt de Ton, den treckt he bet ant Hart,  
 Den röppt he ut sin eensam still Gewes,  
 Un locht em, mit to söken na dat Glück,  
 Ob't sif ni sinn lett oder of bedwingn. —

Gau löppt de Dag, de Markdag gar to gau.  
 De Minschen ward al dünn, de Straten lerrig.  
 Vel Wagens hebbt en widen Weg to Hus,  
 De sünd al utfahrt ehr de Dag man grau,  
 Un wüllt noch ehr dat düstern Abend ward  
 Bet an ęr Grenzen, wo de Per de Weg weet.  
 De Schofters de vun Preez un Heide kamt,  
 Un wat mit Höd un Tüch un Döfer handelt,  
 Pacht ili in in grote holten Kisten.  
 Ernsthasti seht de Lüd ut, stump un mēd,  
 Un gar nich as vun morgens do se keem.  
 De Keeg vun Boden langs de grote Strat  
 Un um dat Mark, de eben mant de Hüser  
 Opruffen weern as Pockenstöhl int Holt,

Mōhm Muhme.      gau schnell.      lerrig leer.      Höd, Tüch,  
 Döfer Hüte, Zeug, Tucher.      Keeg Reibe.      Pockenstöhl Froschstuhl  
 d. i. Pilz.

— Man findt se wul mal morgens unverfehns  
 Op Weg un Steg op schaten æwer Nadt  
 In ganze Keegen mit er witten Mügen,  
 Un kumt man abends trüg, wo sünd se bleden? —  
 De Boden klappt tosam as Regenschirms,  
 Wo eben noch in fast un saden war,  
 As wull de lustige Stadt ut Vinn un Vatten,  
 Mit heemli Gängn, de Junes ton Pläseer,  
 Hier int ol sternen Bredsted nu bestan blibn —  
 Se fällt tosam as Hocken vør den Wind.  
 Dat Markt is ut, de Handel is verbi.  
 Man blot de Juden künnt dat noch ni löben.  
 Wa weer't of mægli! Nu Mein! Abraham!  
 Noch so vøl Tid en Groschen to verdeen,  
 Un Minschen nog de alle kopen künnt.  
 Wa se sit asmöht, een heran to treden,  
 As goll't dat Leben un de Selligkeit.  
 Se heßt dat mit to neh'm'n, se wüllt't verschenken,  
 Se wüllt dat los wæn, seht! dat schöne Band,  
 De schönste Rêd, de wunnervulle Rasten!  
 Doch ahn Erbarmen wannert dat wærbi.  
 Do pacht se of; un blot dat nakte Glend,  
 Wat harder is as Wermoth un Giz,  
 Dat wannert noch un lett sit noch ni schrecken.  
 Seht hier man her de helle Dgen hebbt,  
 Hier sitt en blinne Mann un sagt de Fîdel!

trüg, terügg zurüd.      saden gesotten.      Hocke Haufen aus  
 Getreidegarben.      löben glauben.      harder härter.

Musik is't nich — doch wenn't noch arger weer,  
So seht den Kopp an de veræwer nüllt!

Fast noch bedröbter is't mit fremde Rinner,  
Wenn de noch kamt nu't fast al schummern ward  
Un kold de Westwind dær de Straten trecht,  
Mit Fleck- un Rülseep, mit Zigarrenkastens,  
Mit Band un Nadeln oder pappte Schachteln,  
Un freert un bedt noch um den lekten Koop.

So is dat Enn. — Doch langs de Straten trecht  
Dat junge Volk to Winhus un to Danz:  
Vær de is't eerst de Anfang vunne Freid.  
En Swarm vun Mädens kumt dar Hand in Hand  
Mit blote Arms, mit bloten Hals un Nacken;  
De denkt an Küll so wenig as an Unglück.  
As wille Bageln Værjähsmorgens lacht,  
Holtubun un de ævermödige Ruluf,  
De æwer't Moor Verstecken speelt un G ripen,  
So lacht se lank de Strat, un lat sik brüden,  
Lud innen Hals un slüchtig oppe Been,  
Wenn't Junkvolk trogig inbricht in ەر Keeg:  
Na't Danzhus locht se Bigelin un Bass.

Jan vunne Trepp — so heet he vun sin Hus —  
Makt to den Takt mit dree Gebrüder Lüsing  
Den nödigen Larm, de mit den Dunst vun Minschen  
As Jahrmaktsluft Een dick entgegen trecht.

nüllen vorgebragt siken.	schummern dämmern.	Rülseep
Rieselfe.	Küll Kälte.	Holtubun Holztuben, Waldbuben.
g ripen greifen.	brüden ueden.	

Jan is en Klüttrer ahn en recht Geschäft,  
 En aller Welts Oloflicker, Dufendkünstler,  
 Uhrmaker, Watersmecker, Pumpenbahrer,  
 De jümmer drächti geit mit en Erfindung  
 Jüs klar bet op de letzte Tähn int Stad:  
 Wenn de eerst paßt, se ward he unvermodens  
 Mal mit en Dings to Strat kam, wat der löppt  
 As nich en Bagel slüggt, wat Wagens treckt,  
 Un Schepen drifft, to Hus den Kaffe mahlt,  
 De Weeg bewegt, un allens mit en Fedder!  
 Bærlöpi, wenn dat Mark væræwer is,  
 Un trag de Abends hinsliff æwer Bredsted.  
 Sitt Jan gedüll in sin optrepp Hus,  
 (Dat eenzigste int ganze Döörp un Kaspel)  
 Un klüttert, oder mit Gebrüder Lüsing  
 Erfindt he'n nie Art vun Holtoiglin  
 (En holten Teller is't mit holten Plöcker,  
 Ton hebbt se al, doch keen Gefühl, seggt Lüsings).

Ehrbare Dischers sünd de innen Ort,  
 Doch sünd se æwergeben musikalisch,  
 Un mehr op Bildung ut as opt Geschäft.  
 De spelt ann Wihnachtsabend vun den Thorn,  
 Un Jahrmarkt in den Krog spelt se de Pulkas.  
 Jehann trakteert den Baß, — un wat der levt  
 Un dantz hett un sit freit Michelimark.  
 De findt — as innen Harst den Sæbensteern,

Klüttrer Bastler, Tausendkünstler.	Watersmecker Quellenfinder.
Har fertig.	Schepen Schiffe.
Breitreppe.	optreppt Hus Haus mit einer æwergeben übertrieben.

As op de Karf den Thorn, as op de Kanzel  
 Herr Pastor, un Perzepter inne Schol —  
 Int Jahrmartt innen Pefel Jan un Lüfings,  
 De fülwen Melodien un Angefichter,  
 Inn fülwen Taft de Klarinett un Baß.

Indeffen sitt der in de Bærderstuv,  
 As't of de Bruf un as dat jümmer west is,  
 De Öllern ut den Ort, de Bur un Börger,  
 De Dags Geschäft un Amt to Hus torügg heel,  
 De Farwer, Küper un de Pinnmannsframer,  
 Aptheker of, un mit de lange Pip  
 Perzepter in sin Kapp un witte Haar.

Se drinkt en Pütten extra, un vertellt  
 Bun Tiden, wa se lopt un vun de Prisen,  
 Un seht ut't Finster, wenn der wat verbi wantt.  
 Man kennt de Lüd, man kennt sogar dat Beh,  
 De Wagen, Per, Geschirr, de ganze Optog,  
 Un wat daran sik ännert ward bemarkt.  
 Wat? heet dat, fahrt Klas Mumsen al to Hus,  
 De sunst Micheli ut un'n Kröger dot sitt,  
 De General Besluter vunnet Mark,  
 In Abendschummern staats in Morgennewel?  
 Dat's wul ut Arger æwer'n schlechten Handel!  
 Hett doch vunmorgens wiß, so klot he lett,  
 Ein smucken Brun to fröh un billi weg slan.

Bruf Gebrauch. Pinnmannsframer Weinwandframer, meistens  
 aus Westfalen eingewandert. en Pütten ein kleiner Schnappß, Trunk.  
 wanken gehen, passieren. Kröger Krüger, Schenkwirth. staats  
 statt. wiß gewiß, so klug er scheint.

De Pris is stegen vør de Satelper,  
 Wat utgesöchte Waar un rech bi Fleeſch.  
 Jan Ole, seggt man, un de Nassbas hebbt  
 Kein geben laten slank weg wat man förder,  
 Un baar betalt in nie Lujedor,  
 Na Frankrif, seggt man, — wat de wedder vør hebbt  
 De Döwels Kerls! — Seht man, dar kumt en Snor!  
 Is't nich en Staat? Un dar de Appelbrun  
 Mit witte Værſöt is Klas Mumsen sin.  
 Dar geit he hin! De süht sin Stall nich wedder! —  
 Hurrjeh! Jan Peters mit en nien Wagen!  
 Dat maht Ambrasche! brun ladeert! op Feddern!  
 Ein Antje pußt umfunst ni ute Kapp  
 Un süht sik um, ob Bredstedt er ok wis ward.  
 De kumt nu alke Sünndag mal vør Dær,  
 Ward afwiſcht un vun Antjemöhm bewunnert  
 Un wedder todeckt op de Grotendel.  
 Wer wahr't de hett wat! Keem doch fröher Tid  
 Jan Peters hier Sünnaabends mit de Schuskar  
 Mit Bessens rin, und Antje schor em na.  
 Nu is de nette Wittenhof er egen  
 Un Antje fahrt inn Fedderwagen rut.  
 Och! Schweringsche hett sik Begen koft!  
 Wa schrigt de Beester! un wa treckt de Olsche!  
 Un vør un achter schrigt de Junges mit.

Satelper Reitpferde. Jan Ole und die Nassbas bekannte  
 Pierdehändler. Ambrasche, Ambraasche Aufsehen, wohl aus franz.  
 embarras Bewildung, Verlegenheit. ute Kapp puſten aus der Haut  
 blasen d. i. wichtig thun. wis ward gewahr wird. Grotendel  
 die große Diele, Dreschdiele. Schuskar Schießfarr. Bessens Besen.



Wat? süh mal! heet dat, wat kumt dar denn rop,  
 Dat allens anne Siden flücht un löppt,  
 Sogar de Regen mit ol Seweringsche?  
 Is't mægli, seggt, is dat ni Jan vun Haarlem  
 Bun Süderwischen? kumt de noch to Mark?  
 De Swarten sünd dat! und de Wiener Wagen!  
 De dampft je rop, as schulln se wat belopen —  
 Dweer æwer — umme Mark — wul na den Doctor?  
 Un Alle keken lankhals achterna.  
 „Sin Swarten sünd dat,“ seggt de Fohrmann Krach,  
 De mant de Gäst in Regenmantel seet,  
 De Reemstok fat — he spel vundag' de Rostkamm.  
 He koff am leefften jümmer'n beten „Kaaß“  
 Un „engelsch Blot“ — natürlich, wenn't to Fahren.  
 De Kröger sä, he koff dat engelsch Lebber,  
 Un fürch ni Kropp, noch Spatt, blot freten Feuer,  
 Wo man de Hawer hölpt un nich de Putsch.  
 De weer, as man den raschen Wagen hbr,  
 As vun en Trummel wul en ol Soldat,  
 Opstan, un keek mit Kennermien hinut.  
 Sin Swarten sünd dat, seggt he, dat is Kaaß,  
 Dats engelsch Blot, dat sünd en Paar to draben,  
 Un de se ünnert Leid hett is en Fohrmann!  
 Dat kann Niems wen as Jan vun Haarlem füllst. —  
 Un de Gesichter drückt sik anne Ruten.

dweer æwer. achterna hinterher. de Reemstok fat den Riemen-  
 stoc gefaßt. Kropp Drüsen geschwulst am Halse des Pferdes. Spatt  
 Lähmung der Hinterfüße des Pferdes durch Knochengeschwulst. freten  
 Feuer Fressfieber. Leid Zügel, Leitzeil. Niems niemand. Ruten  
 Rutenstreichen.

Schull he? seggt do de lüttje Apotheker,  
 It heff man hört, he kumt je nie na Bredsted,  
 Nicht to Commun, to Bosheln, noch to Karf.  
 Sietdem ik hier bün, nu al æwern Jahr,  
 Heff ik em noch ni mit min Dgen sehn,  
 Un heff man hört, he's gänzli minschenschu.

He is dat, seggt Behann do vunne Trepp —  
 De in en Paus' mitünner twischen't Danzen  
 Bun'n Pefel 'n beten rinstipp inne Dörnsch,  
 Um mit en Gluck den Stuff sik dal to spölen.  
 Et gau mal mit sin knipi lütten Dgen  
 Op't Rum to sehn, ob wat Besunners los weer —  
 He is't! He fahrt man blot mal um den Karthof,  
 Wo dar sin Fru liggt un Mariken Wewers,  
 — Lütt Wewers Dochter, vun den Dreed'splatz —  
 He kumt hier in den Dgenblick torügg.  
 Dat litt em ünnerwilen nich to Hus —  
 Sett he hinto, as sä he en Geheemnis,  
 Un seeg op den Apotheker mit en Mien  
 De seggn un don schull: so's de Sak wul klar?  
 So is se! Un he nüß Perzepter to.  
 Weer dat denn so? Un dit dat Wort vör't Räthsel?  
 Wat treckt de Lüüd denn, dat se inwig ut sitt,  
 De Lüfings mit er bleken dree Gesichter,  
 Rothbackte Mädens, hizi vun den Danz,  
 De hoch de Boffen geit un lud de Nthen? . . .

Schull he Sollte er? Commun Commüneversammlung. bosheln  
 wetterfen. Pefel Hinterstube, Saal. Dörnsch Behnstube.  
 knipi gekniffen, klein. op't Rum sehn umher, überall hinschauen.

En Wagen kumt dar mit twee swarte Per,  
 Dar sitt en Mann op inne besten Jahren,  
 Dat jagt vœrœwer in en Ogenblick,  
 In Schum de Per, nûl sitt de grote Minsch,  
 De Wagen rasselt, Fûr slüggt ute Steen,  
 Noch hört man't schalln, un inne Feern verswindt dat,  
 Un still de Schummern slutt sik achtertō.  
 Dat weer dat all.

Un dochē, weer vellicht  
 Een binn' de Mûr dar ûnnern Lifensteen  
 De Karthofspōrt herut, de Strat hendalkam,  
 De man sit Jahren nich opt Markt mehr sehn —  
 Dat harr nich stiller warrn kunnt inne Dœrnsh,  
 Wo Junk und Old in Freid un Wermoth  
 Noch eben lusti mank enanner snacken. —

Dat litt em ûnnerwilen nich to Hus —

nûl vornübergebuagt.      Dat litt em ûnnerwilen nich to  
 Hus. So leidet ihn mitunter nicht zu Hause.

II.

Süderwisch.

Wo't rechts hindal geit na de nie Krog,  
 Bun Brællum dal, wo man de lüttje Kart  
 Ganz eensam liggn lett medden op de Heid,  
 Ni Busch noch Bom darbi, ni Hof nog Krog,  
 Natt is de Mur un kal de Eikensteens,  
 Hoch gegen Heben rectt de Klockenstohl,  
 Man süht hindær un süht de Klocken hangn,  
 As hungn se dar en Spillwart vør den Wind:  
 Dar drippt man, ehr man dal kumt na de Döf',  
 En Stunn Wegs af, man süht de Kart noch eben,  
 En groten Burhof medden as int Gras.  
 De Wischen ligt dervør un Wischen achter  
 Un oppe Wurth de Haubarg un de Schün.  
 En Klufter hoge Eschen stat der rum,  
 Scharp æwerbögt un oppugt vun't Norwest.  
 As vun en Lunscheer, nich vun Wind un Wedder,  
 En Strohdien Winters kann ni runner laten —

Krog durch Eindeichung dem Meere abgewonnenes Neuland. Döf  
 Niederung, Wiese. Wurth Werst, Erhöhung für das Wohnhaus, das  
 in Gildershausen Haubarg, Heuberg genannt wird, und die sonstigen Wirth-  
 schaftsgebäude. Klufter Haufe, Büschel, Gruppe. Strohdien  
 Strohhaufen.

So tekent sik dat gegen' Abendhimmel  
As en Gewülf, un wit derachter hin,  
Platt as en Teller, liggt de flacke Marsch,  
Bestreut mit Hüser, hier un dar mit Böm,  
Un an de Kimming, as en blanken Ström,  
Bald grau, bald fültern blinkert dar de See.

De Porten hangt in grote Grausteenjulen,  
De Wurth is infat mit en brede Graft,  
De Hunn de bellt — dar slüggt mit Larm un Schracheln  
En Schof vun Heistern ut de Eschenböm:  
Dat's Süderwisch, as't schreben steit int Erdbot,  
Mank Lüden awer seggt man Heisterkrog.

Dat weer vör Jahren, in de Russentid,  
Do war de Koog hier indikt achter Breßlum.  
Wo um de Hær nu fette Ossen graß,  
De Klewer wöhlt un Værjårstiden Rappsat,  
Wo Summers Weten steit so dicht as Dutteln  
Inn Mæhlendik, un as dat Keth so hoch,  
— Dat mutt keen Snieder wæn de nich de Ahren,  
Dick as de Kattkül'n ævern Kopp tosam nimmt —:  
Weer dotomalen Wattenland un Prülen.

Gewülf Gewölbe. Kimming Horizont. Ström Striemen,  
Streifen. Grausteenful Granitsäule. Graft, Graft Graben um  
Geböht. schracheln lachen, kreischen. Schof pl. Schoben Bündel,  
Haufe. Heister Elster. indikt eingedeicht. Hær Höfe. Klewer  
Klee. wöhlen wählen, im Winde wogen. Weten Weizen. Dut-  
teln Binjen. Keth Ried, Schilfrohr. Kattkül'n Teichsolben, typha.  
Watt pl. Watten die von der Fluth bespülten Schlid- und Sandbänke an  
der Nordseeküste. Prülen Wasserläufe an den Watten und Außendeichen.

Dat gev in Summer Weid vör wülke Schap,  
 De inne Flot mit sinner mit den Schæper  
 Tohopen kraueln op den höchsten Rem,  
 Wit af vun Minschen, rund herum dat Water —  
 De Hundsknüll heet de Rem noch oppe Kart,  
 Doch steit dar nu een Burhof bi de anner.  
 Inn Winter, wenn de Knüll de Schap verdröben,  
 Wenn't Water pallsch bet æwern Butendil,  
 Wenn dar in Schum un Slick de Regenwülpen  
 Stint fischen, wo des Summers Lurken sungn:  
 Denn dufen, statt de Schap, de glatten Köpp  
 Vun Seehunn op un glupen vun den Queller  
 Nischieri her as na de Minschenkinner,  
 De stunn un wisen vun den Dik hinut  
 Un sän: dar speelt de Saalhunn oppen Knüll!

Vör Frunslied gev dat Winters wat to snacken.  
 Wenn't düster war un't Haf an't Brusen weer,  
 So hörn se dumpe Stimm, un Ween'n un Klagen,  
 Un Klostentlang as bi en Kistentog —  
 Un rop na Bröskum trock dat na de Kart.  
 Bi Maanschin weer't as Danzen un Gelagg,  
 Wenn man op Nawern abends mit sin Spinnrad

wülke welsche, einige. tohopen kraueln zusammen krabbeln,  
 triechen. Rem Riemen, Streifen Land. Knüll Grasplatz, hoch-  
 gelegenes Landstück, wellenförmige Bodenerhebung. pallschen platzen,  
 plätschern. Butendil Außendeich. Regenwülp Regenpfeifer.  
 glupen lauernnd blicken. Queller Außendeichseifel; die Schlickpflanze  
 auf den Wattendünen über der Fluth *salicornia herbacea*. nischieri  
 neugierig. Saalhunn Seehunde. Haf die See an der Küste.  
 Kistentog Reichenjug. op Nawern auf Nachbarschaft'gehen, zum  
 Plaudern.

Den Dif entlant muß un de Waggen seeg :  
 Wul schudri nog, of wenn man't jüs ni löv.  
 Dat gev Geschichten vun verdrunken Minschen,  
 De inne See ni starben un ni leben  
 Vær Sehnsucht oder wat se leeg opt Hart,  
 Un se herut loß an de Lust der baben,  
 Um Hölp to söken bi en Minschenkind.  
 Dat gev Geschichten vun den Watermann,  
 De sit sin Leefste halt harr in de Deepde.  
 Dar harr se bi em hus't an saßen Jahr,  
 Un saßen Kinner harr se, smuck as Engeln,  
 Doch jümmer weer er Hart as vuller Thran,  
 Un't Lengn na baben na er Speßkamraden,  
 Na Minschenstimm, na Bader un na Moder,  
 Na Sünn un Blöm so æwermächti grot,  
 Dat se em be, er mal herut to laten,  
 Un kost dat of dat Leben vun er Kinner,  
 Un weer't man, wenn der Karf in' Brëßlum weer,  
 Enmal Herr Paster mit de Lüd to sehn,  
 De dær de Heiloh gingn in Sünndagsstat,  
 De Kloden mal to hörn hindal vun Brëßlum!

Ja menni Ole wuß noch mehr dervun,  
 De wuß er Nam, er Baders Hus un Stell,  
 Un wa dat all verdrunken un versunken.

Doch weer't of man Bertelln ut ole Tid :  
 Dar leeg so menni Schipper oppen Grund,  
 So menni Ridom, Aron un Thron to söpen,

So menni arme Strand- un Barnsteensäter,  
Oft utgan mit en wunnerli Geföhl,  
As harr en Stimm em ropen un he muß,  
Un weer nich wedderkam to Fru un Rinner.

Dat Blot dat fruppt, so seggt man, un weer weet denn,  
Ob't nich of Stimm gift vör dat Minschenhart?

Doch wo en Knüll der so ut Water duft,  
As hier de Hundsknüll fröher vör de Watten,  
De sik mit Gras bewurtelt, wo de Queller  
Den fetten Slick torügggholst inne Ebb:  
Dat süht keen echten Fies', wenn he der wannert,  
So denkt he staats an Doden un Gespenster,  
An Leben, Wirken, an en grönen Koog,  
An Dik un Damm de See dat af to dwingn,  
De jümmer gift, un jümmer wedder nimmt  
Wenn he ni oppast oder sik verressent,  
De Dörper hett verslungn mit Minsch un Beh,  
Mit Kart un Karthof un mit Klock un Thorn,  
Un de den Borrn doch bu't hett, wo he sei't,  
Un aarnt un Hof un Hus holst achtern Dik.  
He slöppt wo fröher wild de Waggen gingen,  
Un Schep deræwer weg mit vulle Eggeln.  
Dat Land is sin, he hett sik dat erobert.  
Un as en Fiescher lurt bi Rett un Angel  
Sin Fang to maken, lurt he op den Grund,  
Un nimmt de See af wat he frigen kann.

frupen friechen.

sein säen.



Dat weer berédt, berékt un betekent.  
 Inn hogen Fröhjahr keem der dufend Difer  
 Mit dufend Schuftarn ut de Mefelnborg  
 Un fungn en lusti graben an un feiern.  
 As man de Gös' süht wannern, een na een,  
 Fröh mit de Furken, as de Mirreems ötern,  
 Süht man de Keegen op den Hundentnüll  
 Den langen Dag bet in de late Nacht  
 Torügg un vörwärts treden, op un af,  
 Un wo se tredt, dar waßt dat as en Hus,  
 Un as es Schün, un as en Tegelschur,  
 Un as en Reperbahn, un jümmer länger  
 Waßt Toll bi Toll de Dik un slutt de Brilen.

In Teltén geit dat lusti as opt Jahrmark.  
 Wo sunst de Seehunn glupen na de Wall,  
 Dar stat de Beertünn un de Brannwínschenten,  
 Dar stat de Díschen, fastrammt inne Ser,  
 Dar itt un drinkt un slöppt dat Arbeitsvolf,  
 Un eben achter brust noch oft dat Haf.  
 Man kennt sin Rücken, man mutt dat beslíken  
 In de Tid noch de Hatbar kumt un tosfüht  
 Un in de Tümpeln Duts un Foggen fangt.  
 So lang de Kiwitt argerli un flüchti  
 Un't Mínschenvolf herumshellt ut de Lust,  
 De hier em opstórt in sin Lustrevier.

feiern larren.	Gös pl. Gös' Band.	Durt Verche.
Mirreem Ameise.	ötern emüg.	lat spät.
Tegelschur Ziegel-		
schuppen.	Reperbahn Seilerbahn.	Toll Zoll.
Telt Zelt.		
Rücken Raunen, Rücken.	Tümpel Wasserloch.	Duts Kröte.

Mit em de Spreen, de slink in ganze Schoben  
Int Gras spazeert un sökt, as geef dat Parlen.

Wer paßt darop? Wer waßt wenn alle slapt?  
Dar geit so Een, en Mann in grote Steweln,  
De rum wadt mit de Hatbar inne Wett.  
Dat's Een vun de mit Rittlig un Octanten,  
De Baken utstekt un dært Fernrohr kist,  
Mit Reeden met, de tekent un berkent  
Int Taschenbok — merrn op dat wide Feld —  
So as Hans Mommsen weer ut Fahretoft  
Un Annre de de Freesch mit Ehren nömt.  
De kist na Wedderfahn un Wedderglas,  
Na Maan un Steern, un kennt as de Kalenner  
De Flot un de Getiden oppen Brick.  
De süht man wannern na de Watten rut  
Bi holle Ebb mit Schecht un Kluwerstaken,  
De seht den Dik na bi en hoge Flot,  
Wa't Water anschælt un sik æwersmitt,  
Un dat he richti as en Rarkendack  
Schreeg fällt, un glatt mit Soden as behæwelt.

Un iwri geit de Arbeit Toll vær Toll,  
Un waßt de lange Wall vun beide Enn

Sprees Staar.  
Wasser für die Untiefen.  
f. Claus Harmé' Onomon.  
Kluwerstaken Springfange.  
behebelt.

Rittlig Reijzeug.  
Brick Punkt.  
Schecht Schaft, Ruthe.  
anschælen anspülen.

Bate Zeichen im  
Ueber Hans Mommsen  
Kluwer,  
behebelt

Sit jümmer neger, bet't man as en Dor  
 Darwischen schint, wo noch dat Water schimmert.  
 Nu hölp uns Herrgott! Dat's de schlimmste Enn,  
 De lettste, un de Hatbar is al fort!  
 Doch wenn de of sik todeit — Klar um Klar vull —  
 Un ropper stiggt, denn geit dat as en Fest,  
 Dat Hurah nimmt keen Enn bi Dag un Nacht,  
 — De Mann mit't Fernrohr jümmer still darbi, —  
 Un endli steit der bi de eerste Springslot  
 Wat Ogen hett un süht de See sik bröken,  
 De mähti ankumt den bekannten Weg,  
 Un mal versöcht mit Macht hindær to bröken,  
 De Waggen opsmitt, dat dat schumt un brust —  
 Un denn den Minschen lett wat he erobert.  
 De Koog is klar. —

Nu ward dat wedder still,  
 Ja stiller noch un wöster as tovær.  
 De Schap sünd dar verdröben un de Seehunn,  
 Dat Bagelwart mit sams de Arbeitslud,  
 Un witaß blinkt de See un treckt de Schep,  
 Un Ebb un Flot blüfft achtern Butendik,  
 Bet wedder Minschen kamt mit Hack un Spaden,  
 De Gröben kleit un Watersielen leggt,  
 De Tümpels todämnt un de Wirthen opsmitt,  
 Un endli Plog un Egg, as seker Teken,  
 Dat nu de Minsch hier künftighin regeert,

sik todeit sich guttut, schließt.  
 Gröben kleien Gräben graben.

Klar Klarre.  
 Teken Zeichen.

blüfft bleibt.

Langsam er Spor treckt langs de nien Jennen,  
Un plant un sei't ward un Gebäuden opricht.

De nie Koog bi Brékum leeg noch wöst,  
Towöhlst, torçten hier un dar de Grasnarr.  
Man ging wul Sünndags langs den nien Dik,  
Een un de Anner, mal dat Wark to sehn,  
De Pläg un Wurthen, wo de Telten stunn,  
Un wo de Sodens gravt weern to'n Besetten.  
Sunst want dar wekenlant keen Minschenfeel.

In disse Tid, 't much of en Sünndag wên,  
Keem mal dar nachstens Böd an vun en Schipp,  
Wat buten liggn blev vœr de Rorder Piep,  
Op hoge See, in Maanschîn, ünner Segel.  
De Rorder Piep herinner keem de Böd,  
Un slängeln sik, as weern se wul bekannt,  
Umt dröge Hörn, un mant de Platen dœr,  
Den Bril herop bet an den Hundentknüll,  
Mit smerte Keems, so sacht, as weern se Smugglers.  
Se lê'n sik achter'n Dik un stegen ut,  
En süß, acht Mann, un fungn dar an to graben,  
Un wöhl'n, un klei'n, un dreggen æwer Dik, —  
Un lifen wedder steken se in See.  
Den annern Morgen weern se mit de Flot  
Mit Schipp un Böd verschwunn as Dak un Newel.

Jen ne mit Gräben umzogenes Landstück.	to wöhlst, torçten
zerwühlt, zerrissen.	Rorder Piep eine Einfahrt ins Land hinein.
Hörn Winkel, Ecke.	Platen Fleck, Plag, Untiefe.
geschmierte Ruder.	lê'n legten.
	Dak Rebel, Dunst.

Wat harrn se maht? Dar lepen Wülfe rut  
Um na to sehn. Vellicht en Lef begraben?  
Doch nicht! En Voet weer hier un dar, se harrn  
De Narv affschælt un rum wöhlt innen Klei,  
As harrn se söcht na Gold un Kostbarkeiten.  
Dat Schipp, so heet dat, weer en hollandsch Smad,  
Weer süden gan, de Hever Hallig to.

As nu de nie Dit sit lagert harr  
Un Prov bestan in Winterstorm un Isgang,  
Do gung de Naricht in Avisen um  
Un war bekannt maht inne Krög' un Karten:  
De nie Koog bi Brestlum stunn to Koop,  
Parcelenwis' vun so un so vel Demat,  
Utgiftensfri, köpli op apen Bolen,  
De Toslagg glif, bi Börgschop oder baar.

Na denn, wat nu daran grenz mit sin Hof,  
Wat æwerflöi Geld harr mank de Buern,  
Wat drifti weer un wull wat Ries versöken,  
Wat Junges harr, un er keen Hof to geben:  
Dat maht sit op na Bredstedt oppen Koop.

Sieh an! Do tree der mank de freeschen Buern,  
Mank all de Mummfens, Söntfens un de Harrings,  
De kann weern to'n Verkoop as to'n Verdeelen,

Smad kleines Schiff. Hever, de Heverstrom der Wasserlauf  
der Westsee an der eiderstädtischen Küste. Demat Landmaß, etwa ein  
Morgen. uitgiftensfri abgabenfrei. op apen Bolen auf  
öffentlicher Auction.

All eenig, wat to hebbn un wat to geben,  
 De Freesch besproken un op Plattdütsch boden —  
 Dar tre Gen twischen, un bet an den Disch,  
 De bo op Freesch, wat utlandsch inne Sprak.  
 Müms kenn em, un de Mummsens un de Harrings  
 De treden forßer rann un boden höger,  
 Of Freesch, dat goll de eerste Plaats inn Roog, .  
 Dicht westen dalwärts vunne Karf in Breßlum,  
 Den harrn se as er egen längst betracht.  
 En Mummsens Sæhn de kreeg en Harrings Dochter  
 Un schull en Hof hebbn dicht an Baders Hof,  
 De Pris weer fast sett vær „Nie-Süderwisch“.  
 Dat hölp man nix, de Fremde drev se rop,  
 As acht he gar keen Geld, un kenn keen Emm:  
 He wull den Placken hebbn, un kreeg em et.  
 Un as he fragt war na sin Nam un Börgschop,  
 Do neem he'n lütt Notizbok ut sin Tasch  
 Un wülf Papiereen ut dat lüttje Bok  
 Un sä: Dat Geld is hier in gude Wessels  
 Op Amsterdam, min Nam ist Rip van Haarlem.  
 So! Dat weer he! un Alle wussen't nu.  
 He weer dat west vært Jahr un harr't besehn,  
 Weer heemli kam, un harr bi Nacht un Newel  
 To Schipp sit Proben halt vun Ger un Boorn,  
 Un dar to Hus opp Kappsaat sei't un Weten,  
 De kenn't! Dat weern de Freeschen vun de Maas,  
 Vun Bliesen, Leiden un de Suidersee,

De harrn wi al op Strand un op Bellworm,  
De kofsten Grund un Borrn as Slachters Speck,  
— All as se fett, so harr de Waar en Pris — :  
Ostfreefche nömt dat Volk se an de Eider.

Dat weer de Mann, de bald dat graben lei',  
Wat los ging op den Placken westen Breßlum.  
Dar war en Wurth opsmeten mit en Graß,  
En Platz affteken to en Appelhof,  
Böm warn der plant, en Holt vun slanke Eschen,  
Nu hoch opschaten na en dörtig Jahr,  
Hoch æwer Hus un Schün, de domals bu't warn,  
Un vull vun Heisters, de der nest't un telt  
In ganzen Schoben, de der lacht un schrachelt —  
„Mein Herters“ as ol Rip van Haarlem seggt . . . .  
Dar kunn he morgens, sän de Knechtens, stan,  
Un smök sin kalten Pip un kiken rop,  
As keek he na sin Duben, na „mein Herters“,  
Wa se dar schracheln in de hogen Böm,  
As snacken se en Sprak de he verstunn,  
De wul torügg reck in en anner Tid,  
Wo't nich so eenfam weer, wo lewe Minschen  
Noch Stimme un Ton harrn, Modersprok noch schall,  
As nu de Herters op den Heisterfrog.

Strand Insel Nordstrand.  
Obstgarten. dörtig dreißig.  
vom Federvieh.

lei' leitete. Appelhof  
töten zeugen, erzeugen, namentlich

### III.

#### Op den Hof.

Dar wuß en Jung op op den Heisterkog,  
En eenzig Sæhn — Jehann van Haarlem weer dat.

„Sæhn, seeg mal wat de Knechts bi't Blögen mast,  
Mi dünk, se kamt ni wider as se sünd,  
Se schüllt sik spoden, segg! Ga, nimm en Klüwer!“

Dar geit de Jung al mit en Klüwerstod  
De Fenn entlanf. Dar springt he æwer'n Graben.  
En lütten Purks noch, awer stark un smidi.

He richt sin Warf ut. Doch de Knechts vertreckt em:  
De lütt Mynheer! en aller Düwels Kerl!  
Snacht rein vernünfftig as en olen Bukecht  
Bun Dagward un vun Per- un Minschenkraft,  
Bun Saat un Brak — un darbi gat sin Ogen,  
Twee rechte Jungesogen, brun un hell,

se schüllt sik spoden sie sollen sich beeilen. Purks Knirps.  
smidi geschmeidig, gewandt. he richt sin Warf ut er richtete seinen  
Auftrag aus. Bukecht Oberknecht.



Na jeden Bagel de de Plogfohr pidd,  
 Un seht er Nesten, wo keen Zit se findt.  
 Hann inne Tasch, de Taschen vull vun Löpers,  
 Bun Pipenstengeln, grote Mullerbassen,  
 Knappbüßsen, Wassersprütten, Küßels —  
 Un as he umwendt, spelt he as en Kind.  
 Bi't Hus eerst kumt he stramm, as vun't Geschäft,  
 Un giff Bericht, wa't steit mit Lüd un Arbeit  
 — De Ol is streng! — Oft mutt he wedder los,  
 Bellicht na't Junkveh na de letzten Wischen,  
 Bellicht na Ziel un Klüßen oppen Dik:  
 He schont em nicht. Dat kann int dullste Wedder  
 Em infalln, dat he röppt: Söhn, seggt he, Jan,  
 Du kunnst wol hiit to Per mal rop na Husum.  
 Hör di ins um na Saat- un Wetenpris!  
 Dar kumt keen Naricht, kumt keen lumpen Mätler,  
 De sunst de Dær Een dal lopt, un de Klüßen  
 Een opschürt mit er Krazföt. Hör mal to!  
 Dat's je'n Pläseerritt! — Ki bi Dreesen vœr,  
 Bestell uns wülke Bred un starke Eeten  
 To't Schur! Nimm foorts en Telt, dat is dat billigst.  
 Frag' Antje, ob se Thee un Kaffe hett,  
 Sunst ga bi'n Krammer vœr un bring wat mit!  
 Geld heft je wol? — Ja, heet dat, un de Penje

Plogfohr	Pflugfurche.	Zit	Zit.	Löper	Kugel aus
Ihen.	Pipenstengel	Stüde	von Ihenpfählen.	Mullerbassen	
Knallfugeln,	größere Ihenfugeln.	Knappbüßen	Knallbüchsen.		
Küßel	Kreisel.	Eleet	gespaltne junge Baumsämme,	rohe Stangen.	
jeerts	seiert.	Telt	Zelt,	zwölf	Bretter.

Ward satelt, Krempersjeweln kamt der an,  
De Pudelmütz — un Antje süht em na  
Un schütt den Kopp: Wenn doch de Moder lev!  
Dat is ni gut, de Jung de is to lütt,  
Dat gift einmal en Unglück wenn he grot is!

Doch ritt de lustig in dat Wedder rin.  
In Husum bi de Weerthsfru David Davids  
Dar is he sülb en David, Sohn to Hus,  
Sitt bræsi achtern Disch un lett sik plegen,  
Sprickt mit de Knechten as en Königskind,  
Ward Herr un Mynherr nömt un Musche Zan,  
Vertehrt dar Geld, is slau op sin Geschäft,  
Un spelt dennößen Daben mit de Junges,  
De bald herut hebbt wenn Zan Haarlem kumt,  
De Tasch vull Pöpers un de Pas' vull Schillings.  
Doch sorgt Fru Davids wenn he riden mutt,  
Un rechter Tiden is Jehann ant Hus.

Dat weer der hægli sunst op Heisterkrog.  
En groten Spelplat un en Sitz vør Dær,  
— De Dær mit Offenogen, blank, ut Mischen  
De Finstertrallen un de sware Drucker —  
En Speluhr op de Døl, wo man herin tre,  
Un rechts un links twee Schappen as twee Hüser,  
So grot, vun Ekenholt un vull Figuren,  
Mit Stöhl to Sit, man kunn der sitten gau.

bræsi sed.  
fröblich, lustig.  
syroffen.

dennößen hernaeh.  
Mischen Messing.  
Schapp Schrank.

daben toben.  
Finstertrallen Fenster-

Un menni Lüttmann seet un töv dar, schüchtern  
 Vær all de Kennlichkeit un Öllerdom,  
 Wo Steweln vull vun Klei so wenig passen,  
 As se man Sünndags passen inne Mark. —  
 Grot weern de Stuben, utleggt mit Paneel  
 Un blau un witte Klinkers, maht in Holland.  
 Dar sat keen Stuff op un keen Fuchtigkeit,  
 De sünd so blank as eben wuschen Tassen, —  
 Mit ebn son Viller: Krebbsen, Krokodiln,  
 Chinesche Tempeln, Lüüd mit Sinnenschirms,  
 Schep inne See un Windmæln oppen Lann —  
 Vær Old un Junk mitünner ton Betrachten.  
 Un wat vern Uwerfloth an Vær- un Umhang',  
 — All witt as Snee un as de Heben blau —  
 Um all de Finstern un de Himmelbetten!

Ja, hægli weer dat! Un Johann de sleep,  
 Nadem em Antje plegt harr, in de Klüssens  
 Vun Eiderdun, as man en Königskind,  
 Set of un drunk des Morgens as en Prinzen  
 Un ley of sunst sin Leben as en Prinz.  
 Nix meer der wat he wiinsch, he kunn dat kriegen,  
 Wat't kosten de dar frag ol Rip ni na.  
 He harr de smucksten Duben duzendwif',  
 He harr Kaninken, — Rabbets sä de Ole —  
 He harr en Ponje un en lütten Wagen,  
 He harr en Klütermarksted, as en Discher,

Lüttmann kleiner, geringer Mann. töv wartete.  
 Alterthümlichkeit. Klei fette schwere Marscherde.  
 Holzetäfel.

Öllerdom  
 Paneel

Mit Hæwelbank un Dreierigeschirr.

Se bu sit Schepen, Wind- un Watermælen —  
 En ol Gefell, half Timmermann, half Maler,  
 Baas Janzen — as he heet op Süderwisch,  
 En „Groening“ vun Geburt, un half Franzos,  
 Utwannert mal to Schep, as't leet na Java,  
 Mal vun Vermögen, nu verarmt, verdröben,  
 En hollandsch Brack, bi Haarlems op den Strand,  
 Rich los to warren: de hölp em bi sin Buden,  
 Lehr em wat teken un dat Rittig brufen.  
 Sogar en Stampmæl war en Winter timmert  
 Na alle Regeln as en „Widemoel“,  
 En „Achtkant“ mit en „Zwidstfell“ un en Nam  
 Vær anne Rapp, se nömn se „Het Genoegen“.

Un doch en weer't to eenfam vør den Jung,  
 Sins Eifen sehn em, rechte Spelsamraden.  
 De Butnecht harr en Sæhn, de weer to blöd,  
 Dar ging Jehann mit um as mit sin Pudel.  
 Wenn de herin keem op de schrubbte Del,  
 So reep sin Papagei ut't mischen Bur:  
 „Herr spreken, Hans?“ Un Hans greep na de Müß,  
 Un Jan stunn achter't Schapp to grin un lachen!  
 Denn muß he mit, as Pansa mit sin Herrn,  
 Un spelen un don as na Jehann sin Infall.

Dreieri Drechslerei.	Buden Bauten.	Widemoel holländi-
scher Name für eine Art Mühlen.	Zwidstfell Balkon um die Mühle.	
Het Genoegen holl. das Vergnügen.	sin Eifen seines Gleichen.	
schrubben scheuern, mit Wasser büßten.	grin lautlos lachen.	

In Summer weern se ganze Dagen ut,  
 Dat kunn se don, dar harr ol Nip nix gegen.  
 Un wat vœr'n Festsdag is son Summerdag  
 Vœr Junges, inne Friheit, inne Marsch!  
 Doch hört der'n Marschkind to dat to begripen.  
 Dar reedt de Himmel würtlích rund herum  
 Bet anne Eer, de Eer bet an den Himmel,  
 De grot un blau dat gröne Gras bedeckt,  
 Mit Wulken, as man nargends Wulken süht.  
 Wa glídt se hin! Un dochen jagt ęr Schatten  
 Yang't helle Klappsaatsfeld, as jag de Nacht  
 Un flúch síf æwer Land — so flúggt keen Bagel!  
 Hier driipt se her! — dar geit se æwerhin! —  
 Doch rôhrt keen Salm síf, kumt ni Luft noch Ton,  
 Un golden glängt de Klappsaat as tovar.  
 Blot as en lüttje Kôhlen achterna  
 Kumt en Geruch, half Blom un half as Hônning —  
 De Falen stat un snubbert umme Hôch.

So is de Sünndagsantog vun de Marsch.  
 De durt ni lang, doch is't of ahn síns Lîken,  
 Un wer der kumt, un kumt ni as to Klarf,  
 De findt uns Herrgott nargends, noch sín Finger.  
 De Lurken singt, man meent dat is en Chor,  
 Sogar son Junges hört dat mit Verwunnern.  
 Een na de anner stiegt se inne Luft  
 Un singt un stiegt un flattert jümmer hœger.

Kôhlen Kûhle.

Hônning Honig.

Un drömiger un sachter ward de Ton,  
 Tolegt, mit lange Pausen, blot en Zwitschern —  
 Un daltwärts kumt de Sängter möd to Nest:  
 Doch ann're stiegt to höch un löst em af.

Hier mutt man Kiwitt oder Kufuf hörn,  
 So lövt man, dat bedü wat, wat se repen,  
 Un much mit fragen:

Kufuf ünnern Hēben,  
 Wa lang schall ik leben?

Dar treckt na'u baben rop de Himmelsgeiß,  
 „Harm Wewers Zittbuck“, as dat Volk se nömt,  
 Inn groten Krint, as gung dat steil bargan,  
 Un se muß stāhn' bi jeden Flünkenslag:  
 Man süht er na, as seeg man na en Pil,  
 Bet se de witten Wulken rekt dār baben.  
 Mit eenmal jagt se as en Drak hendal,  
 Un brummt en Ton, as schütt se sik vār Lachen,  
 Een dicht verbi, se süht Een inne Dgen,  
 Un wedder opwärts inne blaue Luft.

Noch höher kann man wol de Hatbarn sehn,  
 As gingn se an en Faden um en Centrum  
 Un drog de Luft se langsam höher op.  
 Denn treckt der ünner weg, as slog en Kēd  
 Mit lose Enns, un infnickt vun de Fahrt,

drömig träumerisch, traumhaft.    bedü bedeute.    Himmelsgeiß  
 eine Art Beccassine, Schnepfe, Scolopax gallinago.    Zittbuck Ziegen-  
 bod.    Krint Kriis.    Drak Drache.

Bald fülwern un bald grau, lifan to See  
De wilden Gëf': man hört dat an den Ton,  
Dat klingt as ut de Welt dar buten vœr,  
As Wind un Wellen æwer Priel un Watten. —

Hier spēln de Jungs, hemdsmauden un barfot,  
Jehann as Herr, natürli, Hans as Slav.  
De muß to Gröv an un de Fleiten sni'n:  
Jehann seet oppe Kant un seeg em waden,  
As hör dat sik, wiß' an un cummandeer.  
Hans neem de willen Hummelnesten ut:  
Jan stunn affits, dat em de Im ni steken,  
Un sog de besten Hönnigfoten ut.  
Hans drog de Zaden, wenn dat wider gung,  
He söch de Worms un Pocken vœr de Angeln . . .

So spēln de Beiden moderseeln alleen.  
Ging mal en Minsch den Fotsstieg rop na Geest,  
Fahr der en Wagen — mægli rop na Husum:  
So weer't so wit, man hör vellight dat Klætern  
Un seeg wat treden baben't Korn herut,  
Doch stunn de jungen Per al all int Gras  
Hoch op de Knorn un mit de Nüstern apen  
Um to to kiken: wat der wull passeer!  
Un Hans un Jan de gruweln: ob dat Mummfens,  
Ob't Harrings weern? ob Sweetflüg? ob de Brun?  
Ob't wul en Wiener Wagen? na de Klang!  
Ob Jens de Fohrmann? na de Swep to reßen . .

lifan gerade hin. hemdsmauden in hemdsärmeln. Fleit Flöte,  
Pieße. sni'n schneiden. klætern klappern, rasseln. Rnor Rüdchel.

Un fischen gungn se wider ann Kanal.  
 Doch wenn se denn de lekten Wischen recken,  
 So loß se't rop, denn loß se't æwern Dif —  
 Un vull Bewunnern stunn se dar to fiken.  
 Ja, wat en Welt! Hier bet na'n Himmel — Water!  
 Op de Sit allens grön — op de Sit grau,  
 Blot as en Snor de smalle Dif dertwischen! . . . .

Jehann vertell: Ja, he wull Schipper warren!  
 So'n Schipp, as dar dat grote, wull he hebbn!  
 — He wiß' op een, dat langs te Rimming trock,  
 Mit alle Segeln op, as trock en Bagel  
 Opt Water lank, jüs op den scharpen Faden,  
 De't affnitt vun de blaue Luft deræwer —  
 Dat schull na de Ostinjen un na Java,  
 Un Hans schull mit — as Schipperjung, natürlich!  
 Dar wulln se fischen, wulln se Bageln fangn  
 Mit gollne Feddern, Krotovillen scheten,  
 Un wat se wulln — un wedder kamm mit Ritdom,  
 Mit swarte Minschen un mit witte Büxen!

So snack Jehann, un Hans de hör em to,  
 Un as in waken Drom, vœrlöpi beladen  
 Mit Scheerenfleiten un mit Wichelnstöcker  
 Un anner Ritdom vun de Sünndagsfahrt  
 To Büssen, Sprütten, Schep un Watermälen,

Scheerenfleit Kinderpfeife aus dem Stengel von *Anthriscus sil-*  
*vestris*, Kälbertropf. Wichelnstöcker Weidengerten.



Un alle Art vun Reitschop un Gebäuden,  
Ging't wedder langs dat Wischengras torügg  
Un op de Eschen to, de al den Schatten  
Lanf reckten na de Heid un Bredsted to.

Ol Rip dach anners as sin Sæhn Jehann.  
Wat he all sehn harr op de runne Welt,  
— He sä ni vcl — weer wul ni all wat Gudes.  
He wust, dat man to Schyp keen Bageln grippt  
Mit gollne Feddern, un keen Botterbageln.  
He kenn de See, de an de Planken schümt,  
Em harr de Stormwind um de Dünsen weicht,  
Stiif weer he west voer Küll un frant voer Hitten,  
Harr hungri slapen un harr waft voer Dörst —  
He harr dat dærmakt, meen he, voer sin Sæhn,  
Dat weer ni noth em of int Fjür to jagen,  
Darmit he nößen seggn kunn: dat weer hitt.  
Denn slimmer weern, as Protodiln, de Minschen,  
Un arger as de See weer noch de Welt.  
Dar jag man sik — blot dat man sik ni eet,  
Sunst weer't in Amsterdam as mank de Wilden,  
Un't Leben recht en Krieg um Geld un Brot.  
He harr je must! He harr sin besten Jahren  
In Larm verlarn. Doch harr he jümmer dacht  
An Köh und Ber un an en Placken Land  
Recht inne Eensamkeit, se dar to grasen.

Reitschop Geräthschaft. — Dünjen Schlafen.

He harr dat recht — vœr em binah to lat!  
 Un Eenſamkeit — vœr em binah to vel!  
 Un wenn he nu den langen Sünndag ünner  
 De hogen Eſchen, de he plant harr, ſeet,  
 Un hör ſin Hexters ut de Böm hendal:  
 So dach he an den Haag, wo ſe of bu'ten,  
 An Modersprat un Kinnerſpill un - Freuden,  
 Un ſä ſik: wat dat Glük vœr em nich dan,  
 Dat wull he don as Bader vœr ſin Kind,  
 De ſchull geneten wat he ſur verdeent,  
 Den Krieg umt Leben bruk de nich to ſechten  
 Un nich verleern de ſchöne Jugendtid.  
 Doch ſchull he of nich, as um Licht de Mücken,  
 Num ſwarm' un denn de Flunken ſik verbrenn,  
 Dat kenn he of, ol Rip, harr't nog erfahren  
 An alle Eken in de grote Welt  
 An Kop- un Popmans un an Fürſtenſinner,  
 Un wull, wat auing, möten an ſin egen.

So leet he Jan denn ſnaden as he much  
 Bun Schep un Schipperie un grote Reiſen:  
 He ſett to rechter Tid en Sticken vœr  
 Un heel em ſtramm an Arbeit un an Lehr.  
 En Marschbur ſchull he warn, un dat en rechten,  
 Dat, ſä ol Rip, dat weer, wenn æwerhaupt  
 En Stand dat Glük broch, wenigſtens de frieſte.

Nu muß Jehann denn ſliti mit to Feld,  
 Na't Arbeiden ſehn, na't Plögen, Klei'n un Sei'n,

Muß Meten, Riten lehren, Timmern un Buden,  
 All wat to brufen — as ol Rip dat kenn.  
 Of noch en beten mehr, as schribn un reken,  
 An fremde Sprachen — as he dat nich kenn  
 Un as em't fehlt harr op sin suren Weg.

Doch darbi harr he nu sin egen Grappen.  
 Um't Scholgahn gev he nich: weer Tid verdarben!  
 Wa kunn dat angahn: vœr en fœstbig Rœpp  
 Un mehr desilwe Hot? dat weer ni mœgli!  
 He kunn't betaln un heel en Mann alleen.

Dat gev denn oft en wunnerlige Lehr.  
 Mal weer't en Prœparand, de lesen kunn  
 Inn Katekismen, Bibel un Gesangboek  
 Ut luden Hals — doch mit de schreben Schrift  
 Weer't man wat zeitlich; weer en Sniders Soehn  
 Bunn Lann, weer gottesfœrchtig un verhungert,  
 De bald Jehann sin Spœlcamraden war  
 Un Tripp-trapp-trull drev inne Rekenstunn.

Bald weer't en ol verseten Candidat  
 Mit Pisen in't Gesicht und weni Haar,  
 De jûmmer, wenn ol Rip mal hordhen de,  
 Bi Typto Typteis weer — dat nôhm he Griechisch  
 Un Nachts Tûgnissen affschrev bagenwis',  
 Sit antomelln bi jede apen Stell  
 As Paster, Prester, Prœdiger, Perzepter  
 Bi jede lûtt Gemeen in jeden Winkel

zeitlich mittelmœssig, nicht sonderlich.  
 das Rûhlenspiel. Pisen Pusteln.

Tripp-trapp-trull

De gottövergeten weer, un weer't en Hallig.  
 Dat weer sit dörtig Jahren sin Geschäft —  
 Bet to umfunst. Doch lehr he nu intwischen  
 Of Fransch un Engelsch — wat he nich verstunn —  
 Mit sure Mög, un les as Hieroglyphen  
 En Inschrift op en Taß, as: don't forget me,  
 De Jan op Plattdütsch düd: Verget mi nich.

De Best weer noch Baas Janzen vör Jehann.  
 De kunn Französch as Unsereen sin Platt  
 Un hölp em fort to lesen un to spreken. —  
 So pik he doch sin Deel op hier un dar  
 Vun Wetenschap, lehr Rip sin Böker föhrn,  
 En Breef to schriben un en Bot to lesen,  
 Un denken æwer wat sin Dgen sehn.

Denn, as de Jung heranwux, schick de Ol  
 Em inne Wef en paar Mal rop na Bredsted  
 Na'n Paster, en besunnerligen Mann,  
 En heel gelehrten, æwer doch verstännig,  
 De Böker mit em les ganz wat Apartigs,  
 Un mit em sprok nich blot vun Gottes Wort.

Dar lehr he mit sin Perd an innen Krog,  
 Doch keem he of bi'n Hæker, bi de Dischers,  
 (De Rüfings Junges), bi Jan vunne Trepp,  
 Wo bald he leep as hör he dar to Hus,  
 — As junge Küd dat künnt — eerst in Geschäften.

Bald to'n Pläseer, as oppe Naverischop.  
 He seeg de Arbeit inne Warkst. an,  
 Dat much he geern. Wenn he vun buten keem,  
 So weer ein't dar so schatti un behagli  
 Un rüt so egen söt na faken Tim  
 Un streng na Rienholt, un de bleken Lüsings  
 Harn so wat Dufemangs, dat klung so heemli,  
 Besunners wenn Jehann dar vunne Trepp  
 Witbeentig op en nie behæwelt Brett  
 Figuren teek, nadenkli, mit en Nothstift,  
 Bun Driv- un Spillrad to'n Perpetuum,  
 Un Lüsings tosehn, Warktüg inne Hann.

Ot röhr sik wol en beten Eitelkeit,  
 Wenn Jan em mit neem na sin optreppt Hus  
 Un in sin Klüterstuv, wo dusend Saken  
 Herummer legen, em Modellen wif'  
 De gingen un klappern as to Hus sin Stampmæl,  
 Un em vertell: He war enmal de Mann,  
 He kreeg de Macht enmal dat ut to föhrn  
 Int Grot, in Stahl un Isen, as dat hör,  
 Un't war en Wunner warrn vœr Minschenogen.  
 Bærlöpi geef't al Wunner vœr Jehann:  
 He harr en Haspel in en Medizinglas,  
 Mit Garn derum, un mit en Proppen op,  
 Dat Spunt inwennig — vœr keen Minsch to æpen.  
 He harr en Wanduhr mit Figuren in,

so wat Dufemangs so etwas Keise. witbeentig mit gespreizten  
 Reinen. Driv- un Spillrad Treib- und Spindelrad. æpen öffen.

De keenn herut, en jede na er Stunn,  
 Un slog de Klock, so reep en holten Rufuf.  
 All sülsen bu't! Dat Loth gung bet den Keller,  
 Un opwunn war dat op den Bawerbæhn.  
 Nu sehl dat blot noch an't Perpetuum,  
 Of klar bet op en lüttje Klenigkeit. —

Doch dat Perpetuum wat jümmer löppt,  
 Ahn Fedder un Gewicht un ahne Räder —  
 De Tid — se ging indeß ern stillen Gang.  
 Ehr he dat dacht harr — as inn Tun en Eschen.  
 Dpschütt, mit eenmal is de Twieg en Bom —  
 So weer Jehann en Kerl mit brede Schullern,  
 Hoch wussen, stark, Herr æwer't dullste Perd,  
 En Rüter un en Fohrmann ahn fins Eifen, —  
 Un as he opschot, sack ol Rip tosam,  
 Un ehr he sik besunn harr un bedacht:  
 Ob Schipper warrn? Ob grote Reisen maken?  
 Ob mal Maschin un Wunnerdinger bu'n?  
 Weer Bader old un Sæhn weer Herr int Hus,  
 Un æwer'n Herrn de Herr — dat weer de Hof,  
 Weer Grund un Born, de Lüüd, de Per, de Röh, —  
 De Rikdom, de Een fri makt un Een bindt —  
 Un Marschbur weer he, as ol Rip dat wünscht harr.

Bawerbæhn Overbuden.

IV.

**De Marschbur.**

Weer't so to Enn? Un Rip sin lange Ketten —  
 Bun'n Ansatz an mit „unbenannten Größen“  
 Bet to dat „Facit“, wo't um Minschen goll  
 Un Leidenschaften — richti divideert?

Dat leet binah en wahres „Lusterempel“,  
 En „Sinnconfect“, as kum Paul Haldens utsunn.  
 Denn meistens — is en Minschenhart dartwischen,  
 So fallt einmal de Ketten inne „Bræt“,  
 De keen „Verstrein“, noch anner Künsten, wegbringt.  
 Jehann weer Bur, mit Lust!

Warum denn nicht?

Geef't wo en beter Hof as Süderwisch?  
 De beste Lag', dat allerbeste Land,  
 Utgistenfri, keen Lasten un keen Schulden,  
 Inn frien Koog nich Schriwer oder Bagt,  
 Keen Königsdeenst, to Land nich, noch to Water:  
 En Prinzensitz! so weer't, un so sä Jeder.  
 Dar keenin de Mäklers, de de Saat bewunnern,  
 — Se sunn bi Rip noch jümmer'n Stuben Korn

goll galt.      Bræt Brüche.      Verstrein veraltete Methode beim  
 Bruchrechnen.      Paul Haldens schree ein Rechenbuch unter dem Titel  
 Sinnconfect, d. h. fürs Nachdenken.      Stuben Reñ.

Bun vörrig Jahr, wenn sunst de Weten knapp war — :  
 En Rappfaat, sän se, as en lütt Plantasche  
 Bun junge Eken ! dicht, man funn en Fotsstieg  
 Deræwer fährn ! Dar full keen Schilling dær  
 Bet oppen Borrn, un nich en Wagenrad !  
 Wenn de wat inslog, un keen Hagel keem,  
 — De Frost weer æwerstan — so much so'n Koppel  
 En lütten Burhof weerth sin oppe Geest.  
 Un an de Læhn de Hawer ! wa de wöhl !  
 De harr je Blæd so breet as Schörtenband !  
 Un kum to kenn, so blau ! — vertelln de Mäflers.

Dar keemn de Slachters um dat fähre Beh.  
 Wa de nu gar eerst reden vun de Melkföh,  
 — De nicht verkofft warn ! — Rip sin Staat un Freid,  
 All roth un witt un vun de angelsch Raaf —  
 He harr se lewer as de hollandsch Art  
 De swart un witt siind, awer'n beten weefli,  
 Of full de Farv em netter inne Ogen.  
 Un Antjemöhm de wis' de Melk un Botter,  
 Den blanken Keller mit de vullen Setten  
 Un all de Kennlichkeit — ex Regiment.

Un of de Nawers leten sik herbi,  
 De fröher stolt dær sit, in Groll un Arger  
 Verbi kutscheern, de Mummensens un de Harrings,  
 Un harrn en Bærtwand . . . wegen'n Raaf vun Ewin  
 Mit forte Been, de Rip ut Java schickt freeg, . . .

wenn de wat inslog wenn der gut einschlug, gedieh. Læhn  
 Lehne. fährt unfruchtbar, nicht milchgebend. Setz Schüssel, Milchschüssel.



Vun wegen schottlandsch Weten . . . 'n egen Slach,  
 De hēter to drog . . wa man vel vun rē, . . .  
 Vellicht of wegen 'n nie Art vun Pater,  
 De Jan harr maken laten, na sin Teknung,  
 In Bredsted, wo de Groffmid vun vertell  
 Un snaken dē: Wa d e den Kram verstunn!  
 Dat weer en ganzen Kerl, de Jan vun Haarlem!

Darbi warn Jan sin Wagenper bewunnert,  
 Twee Swarte, blank as Stahl, un as twee Rehn  
 So rant un slūchti, vun hannöversch Tsch.  
 He harr se intuscht en Michelmarkt  
 As jähri Falen. „Nix as Gut un Been“,  
 Sā Fohrmann Krach, „doch mit de rechten Dgen,  
 Wit uten Kopp, man kunn sin Hot derop hangn!“  
 Darto sin blank Geschirr — dat weer sin Ehrgez.  
 De gingen mit Dod un Döwel um de Wett!

Natürlich, so'n Besöt de blifft ni buten,  
 Un kumt ni uten Hus' mit drögen Munn;  
 Dar's nog to eten, un en Glas Madera  
 So gut to hebbn, as wo he waßt un plant ward,  
 Man kofft em mal as Strandgut — de is echt!

Lud ward der rēdt, de starken Hann ward schüttelt,  
 Um Wedderkam un Hinkam ward der bēdt,  
 Un gude Fründ: un Rawerschop verspraken.  
 Man huck je doch — as Munne Munnisen sä —  
 (He harr dree Döchter un dreehunnert Schap)

rē redete.  
 drōg trocken.

Pater Gysfirpater, eine Art Gage.

Tsch Sucht.

Nich achtern fülwen Dik blot as de Lammer  
 Vær Schul tosam? Man weer'n doch Christenminsch  
 Un all Nieföger Buren? Weer man nich so?  
 Un darbi full de Hand op Jan sin Schuller  
 As Königs Degen bi en Ritterslag.  
 Nieföger Bur! — Jawul! dat trock der hin,  
 Un drop en Hart dar, wo dat höger sleit,  
 Un wo de weefste Stell is bi den Minschen.

Doch wenn Jehann denn mal en Sünndagsfahrt  
 — Sin Swarten vær, un Hans, sin Bufnecht, bi em —  
 Na Mummsens rich, de Brodersens, de Harrings,  
 So weer em doch, as hör he nich dermanf,  
 As weer de Slach en anner as sin egen.  
 De Sæhns de stunn un jappen, ehr se sproken,  
 — Un he bedach nich, dat he füllsten sweeg, —  
 Un wenn se sproken, weer dat vun de „Dusend“,  
 — Un vun sin „Dusend“ snacken Per un Wagen. —  
 De Döchter maken Staat mit samnten Spenfers  
 Un fiden Kleeder un Klaviermusik.  
 Se sproken tum vun Püld ut Tünn un Husum,  
 — Em full nich in, dat he en halwen Frees,  
 Tum wenigsten sin Öllern buten Lands, —  
 Doch vun de Thierschan, un dat Bad op Fähr,  
 Vun Ball un Fürtwart un de groten Herrn,  
 De se harrn kenn lehrt op de Reis' darhin.

vær Schul Schupes halber, zum Schup. jappen den Mund auf.  
 sperren, nach Lust schnappen. Aïe à Aïe.

Ne, dat gefull em nich! He jag to Hus,  
Un hör mit Lüsten, wa sin Butnecht Hans  
De ganze Wirthschaft bi de stolten Mummfens  
Mit Roh un Stroh, mit Heu un Streu veracht,  
Un nix to læben funn as Süderwisch.

So funn he't sülb'n, wenn he sit mal bedach:  
En Prinzensitz! un he de Königsæhn!  
Weer't nich sin Egen wat sin Dgen sehn?  
Un wat sin Fot betre, dat weer sin Egen,  
Ja linnerdan! He bruk man blot to winken,  
So weer't al dar — un geern! denn all sin Lüüd,  
Bun'n Butnecht an, sin dicken truen Hans,  
Bet to de lüttste Behmagd, de de Gös'  
Un Nanten foder un de Eier utneem:  
Wenn he man fründli weer — all weern se glückli.  
Opwussen weern se all hier, oder lang,  
Wul mit de Eschenbööm al, wurtelfast.  
Se bögen sit mit de in Storm un Wedder,  
Un freun sit an den Sünnschin æwern Hof,  
An Glück un Glanz, de op „de junge Herr“  
Sit sammeln de un in sin Mien sit spegel.

Dar keemn sin Hunn des Morgens an em ran,  
Wenn he inn Pefel seet un Kaffe'drunk,  
De Duben na em dal, wenn he herut tre,  
Un't lettste Mundvuul vun sin Morgenbrot  
Mit se un mit de Nanten un de Puters  
Sit deel. Dar keemn sin Swarten langs de Fenn,  
Wenn se em wittern, dicht bet an de Gracht,  
All em to gröten, un de Heisters schracheln

Hoch vun er Nesten ut de Eschenbööm,  
De lank hin æwer't Gras inn Morgendau  
De Schatten reckten, un de Blomgeruch  
Trock mit de Röhlen ut den Appelgarn.

En Prinzensitz! so weer't! He tusch mit Keen,  
Harr Rümms to beden un harr Niemand nödig.

He fahr na Bredsted lewer mal to Hart,  
Besöch Perzepter un de Herr Pastor,  
Un mal to Krog, un snack bi Jan un Lüfings.  
He mak Bekanntschaft mit de Londer Burn  
De Bærjahrs mager Beh ut Zütland brochten,  
Oft Markt in Husum oder inne Grasen;  
Mit slaue Angler Lüüd gündsit de Heiloh,  
De Melkföh lewern, brun un glatt as Damwid.  
Dat mak em Lust, dar reck sin Fohrwark hin.  
Un oppe Landstrat bald na't Korn un Süden,  
Na Flensburg rop, na Eternförde dal  
Kenn' dat de Weerthslüd: Jan vun Haarlem sin!  
Un gauwer war de Husknecht vör sin Drinkgeld,  
Un fründlicher de Weerth sin Guden Dag.

Ja, dat gefull em! un sin Hans ni minner:  
„Dat weern noch Lüüd! de harrn noch Lebensart!“  
Wat Spaß gev't nebenbi, un Ries to sehn. —  
So funn sit of vör em en Welt torecht.  
„Weer of je gut, sä Rip, weer of je richtig!  
„Buntvolk muß rasen, weer en hollandsch Sprekwoort.

Rümms Niemand.

gündsit jenseit.

gauwer schneller.

„En Spaß weer jüm to giinn, 't weer all recht gut!“  
 So snack ol Rip, as sprok he mit sin Hexters  
 Na'n Bom herop. „Dat weer je all ganz gut!  
 „Wenn't man so bliben v? dat weer't je man!  
 „Dat weer't!“ — So klung't mitünner ut sin Stimm,  
 Of wenn he fründli Guden Morgen sä  
 Und æwer Eaten snack al heel wat anners.  
 Un Jan de hör dat rut — fast ut sin Ewigen:  
 He föhl sik möd! He wuß, dat dur ni lang:  
 De Blom verblöhn — mit Minschen weer't nich anners.  
 Wa lang denn weer dat her, do ging he stolt,  
 As nu sin Eahn dar, süßn un seeg sik um  
 Mit Lust un Moth, as wenn dat ewig dur,  
 As harr dat Leben un de Kraft keen Enn.  
 Wo weern se blesben? Kraft un Lust un Moth,  
 Un Fru un Fründ un allens wat em leef west?  
 Berweicht — verstreit! Nix weer der mehr vun na  
 As disse drange Vost un swacke Been,  
 De möhsam an den Stoc na'n buten trappeln.  
 Noch mal en korte Keeg vun arme Jahren —  
 Schull denn sin Eahn hier sitten ganz alleen  
 Mit blöde Dgen ünner disse Eschen,  
 Un denn versalln all wat he plant un bu't?  
 De Mummsen's un de Harring's Enkeln kann  
 Um't sik to deeln, un um de Böm to haun,  
 De he hier sett harr, wo he ünner seet?  
 Un mehr as sunsten seet he dar in Schatten  
 Un snack he mit sin Hexters, sän de Lüüd.

jüm ihnen. al heel gänzlich. drang gedrängt, bedrängt, eng.

Doch eernsthafst sprok he't dær mit sin Jehann.  
 Un as't denn geit, wenn Een de Anner lenkt:  
 Dat ward Gewohnheit vær se alle Beide,  
 Un Keener weet recht, wer dat Leid in Hand.  
 De Ole kenn sin Sæhn bet op dat Blot,  
 He kenn sin swacke un sin starke Sit,  
 Sin Ehrgiz, wat Absonnerligs to wæn,  
 Sin Stolt, sik nich to bögen vær de Stolten,  
 Sin Kindeslev, sin ganze fromme Seel,  
 Un wuß sin Wör to setten, dat se dropen.  
 Un ehr man't dacht harr oppen Heisterkrog,  
 Un innen Koog bespraken un in Bredsted:  
 Weer dar en freesche Jomfru kam ut Holland,  
 Nich gar to junk, so sä man, nich jüs schön,  
 Un nich jüs rif, en beten ute Fründschop,  
 En Art Cousine oder wat se weer,  
 Un Hochtid weer der holn mit groten Oprwand,  
 Mit Kutschen fahrn, mit Braden, Win un Badwarf;  
 Still weer dat warn, as sunst, op anner Hæv,  
 De Dag' de weern der gan, so gingu de Wæfen,  
 Sei't war de Saat, un meiht de rife Aarn,  
 Dar keem keen Kinddöp jüs un Weeg int Hus,  
 Doch mal en Sark mit Dof, vær Antjemöhm,  
 Un mal en Sark mit Sülwer, vær ol Rip,  
 Doch weern de roden Melkföh glatt as jümmer,  
 De Wischen grön, un haben ut de Eschen  
 Dar schracheln noch de Herters as toväer.

Kinddöp Kindtaufe.

V.

Op den Drecangel.

Dar stunn en Hus bi Bredsted buten Ort,  
 Stuf an den Weg vunn Koog un Brékum rop.  
 Wer dar verbi keem, keef dar dær de Finstern  
 Un inne Dær, denn op de anner Sit  
 Ging dicht verbi de Landstrat dær de Heiloh.  
 Hier op dat Dreed twischen beide Wegg',  
 Wo fröher 'n Wis'pal stunn mit lange Arms  
 Un halfverwischte Nams, mit to darünner  
 En Handwarksbursch mit Wasdof um den Hot,  
 Den Kopp tohöch, iwig int Volkstabeeren —  
 Dar bu dit Hus vær Jahren sik en Slaufopp,  
 En „Krog“, natürlích — as de Fohrmann seggt,  
 De „Apeldær“ as bald dat Volk dat nöm.  
 Denn apen stunn en Dær na beide Siden,  
 Op beide Siden of en Appeldorn,  
 Inn Summer grön — en Watertrog darünner —  
 Mit blanke rode Bærn den Harst hindær,  
 As schulln se Bageln locken ute Heiloh,  
 De hier op Milen rut de Anfang nimmt, —

Stuf Inapp, dicht an.  
 der nicht selten für Dörfer.

Wis'pal Wegweiser.

Apeldær Name,  
 Appeldorn Eberesche, Vogelbeere.

Tum wenigsten den Fohrmann un sin Per,  
Un Wannervageln mit den Stod un Ranzen,  
Ton legten Drunk un eersten vœr den Ort,  
Um Stuff un Sweet vœrher sit astowischen.

Dar gung denn Mennigeen na't Westen rin  
Un rut na't Osten, seeg den Trog un Bom  
Un Dœr un Finstern, beidersits datsûlwe,  
Un muß eerst fragen na de Strat na Bredstêd :  
Mit twee Gesichter lach de Apeldœr.

Un dochen ging't ni, troz de hellen Finstern  
Un apen Dœrn un all de Weerth sin Slaubeit.  
Dar keemn wul Bageln in de beiden Bôm,  
De roden Beern to êten ehr se reisen,  
Un Handwarfsburschen um en legten Drunk,  
Doch brocht't keen Geld, un wat na Bredstêd fahr  
Inn staatschen Wagen, keef blot inne Finstern  
Un fahr verbi.

Do koff en lûttlen Angler,  
En leifi Mann, de wul de Gegend kenn,  
Vœr weni Geld dat Hus un trock herœwer.  
To keemn de Dœrn, de Anfahrt war vermuert,  
En Wartstêd bu't — de Mann de weer en Bœwer —  
Doch heet das Hus noch jûmmer Apeldœrn,  
Wul vun de Bôm, inn Harst mit rode Beern,  
Und de verbi want, keef noch inne Finstern.  
Dar seten jûmmer, welker Tid man keem,  
Ob morgens fröh in Summer, rop na Bredstêd.

leifi flint.

wanten geben, fahren, passieren.



Wenn sum inn Ort de eersten Schösteens roft,  
 Un noch de Hatbar inne Grashæf wadt,  
 Ob abends, wenn man ruter il torügg  
 Den Weg langs dær de Heid un na de Roog,  
 Un op dat Dreed hier, int legte Hus,  
 De blanke Sinn noch oppe Ruten spel —  
 En Keeg vun smucke Kinner, still un slitig,  
 All æwereens, as Parlen an en Snor,  
 Vun Grot to Lütt mit blanke Flassenhaar,  
 Glatt anne Sit — 't weern luter lüttje Mädens —  
 Vun Lütt to Grot mit öfern anne Arbeit,  
 Bi't Haspeln, Winn' — all an de Wewerie.  
 De Ole weer en echten Angeliter:  
 Slau as en Bof un fliti as en Mus,  
 As en Katteler bit Geschäft un Arbeit.  
 Man hör em jümmer, wenn man dar passeer,  
 As weer't en Uhrwark, gung de Wewerbom  
 De ganze lange Wet sin Duppelslag.  
 Man seeg em nie, as Sünndags oppen Fotstiege,  
 Bald hier bald darhin na en Marschhof to,  
 Inn Drüppeldraff, en Bulten Vinn inn Arm.  
 Dar keem keen junge Brut op Milen rum,  
 So weer he Sünndags dar un wis sin Drell  
 In sine Proben un de niesten Munstern  
 In Damastwewerie to Dischgedecken.  
 So blöth dat lütt Geschäft denn op den Dreed,

Schösteen	Schornstein.	Rut	Fensterleibe.	öfern	emfig.
Katteler	Gichlage, Gichhörndchen.	Drüppeldraff	Judeltrab.		
Bulten	Volzen.				

Un de am meisten blöhn dat weern de Rinner.  
 Rich jüs so roth as Quittschen an er Bäm,  
 — Dat weer en blasse Naas mit sine Hut —  
 Mehr as de Bischoonappeln, vun de witten,  
 Dat Roth sitt binn un schint man daer dat Sluv —  
 Gentali doch, as Druben an en Stengel,  
 Nicht ut to kenn, as de se öfter süht  
 Un markt, dat dar de blauen Ogen deper,  
 Un dichter an de Dünsen hier dat Haar,  
 Un bi en anner blasser wul dat Kinn:  
 Bun Gröten nich to seggn, de weer verscheden.

Doch hör man oft toerst de Lüd in Bredsted:  
 Is das de Lüste? Dat is doch Anneten?  
 Büst du Marie? Rich wahr, du büst de Jüngst?  
 Un oft en Emustern wiß' dat man sit irr.

Doch dur't ni lang, so blöth de Een herut,  
 As brot en Nos op an en Busch vull Knuppens.  
 Maria heet se. Wer „Maria“ sä,  
 De dach an er un dach an wat Besunners.  
 Se harr er Art to laten un to don,  
 Er Gang un Sprak — dat weer as ganz er egen.  
 Wenn se to Markt ging, Fridags, intokopen,  
 So stunn keen Ol so grißgram mit sin Botter,  
 Dat he ni andau, wenn Maria koff,  
 Un menni jünger Dog — wenn se sit buß  
 Na Krut un Kram — keef na den witten Hals

Quittschen Vogelbeeren, Frucht der Gberciche. Sluv Hülse, Schale.  
 Dünsen Schläfen. Gröten Größe. Anneten Anna Margarete.  
 Emustern schmunzeln. Knuppen Knoße. andau anthaute, aufbaute.

Un op de blanken Flechten um den Nacken.

Dar seet des Marktdags bi de Markthofsmur  
 En Mann mit Büttjerwaar, mit Bütt un Schütteln  
 Mund um sik — he weer lahm an beide Been,  
 Doch mit en mächtigen Stimm un starke Arms,  
 Oft wüthig, wenn't ni gung as he dat wull,  
 Wenn Een wat um leep, wenn he mit sin Krück  
 En Dings entweistött, gar mal süß'n dermant full —  
 So dat he um sik hau un flök un swor,  
 Sit lud verwünsch: de Dunner much em drapen!  
 De Eer sik opdon vör sin lahmen Knaken!  
 Sogar de Scholjungs hörn dat mit Entsetzen.

Wenn de Maria tam seeg æwert Markt —  
 Korf æwern Arm, de brede Strohhut op,  
 De Kopp wat nül, as wull se sik verdecken  
 Vör all ır Schönheit — rich de Mann sik op  
 Un wink ır al vun Ferens mit de Krücken.  
 Denn dau de Wuth em weg, as vör de Sinn  
 Dat Is inn Winter an en fraren Kut.  
 Mariken, snack he, lütt Mariken Bewers,  
 Du bringst dat Glück, min Wifa, vör den Handel!  
 Gif du mi hüt dat Handgeld! Kumm, min Kind,  
 Un söt di ut! Segg an, wat kannst du bruken?  
 En Sett? en lüttje Pann? — Nimm vun de darßen  
 Mit gel Glasur! Giff her, min lüttje Stummel,  
 Ob't of en heemli Net hett, wüllt mal to sehn!

Büttjerwaar Töpferwaare.      vun Ferens aus der Ferne.      vun  
 de darßen von denen dort.

Un zierli sett he't op sin grote Hand  
 Un flopp dat mit de Knäkeln vun de anner,  
 As koff Marie dat to en Klingerflock,  
 Rich vør den Heerd, un seeg ȳr glücklich an,  
 Wenn't schall, as een vun Lüfings nie Klarnetten. —

Jā, wat is Schönheit vør en Wunnerding!  
 Doch ob en Glück? Jā, dat is noch wat anners!

Dat weer en Harst enmal Michelimarft,  
 — Roth weern de Quittschen an den Appeldorn  
 Bi Wewers buten op den Dreecksplatz,  
 Roth of de Baden vun de smuden Kinner,  
 De binn ut Finster sehn — vundag' besunners.  
 Se töben blot op Batter un Marie,  
 Um mit to wannern na dat Marft herop,  
 Wo Allens hinil wat verbi passeer  
 To Fot, to Ȳer, to Wagen — junk un old,  
 Un wo de lustige Larm vun, as en Athem,  
 Mit jeden Windtog lifen op un dal,  
 Lebenni her trock bet ant Kinnerhart.

Doch jünmer harr noch Batter wat to friegen,  
 Un wenn he los wull, heel der noch en Wagen,  
 Keem noch Besök: Besteller un Betaler.  
 Geschäft geit vør. Dar gev't noch wat to snaden  
 Un wisen, jede Burfru maß he lüftern  
 Na Damast-Dischgedecken, Drell un Linnen.  
 He kenn op jeden Burhof rum de Munstern

Un wuß de Glen Vinttüg inne Ruffern,  
 Un weer man eerst Een nieschierig un niedsch,  
 So wuß he to vertelln vun de er Betten,  
 Un de er Hemdn un Handdök un Linnwulln,  
 Bi de na Schock, bi de na Duzendwis.  
 Un richti funn sik, de he so belehr,  
 Dat er en Dischdök op den Sophadisch,  
 As Nawersch harr, en ungeblekte Flisen,  
 Sit Jahren fehl, un beste Mann muß kopen.

Doch mit de Mannslüd harr he ok to den.  
 To Seltüg wif' he'n nie Art vun Gurten  
 Bun utlandsch Garn, dat weder rött noch reet,  
 Berdeken harr he na de engelsch Mod,  
 Un vör den Wagen Deken as ut Pelzwerk.  
 Dat wif' he vör — nich as en Handelsmann,  
 Mehr as en Fründ, de anner Frömm belehr,  
 Wa nu dat Beste wat he kopen funn.  
 Ein Art weer ohne Demoth, ohne Hochmoth.  
 Un wüirkli wuß de Mann Besched vun allens.  
 Dat weer as harr he hundert Dgen hatt  
 Un ut sin Warksted kfen vör de Mur:  
 Bun Sateltüg un Fottüg, vun dat Ledder,  
 Bun Garben un vun Farben un vun Malen —  
 As harr he't all bedregen na enanner.  
 So hör denn Mennigeen un koff sik fast,  
 De kam weer blot vör't Frunsövelk to bealen,  
 Un war en Kundn, de geern un öfter keem.

De Rinner dur't vun dag' man gar to lang,  
 Dat brenn se inne Föt, to Markt to gan,  
 De Boden un de Herlichkeit to sehn,  
 Un Zuckerwart un Wunnerdingen to kopen.  
 Jüs as se endlig in er nien Kleider  
 Mit warme Umslagdöcker, blanke Schoh,  
 As oppen Sprunk torecht stunn, blot noch Batter  
 Sif Geld ut't Schapp neem, un in Tasch den Clætel:  
 Bög noch den Weg vun Brëklum rop en Wagen  
 Inn rasche Fahrt — Maria kenn em glif —  
 Man muß noch töben — dat weer Herr van Haarlem  
 Vun Süderwisch: he seeg vellicht noch vær.  
 Un richti, mit Geprassel keem de Swarten  
 — Für slog se um de Hoof — de Steenbrügg rop,  
 Un breet vær Dær dar heel inn Wiener Wagen  
 De junge Marschbur mit sin stolte Fru  
 Ganz innen Staat, mit Deken um un Döcker.  
 Se seeg nich grade jung ut, un wat bleef,  
 Doch værnehm ünner echte Sammit und Siden,  
 Mit Spitzen umme Hann, un smalle Fingern,  
 De se Maria rut heel mit en Munster,  
 Wo se vun wünsch — se wull nich uten Wagen —  
 Dat war wal lat — se müssen doch to Markt. —

Dat mutt en Marschfru, dat hört mal darto:  
 To Karf — to Markt. Man mutt uns Herrgott wisen,  
 Dat man noch dar is, un an sins Geliken,  
 Dat man't noch maken kann. Ob't denn en Freud,  
 En Lust, en Last — dar kann man sik na fragen  
 As en Soldat, de utgeit to Parad.

Man holt sin Keeg — of wenn se't Een nich gönnt,  
— Hier jüs so gut, as in de grote Welt —  
Wo Reid und Bosheit Een de Luft vergift. —

De Fru van Haarlem war er Platz ni licht:  
Fremd weer er Mann al, fremder noch de Fru.  
Harr nich all Süderwisch — de schönste Marschhof —  
En Haring hört, weer nich de Ole kam  
Mit Sündengeld, verdeen, wul weet wosükt,  
An Minschenhandel mägli un wat Slimmers?  
Kunn nich en Mummfens Dochder warm dar sitten,  
Wo nu dit bleke hollandsch Keef'gesicht  
Ut Groening, Bliezen oder sunst woher  
— Mamsell vellicht mal in en Waffelbod —  
In Sammt und Eid erstickt un Brüßler Spitzen?  
De spricht keen rechtes Dütsch mal, spricht keen Freesch,  
Bær Hochmoth blüfft er't innen Hals besteken,  
Se gurgelt as en Kunschen æwer de Bost . . . !

Maß er dat trurig, maß ern Mann dat trozig.  
Kum dat he't mark, so war de Gall em hitt,  
Denn steeg de Kamm em, un he brasch dervank,  
Smeet rum mit Geld, koff wo en Mummfens bo,  
Pett hin, as söch he Annerlüd er Lidorn,  
Un seet inn Krog, as op sin egen Stöhl.

De Fru hett't furer, de mutt sik gebülden,  
Utpralen kann se't höchstens in er Optog.  
Un oftmals maß se't lewer as de Snek,

Kunschen Puter.      braschen poltern.      bo bot.      pett hin  
trat hin.      söch suchte.

Wenn plumpe Föt un grawe Hann heranlüft:  
Troch in de Hörn un trop int setre Hus,  
Wenn nich de Mann sin Welt dar buten weer.

Wer seeg't Fru Haarlem an in Sammt un Siden,  
Wo er dat sehl? Wa innerlich verschüchtert,  
Wenn se den Kopp so hoch heel ünner Läden?  
Keen Rinner! un keen Fründschop! Un de Lev? —  
Ja, wat is Lev, wo Kind un Fründschop mangelt?

Hüt fohr se fast in Angsten rop to Markt,  
Doch muß se mit, Jehann de wull dat hebbn.  
He harr sik argert æwer 'n häßli Wort  
Vun „hollandsch Buter“ un vun „freesche Ossen,  
De oppe Fettweid grasen hier in Holsteen.  
De warn of mal so heemli, as se kam weern,  
To See verschwinn, un blot den Dunst hier laten!“  
Se seeg sik rein in Sorgen um na Hölp,  
So föhl se sik verlaten un vereensamt,  
Se fohr as fahr se medden in den Krieg,  
As mank en Volk vun Wilden un vun Fienden.  
„He war der mant hau'n, harr Jehann er seggt,  
As he as Jung al dan mank dumme Junges,  
Wenn wedder'n Lapps sin Snawel apen de!“

Nu seeg se hier de Rinner so vergnügt,  
De Mann so seker un Marie so fründlich,  
Glik bi de Hand, behëgli un behöplli,  
Dat er dit weer as Sünnschin innen Newel.  
Er troch wat na de smucke Wewersdochter,



Bellicht dat süßwe Schicksal wat se drop :  
 Fremd weer de of, vereensamt, moderlos,  
 Un vull vun Heimweh na dat gröne Angeln,  
 As se na Holland un ex Modersprat.  
 So keem se wul mal öfter, as jüs nödig,  
 Un hüt — as geef de Jugend un de Schönheit  
 En Schutz, de Trotz op Kraft un Macht ni hebbt, —  
 Bē se Marielen, dar se fertig weer,  
 Mit in to stigen — Batter keem wul na,  
 Un broch de Platten mit to en Bekannten !  
 Un half in Rinnerlust un Ewermoth —  
 Ahn recht Verslöf un ahne recht Bedenken,  
 Vun Batter blot en Rücken un Verwunnern, —  
 Half in Gewetensangst un dunkle Sorg  
 Seet al Maria in den staatschen Wagen,  
 Fru Haarlem anne Sit, un gingu de Swarten,  
 As goll't en Wettfahrt, mit dat lichte Fohrwark  
 Den korten Weg, de Strat na Bredsted rop.

Wa anners süht de Welt ut vun en Wagen !  
 Gar eerst en Markt ! Man fahrt as op de Röpp,  
 As drog de Minschenstrom, de wogt un wellt,  
 Een langsam mit. Maria düch se drev,  
 So hægli gung dat, un na alle Siden  
 Keef se sik glückli un verwunnert um.

drev schwamm.

Ja, Schönheit is en Macht! Wa Bese gröten,  
 De se nie sehn harr un de er nich kenn.  
 As slog en Sünnschin æwer sin Gesicht,  
 Reek mennig Een sit um un in den Wagen,  
 De eben utwißt weer, noch half verdreettli,  
 Dat Wort noch um den Mund, dat luden schullt harr:  
 Landjunkers! un dat war nu: Ei wa smuck!  
 Un op de Pær un op den blanken Wagen,  
 De staatsche Burfru un de stolte Mann  
 Full dar en Aßglang mit vun Bulgefallen.

De lahme Püttjer an de Karthofsmur  
 — He harr sit flücht un seet der baben op,  
 De Port as Schutz, de Krücken inne Hand,  
 Dat Drängn weer dar gefährli bi sin Schütteln —  
 Reep lud hindal: Sieh, dat is noch en Johrward!  
 Gunn Morgen, min Marieken, lüttje Stummel!  
 De Herr vun Haarlem weet wul wat he fahrt!  
 Stiegt hier man af, min Kind, min smuck Madam!  
 Dar is ni dær to kam, dat ward beswerlich.  
 Gat hier man inne Port, hier is dat ruhi! —  
 So wiß' he. Un de Beiden stegen ut,  
 As op Befehl — de Sat weer to vernünfsti,  
 De Wagen muß sit sinn, dar keem wul Bahn —  
 Un ævern stillen Karthof gungn de Beiden.  
 Dar is dat ruhig, sä he bi sit süßn,  
 Un seeg se na: Jamul, dat is dar ruhig!

Jan vunne Trepp wahn an de annex Sit,  
 Dar wulln se tēben buten't Marktgewöhl,  
 Bet Haarlem sit dar insunn un de Wēwer,

De Beide oft ęr Standquarteer der harrn.  
 So wunnerlich he weer, verdreih't un plitsch,  
 He harr en Toch vör Lüüd; wer eenmal keem,  
 De keem of wedder, as Jehann dat nöm:  
 De kreeg sin Stieg na em, denn he harr jümmer  
 Wat vör, — to wisen oder to bereden:  
 Wenn't unnütz weer, weer't um so mehr pläseerlich.  
 Ja jüs wat unnütz mač em recht Vergnügen.  
 En grot Erfindung — ja, dat geu he te,  
 En Dampfmaschin, Perpetuum un so wat —  
 De war of fertig, haep he, mit de Tid —  
 Doch funsten, all dat Rechte weer en Spillwart.  
 Dat weer bi em en Art vun Religion.  
 Son Saken nöm he heilig, de nix nügen,  
 Un Alldagswart, womit man Brod verdeen.

So harr he't Jahr vörher den ganzen Summer  
 Geschäftig klüttert, Keener wuß woran,  
 Harr klattert op sin Bähn un heemli hamert —  
 Slätel in Tasch — bet endli Wihnachtabend  
 He Lüfings un de ganze Nawerschep  
 Heran hal, Lichter brenn der op den Bähn:  
 Dar seet Jehann un spel mit stive Fingern  
 „Lob Gott und Preis“ — He harr en lüttje Orgel  
 Int Hahnholt bu't — dat meen he weer en „Werk“,  
 En „hilli Werk“, wenn wat so heten schull.

De Węwer weer dat ganze Gegenspill,  
 Vun Klopp to Tön en echten Angeliter.

plitsch politisch, schlau. Hahnholz Querbalken eben im Hause.

Lev Jan in Drom un Lüfings Junges mit em,  
 As wul de Art is hier int Freesenland,  
 — Wo sünd sunst all de Märken un Geschichten  
 Un Jeder herkam, de wi uns vertellt,  
 De Rekenmeisters, de noch hin un wedder  
 Des Dags den Spaden, Nachts den Griffel föhrt,  
 De Billersnitzer, de der nich mehr sünd,  
 De jeden Stohl un Disch un Schapp un Bettsted  
 In Andacht smückt hebbt? — „Leben is en Drom“!

Ne, waken, sä de Angeliter, wirken!  
 All wat ni richti nützt is Narrentand!  
 En Schapp ut Snigwart oder föhren Brød  
 Is eenerlei, doch vull vun Drell un Linnen,  
 Sit warm to holn un rennli — is de Sak.  
 Wa Bele sünd ni, de der freert un hungert,  
 Un is doch nog vör Alle hier op Eern,  
 Wenn't blot benutzt ward — dat is christli Wark,  
 Un Meentwart, wo de Marschlüd vel vun snaden  
 Un nix vun den. He harr der wat vun dan!  
 Warkmeister weer he wesen in en Warkhus,  
 Ut Religion — as em sin Fru verstorben, —  
 Harr dar de Kinner lehrt ut Stroh to flechten,  
 Ut Bork to pappen, Höd un Rörf to maken  
 Ut Spöhn un Muscheln, Schoh ut ole Lappen.  
 Dat harr he allens lehrt. — Doch harr't ni gahn —  
 De Olen weern verdorben un verlaten,  
 Un in de Kinner leeg dat as en Krankheit.

föhren föhren, tannen. Meentwart Gemeinbearbeit. Warkhus  
 Arbeitshaus. ut Bork to pappen aus Baumrinde fleben.

Nu sorg he vœr sit süllst un vœr sin Sinner,  
 Berdeen un raff tosam vun alle Stanten,  
 Un war mal, as man sä, sobald he kunn,  
 Utwannern, wo de Welt noch apen stunn  
 Vœr frische Kraft un jede nügli Wark.

Dat wuß Marielen! un dat weer ɛr schreckli!  
 Un as de Twee nu æwern Karkhof gungn,  
 Rut ut dat lustige Marktgewöhl dar buten,  
 Mant Eitensteen un ünner kahle Böm,  
 Do föhl se — as de Jugend dat so hebbn kann  
 Merrn mant de Lust — op eenmal sit so trurig,  
 So eensam, ja so fürchterlich verlaten,  
 Dat se Fru Haarlem anfat, un de Thron  
 ɛr in de groten blauen Ogen stunn.

Min Kind! sä de, wat fehlt di? wœs' tofreden!  
 Si ruhig! Un as Wita sä, se wuß ni,  
 Se weer blot trurig, wisch se ɛr de Bæden,  
 Un sä, dat weer en Hartenskramp, dat kenn se!  
 Dat ging væræwer, harr nix to bedüden!  
 Un tröst ɛr so un stært sit süllsten mit,  
 — As't bi den rechten Trost je jümmer is —  
 Dat't rasch væræwergung, as Sünnschin-Regen,  
 De Himmel lacht noch blauer achterher.

So war't of hüt en Markdag as en Fest,  
 Denn jüst ut Angst un Behmoth waßt de Freud.  
 Dat gev en Opstand fast int Treppenhus,  
 Wo Jan — de al den Basß spel in Gedanken

merrn mant mitten zwischen.

Sin letzte Spillwart wif — as dar Marieten  
 Un Fru vun Haarlem keem un bald de Annern.  
 Denn trock man in en Swarm dat Markt entlant,  
 Man wanner langs de Strat un daer de Boden,  
 Man koff sit Klenigkeiten un vernasch se,  
 Verschent se, denn man drop so vele Friinn  
 De't of so maken, un en lusti Tropp  
 Harr sit tohopfunn, as man na Gewohnheit  
 Of inbög inne Krog to Danz un Win.  
 Haarlem spandeer — weer dat ut Uwermoth?  
 Haarlem de danz — plegg sunsten nich to danzen,  
 Haarlem de snack un loch — weer sunst so still,  
 Ja streng un ernsthaft warn. Un ut de Sorg,  
 Womit de Fru vör Strit un Karm ann Morgen  
 Weer rinner kam, keem se eerst later Nacht  
 In luter Freud, Maria oppen Wagen,  
 Na'n Dreedplatz, Maria aftosetten,  
 Un fahrn den Weg dal na den Heistertrog.

VI.

Utgang.

Dat gev en dicke Fründschop — sän de Mummfens  
 Un Harrings — mant de Haarlems un de Wewers.  
 Man teem ni lich den Dreecksplatz verbi,  
 So heeln dar ünnern Appeldorn de Swarten  
 Mit Dfen æwer, un de Wiener Wagen.  
 Dar sehl man blot de Watertrog vun fröher —  
 De leet sit maken — un de apen Dörn,  
 So weer't de ole Krug mit nie Rundschaft..

Dat paß sit to enanner, war der meent,  
 Herlopen Volk — weglopen weer dat Enn:  
 De wannern noch mal ut in Rumpanie,  
 As Slavenhollers oder Weltbeglückers.  
 So war der spraken. Ja, de Welt is grausam.

Ob Jan der jüs um geef, dat Fru van Haarlem  
 In Dischgdecken ansung, in Slavitten  
 En Staat to maken, de nich billi weer,  
 Rieslandschen Glas un rußschen Hemp bestell,  
 En nie Art Spinnrad ut Westfalen kam leet,  
 Dat Spinn' un Winn' un Haspeln as Geschäft  
 Mit ole Fruns un junge Kinner drev,

lich leicht. Slavitten Zerbietten. Hemp Hanf.

Un jümmer snack vun Reeden un vun Bleeken — ?

He weer tofregden, wenn sin bleke Fru

Wat anners vör harr, as ut Finsten fiken,

De Hann inn Schoot, de Ogen inne Wulken,

De Mund gedüllli, doch int Hart dat Lengn.

He harr er halt vun Fründn un inne Fremdn,

Wat he er baden, weer de Werflot.

Dar much se sitten — ja he funn't nich ännern —

In Sammt un Siden, wenn er dat gefull,

In Heg un Pleg — so gut sit't schaffen leet —

Doch dar weer't all — denn Kinner och! se fehlten!

Mit liden is en sunnerbares Band.

Man kann't vör Lev nehmi', wenn man Lev nich kennt,

So stark is't. Ja, dat snee em inne Seel,

Er antosehn, wa se verwelt un hinsüt,

He much nich bi er sin, nich vun er gan,

So weer em oft, un brot de ole Kraft

Mal buten dar in ole Fröhlichkeit,

So trock de düstere Wehmoth em to Hus.

So weer't em recht, wat Fru van Haarlem vörharr,

He weer tofregden, wenn se wat bedrev,

Wat dat of meer, dat broch mal nie Lust,

Mal frischen Athen in dat stille Hus.

He sohr er süßn na Bredsted un na Husum,

Un wenn de Wiener Wagen mit de Swarten

So oft bi Wewers heel: Fru Haarlem wünsch dat,

Er trock wat na dat Hus un na de Lüd,

reeden Kinnen bereiten. lengn sehnen. snee schnitt. hinsüt  
hinschie.



Er mak dat glückli — so mak em't tofreden.  
 Twarß, wenn dat paß, en Wort mit Meister Wewer  
 To snacken weer em süßst mitünner recht.  
 Doch keem mau selten wider as't Geschäft,  
 De Mann de harr dat hilt, dach ant Berdeen,  
 He heel de Kundschaft warmer as de Fründschaft,  
 Man keem sit hier ni neeg, as bi de Lüßings,  
 Un gar bi Jan, de in sin optreppet Hus  
 Den König süßn gewis toerst mal fragt harr  
 Na Fru un Kind un ob dat Eten smeck.  
 De kenn keen Sprak, as de vun Mann to Mann,  
 Dat Hart sit fri to maken un de Lewer.

Oft freu he mit sin Fru sit an de Kinner  
 De jümmer fröhlich, jümmer slitig weern,  
 War bald vertrut un doch verschamt un schüchtern,  
 De stunn un sehn un nücken al ut Finster,  
 Sobald he asbög na den Dreesplatz.  
 Un wenn Marie heruthlipp ut de Dær,  
 Warm as en Koken in de Winterluft,  
 Un guden Morgen sä, as reep en Bagel  
 Dat Fröhjahr ut, un fründli un geschickt  
 Sin bleke Fru ut Des un Döcker wickel:  
 So trock em't of int Hart, as Sünnschin deit,  
 Un glückli funn he seggn: Gun Morgen, Wita!  
 Un in de schüchtern groten Ogen sehn,  
 De blau herop gingen un sit wedder senten. —  
 So much't wul bliben, weer't ni anners kam.

twarß gwar. bilt eilig. geschäftig.

Dar keem den Winter to en Mann na Bredsted  
As to'n Pläseer, he wahn dar innen Krog,  
En Art vun Better, sä man, an de Wewer,  
Ut Rappeln börtig, Schipper vun Geschäft,  
Un nu en Farmer in Amerika.

He weer en Mann vull Werkrast un Moth,  
Harr Geld as Heu, seeg ut as Stahl un Iesen,  
Re æwer allens un mit Jedermann,  
Un jünner los as re he Jemand dal,  
Mund apen un de Ogen luterwit.  
Gutmödi funst, likto un luterfück.

He harr to allens Lust, mit alle Fründschop.  
He much to fischen ut, he much to jagen,  
Dat weer em nich to natt un nich to feld.  
Ob Kegel oder Kart, ob Dag, ob Nacht,  
Dat weer em enerlei, un he derbi,  
Wenn't wat to fechten ger un wat to lachen.

Dar muß man Stritschob lopen na de Marsch,  
Kanal entlang — he muß't eerst süßen lehren,  
Un brot sik fast de Been bi't eerste Mal —  
Dar muß man ut Isboofeln langs de Wischen,  
Un Bredsted weer to Gang vun Lütt to Grot,  
Of Mädens mit — natürlich — un to Danz  
Un hitten Punsch des abends in den Krog.  
Nich Marschburn fehl'n der, nich Jehann vun Haarlem,  
Nich Wewer un sin Dochter, smuck Marie.  
Dat weer as broch de Farmer allns int Leben.

luterfück gleichmäßig. Seboofeln (Eiswerfen, Wettkampf im Wurfen  
mit Kugeln, ein Volksspiel.

En aller Düwels Kerl, so meen of Haarlem,  
Un lese Bengels laeben em noch mehr.

Fru Haarlem awer sä: dat weer en Sünnner!  
De acht keen Fründschop un keen Betterschop,  
De wull Marie — un wenn't ni anners sin funn,  
Den Wewer mit — dat war man noch besinn!  
Dat muß Jehann nich liden, he muß hölpen,  
Man muß dat Kind em ute Klauen holn —  
Se war dat don, se war er to sik neh'n,  
Se wuß Maria funn nich inne Fremdn  
Nu noch tum tweten Mal, un æwert Water,  
Se wuß je süßbn, wa Brot int Glend smeck. . . .

De Minsch de denkt, so seggt man, un dat Schicksal —  
Dat findt den dünnsten Faden em to lenken.  
Blind heet de Minsch dat — ja wer is de Blinne?

Um Ostern ut do fahr de Wiener Wagen  
Twee smude Fruns den Weg na Bröskum dal.  
De junge ween' as wulln de Thran er stiden,  
De anner tröst er as man Rinner tröst.  
De de se fahr, de sä darto keen Wort,  
Harr sin Gedanken oder weer in Drom.

Fru Haarlem harr dat dærfett mit Marie.  
As allens fast weer, dat Geschäft verlaten,  
Dat Hus verkofft, dat Husgeräth verbol't,  
De Dag bestimmt na Hamborg op to bröken,  
Do keem de Farmer mit den leßten Trumpf.  
Do sä Marie, se funn den Mann ni neh'n,

Glend Ausland, Fremde. verholen versteigern.

Ne, lewer Vatter un de Swestern laten,  
Un bliben, wo er Mutter leeg begraben.  
So gingen de Annern, un se blev torligg,  
Un fast vertwiefelt fahr se mit Fru Haarlem.

Dat gist mitünner'n Flüstern as en Ahnung,  
Dat geit mank Lüden um as en Gespenst.  
Wo kumt dat her? Ja, frag em man mal na:  
Wo kumt de Drom her oder de Gedanken?  
Dat hett nich jümmer Wurteln as dat Unfrut,  
As Duitsch un Netteln, de man folgen kann  
Bet ünner Almanns Weg un Ramers Miten,  
De sünd ni jüs as Giftblom plant un sei't,  
Un weer't vun Bageln, as in Holt un Feld  
Nachtschatten opschütt oder Düwelsappel — :  
De kamt as Mchldau op de Rosen kumt,  
As een de Swindel fat, süht man en Winschen  
De Föst lank wannern, ging he sülbv of seker.

Dat weern nich jüs de Mummfens un de Harrings,  
Ut Fiendschaft op Jan Haarlem un sin Fru,  
Dat weern de besten Friinn vun em un Wewers,  
Jan vunne Trepp, de stillen Lüsings Junges  
De wat ni richti fuun, de't ni begrepen,  
De vun Gefahr un vun Geweten snaden.  
Un weer't de Püttjer mit sin mähti Stimm,  
So war he sachten, un he schütt den Kopp,  
Wenn he vun Haarlems hör un Wita nöm,

*Quitsch Quecke, triticum repens. Almanns Weg allenthalben.  
Miten Pflanzendünger, Compost. Düwelsappel Stedapfel. Föst  
Dachstein. sachten still, leise.*

Sin lüttje Stummel, och dat smucke Kind !  
De Fru, so sä man, sät der langsam hin,  
Dar brut de Anner lang nich mehr to töben.

Doch ging dat op den Heisterfrog as fröher,  
Blot dat Marie dar fröhlich walten de,  
Wo't sunsten still as in en Bichtstohl weer,  
Un sacht de Stimm as in en Krankenstuv.  
De Jugend is je fröhlich vun sik süln,  
Un æwerwindt den Dod noch un de Trennung.  
As man de eerste Stot væræwer weer,  
Do ging't er, as't den Votfink geit int Fröhjahr,  
De eerst sik wunnert an sin egen Schlag,  
Mit ünner stoct — as muß he sik besinn,  
As kunn he noch ni löben an de Freud  
Un Fröhjahrslust, wovon he süln singt:  
So zwitscher se, un Wehmoth mak er swigen,  
Doch wenn se't nich bedach, so sung dat Hart,  
Dat junge in de Vost er wedder an,  
Un endli schall de Jugendseligkeit  
Dært stille Hus, in Stuben un de Kæf,  
In Gängn un Gern, un wo se wandern de,  
Un trock, as vun en Ros' de Summersduft,  
Mit er in jeden Winkel, wo se hintre.

Keen Wunner, wenn Jan Haarlem dat gefull,  
Weer't doch sin bleke Fru as Lebenslust !  
In lütt Maria steef sogar en Schelm,  
Un grade, as't so is, wenn't Hart mal trurig,

Wenn't Ween er neger meer as Spaß un Lachen, —  
 Ob't vun Fru Haarlem keem, ob sunst woher,  
 Ob se mal dacht an Vatter un de Swestern :  
 Denn bunn se wul Jehann sin Düffel æwer,  
 Un stell sik as de Jüngste vun de Lüsings,  
 Mit grote Ogen un en Hangelsinn,  
 De Hann to Sit, de Fingern mit vuneen,  
 Un sä en Bers her vun der ewigen Liebe,  
 Een ut't Gefangbok, de he innen Krog  
 Marie mal declameert harr op dat Fest —  
 As sä he Bicht op bi de Herr Pastor.  
 Denn lachen beide Haarlems as de Rinner.

Doch an den Farmer dach se mit de Angst.  
 Un as vun em mal bi en hartlig Spaß,  
 Sin apen Mund un Ogen keem de Sprak,  
 Do war se so verschüchtert, as en Duw  
 De in de Höcht ut Schrecken vør de Hæv  
 De Flinken los lett un herinner fallt.  
 Se smeet sik Fru vun Haarlem um den Hals,  
 Un keet herum, as stunn de Mann dar liefsch.  
 Un as se ween, do seeg se mit en Blic  
 So dankbar na Jehann op, dat sin Hart  
 Harr steenern sin mußt, wenn em dat nich röhr. —

Man süht wul mal sin Schatten innen Dau,  
 Wenn man inn eersten Sünnschin morgens wandert.  
 Dyt Gras hin geit he mit Een, un verwunnert  
 Bemarkt man — as man't wul op Biller süht —

neger näher. Hangelsinn Doppelsinn. vuneen aus einander  
 gespreizt. Hæv habicht. Flinken Flügel.

As lüch en Kron Een um den egen Kopp,  
 Un spel as Parlen um dat Schattenbild.  
 So seeg Jehann sit in ęr depen Dgen,  
 Un wat he wær ęr dan, as in en Spegel  
 Bun frischen Morgendau, inn Heiligenschin.

Denn frilich, wer ęr hølpen, dat weer he,  
 So sä ęr Blic, de Ketter inne Noth,  
 De nich vel seggt harr un nich mit ęr jammert,  
 Nich scholln un nich beredt, segar wat drög  
 De Saken hört un hin un her bedacht,  
 Denn awer handelt — ja, so sä de Welt:  
 Dat Mäden lostofft, wenigstens den Batter —  
 As't nich to ännern weer, damit he gan funn,  
 Un ahn de Farmer anfangu Aunerfit.  
 Jan Haarlem neem dat Hüschē op den Dreed  
 Un steek en lütten Arbeitsmann hinin,  
 Blot wær den Nam. Un fahrn se mal verbi,  
 Un seeg Marie wul trurig op de Finstern,  
 Wo keen bekannte Blom un fründli Dgen  
 Mehr ruter sehn, keen Hann mehr fründli winken,  
 So sä Jehann wul: Is je noch uns egen,  
 Lütt Misa! Un desülwe deepe Blic  
 Wenn' sit op em, un as en Wulk vertredt,  
 Un blau de Hēben opgeit, blank un klar,  
 So gungn ęr Dgen op in Dankbarkeit.  
 He muß vun Steen wen, wenn em dat ni röhr!

Dat röhr em of. Un öfters gungn si in Dgen,  
 Wenn se al wegseeg, langs de smalle Mäs,

Hüschēn Händchen.

De lifen athen, un de rode Mund,  
 Den Hals un Boffen dal, as sprek em wat  
 Vun Weh un Wohl dar, dat de Seel em smölt.  
 He seeg er na de Föten, wenn se ging,  
 He seeg er op de Fingern, wenn se arbei,  
 Un wat he seeg, so weer't as röhr em dat,  
 As drog't voer em en Sinn, un harr Bedüding,  
 Un he muß utfinn, wat dat em bedü.  
 Se harr wat vun en Duv, so weel un kräftig,  
 So schüchtern schin se em, un so bequëemli.  
 Se leet em oft en anner Slach vun Minschen,  
 Un he muß denken, wat se em erinner.

Maria harr en Arfstück vun er Mutter,  
 De hïer ut Westen vun de Inseln stamm,  
 Dat weern an fülwern Rëden grote Knöp  
 Ut braken Arbeit, bunt mit rode Steen,  
 As wulhebbn Fruns se dregt op Sylt un Föhr.  
 En Brutstaat meistens, oft ut ole Tid  
 Verarft sit lang op Kind un Kindeskind,  
 Un mit Geschichten, wo se kofft un makt,  
 Un mitbrocht vun en junge Schippskoptain  
 Na lange Reisen vun de „faste Wall“,  
 Natürlích voer sin smüde junge Leeffte,  
 De Beid nu lang al blot de ällsten Lüüd  
 Noch as de Olen kennt harrn op de Insel.  
 De steek se Sünndags an er junge Vost,  
 As se't vun Muttern sehn, un na Gewohnheit,

smölten schmelzen. leet nahm sich aus, erschien wie, ließ. braken  
 Arbeit Hiligranarbeit. feste Wall Festland.



Am leefften ganz alleen, ging se to Kart  
 Na Brestum, wo dat eensam lütt Gebäud,  
 De ole Herr Pastor, de wenig Minschen,  
 Dat lisen Singn er fierlicher weern,  
 As Bredsted mit en Orgel un en Chor.  
 Et gingen de Haarlems selten inne Kart.  
 Doch mit er! . . Ja, Jehann gestunn't sik nich —  
 Doch schin de lüttje Kart em nu eerst heilig.  
 Un wenn vun Heern de reten Klingerfloed,  
 De sunst de lange Wef dar swigsam hung  
 In Wind un Wedder, tum mal ünner Dack,  
 Bi stille Luft ern lisen heesern Ton  
 Heræwer schick bet an den Heisterkrog,  
 So drop Jehann dat, un mit Andacht seeg he  
 Maria kam, Gesangbok inne Hand,  
 Woran de sülwern Haf mit rode Steen,  
 As an er Boß de Knöp un Ketten bligen.

Denn weer se seltsam, un dat funn em dünken,  
 Still as se ging, am leefften ahn en Wort,  
 Inn wunnerlichen Staat, de glänz un blenker,  
 As stamm se vun en anner Raaf un Insel,  
 Wit weg, as man't sik denkt un as man't list.  
 Bun schöne Minschen „seligen Geschlechts“.  
 Dat weer denn allerdings wat mehr als Fründschop,  
 As Bær- un Umsicht vör en arme Waise,  
 De Moders Sorg und Vaders Hölp entbehrt,  
 Un Jeden licht dat Hart röhr't to'n Beduren.  
 Dat weer se süllst de blinne Leidenschaft,

Boß Pufen. Raaf Rasse, Art.

De alles süht, um sit ni süllst to sehn,  
 De alles findt, in alles sit verkleedt  
 Wat sunst verborgen in en Boffen sticht  
 An Wunsch un Willen, Himmel oder Höll,  
 De in Beduern smöllten kann as Waß,  
 Un opflammt' to en Brand in Lust un Rache.

Jehann de muß, he harr dat Mäden leef;  
 He harr nich Broder oder Süster hatt,  
 Un harr't entbehrt, — so, düch em, muß dat wem.  
 Wenn, junk un schön, en Schwester Een to Sid stunn,  
 Vær de man sorg un de Een hez un pleg.

Dar weer't to Emm, un sin Geweten ruhig!  
 Wat sunsten noch — dat weer sin Fru er Sak.  
 Se harr er ropen, he funn er ni jagen.  
 So war't em licht de Twiefeln astoschütteln,  
 De wul mal seem, wenn he de Beiden anseeg,  
 Un dach, wat mægli Anner denken muochen,  
 So lichter, wil he in sin Jünglingsstid  
 Kein bleben, un sin Fru de Fru un Lev,  
 Dat sühl he, so bewahr as he't verspraken.  
 He drog er noch op Hann, wenn't nödig weer,  
 Un funn noch vær er don, wat mægli weer,  
 Un dar se muß un he er't nich verhehl,  
 Wa leef Marie em, seeg he öfter dütti  
 Jüs, wenn se swack, er an de bleeken Dgen:  
 Er weer't ganz recht — un so weer he tofreden.

Dat geef dit Jahr en Summer as man selten.  
 De Riwwitt weer al kam — de öllsten Püd

Bersfjern, so wat harrn se nich belevt.  
Um Lichtmeß keem de Spreen, un fort na Ostern  
Weert grön vun Gras, weert vun Viosen blau,  
Weert witt vun Martjen, un de Hatbar wad  
Mant Furkenneften, un umt Grass int Nohr  
Dar sung de Grasmück as en Nachtigal.

Maria hör de Bageln Dag ün Nacht.  
Dat weer as sung un summ de ganze Welt.  
Wat se des morgens fröh er Finster apen,  
So keem dat as en Strom — as weer dat Schott  
Wegtrocken vör en Slüs', as swimn de Luft  
Vull Ton un vull Gesang — int Hus herin,  
Un trock er dör mit Lebensseligkeit.  
Man seeg er't frilich an wenn se hendal keem,  
Dat lücht er vun't Gesicht un ute Dgen.  
Se wanner ævern Hof un langs den Garn,  
As Een de Wunner söcht un Wunner hört hett.  
Dar quoll dat ute Ger, as war dat ropen,  
Dar grön un blöm dat as mit Allgewalt,  
Un allens wat der wuß un ruter keef:  
Er weer't, as seeg se't hier tum eersten Mal,  
As war de Welt vör er eerst niet erschaffen,  
Und schöner weer er al dat Oldbekannte.

Dat gift so Tiden, wo man leben kann  
As eet man mit de Dgen, as vertehr man  
In Seelenhunger wat man hört un süht.  
So weer Marie — as jümmer in Verwunnern

Martjen Marienblümchen, Bellis perennis. Schott Schupbrecht.  
Verichluß.

Un half in Andacht, half in Fröhlichkeit.  
 En Marschhof hett, as man wul seggt, en Zauber:  
 Wer Dgen davor hett: de Wersfloth,  
 De Ruh un Freuden samt Een as en Drom.  
 Wenn dar de Saat bestellt, dat Voh to Gras is,  
 So reedt sik Minsch un Thier op Weten lant,  
 Un lett sik, as de Felder, vun de Sünne  
 Beschin un vun de warme Nacht bedecken.

So weer't Marie. Wul harr se'n Sünndag kennt,  
 Wo't alles ruhig war, bequem un festlich,  
 Doch dær de ganze Wef de hille Arbeit.  
 Hier geef't en Fesdag, schin dat, Weten lant.  
 Dat eet un drunk, dat war der allens forert,  
 De Höhner, Anten fröh vun morgens an.  
 De Spazen keem hendal, de bunten Heisters,  
 Un eten mit — vör alle weer genug,  
 Un alle mußen't wöten, denn se snacken,  
 En jeder in sin Sprak, vertrut un lustig,  
 Un kum ging Een de Anner ut den Weg.  
 Keen Wunnter, wenn en wecke junge Seel,  
 Wo freche Hann na grepen, as en Vogel  
 Na Schreck un Angsten, op en Twig mit Blöt  
 Sik wegen leet, as weer dat Minschenleben  
 En Fest, un harr keen Enn un keen Gefahr.

Se ging den Garn lant, fröh, sobald se op keem,  
 Dar harr de Gracht en Steg, dar söhr en Fottsteg  
 Enorgrad de lange Fenn lant, un dat weer er

Blöt Blütze. hille eifrige dringende. Graß Wassergraben. Fenn  
 Randstüd, Ackerstüd.

As trocken er Gedanken geern den Weg;  
 Mich jüs wohin — dat wiſ' dar rop na Bredſter,  
 Of na de nie Dit — doch inne Feern.  
 Dar stunn se geern un lœhn ſik opt Geländer.  
 Jehann ſin Swarten graſen dar inn Klewer,  
 Un öfter keem he of un lœhn dar mit,  
 Ja bald, ſo war't, as weer dat en Gewohnheit.

Wenn't in Kalender heet: die hellen Nächte,  
 So ward dat gar keen Nacht in unſe Marſch.  
 Of wenn de Himmel düſtert, lücht de Ser,  
 De See de ſchint herop, de Kimming glemt,  
 Rum ſlöppt dat Beh, de Bageln blieft int Zwitſchern,  
 Int Gras dar glöht de Blom un glänzt de Käfer.  
 Denn findt man nich int Huſ, ſogar de Knechts  
 Un Mädens ſtat un kiſt noch æwert Dor.  
 Herr un Mamsell de ſeken æwert Steg.  
 Se stunn der oft un wannern in den Garn.  
 Uns Fru de ſürch ſik vœr de Abendluch.  
 De Herr weer egen, jümmer mit Mamsell,  
 Mich uten Huſ', de Per nich vœr den Wagen!  
 Mal langs de Jenn toſam, mal langs den Dit,  
 Rein — dat weer allens — ſieh! dar gingn se wedder,  
 Un stunn der lang — vellicht de Flot to ſehn,  
 De bald heropkumt, wenn de Maan ſik wiſ't  
 Denn gat se mal, denn ſtat se wedder ſtill,  
 As Schatten wankt se an den Abendhimmel,  
 Bet se ſik na de Watten dal verleert.

Jehann vertell er vun ſin Kinnertid.

de Kimming glemt der Horizont leuchtet, ſcheint.

Hier harrn se dammelt, he un Butknecht Hans,  
 Hier harrn se speelt de ganzen langen Dag',  
 Luffschlösser bu't un Schep dat Glück to söken.  
 De Welt herum — un weern nich wider kam  
 As dar bet an de Eschen mit de Heistern —  
 Dat weer dat Enn! — Un bitter war sin Stimm,  
 As harr de Welt em um sin Best bedragen.

Man kann wat hörn, as twischen Drom un Waten,  
 Dat dringt Een dær bet an de deepste Stell,  
 Doch ob dat Freud, ob Schrecken, weet man nich,  
 Man hört, as horch man op en Klostentlang:  
 Dat kann Gefahr bedüden oder'n Fest,  
 Dat kann to Gräfnis un to Hechtid liden.  
 Ja, wenn man wak! — doch schu't man sik to waken —  
 Wat't of bedüdt: de Klang is wunderbar! —  
 So hör Maria, wenn Jan Haarlem sprot.  
 De Flot de keem un spel se um de Föt,  
 Leep æwert Sand, as bree en Det sik æwer,  
 Un platsch un klatsch, as küß' se Land un Strand.

Deaan de glänz deræwer hin un her,  
 As spöl he schieres Gold se um de Föten.  
 Dar trock he lant en Schin de See hinut,  
 Dar trock en Segel langsam dær den Schin:  
 Weer nich dat Leben so un trock varæwer?  
 Un dennoch flopp er Hart in Seligkeit!  
 Se dach an de se leef harr glündsit' Water,  
 As se an Moder dach glündsit dat Graf.  
 Weer Starben anners as wat Wegga n weer?

dammeln tändeln. bree breitere.

Un weer dat Leben mehr as selig Starben?  
 Wat weer denn Glück, as Maanschin op de See,  
 Un Unglück anners as dat Glück in Schatten?

So hör se na Jehann, as na de Waggen,  
 Un much wull opstan as en Minsch in Drom,  
 Un to em spreken as de slapen wandelt.  
 Wa war se schudern, wenn se waken weer!  
 Jehann sin Ogen hungu er an den Mund,  
 Doch mehr noch hungu se an ern jungen Bossen.  
 Se föhl dat wul, un ahn wohin dat dü,  
 De Ahnung flüster, dat dat Hart er wog:  
 Se weer dat, se, de em harr Hof un Wagn,  
 De dar in Schatten winken stumm un düster,  
 Mit Glück un Glanz kunn smückt hebbn, as de Maan  
 De grauen Waggen, — un wona he lenng,  
 Wat em ni glünnt, sin Bestes, dat weer se.  
 Se fürch, as se sit opricht an den Dik,  
 Wo Jan noch seet, un bald de Waggen seeg.  
 De mähli stegen, bald er op de Föt  
 Un umme höch an er: he war dat seggn,  
 War, as he seet, er um de Kneen faten,  
 Un de Gedanken, de se heemli dach,  
 Als in sin Seel, utspreken to'n Erschrecken.

So sprok se denn, as dach se ganz wat anners,  
 Un by em ruhig, mit to Hus to gan;  
 Dat seem wul mal, man weer mal untojreden,  
 Sogar en Glückskind, seeg se, kunn dat drapen.  
 Wer Hus un Hof harr, schull sit doch bedenken  
 Un danken, dat he nich to wannern bruf.

So sprot se em, un mehr noch to sit süßu,  
 As se torügg gingu eenfam langs den Dik.  
 Se sprot em vun sin Fru: wa gut se'weer,  
 Wa se to liden un wa se gedüllig.  
 So sprot se, un dat hölp er süßst am meisten  
 Un as se man de Stimm' hör vun de Lüd,  
 De noch ant Heft stunn langs den Weg to fiken:  
 Do war se so geruhig, licht un seker,  
 Do war er so, as harr se würtlü drömt,  
 Wovun man, wenn man wak un sit besunn,  
 Of nich mal dach, dat man dat denken muh.

As harr se em en Unrecht astobeden.  
 So sä se Jan mit lisen Stimm gunnacht,  
 Un lee gedüllig, dat he er de Hand fat  
 Un er se drück, as harr he er to danken.  
 Doch lang noch seet un dach se op er Bett,  
 Un of in Slap noch hör se Stimm un Ton,  
 As se nie hört harr vun en sekern Mann.  
 As nie er röhrte harr, wo dat Hart er klopp.

Nu ging dat Leben op den Heisterfros  
 Ein stillen Weg den stillen Summer lauf.  
 Dar keem mit to Besöt vun Frünn un Navers,  
 As 't Bruf is oppen Lann, mit Per un Wagen,  
 Vun Husum mal, vun Bredsted, vun de Häs,  
 Vun Angeln gar un anner Sit de Heiloh,  
 Wo Jan harr vörkehrt mit sin Butnecht Hans.  
 De muß man fröhlich opnehm', fründlich plegen.

lee litt. mit te mitunter.



Dat gev en Sprohr ünner't Rakenvolf  
 An Arsen palen, junge Bohn to sniden,  
 Kantüffeln schelln, in Wurst un Schinken waschen;  
 Dat gev en Sprohr ünner't Bagelwarf  
 Bun't Heister schracheln bet to't Aanten quarken.  
 De Höhner stoben æwer Gracht un Tun,  
 Un achteran de Plogjung un de Rætsche:  
 Wat hüt sik kriegen lett, mutt Feddern laten,  
 Un kumt to Disch as Braden oder Supp.

Fru Haarlem weer't en Last, se weer to swackli,  
 Er weer al Larm un Fröhlichkeit toweddern,  
 Se harr dat op de Vost un op den Garten  
 Un seet am leeffsten eenfam inne Stuv.  
 Jehann muß mit de Fremdn, dat Beh to wisen,  
 De Saat, de Brak, den Fotweg langs den Dik,  
 De Watten dal, wo man na Eier söch  
 Bun Kiwitt, Mewen un de Regenpiepers.

Denn weer Maria recht ann Platz int Hus:  
 Se hölp Fru Haarlem, wenn se billig weer,  
 Se heel de Hand vær, wenn se gar to dennig.  
 Se wif' dat Hus mit alle Herlichkeiten,  
 De Ræk, de Keller, Appelhof un Garn,  
 Se mak sik mit de Jüngern rut ant Spill  
 Opt Gras vær Dær, in Schün op de Grotbel,  
 De Gracht lank in en Boot un langs de Fenn,  
 Un heel Fru Haarlem buten Larm un Unruh.  
 De sprok denn dankbar — wenn se spreken kunn —

Arsen Erbsen. billig ziemlich wohl. dennig kümmerlich, schwächlich.

Marie er Vos, „er Hölpmaat un er Trost.“  
 Un Old un Junge stimm' der mit er in,  
 Wa smuck, wa fröhlich, wa geschickt se weer,  
 As muß man Jan vun Haarlem dat bedüden,  
 Wat he vern Schatz harr an sütt Wewers Dochter.  
 Ja, as inn Harst de Aarn keem mit de Unruh,  
 Mit fremdes Volk, mit Hauers un mit Meihers;  
 To'n Hocken, Binn un Laden Fruns un Dierns:  
 Do sä of Butnecht Hans mal to sin Herrn,  
 As allens glatt ging, ahn en Strit un Klag'  
 Um Eten, Drinken, Lager un Behandlung:  
 „Dat mak sütt Wewers Wita allens eben,  
 Dat weer er glei Gesicht, er glatten Hann,  
 Er moje Stimm — so weer't sin Dag' ni gan!  
 Dat weer nich to betalen, nich mit Geld,  
 Blot wat se mit er fründli Dgen utrich.  
 He wuß nich wat de Herr mal maken wull,  
 Wenn de em wegging, da uns Fru so süß,  
 Denn as man sä, de Farmer keem je wedder,  
 De leet er nich, in Bredstede sän dat Alle.  
 De Weerth vertell, he schrev em jeden Maand,  
 Un harr em Bullmacht schickt, he kunn er schenken,  
 Un weer't bet hunnert Daler, Sammit un Siden  
 Un Gold un Spitzen, wenn se sit besuun,  
 Un gev em blot en Wink, he muoch er halen.  
 En Dümwels Kerl! en gottövergeten Kerl!

Vos Kob. Hölpmaat Gehülfe. Hauers Arbeiter in der Ernte, das bauen ist ein künstliches Mähen mit einer kleinen Zichel. glei glatt, fröhlich, moje tiektich schön.

Ja wedder keem he, dat weer utgemaakt!“  
 Als harr en Rav sik mant sin Herters jett  
 Un reep hindal: Ik kam, wat wullt du maken?  
 Se treedt! Wat ward der ut den Heisterfroz?  
 So hör de Herr van Haarlem op sin Bukecht,  
 De noch int Weggan sä: En Düwels Kerl!  
 He sä sik frili, dat't ni mögli weer,  
 De Farmer weer en Gruel vör Maria,  
 Se fahr in Schreden op al bi dat Wort,  
 Un hör sin Nam nich ahn de Fard to wesseln.  
 Un doch — wer wuß? En Mäden weer se of.  
 Dar weer al mennig Een mit siden Vänner,  
 Mit echte Spizen, mit en Kleed ut Sammit,  
 Mit Parlen oder Gold, to Hals un Armband,  
 To Markt föhrt — denn to Kark, ad man en Fal,  
 Dat lang unbannig strampel inne Friheit.  
 Wer wuß? Denn vun de Furcht bet to de Lev —  
 Dat bruk man nich to lesen, kunn der sehn  
 De Ogen harr — weer jümmer man en Schritt.  
 Vellicht weer't mehr de Furcht vör See un Water,  
 De grote Reif', de fremde wide Welt,  
 As vör de Mann. Un mähtig neem de af,  
 Un Yengn un Yangu na Bader un de Swestern,  
 De öfters schreben, wa de nie Welt  
 Keen Wildnis weer un Minschen allenthalben:  
 Wer much dat weten, ob se er ni endli  
 Dat Hart mal grot, den Sinn mal seker maken,

Bahl Achten. unbannig unbändig. sehr.

Dat se dervun ging as inn Harst de Swölt,  
 Un leet em, eenfam, as sin Batter seten,  
 De Eschen æwer sit, de Heisters baben,  
 Un um sit Krantheit, Öller un den Dod!  
 He harr er't seggn mucht, dat se töben schull —  
 Dat war ni lang — doch wag he't nich to denken —  
 Obglif he't wuß, dat Enn weer vør de Hand —  
 Nich astowenn' — wer kunn der don un hölpn?  
 Wat em un Minschen mægli weer der dan.

Doch hö Marie sit, em alleen to spræken,  
 Ut Sorg vør em, ut Angsten vør sit sübn.  
 Se wuß nich, ob se stark weer, wenn he klag,  
 Un wenn he bë, wat se em wegern war —  
 Ut Yew am meisten vør er franke Fründin,  
 De swach un swacher war, un fast keen Trost  
 Un Hölp mehr kenn, as er lütt fründli Mika.  
 Bi er — as harr se dar wat astoblißen  
 Wat nich mal dacht weer ut er egen Seel —  
 Dar seet se tru — en lütt barmharti Suster —  
 So sä Fru Haarlem, menni sware Dag,  
 Un hölp er Nachts in Angst un Hartensnoth.  
 Un ging't mal beter, so vertell se er  
 Un rø er vør vun künfsti betere Tiden.

So enn de Summer in den grauen Harst,  
 De bald mit Regen, Storm un lange Nächte  
 De Marsch bedeckt as mit en Truerdes.  
 De Bageln sünd dervun, de Wischen takl,

hö hütete.

Wenn nich de Wind hult, is dat dodenstill,  
 Blot ut de Schlin dar klappert Wefen lant  
 De Döschers na den Taft, un dann un wann  
 Jagt æwerhin to See de Regenwölpen.  
 Denn hört der Moth to, 'n beten Glück un Freid,  
 Wol Jugend of, den Kopp nich hangu to laten,  
 Nich swart to sehn un düster inne Tokunft.  
 Besöt is selten, denn de Weg sünd gräsig.  
 Dar kumt keen Wagen lant, so sünd de Per  
 Mit dicken Lehm bedeckt, so sünd de Räder  
 As wöhl man in den Slick op Mæhlensteen.  
 Un gift't en Dag mit Sünnschin mal dertwischen,  
 So steit man op de Wurth, as op en Barg,  
 Un süht en wide Welt, as weer se storben:  
 De Athen kun Een stocken inne Vost.

So weer't Jan Haarlem oft in dissen Parst.  
 Un wenn he dach, dat se mal Beide hin weern,  
 De Een int Graf, de Anner inne Fremdu,  
 So kunn em't kam un schütteln as en Fæwer.  
 Denn seeg he na Marie, as na de Sün  
 De Kranke, de de Nachten liggt un wakt,  
 Un keem se vun de Kranke dær den Besel  
 Un langs de Del, to Kæf un na er Stuv —  
 He harr er faten mucht mit beide Arms,  
 Er bedden mucht, se schull em nich verlaten!  
 So hungn sin Dgen an er lichten Schritt,  
 So klammer all sin Hæpen sik an er.

---

Regenwölpe Regenfeijer. Charadrius. gräsig schauderbait.

Dat weer al 'lat in't Jahr, Micheli weer't.  
 Jehann muß rop to Markt, he harr to den  
 Mit Lüüd in Bredstet, de he drapen wull.  
 He harr sin Swarten vær, dat weer en Dag  
 Jüs as he selten kumt, mit Sünn un Weemoeth.  
 Wenn man herop hordh in de stille Lust,  
 So keem der sacht un lisen as en Athen  
 De Geest heræwer æwer Brestum dal  
 En Ton, as weer't vun Minschen oder Beh.  
 Vun Klocken oder Orgel un Musif.  
 Dat trock, as weih de Fröhjahrswind Een an,  
 Bet an dat Hart, dat eenfam kloppt un lenngt  
 Na Glück un Freud un helle Minschenstim.  
 He hordh un hör, as keem sin ganze Jugend  
 Noch eenmal wedder, un he funn dat Leben  
 Noch eenmal anfangn mit de ole Lust.  
 Ja domals! Weer de Ton nich, den he hör,  
 As lock em wat? Un he muß achteran?  
 Un neeger keem he un de Selligkeit!  
 Un nu?

Do keem Maria langs de Delf.  
 Se wull em doch ade seggn vær den Dag.  
 Ja, hölp em Gott, he muß, he funn't ni laten:  
 So keem dat Glück her in sin Jugendtid!  
 All wat he drömt — he harr sit't jüs ni jegg —  
 Doch spel en Mäden mit, Gesicht, Gestalt,  
 En Gant, en Sprak — he harr er blot nich funn,  
 Un doch er söcht, wohin sin Dgen gingu.  
 Nu muß he't: wenn dat kam weer, in Person,

Wena he utging domals, wenn he hordch:  
 So weer se! — Un as dreef em en Gewalt,  
 So fat he er un heel er in de Arms,  
 Bedeck er Mund un Hals un Bost un Egen  
 Mit Küß, un sä er, wat er fast erstick:  
 Wenn't Glück harr wullt, Marie, wa weer ik glüclli!  
 Maria lee dat, se weer half in Ohnmacht.  
 Un as se sik torecht funn un besunn,  
 Un half vertwiefelt opricht, gungn de Swarten,  
 As to en Weltfahrt langs de Wurth hendat,  
 De Porten rut, un se seet dar alleen  
 Un hör de Speluhr op de schrubbte Del,  
 Un seeg de Biller op de Etschschappen.

Se seet un dach allmähli den Gedanken:  
 Wohin se gan schull; gan — noch hüt — dat muß se.  
 Do hör se Stimm' un Lopen æwern Hof,  
 Un seeg de lüttje Goosdiern — noch en Kind —  
 De Hann to höch, de fassen Haar to Barg,  
 De Egen wild un as in Dodenschrecken  
 De Dær verbi un langs de Hofstell lopen.  
 Se harr al Stimm un Athem ganz verschreggen,  
 Un reep man ahn en Klang un Ton: Uns Fru!  
 Och hölpst doch, gau! Un darmit weer se weg.  
 Maria hör er kum, so weer se op  
 Un rut de Dær, as mak de Angst er flegen,  
 Lik dær den Garn, as sä de Ahnung er,  
 Wohin dat Unglück wink, dal na de Gracht,

lee litt. verschregen verschrien.

Dat Stegelsch to, dat op den Fotsfig föhrt,  
 Wo man herop na Geest un Bredsted süht.  
 Dar seeg se denn dat Water noch sit frösen,  
 Dat jümmer sunst so glatt is as en Spegel.  
 Se seeg en Hand herutkam un verswinn,  
 En Kledersom de sunk un ünnerduk,  
 Un darmit weer de Welt vör er to Gnn.  
 Se wuß woken dat weer, un wuß warum,  
 Se wuß man blot nich: sprung se achteran —  
 Dat weer dat Pichste — oder blev se baben  
 Un drunk den bitteren Keldch bet op de Hesen.

Se weer noch nich to Gnn mit er Gedanken,  
 So keem de Küd al rut ut Hus un Schün.  
 Dat gev en groten Larm un vel Geschrigg,  
 Vel Ungeschicklichkeit, vel Kenn' un Lopen.  
 De Een wull dit, en Anner meen wat Anners,  
 Man frag sik na de Stell, man reep na Leddern,  
 Na Bred, na Hafens, leep sik um un dumm —  
 Swimm lehrte der Mümmis de an de Westsee wohnt,  
 Wo Ebb un Flot de dägli Anblick is:  
 De See de is to grot vör lüttje Kunststück,  
 Dat hölp't vör nix un heet den Dod verlängern,  
 So seggt de echte Seemann un de Strander.

Hier harr dat hölp'en kunnt, nu war't to lat.  
 Dat weern Minuten, mehr nich, doch gerade  
 De paar Minuten, de der nödig sünd,  
 En Minschenleben as en Licht to löschen.

Stegelsch Steg. ünner duken untertauchen. woken welch einer,  
 wer. Mümmis Niemand.



Maria stunn, as weer se sülsen en Lit.  
 So steit en Sul, so steit en Bild ut Holt.  
 Se hör man na den Arm, as man wat hört,  
 Dat ut de Feern daer Dat un Nebel hallt.  
 Doch mank dat Jammern, Schriegen un Beduern,  
 Wat se verneem, as keem dat æwer See,  
 Wenn man in Storm noch Minschen ünnerscheedt:  
 Klung er en Stimm, so neeg, as weer't er egen,  
 Un doch so fremd un feern, as æwer't Graf:  
 De ole Wartsfru weer't, de al Jehann  
 Ep Armen dragen un inn Wagen fahrt,  
 Nu sülsen kindsch herum trop oppen Hof,  
 De stunn mit solte Hann un inne Gracht keet,  
 Un sik entschuldig, as se oft wul dan,  
 Wenn se mal slapen un Jehann mal fulln:  
 Se harr uns Fru wul sehn, den Dgenblick,  
 As do uns Herr weer wegfahrt, rop to Markt.  
 Do weer se ut er Stuw kam, dodenblaß,  
 Un harr of seggt: se wull der 'n Enn vun maken;  
 Doch harr se dacht, se meen dat nich so slim,  
 Dat weer er Hartenskramp un ging væræwer.  
 Doch weer't to lat wen, as se't richti marf,  
 Un se bedacht harr se muß Lüden ropen,  
 Do weer't to lat wen, ja, se harr keen Schuld.  
 So sä de Dlsch, un keet mit blöde Dgen,  
 Wo weder Angst noch Freud sik mehr in spegel,  
 Man blot en Art vun Riegier, wo se leeg

Sul Säule. Dat Dunst, Nebel. solte gefaltete.

Int Water — na dat Enn wat se dar söch. —  
 As war ę Urdeel spraken hör Marie  
 De Dlsche klæn': Se wull der 'n Enn op maken!  
 Nu weer't to Enn! — Wat schull denn nu begünn?  
 En nies Leben mit en nie Hochtid?  
 Erst dat Begräfnis, un de Hochtid denn?  
 Warum denn nicht? Dat weer so Top der Welt,  
 Erst keen Begräfnis, darop folg en Hochtid.  
 Wa schull't of anners? Blot weer nich dartwischen  
 Wat trop, as sunst dat Spritwort geit,  
 — Se seeg sit na de Fingern, ob se blödig —  
 Weer nich dartwischen — also warum nicht?  
 De Welt sä doch, un wer kunn gegen spreken? —:  
 Se weer der Schuld an, se, lütt Wywers Wifa,  
 Se harr ę rinjagt, se, Michelimarkt,  
 As se mit Herr vun Haarlem op de Del  
 Ton Affscheidung harr Umarmen un Küssen spelt.  
 Do weer Fru Haarlem kam dat antosehn,  
 Un harr sik dacht, se muß der twischen ut,  
 Se weer, as man dat nömt, en Hindernis,  
 So ging dat nich, se muß der 'n Enn op maken.  
 Nu harr se't utföhrt, un nu weer't to Enn.

As dripp ę Gift in't Hart, wat mit dat Blot  
 Denn Schlag na Schlag dær alle Glieder drung,  
 Bet se as starr weern, un nich mehr gehorchen,  
 So keen ę de Gedanken Drapen wif'.  
 Se stunn un röhr sik nich, un sä keen Wort,  
 Un harr keen Thran, keen Süßzen un keen Teken,  
 Dat se derbi weer an de Unglücksstell.

Dat is to Enn — dar want se mit int Hus,  
 Dar keem se langsam mit de Trepp hinop,  
 Dar sett se sik mit dal in er lütt Stuv,  
 Un hett nix wedder seggt, keen Lut, keen Ton,  
 Keen Antwort op en Frag, noch op en Bed,  
 Keen Fragen noch Verlangn na irgend wat.  
 So hett se seten mit er solten Hann,  
 Un hett sik dal leggn laten in er Bett  
 Un wedder opnehm morgens ahn en Slap,  
 Bet't of mit er to Enn weer in den Winter.

Jehann weer innen Krog in Bredsted west,  
 Do keem en Knecht to Per un broch de Naricht.  
 He hal den Docter, jag mit em to Hus —  
 Un funn dar, as he't dacht harr dann un wann,  
 De Een so gut as weer se al int Graf,  
 De Anner so as weer se inne Fremdn,  
 Un sik vereensamt, as sin Vatter weer,  
 Stumm ünner hoge Eschen mit de Hersters,  
 De lud as jümmer schracheln ut de Böm. —  
 Wa he't nu drog?

Wer wagt dat uttospreken?

So lang dat Stimm hett, weer't of man to schriegen,  
 So lang't sik seggn lett, weer't of ahn en Wort,  
 Mit Ween un Klagen — is't noch recht keen Unglück.  
 Erst wenn dat gänzli stumm ward, wenn keen Lut  
 Mehr vun de slaten Lippen, nich en Ton  
 Mehr ut de Bost, keen Thran mehr ut de Ogen

Sif drängt un Lust maht, ja, denn sprekt dervun.  
 Wa wull de Welt of fortgan, harr dat Ton  
 Un Stimm sif richti kund to maken?  
 Se muß je still holn, hörden muß de Steen,  
 De Storm muß swigen gegen dissen Lut.  
 Dat geit ni, ne, dit Unglück ward begravt,  
 Dat ward mit Eer bedeckt, mit Blöm beplant,  
 Dar ward — as op en Schlachtfeld — sei't un adert,  
 Darmit de Welt ni wis ward, wat der liggt.  
 Denn wenn't man Een begreep un kunn dat seggn,  
 Muß alle Freud verstumm' un Lebenslust,  
 De Welt muß still holn, bet se sif vernü,  
 Bet anners war, as nu, er lusti Lop.

As he dat Graf harr twee Mal æpen laten,  
 Wa't vun de Port ut, wo de lahme Püttjer  
 Sünnabends seet, dweer æwern Karthof föhr,  
 Wo't ruhig ünner hoge Klüstern leeg,  
 Do fahr Jehann to Hof, un keem nich wedder.  
 Blet dann un wann, velleicht in'n hogen Summer  
 Velleicht in'n Harst, tomal Michelimarft,  
 Wenn't ræwer trock na Marsch as fröhli Stimm  
 Bun Minschen, Beh, vun Orgeln un Gesang,  
 Denn jag he mit sin Swarten rop na Bredsted.  
 Dat lee em ünnerwilen nich to Hus,  
 As Jan sä vun de Trepp, un wer em seeg,

vernü erneute.

De wuß, he jag mal um den Karthof rum,  
 Dar wo Fru Haarlem leeg un Mita Bewers,  
 Un denn verschwunn he, æwern Dreedspatz,  
 Na Bræklum langs, na Süderwischen dal,  
 Un eenfam wedder, fründli, still un stumm,  
 So seet un teet he ut sin Beselfinstern,  
 Un wanner langs de Fenn un langs den Dit.

Doch wiß' dat Volk sik abends ute Feern,  
 Wenn hell de Kimming glemt, de hogen Eichen,  
 Un sprok mit lisen Stimm un as mit Andacht  
 Bun Schuld un Unglück op den Heisterfreg.

## Um de Heid.

---



Allemann gingen vundag' spazeern, denn dat weer  
 Sünndag. Man hett denn nich vel Utwahl. Wer nich  
 jüs to Vann gan will, „to Dörpen“, oder na de Schanz  
 — un dat sünd jümmer Weg' vun Stunn — den blifft  
 nix, as de Spazeerweg rund um den Ort: man nömt den  
 Weg de „Bümfernstieg“, un wer Sünndags utgeit, de  
 mutt mal „um de Heid gan“, dat is de Nam vör den  
 Gang. Dar kumt keen junk Mäden in Sünndagsstaat  
 in en Hus, dat man nich denkt un fragt, ob se mal  
 umme Heid wesen is, un wer recht düttlig maken will,  
 wa lang he nich ute Dör west, de giff de Tid an, wo he  
 nich enmaal so wit hett recken kunnt, mal umme Heid to  
 fam. Wenigstens weer dat vör en gode söftig Jahrn so.  
 Domals reck son Spazeerweg as Sünndagsvergnögen  
 vör de Meisten of noch ut, de de ganze Wef frumm seten  
 harrn, um se vör de neegste Wef grad op to holn.  
 Denn de Meisten, de der gingen un wahn inne Heid, dat  
 weern Handwarkers un Kramers; Hekers as man sä,



Reopflüd, as se lewer nömt warn. Trili, de en Roh harr oder twee, de smökt nadem ok noch enmal na de Döfen hinut, na'n Westermoor oder Dubenheid un leet sik vun sin ol Krummhorn oder Buntsnut de Hann beliden un den Noß haarig schliern. Darvun geef't awer am Ende nich so vel in en Ort vun fivdusend Winschen, as dat se sik ni licht, ahn dat grote Een mal Een, tosam telln leten.

Un se gungn doch ok mal mit umme Heid. Willn se sik ni sehn laten vör Lüüd un na Lüden sehn, teen blanke Backen roth maken, un sik ni spegeln in blanke Ogen: to liden un to denken geef't ok nog vör nadentlige Lüüd, un de ganze Ort leeg so to seggn apen op den Blümfernstieg.

Rund rum umme Heid ging he, meist an beide Siden mit en Gröv vör Störtregen un Ennswater. Alle Straten snee he af awer Enn, dat man lant sehn kunn oft bet op den Markt, an jede Stratenenn fast stunn en Windmal oppen Barg, un verscheden is de Gegend, as man de Nam sin kann vun Westeregg, Norderegg, Wester- und Süderegg, verscheden as de Utsicht, hier oppe Geest mit den Kranz vun Holt na't Osten rut, dar de rife slake Marsch, fast jümmer mit en sin Dunst un Newel darawer, hier na't Süden inne Sünne rin un op Meldorp to, un dar de Schatten in't Korn vun de Rathsbömm un all de schön Garne vun de fein Lüüd inn Ort,

Döfen Niederung. Eigennamen einer Gegend bei Heide.  
ein Moor bei Heide. Störtregen Sturzregen.  
Gde. Name für eine besondere Gegend desselben Orts.  
Hauptort von Süderditmarschen.

Dubenheid  
Egg eigentlich  
Meldorp

de ant Markt wahn' un achter æwer de Planken keeken ;  
de gingen jüs nich fülbn jümmer mit spazeern. Un wat  
vern schöne Ogen sehn dar mitünner herut ! dat man sit  
verwunner, wo de wul herstamm' den , un de se kenn, de  
sän : dat is Landvogts Dochter ! dat is Kaspelschriewer  
sin ! dat is Besöt ut Hamborg ! oder vun sunst wo.

Dat seegen un sän meistens de Jüngern. Awer of  
de Verständigen junn er Deel. Bald leeg dat mal na't  
Osten rut, bald na't Westen. Denn de Ort weer int  
Opnehmen un dar weer jümmer wat Ries to Gang.  
Kum weer man mit den Stodmeister sin Terrassen fertig,  
de in een vun de Sandfulen, wovun dat of jüs so vel  
geef as Himmelsgegenden, en Anlag' vun Böm un Blom-  
betten mak, Windruben sogar gegen de Sünn, so harr  
Vullmacht Witt in den Norderpol en Swanhus midden  
in setten laten, mit twee witte Swans darbi. Denn  
keem de Verschönerungscommischoon un runjeneer alle olen  
Böm anne Westerweid, um junge nie to planten, un  
menni ole Mann stunn un dur æwer en herligen groten  
Kastanje, den se dal haun, blot wil he en paar Fot uten  
Weg stunn, un de Weg lik sin muß, sä de Commischoon ;  
un junge Lüd snacken mit Begeisterung vun Ordnung  
Fortschritt un de Tokunst.

In letzter Tid harrn Reinhold Rissen sin Planta-  
gen, Anlagen, Buten int Süden vunne Heid alle Ogen

Stodmeister Gefangenwärter. Stod Gefängniß. Vullmacht  
Landesbevollmächtigter, Deputierter der Landgemeinden in Ditmarschen, meistens  
wohlhabende Leute. dur bedauerte.

hinentst, alle Föt hintroden, allt Snacken un Denten verbrukt.

Wo man vunn Vütten Heid her um bög, gung de Stieg en paar Fot inne Höch, genug um in disse flacke Gegend allens to æwersehn. Dar stunn denn of Jedermann en Ogenblick still oder sett sit op de ol Knüppelbank, de dar ton Sitten inlad', un wer dar seten harr mit en Fedder inne Hand, de kunn na un na de ganze Geschichte, wenigstens vun Reinhold Nissen un de halwe Heid, de mit em tosam hung, dal schreben hebbn, as man Johann Adolphi oder Volten oder Viethen de Krönk vunt Land Ditmarschen.

In dissen Ogenblick bleben twee Mannslüd stan, wovun de Een gewis en Bur vunn Vann weer, dat wiß' sin Rock un oldmodschen Fot un de Nieschier, womit he sit herum keef as na luter Wunner.

„Also dat hört em nu all,“ sä he, half mit en Fragen, half mit en Koppschütteln, as kunn't ni mægli sin.

„Dat hört em all,“ antwor de Anner, und wiß' mit sin Handstoc in en halwen Birkel vunt Norn bet nat Süden herum, vun de grot Stampmæl ant Markt an bet ævern Schibenwall weg. — „Dat hier twischen in mit Schün un Hüsen hett he vun de Smitten Rinner to kofft. Blot de Notpol liggt em dar twischen, de de Comün hört

Vütten Heid Kleinbeide, die Tische des Ltes. Joh. Adolphi zc. Chronisten des Landes Ditmarschen, dort allgemein bekannt und gelesen; Joh. Adolphi genannt Neocorus, hat eine zweibändige Chronik Ditmarschens in plattdeutscher Sprache geschrieben, die Dahlmann herausgegeben. Schibenwall früherer Scheibenstand, jetzt Eigenname eines Ortes. Notpol Notruhl, Wasserpfuge für Feuergefahr erhalten.

un de se em wegen mögli Führsgefahr nich verlopen dörf. He hett der nog op baden, un mehrmals Eggn und Tein Mann darum tosam ropen laten. De grot Mael steit em to dicht ant Hus, oder er ward to vel Wind vun de Hüf opfungn, genug, he harr je de Idee, he wull de ganze Mael op Rullen awer den Bol weg na den Schibenwall hendal fahrn, un sin ol hollandsche Bumeister Johannis wullt ünnernehm.

„Wat en Döwelskerl!“ seggt de Bur in Verwunderung.

„Ja,“ seggt de Heider stolt, „hier ward wat mögli maht! As’t ni ging wegen de Bol, den he harr todämmn mußt, wat de Comün ni liden kunn, lett he sik noch een Mael buden op den Platz, wo se hinschull, du kannst dat Gerüst dar awer de Böm weg sehn. Se sünd jüst bi’t Richten.“

„Wo is he man bi’t eerste Geld un Capital kam?“ sä de Bur, „dat heet doch toles: „...Fang an!““ un he weer slüttje Yüd Kind ut Büsum; wa mi recht is, weer sin Ole Strandslöper, Barger un so wat. Ob de velliicht mal en guden Fund bi en Brack dan hett, wa he nix vun na-seggt, oder wo’t sunst herkam is? denn de Wind hett’t doch nich tosam weih’t!“

„Mag Gott weten,“ seggt de Heider Börger. „Wi künn’t ni, un wi weet’t of ni. Wi fräpelt uns dær mit unse lütten Geschäften vun Wef to Wef un vun Jahr to

Tein Mann zehn Männer, die Erbbehörde der Gegendcommüne. Strandslöper, Barger Strandläufer und Barger am Meerläufer, meistens Leute niedrigen Standes.

Jahr, un sünd tofreden, wenn wi rund recht un trium regum nich of inne Heid „Umschlag“ heet as in Kiel. Hett velliicht en Smuggelhandel dreben vun Hamborg de Elß dal awer Büsum, oder vun Vezfähr de Eider rop na't Korn, de Wegg' fahrt he je noch bi Nacht un Dag."

Un darmit wannern se wider, un man seeg den Börger noch na alle Siden mit den Handstod reken, wo jedesmal de Bur as lant en Nichtscheed achter na keet.

Se warn awer glit aflöst. En oln Mann sett sit möd op de Bank un seeg in den nie anleggtten Garn dweer vör em, Süden op, mit en hogen Dorntun oppen Wall herum, wo en Port hendær föhr. Ein Dgen gingen mit Wulgefalln awer de jungn Böm weg, wovun de Dann, de man hier sunst man eenzeln süht as en Seltenheit, in en ganze Schonung hoch awern Tun reckten.

„Is je wul en Desteregg'n Vott grot?“ sä sin jüngere Begleiter.

„Twee,“ segg de Ole, „twee, umpaß drüttehals! Dat Vott, wo nu de Dik is mit Goldfisch un Karpen, hör der nich to, dat weer en ole Sandkul; de twee Votten koff he ut de Röhdsche Massa. De Schibenwall, wo nu de

Umschlag. Während der Woche nach dem Dreikönigstage (octavas trium regum) wird unter diesem Namen in Kiel eine Art landwirtschaftlicher Börse für ganz Schleswig-Holstein abgehalten. Alle bedeutenden Pacht-, Zins- und Capitalzahlungen werden alsdann geleistet. Ein Jahremarkt schließt sich an. De Elß die Elbe, Büsum ist ein Flecken am Ausfluß derselben, Vezfähr eine Fähr über die Eider. reken zeigen. Nichtscheed Nichtscheide, Instrument der Maurer. Süden op gegen Süden. Tun Zaun. Desteregg'n Vott Voss bei der Verteilung der Gemeindeweiden, die erst vor etwa sechsßig Jahren geschehen. Die Desteregg'n-Commüne hatte am meisten Land und daher das größte Voss, es hielt sechsßundert Quadratruthen. umpaß beinahe. Dik Reich, Weiber.

Maal hinkumt, sünd sogar dree. It weet dat genau, denn it heff noch de Meentweid kennt un de Opdeelen mit maht as Eedswarn. — Ja, wa de Tiden sit ännert! fröher heet dat: wenn de Bom is grot, is de Planter dot. Dat gellt nu ok ni mehr. Se hett Böm planten laten, wo an een veer Ber to treden harrn, de ganze Wurtelpull Ger mit, anbunn mit Tauwarf un Wirn, begaten mit Sprüthen — 't geit doch all. Is herrlich vör den Ort!"

„Dar hett sogar int Fröhjahr en Nachtigal sungn," sä en smuck junk Mäden, de mit Moder un Broder, as't schin, darto keem; darbi nüch se den Olen fründli to, un alle dree sän Gundag, Vatter un Vetter.

„Kann wēn, dat se sit hertreckt," sä de Ol un lach ęr to, „wenn Du hier man saken spazeern geist, se sünd nischieri na junge Mädens; betto sünd se noch nich bet awer de Schanz vun de Geest hindalkam," it heff sit Jahren keen hört."

„Dumm Tüs," sä de Broder, „hier is nie een west! Klein Anna ęr Jung hett in Bom seten un Reinhold Nissen sin Dochder to Gefallen een namakt."

„Klein Anna ęrn?" sä de Ol, un wiß' half rüggwarts na en lütt Hus, dat neeg bi, ok op Nissen sin Gewes' stunn — dar mug se wul wahn — „is dat so'n Strick? It kenn em ut de Scholprüfungen as en banni

Meentweid Gemeindeweide. Opdeelen Auftheilung. Eedswarn beedigter Beamter. Wirn Eigendrähte. begaten begossen. kann wēn mag sein. saken häufig. nischierig neugierig. betto bißer. Schanz die Schanze, früher befestigter Platz zur Grenzvertheidigung Dilmarschens, mitten zwischen zwei Mören, den Weg durch den Urwald, die Hamme, beherrschend.

stillen, ernsthaften Bengel, un jümmer de Gerste int Reken un Schriben. Is he nich Schriever bi Wissen?"

„Zawul," sä de Junge wat scharp, „un geit ernsthaft nog, mit gewichste Steweln. De is slau!"

„Un klof," sett de Schwester hinto, „un de Steweln stat sin Föt so gut as de teite Müß sin Kopp."

De Moder dräng mit en Bewegung, wieder to gan, velliicht wil enige junge Lüüd umme Eck keemn, de mehr noch, as de Dochder vun Thieß Thießen beschreiben harr, op blanke Steweln un teite Müßen heeln. Se harrn sogar Zigarren inn Mund un fine Rohrstöcker mit Quasten inne Hand, un neemn bald wichti den Platz in, we de Börgerßlüüd eben weg gan weern. —

De Söhns vun unse Beamten, Pastern un Doctern hebbt sik meist jümmer ünnerscheden vun anner Lüüd Kinner. Sunderbar, jüs in son fri Land as Ditmarschen, we en Adligen kum sin Tritt laten hett! Dat mag mit darvun kam, dat, sit de Freiheit verlarn gung, sit 1550, de König vun Dännemark vele darvun her sett. Wi harrn nie recht wat mit se to don. Dit mug so'n Slag wesen. Ewrigens smucke junge Bengels!

„Schön Garnhus!" seggt de Een, un blas' den Hof künstli vun sik, „swarte Pann opt Dack — dat kennt wi hier je gar ni!"

„Dummbart," seggt de Anner, „Schiefer, segg ik di, schiern Schiefer, een Rezentafel bi de anner!"

„Ei noch enmaal," weer de Antwort, awer de göll al

half en Rutsch, de mit twee Brune um de Eck sus' un  
voer de Garnport still heel.

Twee junge Dam' stegen ut un gingen inne Port,  
de een temli lant un hell, vun de anner seeg man blot  
en herrli swarten Kop vun achtern; denn verschwunn se  
achter den Tun un mant de Böm.

„Junge, Fritz,“ sä de een vun de jungen Lüüd, „wer  
weer dat?“

„De Lange?“ sä Fritz.

„Wa kannst du fragen! De mit de prachtrullen  
swarten Haar.“

„Kennst er ni wedder?“ seggt Fritz, un strift sīt æwer  
den Mund, as streek he en Snurrbart weg, den man inne  
Heid domals doch noch ni dragen de.

„Also dat weer Hilda Nissen!“ sä de Anner, un leet  
Mund un Ogen liker wit apen stan. „Wer schull't dacht  
hebbn? Wi gingen je eben Norden de Heid an Landschri-  
wers Garn vœrbi, wo se mit de Dochder seet Kaffee te  
drinken, un æwer de Plant keet. Wat vœr Ogen! Swart  
as de Steenkæl! Grot as bi en Ul! So wat heff it min  
Leben ni sehn! Ich kreeg ordentli en Schrecken, as it  
ropkeet un er dicht vœrbi muß. Wer kunn't denken, dat  
de inn Ogenblick hier an de anner Eck vunn Ort rum  
flankeer?“

„Nu,“ seggt Fritz, „wer en Wagen hett, twee son  
Brune, un en Rutscher as Jan Willem — kann all wul  
angan!“



„Gewis! Amer segg mal, weer se dat ni, de vœr fortien noch jûnmer as en lauk stafi Gertist mit den Bœferranzen oppen Rûgg æwert Mark na't Presterbûs ging, to Stunn bi den Propsten? Wa slog er jûnmer dat wille Haar umme Nack!“

„Jûs desûltwige,“ sâ Fritz as en Kenner. „Harrst di domals al seggn kunnt, dat de wat Besunners warrn muû, de ging je oppe Knorn —“

„As en Hatbar,“ seggt de Anner.

„Nê, as en Gems, war de Sweizer seggn. Un, nu se funfermeert un en junge Dam, is en Reh man en flichten Vergliif,“ seggt Fritz.

„Ja, Dgen,“ sâ de Anner, mit en Blied na den Gern, „so wat heff ik min Leben nich jehn!“

So un âhnli ging dat Snacken den lewen langn Sûnndag Namiddag los, un man kunn noch vun Bewunnern un Misgunst en ganzen Deel hœrn, wenn man Lust harr to tœben. Wer Reinhold Rissen kenn un liden much, de læv em. Wo dat nich so weer, dar hœr man, as vun Krein un Uln stimm Wedder un Unglûck verkûnden, un Jedermann harr dat wichti, as weer he de Mann, de dat maht un beraten harr, oder he weer de Unglûcklige, op den mal de Stûcken tohopen fulln. Am meisten natûrlîch harrn de to læben oder to lastern, de nich blot an sin Gewes' vœræwer spazeern, sundern de mit dat Hus, mit den Mann to don harrn, mit em in Geschâften oder bi em in Deensten stunn. Wer wull de

dat of verdienen, wenn se mit dachten un mit snacken, wo  
er eegen Will un Weh vun ahangen de.

\* \* \*

De Kutscher Jan Willem fahr mit sin Wagen na de  
Hoffstell ant Markt rop, keem awer bald wedder torügg  
na dat lütt Hus, wo bi Klein Anna ern Nam na wist  
warn weer, un dat dur ni lang, so stunn he vör sin  
Dör, Kutscherhot noch op, un Stulpensteweln an, awer  
Noch ut un hemdsmaun, as harr he wat Wichtiges vör,  
wat grote Knäv kost. Eigentli awer wuchs he blot sin  
Pitschenstiel un bunn mit Fähn un Fingern en nie  
Blattsch anne Swepp, de he denn kunstgericht probeer, as  
schull he dar mit in en Concert op spelen oder vellight  
Bageln darmit haun, denn he seeg plitsch achter dat Enn  
her, as en Jäger achter sin Schuß.

Kum harr he enigemal klattscht, so keek æwer de  
anner Dör — denn dat lütt Hus harr twee Wahnungen  
— en Kopp vun en lüttje Fru mit rode Backen, de apen-  
bar op en swackligen, tosam sunken Körper seet, un mit  
en helle Stimm, awer wenig Athen, as solke Lüde dat  
hebbt, reep se:

„Schall't al wedder los gan, Jan Willem?“

„Jawul, Klein Anna!“ weer de Antwort, und de Swepp  
klattsch as en Trumpp op dat Wort.

„Wohin denn?“ frag de lüttje Fru nieschiri.

hemdsmaun in Hemdsärmeln.	Knäv Kräfte.	Pitschenstiel
Peitschenstiel.	Plattsch Peitsche.	Peitschenende.
plitsch schlau.		Swepp Peitsche.

„Weet ik ni,“ sä de Rutscher glitzgütti. „Dat weet ik nie,“ sett he hinto un beton gewichti mit en Klattsch. „Ik frieg min Befehl antospann, un denn geir't los. Dat Slimmste sünd bi Nacht de verfluchten Weg, Schoßeen giff't hier je nich.“

He sprok darbi en beten utlandsch inn Ton, as een de, wenn nich wit her, doch wit weg wesen is, besunners in Wör as dat Wort Schoßee. He meer awer eben so gut en Heider Kind as Klein Anna.

Nissen harr frilich sunst en ganze Colonie vun Fremden hertreden. Wo he sin Lüd sunn de em gefulln oder de vör em passen, dar neem he se mit, un se keem geern un bleben all as 't schien. To sin Maelenbu und Delstägerie harr he meist Holländer oder Lüd vun de Gränz dar, natürlig, denn dat Geschäft weer hier fröher nich bedreiben. Unse Marschburn harrn er Rapp- un Einsaat na England oder Holland verkofft un sit nich darum kimmert, woto de Fremden dat brufen muchten. Gerade dardar harr Nissen sit tum Deel sin Vermögen erworben. Wat sunst as Korn billig inne Fremden ging und as Del dör wedder keem, dat leet he nu dör sin Maelen gan, un de Vordeel weer vör em un Alle, de em arbeiten hölpen, denn he betal unerhört.

„Weest nie, wo dat hinget?“ frag Fru Anna.

„Ne,“ seggt Rutscher Willem, „ik spann an, hol vör de Dör, oft en Stunn lank, de Ol löppt noch in un ut 't Kantor un de Stuben, dar ward inpact, dar ward toredt leggt, am Ende sett he sin lüttje Reis'müg op un stappt innen Wagen, as stapp he int Bett, snappt de Dör to

un seggt: Na Kiel, Jan Willem, beten rasch to! Un denn sitt he, un slöppt, un lest Böcker un Zeitungen, smitt Papierstücken uten Kutschenflagg, un wenn em de Tid lank ward, maht he vör dat Fenster apen, if lehn mi half torügg, un he klänt mit mi. Hüt abend geit't floss ölen los, wahrschynli wedder na Kiel. Pegmaß, vergangen Wet, ging't of de Nacht dör. Bi Verfähr grau jüs de Morgen. Dar muß he wol Jemand drapen un spraken hebbn. He sett sit naber vergnügt in sin Klissens un maht dat Fenster apen un seggt: Vat man sachen angan, Jan Willem, hebbt keen Al! Wi hebbt sit vörgüßtern à Stunn dufend Daler verdeent! Un darbi rev he sin Hann, as harrn de dat dan Dufend Daler de Stunn? segg if un ref na, also en sößdig dufend, Herr? Kann wol so hindrapen, seggt he. De Kappsaauprisen weern mögli so stegen."

"A, Quidensted, wat Du seggst!" sä Klein Anna un war lank, „sößdig dufend in dree Dag'? Ja frili," sett se hinto, „min Mann hett of öfter seggt, as he noch lev, un den Værslagg oppe Grotmæl harr, jede Stunn en Daler, dat muß se inbringn, sunst kunn se nich bestan, un min Thieß weet wol noch neger Bescheed. Schall he mit?"

„Weet nich," sä Jan Willem, de nich mal döör sin Geburtsnam Quidensted, den he selten to hörn kreeg, sit dat Geheemnis utwringn leet, wenn he vellicht een harr. Denn he spöl allerdings jümmer, as weern he un de Herr, oder de Herr un he doch Twee wat Besunners.

Ob dat nu vun de lütt Fru blot Miegier weer oder noch sunst wat: se keenn ditmal nich wider, denn de Ogen in Quickensted sin Vorstörper Appelgesicht warn op eenmal grot, se richten sik æwer de Dann weg na dat Gerüst vun de niebu'te Mæl, de eben richt war, un wovun de Topp hoch deræwer weg keef, un of Klein Anna er groten Ogen, de al jümmer wegen er Athemnoth ängstli utseegen, warn noch gröter as gewöhuli un leepen, as warn se hinwist, den sütlwigen Weg.

Dar harrn hiit al Vele hinsehn, un fast keen Minsch weer um de Heid gan, de ni mit Lof oder Tadel sin Wort afgeben harr æwer den Bu. Twee grote Richtböm reden æwer Krüz wul en hundert Fot inne Luft, gewaltige Fangtaun weern an de Siden within utspannt un mit Eerdwinn un alle Gewalt fastmakt. Twischen de Böm hungn de Hevblöck un Gewinn, un sit güstern de ganze Dag gungn de Balken un Stricken, gungn de Welln un Räder inne Höch un an ern Platz.

Weer dat nu to lat inne Wet anfangn oder weer't sunst ni recht bedacht, genug den ganzen Sünndag ging de Arbeit stüddi værwarts un wæder an Mark noch an Mark weer der dacht. Wennig een gefull dat nich, de eerst inne Mark de Predigt un naher oppen Weg de Klingerfloek hört harr un nu bedach un utsprok, „dat uns Herrgott doch of sin Dag hör oder wenigstens sin Stunn, un dat keen Segen sin kunn mit en Mark, wat sin nicht

Dann Tannen.  
zum Heben von Balken.  
unausgefüllt.

Eerdwinn Gidschraube.

lat inne Wet spät in der Woche.

Hevblöck Zugwerk  
stüddi

acht.“ Natürlich full dat all op Reinhold Wissen sin Schullern, un war vun mennig een, de sik fromm nöm, ahn vel Christenlev in sin Schuldbok schreben. Wenn em't mal slecht geit, so ward man dat all op sin Passiva tohopen addeern!

1875 (1876) 12/11

Das gift gewöhnli in en grötern stillen Ort en ganzen Stand de sik inbildt, dat se besunners begnadigt sünd un æwer Annerlud affspreken künnt, as uns Herrgott sin abgesandte Richter; dat is as hör dat to't Geschäft un war lehrt un inövt mit dat Handwerk. Bi uns weern dat de Wittgarwers. De reden æwer de Bibel un de Offenbarung Johannis lud oppe Spazeerweg'; un as Wittgarwer Löhnert æweren Püttjenheit keem un seeg, dat man oppen Schibenwall an dat Maelengerüst ann Sünndagnamidrag arbei, do hef he sin Stock, dat de gollne Knop inne Sünn blenker, un sä: „Großer Gott, wat en Sabbathschänderie!“

Un mull dat nu de Tosall, as he so inne Kleege vun Klein Anna er Hus lud sik Lust mak, un ok Kutscher Willem deshalb hinket, oder meer dat wat anners: genug in den Ogenblick seeg he, un seeg klein Anna, dat de groten Richtböm anfungn lisen to wegen, un ehr se noch recht ton Besehn oder Bedenken keemn, neem dat Swunten to, bögen de Böm sik æwer, gingen se to Sit, seegen se Balken un Stücken sik tohöch wültern un umdreihn — denn folg en fürchterliches Krachen — un achter de Böm

wültern wälgen.

un de Tun verschwunn dat grote Bugeripp, un leet de lerrige Luft, de dat eben noch verdeckt harr, un inne Angst seeg man blot noch den Minschen, den man eben sehn harr, an en unendlich lant Tau, as in en Schaukel swöben, dat de Müß darvun un dat Haar em wild flog, un vun en annern, as ging he twee, dreemal koppheister mant en Gerassel vun Bred un Balken, un denn weer allens weg un still. Blot dat de Spazeergänger oppen Jümfernstieg de Hann tosam flogen oder opschregen, oder hin- oder weg- lepen, oder of umfulln vör Schrecken pall oppe Sted.

„Dat weer min Thieß!“ reep klein Anna, mit en Stimm so lud un klotenrein, as se wull in er Jugend much hatt hebbn, un rich ern tosam huckten Rügg so hoch inne Höch, dat se vör en vullwussen Fru harr gelln kunnt.

Rutscher Willem seeg sik mit Vermunnern na er um un sä, indem he sik eerst lant utreck, as hung he mit de Hann an en Tau, denn en Bewegung mak, as schot he koppheister: „de — oder de?“ Worop Fru Anna awer blot antwor, indem se al en Koppdok um- un de ol täg- lige Schörst afbunn: „Dch gewis de haben, denn he mutt darbi sin optopassen, un he is waghalsi!“ Un darmit leep se achter all de Lüüd, de an de Dornheck vun den Garn lant in den Schibenwall rinstörrten, so gau er Athen dat toleet, achteran, un Rutscher Jan Willem folg er, un harr er bald mit sin groten Hann fat, un stütt er as se an de Unglücksstell ankeem.

Dar seeg dat denn oppen eersten Anblick fürchterlich

koppheister kopfüber.      mant zwischen.      pall gerade vor.  
fat hebbn gefaßt, gepackt haben.

nog ut. Allens tobraken un torçten! En Hupen verwirrt Holt un Holtstüden, wo eben en schön Gebäud lusti un licht, darsichti gegen den Hēben opredt harr! En Krint vun Minschen, meistens in Sünndagestaad, stunn dar herum, un leet kum darsam und darsiken. Wenige kunn wat hōlpen, un de Meisten vergeten, dat dit keen Schuspill weer, un smōken er Pipen un Cigarren fort, as seegen se Hartwig Goldkette bi't Seildanzen to.

De sit dardrängen de seegē denn hier en Mann mit en blōdigen Kopp, de sit wusch, dar Een, de de Stęweln uttrock, um to sehn, ob de Fot wat kregen harr. Een harrn se in en groten Tügfors pacht, dat weer de Mann, de mehrmals mant all de Trumms un Stubbens koppheister æwer gan weer. He weer ohnmächti, doch keem he mit en beten Water un Drannwin bald wedder to sit un sä, em feil nix. Un as man so de Doden telln wull, do kunn man Gott ni genug danken, dat't so gnädig aflopen weer. Kregen harr, eigentlich keen Minsch wat, un de Jungen de derbi west weern, harrn binah al Lust, en grot Gelächter antoslan.

Aber klein Anna er Angst war nu eerst lud, se sach dedenblaß tosam, un fast ahn en Ton inne Stimm un doch so indringli, dat alle dat hōrn kunn, of de wit afstunn, reep se: „Min Sohn, is he dot? Wo is min Thieß?“

Ja, de weer allerdings vun de hēchste Maßt an en Tau hendalsam; „de harr de grōßte Reiß' maßt,“ sä en lustigen Timmerjung, de of mit fulln weer un den de Näß'



blött. He harr sit an dat Tau holen, weer daran hendal-  
rutscht, un hoch awern Tun un awer de neegsten Böm in  
den Lustgarn to Ger kam. Besinnung, hör he man, harr  
he nich hatt, awer warum schull he alleen wat fregen hebbn?  
Se harrn em in de Herrschaften er Lusthus dragen.

Dar il se denn hin, mit Rutscher Willem sin Hölp,  
so gau er swachen Kräften dat to leten. Awer dat gung  
nich so gau mehr as vørhin. Weder de Furcht noch de  
Hoffnung weern noch gatz, un er arm ol swachen Kör-  
per weer nu of man wedder half. So kräpel se hin, de  
ol Trümmeregestalt, Angst und Sorg mak er ehrwürdig.  
Alle wiken ut un bleben torügg, wat se frili doch of harrn  
den mußt, so sehr de Rieschier se driben much; denn man  
kunn doch nich gut in den Garn rindrängn, wenn man ni  
ropen war. Un so verschwunn denn de Weiden Arm in  
Arm in de Sidenport, de vun den Schibenwall of na den  
Garn rinföhr.

Allerdings harr Thieß Thießen de grötste Reis' bi  
den Fall mak. As Schriwer harr he hier op den Bu-  
platz nich jüs wat to don, he wuß awer, dat sin Herr em  
geern allerwärts seeg, uterdem weer't Sünndag, he much  
wul mal klattern un awerall sehn, in en eben Gegend,  
as de Heid, en Vergnügen, wat man nich hebbn kann, as  
wenn man mal oppen Thorn mank de Klocken oder inne  
Kapp op en Mael stiggt, un Wunner meent, wa man de  
Yüd inne Schösteens sehn kann. Darto weer de junge  
Bumeister — denn de ol Johannis weer det — en ünner-

to leten zuliegen.

nehmen jungu Minschen, sin Fründ, un he seeg et doch geern op alle Art vun Arbeit to sin egen Vergnügen.

So weer he an Treppstöcker haben na de Richtböüm flattert, un harr sik nich daran kehrt, as en ol Zimmergesell em seggt harr: wer dar nix verlarn harr, schull dar weg blieden, Gefahr weer dar jümmer, im Grunde weern twee Böüm nich nog, dat weer en Wermeth vun en jungu Meister, dat een Fangtau harr al mehrmals knackt un dampft. Awer daran harr Thieß sik ni kehrt. Doch harr dat, as he sik haben ruhig awerall seeg, mit een mal en Ruck geben, dat Tau weer sprungu, as en Seil an en Fligbagen, so dat de Enn bet to em inne Höch flogen, un, langsam eerst, un denn jümmer gauer harrn sik de Böüm to Sit lachnt. He harr Besinnung genug hatt, dat Enn vun de asreten Fanglinjen antosaten un to denken: so wit weg as mægli, dat der nix op di fällt! Un so harr he en Fahrt maht, as an en Hüschertau vun hunnert Fot lank, weer awer doch tolesz hittli warn, harr anfangu to gliden, dat Tau weer em hitt mant de Hann warn, un he wuß blot, dat em Büscher mit Blæd umt Gesicht haut harrn un he weer deep in en wecke Eer fulln, de na Maas oder Grönigkeiten rükt harr. Denn weer dat roth, grön, swart um em warn, un he wuß nix mehr vun sik.

De beiden Dams weern inn Garn spazeeren gan, as he awer Tun un Böüm weg to se herinsflegen keeni. Se harrn natürlich en fürchterligen Schreck kregen un

eerst nich wuſt, wat anfangn, bet de el Garner Heut ſe to Hölp kam weer, de harr em beſöhl't un ſe beruhigt un mit en Jung em int Garnhuſ brocht, wo ſe em inn Saal op en Sopha leggt un mit Eau de Cologne un ſcharpen Etig bald wedder to ſik brocht harrn.

Dar leeg he! Ja, wo leeg he? Eerst wuß he dat gar ni. Dat weer en licht luſti Sommergebüld. Wer't nich anners kenn, as Finſtern rut wo en Strat oder Gang is, Stuben wo en Platz darto — vœr den funn't wœn as en Zelt, wat man apen deit wo de Sinn her funt. Wegen Süden æpen ſik de groten Flügel-dœrn bet op den Grund, de Grund, de man ſeeg, weer luter grön Gras bet an den Drüffel, de Akazienbom reck bet ant Finſter mit ſin Twigen, int Gebüſch dicht to Sit zwitſcher en Bagel, as harr he ſin Neſt keen dree Schritt af, Blöm rüken in de apen Dœr, un de ganze Gegend ſeeg man in den groten Spegel æwer't Sopha. Man mutt weten, wat Ruh vœr en Minſchenſeel is de jümmer denkt, wöhlt, arbeit, ſorgt, ſik afängſt, um to weten, wa diſen jungn Minſchen to Moth is, de hier nu her leggt ward, un em ward predigt: Ruh, Ruh! as ſin eenzi Pflicht, en Pflicht de der ſchöner dœr em dœr tredt as irgend en Stärkung, de man em harr recken funnt oder reck, de he ſmeck oder rüt, ja as velliicht en Muſik, de he hör, oder en Drom, de vœr em her oder æwer em hin ſpœl. Ruh? Hör he denn wat? As de Iritſch inn Buſch, de em dat düſli mak, dat dit hier ſtill ſin heet.

Zelt Zelt.  
Thürschwelle.

apen offen.  
Iritſch Hänſling.

apen öffnen.

Drüffel

Hör he nich ropen inne Feern? Dat weer jüs wit nog af, dat he sik sêter söhl: neeger war dat nich kam. Slog de Klock oppen Thorn? Wa slüggt de Ton dær de Lust as schull he noch wit! Un anne Dêf spêln enige Fleegen, un as en Schatten hûsch en Fleerlink an de apen Dærn vœrbi. He mak ni mehr Larm as de Lefkojen, de erno Geruch herinschickt — och, wa schön still! He weer eben eerst to Besinnung kam, un Ruh harr eben de ol Garner Heut em prædigt. Do hûsch dar wat anne groten Schiben vœrbi, hûsch herin in de groten Flügel-dærn; dat weer as war de Blomgeruch lebennig oder wat Aehnlichs rûkt dermant. Denn weih wat lisen æwer sin Gesicht, un blev æwer em bestan, un twee grote swarte Ogen seegen op em mit en stillen Frêden, he harr sin am leeststen to mak un gar nix hört, denn he wuß, wat se seggu war; disse roten Lippen weern so frisch, se warn nix anners seggu as wat se of jân: „Gottloß, he kumt weder to sik!“ Fründli klung dat, och ja! Awer he harr en Klang inne Seel, de so to de depen Ogen pass, as klung de Klang noch vun den Thorn, as klung dat wit inne wide Feern, as drop dat wat binn in sin inwendig Hart, wat denn mit klung — och, de Ton weer dat nich! — Un he wenn' sik um, un mak de Ogen to, un mak se apen un ween, as sin ol Moder mit Kutscher Jan Willem herin keem. De wenigstens gung dat bet an't Hart, un wenn se of nich mehr den Athen harr recht wat to seggu, so mak em al erno ol ängstli Gesicht week, dat he wenigstens

ropen rufen.

Fleerlink Schmetterling.

den Druck los war un sik nitwen funn. Denn teem en Mann mit en lütt rund Gesicht un en golln Uhr, de he herntreeg, as he Thieß an den Puls föhl. Dat weer de Docter. De beföhl em of Rippen, Klüggen un alle Glieder, un frog bi jeden Druck, ob em dat weh dē, worop he jümmer antwor': gar nich! Endli seeg de Docter of Thieß sin Hann, de vun de Fahrt ganz verschunn, as verbrennt un mit Blot innerlopen weern, deelwis ahn Hut. „De müssen em doch fürchterlich weh don,“ meen de gutmödige lüttje Mann. „En beten,“ sä Thieß, un war dat nu eerst süßn wahr, he harr meent, blot dat Hart dē em so weh, un jüs dat harr he ni seggn muht.

Darop trē der en raschen sefern Schritt inne Flügeldörn un op dat Sopha to. Man hör un seeg, de weer hier to Hus un nich tum eersten Mal dar. Dat weer en mager slanken Mann mit en scharp Gesicht un graue kruse Haar. He weer glatt barbeert, un de Mund un de Näs' harrn noch mehr Aehnlichkeit mit sin schöne Tochter as de Dgen. He much wul al vun de Unglücksstell kann sin un much dat dar beter funn hebbn, as he fürchten muß, denn he trē of hier ant Yager, as war he blot gude Naricht friegen, un as he de Dgen æwer Thieß harr rasch hinscheten laten, frog he: „Wa steit hier, Docter?“

„Nix Wichtigs lädeert,“ weer de Docter sin Antwort, indem he nochmal sin lüttje dicke Hand lisen op Thieß sin Vost, Kopp un Glieder lē, as funn he dat værwisen, wat he seggn dē: „en beten Erschütterung, eenige Dag' Ruh, will sik wul geben! En beten

Is voer de Hann, wenn wat to friegen weer. He ward en Tidlang nich schriben künn. Kann en beten Kamellen-thee drinken." Darbi strafel he Thieff noch mal awer de Back, as harr he blot to em jpraken, un wenn' sit to'n Gan, seeg sit awer doch noch mal wedder na em um un lingelant em lant, as man na en Bild oder Statü süht.

Dat weer allerdings en Art Bild. Schön weer de Kopp jüs nich, awer dodenblaß, un Bartopp un Dünfen mit de groten helln Ogen harrn wat an sit, wat man ni all Dag' süht. So much wul en jung Breefter utsehn künn oder junst wat Hilligs, de Athen beweg man lisen de Post un de smallen Schullern.

„Mat di keen Sorg," sä Reinhold Nissen mit sin rasche Stimm un Wort, „hol di man eenige Dag' ruhig, se künnst di hier en Bett maken. Ik warr wul fertig. Dat Unglück harr arger sin kunnt, keen Minsch is derbi to schann kam, un dat Holt lett sit niet maken. Wenn du wedder inne Been büßt, seeg mal na, ik mutt hüt abend op en ganze Wef na Kiel. Awer dat ilt nich, lat di Tid, und günn di Ruh, Reinhilde kann mal na sehn." Un darmit weer he ute Dær verswunn, as he kam weer.

Also nu kunn he liggn un sit sülb betrachten un de Saken um em rum: en paar Biller anne Wand, en Uhr dartwischen. In Winter war de na't Wahnhus ant Markt brocht, un he wuß of dar, wo se denn hung. De Stöhl bleben hier; dat weern all lichte Rohrstöhl blot voer den Summer as dat Ewrige. Wa licht un lustig

un duftig! Wa paß dat all tosam! De Gardin as Spinnwibb! De Wulken trocken der achter ni lichter. — Un de Minschen all so gut gegen em! Keen hart Wort, keen Schelln un keen Klagen. Jümmer maneerlich un fein. Un doch dach he an sin Moder, de still un demödig glif wedder wegtrapelt weer, as se em an Leben un ahn Gefahr meen, dach an er lütt rökerige Stuv, mit Sand oppen Fotborrn un en brun Wasbdof æwern Disch, wo de Kasseketel op stunn un Swartbrot op leeg, mit en paar isera Messen un en beten Botter. He dach an Kummer un Jammer, de he dar beleyt harr, an Scheltwör un Streit, de he hört harr, an sware smutzige Arbeit Dag an Dag. Un denn de em dat Hart noch eenmal so weh as vørher, he heel sin twein Hann vørt Gesicht un süß herin: „Ach, nimm mi weg! lat uns wegtreden! Kunn ik mi verkrupen mit di! Gist't nich en Platz, wo wi alleen sin künnt, dat ik allens verget? Se sünd alle so gut, awer ik hör der nich to, ne, ik hör der nich to, un se weet dat nich mal! Dar denkt nich Een vun se daran, dat't mægli weer!“ Un de Thran lepen em æwer de Backen, un in strifen Strom warm æwer de Vost dal, denn he kunn se nich mal afwischen, so weh den em de Hann. Awer dat weer, as wenn en Fener sit oplöst. Stille Wehmoth trock æwer em hin. He hör inne Feern en Pump, de in en langsamen Slagg lisen janken de. Dat weer em, as stun he dar to pumpen as en starken grotten Brennerknecht, dat Hart war em gesund, de Arms

Spinnwibb, Spinngewebe.

Messen Messer.

mêd, un ruhig kunn he sit dal leggn te slapen. Dat de he denn.

As he wedder opwaht, schin de Morgen em int Fenster. He leeg op en fein Bett in en isern Gestell, fast op de sülwige Platz, un harr de ganze Nacht ni waht. Dat trock köhli un frisch in de groten Flügelbarn, de al weder half apen maht weern. De Fritsch sung sin Fröhstüdsleed un de Verkejen rüken as Hönning. Em weer ganz anners un kräftiger to Moth, un he kunn der weder ruhiger an denken, wo he jünner an dach. —

Wenn vun Strandsünnerscheed de Red is, se denkt man jünner an Adlige un Fürsten, as hörn nothwendig de derto. Man kann dat lächerli sinn, wenn en Burmäden sit in en König verleeft, den se ünnerwegens mal en Glas Water inn Kutschenslagg langt hett, oder en Gressmid in en Gräfin, de he mal dat Pferd beslan. In unsen Lann, int lütt ditmarscher Land, schint dat, sünd wi all liker Herr un liker hoch. Adlige kennt wi gar ni un denkt uns, se Een muß man wisen künn na de Näs oder de Nath ann Noß, na de Been oder den Rügg, as man je en Kammerherrn opwist an den Stattel achter: se wat, meent man, muß he dregen vun Natura.

En König hett en jeder vellicht eenmal in sin Leben sehn, un vellicht heel he noch den Trumpeter, de op en Schimmel varut ree, var den richtigen Mann. Bi uns is keen Uennerscheed, lett dat, un wat Een is kann de Anner warrn. Nicht einmal Rikdom hebbt wi egentlich,



wenn man't na Hamburger Maat met; Lüd de er Vermögen mit drie Nullen bereßt, mag dat noch mennig een geben, awer mit twee Tallen dervoer al Wenige, un denn sünd dat tolest doch noch jümmer Mark, nich einmal Banko, vun Dalers gar nich to spreken. Dat leet sik also am Ende bedwingn. Kennt wi doch menni rife Bur, de int Arnhus in Wesselsburn oder Wörn storben is, un menni Bursnecht, de mit Söhns un Döchter op sin Herrn sin Stell sitt, Fortepiano inne Stuv. Also is dat wul natürli, wenn Jedereen hier Jedereen inne Dgen süht; un weer't Arbeitsmanns Söhn, so weet he velleicht recht gut, wa dat as en sin Dun um de Mund vun en Aftaten Döchter speßt, oder dat der Hann as Waß rutkann künnt ut en Paar Kopenhagener ledtern Hannschen, wenn se se blot utreden wüllt.

Awer de Tuns sünd doch hoch un vull Dorn, de Lüttmanns Garn vun Rismanns trennt, un menni Hand un Hart ritt sik twei daran un blött; ward tolest still oppen Karthoff begraben, un de em inklei't, denkt nich, dat dat dar eben so lut un warm slagen hett, as mal bi en Gräfin oder en Graf.

Thieß Thießen much dar en Bispiil to sin, dat keem der velleicht blot vp an, wa vel sin Natur dregen un ut-holn kann. BärLöpi leeg he dar, muß dar liggn, un much denken so vel he Lust oder Kraft harr. Un wat bedach he nich op sin Lager! He dach an Vergangenheit un Tokunft. Wat ut em warrn schull, dat muß he nich.

Bursnecht	Übernecht.	Dun	Daune.	Hann	aß	Waß
Hände	wie	Blach.	Tuns	Bäume.	inklei't	eingräbt.

Awer rüggwärts leeg sin ganz Leben apen vör em as en  
 Bos, wo he in blader, un vun sin Kindheit an trock dat  
 an em varamer, as weern dat lose Biller, un he seeg  
 blot to; se keenn un se gingen, se trocken in in de Rahms  
 anne Wand, an beide Siden de Wanduhr, un fülln se  
 ut, wenn he de Ogen dar hinrich, much he se sehn mögen  
 oder nich.

Armoth, Elend un Krantheit stunn dar links —  
 rund herum ging de Geldlist. — He much der kum an  
 denken, wa sin Vatter slavt harr, wa dat fold west weer  
 in er lüttje Stuv, wo se Kanntüffeln mit Solt eten  
 harrn, wa sin Moder sit trumm arbeit anne Waschballje  
 un dat sware Plettisen. He seeg weg vun den Rahm un  
 op de anner Sit de Wanduhr.

He ging to Schol mit Böker un Tafel. Dar seeg he  
 noch den Lehrer achter Pult oppen Stohl, as weer he't  
 wirklich. Wat weer't an häßligen Mann! Mit Pocken-  
 narben int Gesicht, as harr de Dümel der Arsen op dösch  
 — so jän de Lüd — awer wa weer't allens schön un  
 merkwürdig, wat de Mann sä! So wat harr sin junge  
 Kinnerseel bet darhin nich röhr! Wat muß de to ver-  
 telln! Wa schön muß de Welt sin, wo dat all darin  
 weer! Wo harr he dat allens her? Un he sä dat: ute  
 Böker! He miß em, dar weer'n Schätze darin! Un de  
 weern vör Jedereen, de de Mög ni spar! De kunn Je-  
 dereen reden, Arm un Rit, he schull blot tolangn. Ei,  
 wa lehr nu Thieß, dat dat ging as en Spillmark, reßen

slavt wie ein Sklave gearbeitet.  
 Tausend Geben darauf gedroschen.

Arsen Geben; als hätte der

un schriben un lesen un all wat de ol poekenarige Mann verlangn much. Wa war he em leef, mit allens wat te em hör. De dumpige Scholgeruch rüft em fast schöner, as de Blomgeruch in Garn. He blev oft alleen æwer Middag sitten, wenn he wuß, dat't to Hus doch nix lohn as solten Heering un Kantüffeln. He ley as in en Welt en paar Fot hoch weg æwer disse mit Dreck un Steenplaster. Bald keem de Ehrgez darto. Lehrer un Pastor laden em. He hör wa man sä, dat dar wat Besunners ut em warrn kunn, he seeg wa man op em wif', wenn Besöt vun Herren inne Schol keem, he dach an Prester oder Lehrer warrn, Avfat oder fins Liten. Oh, wat en schöne Tid! He spel mit Landvagts Döchter un Koopmanns Söhns alle Dag', un weer sogar de Anführer bi't Spill, wil he de Erste war inne Klaf. Wa daben je opt Markt herum! Wa lepen je in alle Schüns un Garns bi er Spill, as weer de halwe Heid er Egendom, denn fast all wullhebbn Lüd Kinner weern darbi tosam. — Weer't lusti hier, so weer't fierlich inne Klaf. War uns Herrgott, föhl he düttlich, weer der al ganz keen Uennerscheed. Ja, de Herr Pastor rē eni inne Lehr noch oft besunners an. So much man wul Hunger un Kummer to Hus vergeten. Un doch keem em al demals oft de Angst un he rē na wa vel Wēfen dat schöne Leben noch durn kunn; wa vele noch na weern to de Confir-matschon, un wat denn wul ut em warrn schull' Ob't denn noch vørheel? Ja, he ahn, dat dat rechte Unglück denn eerst losging.

Harr he man op Scholen gan kunnt na Wolderp!

Harr he man sunst wat warren kunnt, wat sik bi Landvagts un Docters Söhns vunt süßen verstunn, wenn se blet nich gar to trag un sul weern! Och, he muß mit anne Arbeit, de vör sin Olen doch nich as en Freud weer, sunnern as en Last, un de bittere Eernst leeg al op de junge Steern, as de Kopp noch op en slanken Körper seet, de lang ni utwussen weer.

So muß he't as en Glück ansehen, dat Reinhold Wissen em wis war. He neem em as en lütt Schriwer in sin Hus, un nu muß he sin swache Moder mit ernährn, as se Batter herut dragen harrn na't Horn, na den Karthof.

Also Schriwer! Awer wat denn? En Tid lang weer't em frilich vör sin Ehrgez genug, wenn sin ol Moder keen sware Arbeit to don nödig harr, wenn se sik mit en beten Feinwäscherie behölp, wenn se ęrn tosamfungen swaden Körper an em umme Höch rich, um em bi'n Kopp to faten, dat se em Haar un Baden mit frumme Fingern strafel, un em ęr Eens un Allens nöm; wenn he mit en Juter inne Hand umme Heid spazeern gan kunn, un hörn wa Lüd sän: is dat ni Thieß Thießen, de lütt Delsläger sin? Oder wenn sin Herr sin Handschrift law, de jümmer slanker un sauberer war, oder em in sin Böker sehn leet un mit em Geschäften bera', oder wenn jeden Wihnachten de Stapel Drüttels as Geschenk gröter war, un of Permark twee mal int Jahr de blanken Stücken op sin Disch ni fehl'n. Awer denn war't em doch wedder drücken,

Juter kleiner Stock, Spazierstock.  
altu Ihaler werth.

Drüttel Geldstück, zweidritt

denn full em't op Hart, dat de Varn- un Schündærn un't Markt to gan weern un de Husdærn nich apen, dat de Spelsamraden fremd warn weern un keener vun de Herren em nu sä, wat to don un antosfangn, de em bewunnert harrn un verspraken, dar schull mal wat besunders ut em warren, n, dat weer oft as weer em to Moth as een vun de olen Ber, de in de Stampmael ünner, Nach un Dag de Maschin' dreben, Schubklappen vœr, un de Birsch leeg jümmer bi den Warfsöhrer.

Wohinut? He arbei as en Berd. He lehr, wat he lehrn kann, ob't vellicht en Mal to brufen weer as en Slætel vœr en unbekannt Slött. He piß sit vun fremde Spraken op, vun Engelsch un Französch, we en Kern darvun verstreit leeg, un he acht keen Mög, sit dær Böker dær to arbeiten bargenwis', dær alle de em inne Hann keem.

Dat weer of wul All gut gan, Reinhold Nissen kann tolest licht vœr Een sorgen, so dat Sorg em nich drop. Kunn he nich en lütt Stell oder Amt vœr em apen holn mit sin Macht? Stirk- oder Innehmerposten? Oder of en Hæferie oder Zwischenhandel vœr em inrichten, we al hin un wedder Een vun sin Lüð wullhebbud un ansehnli darbi warn weer? Gewiß weer't fründli un behagli, wenn he sit utdach, dat he em mal mit sin el Moder na Holtenuu hinsett, na Balhud oder em en lütt Handel

ünner unten.  
Slætel Schlüssel.  
Finnehmerposten.  
Holzhandel.

Schubklappen Scheutklappen, Schuleder.  
Stirk- oder Innehmerposten Steuer- oder  
Holtenuu am Gidercanal in der Nähe Kiel, wo viel  
Balhude an der Gider.

in St. Margarethben oder Brunsbüttel anne Elf inrich:  
— — weern man nich disse twee Ogen epgan in dat  
dunkle Hus ant Markt! Twee Ogen as twee Sinn! Un  
wen de nich beschin, de much ünner de Eer krupen bi de  
Kapell bi Blauroth sin Mael, wo sin Vader leeg, oder in  
een vun de Dapels so deep as se weern op den Schee-  
ringsmoor!

Ja, de weer't to Enn west! He harr sunst noch  
jümmer mal Nacht un Dag arbeit mit den Gedanken,  
he wull mit nix dir nix na Kiel gan, Doctor wann oder  
deslikten. Dat muß je mit den Bösen togan, harr he  
dacht, wenn he nich mehr wuß un lehren funn as all de  
dumm' Jungs, de nix den; denn he stunn mit Bäcker  
Bland sin Lüd op, un lehren weer em egentli gar nix.  
Awer nu much he nich einmal weggan. Bul wuß, wat  
der denn passeern funn! He much nich einmal anfangen.  
Bul wuß, wa lang dat durn funn, un längst weer se  
verfmunn, worær alleen he': de Mög weerth heel!

Wat he de, weer nu blot var er, un he de Sinn un  
Unfinn mank enanner. Musit lehr he, Klavier speln,  
blet wil he wuß, dat er dat gefull. Seildanzen harr he  
lehren kunnt, as he bemark, wa de groten swarten Ogen  
mit Bewunderung tosehn, wa Hartwi Goldkette ept  
Markt sin Künst mak. Weer der of to vel verstännig  
Blet in em to en echten Blödsinn, so red dat doch ni wit

St. Margarethben und Brunsbüttel an der Elbe. Davel  
durch Gras verdeckte Wasserläufe im Meer. Scheeringsmoor großes  
Meer zwischen Heide und Meldorf. Hartwig Goldkette früher be-  
rühmter Seiltänzer.

genog, dat he nich wenigstens öfter dach: wenn he blot en smucken Winschen weer! un bald en Ladendeener sin brennten Roden, bald en Danzmeister sin Föt misgünn, un op Rock, Müß un Steweln heel, as weer't wat Wichtigs. Denn he wanner tolest as de Maan um de Sünne deit, Lüd op Eern mägt sehn, wa vel se em beschint. Awer he wannert alleen mank de Steern, un Müms hört op em, wenn he of en Stimmi harr. — Ja, wat schull ut em warrn?

So leeg he un gruwel, un eenmaal um't anner föll sik een vun de Rahms op't nie mit en Bild. In den een seeg he wirtlich grote Böm, hoch in Voof æwer Wischen un Water. Awer se verwandeln sik var em. He seeg se blank beript, de Sünne leeg derop, se beschin de Allee vun dat Heider Markt, de ganz leet as bezudert, un dat Blitzen weer kum inne Dgen uttoholn. Do seeg he er tum eersten Mal, dat heet, do war he er tum eersten Mal wis, denn sehn harr he er all Dag' as all de Annern, un mit er speelt, do seeg he tum eersten Mal, dat se dat weer! Se keem langs de Allee, wo't of ünner glattis't harr; in en witten Muff heel se de Hann, in en Rapp mit witt Pelzwerk steet de swarte Kopp, dar keet dat Gesicht mit de roten Backen herut, un all de Sünnglanz full op er un schin vun er. Awer much se to gau un unvorsichtig lopen: se full un vergnickel den Fot, oder binah doch, wenn nich Thieß sik en Hart greppen un er opfungen harr. Do trock he er to Hus, un half muß he

beript bereijt.      leet schien, ansah.      vergnickeln verachten  
(den Fuß).

er dregen, un enige Thran wisch se vœr Smarten oder ut Dankbarkeit vun de deepruden Backen. — Och, dat harr he geern jümmer vœr Dgen beholn! Awer he muoch se to oder apen maken, so seeg he en annere's Bild un de Nahm füll sit ut, he muoch't wülln oder nich.

Inne Pingstweck stunn en grot Telt ut Vinn oppe Bagelwisch int Gröne. Dat wink wit hin mit rode un gröne Fahns, denn de Papagojengill fier er Scheten; dat schin Een lang witt entgegen mank de grön Büscher un Böm. Stieg ging der ni rin as dat Patt, wat der int Gras treden weer, un dar wanner en vergnögten Menschenstrom jümmer af un to. Fierli weer man ut-treden, tweeten Pingstdag Klock veer. De ganze Heit weer to Been un seeg to. Ol Danzmeister Schulz, de to gliser Tid of Stadtmusikus weer, harr alle Blasers to Gang' fregen, de man Wind harrn un irgend en Art vun Tuthorn regeern kunn. He harr mit se twee Märsche instudeert, de man nu inne Pingstweck so lang hörn muoch, afwesselnd, bet man der krank vun war, un en Jahr lank, bet tokum Pingsten muß man se hörn vun jeden Scholjung, de en Stück darvun richti oder falsch mit de Mund pipen kunn. Awer bi den Utzog maken se en fierlichen Andruck. Ole Fruns gungn bi an un wischen sit de Höhrung mit de Schörret vunne Backen, de am gröttsten war, wenn se Herr Schulz anseegen, wa he de Föt na den Takt utwärts sett, wa he op en Dings klat' — he

Smarten Schmerzen.  
Bagelwisch Begetwiese.  
tefum nächsten, künftigen.

Pingstweck Pfingstwecke.  
Scheten Schießen.  
Utzog Auszug.

Telt Zelt.  
Patt Pfar.



ganz alleen — wat utseeg as en grote Wurst, eenmaal umbögt. Dar steek en lütt Papier an, as en lütt Balbeerspegel, un sin Ogen gingen dar de Brill inwrig darep hin, as he blas', dat em de Backen barsten schulln. Op Nafrag' heet dat Dings Fagott, wat al so gefährli neg klung, dat en ol Fru wul tweemaal anfragen much, un dat paß darto, dat op dat lütt Papier de Noten stan schulln. He harr sin Noth, dat seeg man, de ol Schulz, de Het wackel noch, wenn man den lütten Mann mant all de Winschen nich mehr seeg, un he kreeg tolest doch alle richti in Gang, dat de Föt ebenso na'n Takt gingen as sin, un alle Winschenköpp opt Markt tolegt op un dal maken as de Per voer en Frachtwagen, as de Wöl, de lant den Dit wannert, oder de Waggn op See.

Dar neem Andeel an wat en Herr weer, un Herr weer meistens, de so viel Dalers opdriben kunn, dat he sik en lütt süßwern Papageje int Knoploch hung un de Zech betal. Nachtwächters schoten jüs ni mit, awer de den dat Laden, so dat ni lich wul uten Ort sehl oder te klagen bruk; un wenn't ok ni angenehm weer, dat de lüttje Barbeer Kaiser einmal König war — tomat, he weer en Oberdütschen; Barbeer, Kaseer un Tännreter broch unse Land nich hervor — so leet sik't ni afwenn', he kreeg doch de grote vergoldte Bagel um, de mal en König vun Dänemark gnädi schenkt harr, un trock darmit umt Mark, Landvagt an een Sit un Rapselvagt anner, he kreeg doch de Privelegen dit Jahr, weer stüer-

fri an Landesanlagen un Kaspelsgütern, un wenn he bi't Umtreden den Landvogt vertell, wa he dat Gewehr en Ruck geben harr, damit dat unne Eck schot, as he dat Königsgewinn hendalhal, un dit op hochdütsch: „Sehen Sie, so, wohlgeborner Herr Landvogt?“ so muß de doch tohörn!

So veel Dalers as nödig harr Thieß of wull hatt, un so veel Anstand nagraad ebenfalls, dat he harr mitgan kunn. Awer dat war sik doch ni schickt hebbn, wenn de Opröperjung, as't Mod war domals, half hochdütsch ropen harr: Herr Landvogt schießt los, Herr Nissen macht fertig, Thieß Thießen achterna! Doch am Ende, mit oder nich, dat weer tolez nich veel an verlarn; wenn se der man nich kam weer, un he harr achter de Regen stan un tosehn muß! Awer dar seeg he ex, abends in en witt Kleed to Danz, un de witten Schullern quolln herut, in de swarten Haar schin en rode Hof', un de Ogen weern noch swarter un de Lippen noch roder. Dar muß he inne Feern stan un tosehn, denn he weer Reinhold Nissen sin Schriwer. Dat weer't! So füll sit de Rahm ut, un dat stunn darin tosam as hell Licht un düstere Nacht, en Goldrahm um en Sack!

He maß de Ogen trurig to un söch de Gedanken los to warren. Do keem se herin inne Flügelbarn, lisen, in en witt Summerkleed keem se, en Hof' inne Haar. Se keem sachen heran, se seeg so gütig op em. Ja, se weer gut! He muß dat wul! Se frag em, ob he en Erquickung wünsch, de se em bringn kunn, ob he en Verlangn

na wat harr, irgend wat to drinken, irgend wat em Freud mak! Se harr em geern wat vœrlest, wenn he't wünsch. Awer he wünsch nix! Un he muß of mul warum, he wußt't! He harr of de langn Luden vun Landschriwers Dochter dar de Schieben sehn, de sit lankwilig inn Garm vertroffen. Dat weer tolets doch ęr Gesellschaft, he hör der nich to. Ach, he weer verlaten un elennig!

\* \* \*

Doch na eenige Dag stunn he wedder op de Been. Un so lang man stan kann un junk is, süht de Welt jümmmer glif wedder anners ut. Mit verbunn Hann gung he inn Garm. He sproet wedder mit Reinhilde as in sunst gesunne Tiden, un wenn se nich mit Landschriwers Dochter weer, so harrn se of genug mit enanner to spreken. Denn dat föhl un seeg man bald, dat he wat lehrt un dacht harr, un all wat he sä, dat harr Hand un Fot. Ja, dar keen jümmmer mal wat mit twischen in wat ni gewöhnli weer, un wenn dat, so fulln em de Wör, as harr he reden lehrt. Denn all wat nu dägli Brot is, weer domals wat Nies, vun Schiller un Goethe keen't man stückwis' mank Liden, in ganz Ditmarschen geest velliicht een Shakespeare; wat man les', weern an vele Stellen jümmmer wedder de ol Krönt vun Biethen oder Volten, wovun de Plätz un Stellen um Een rum legen un oft vun't Volk am besten to wisen un to betekē, un so funn of en Schriwer mul mal en Entdeckung maken, wa gelehrtere Lüd nix vun müssen.

Menni Kaspelbagt oder Pennmeister stree sit mit sin

lütten Schriwerjung, den he ut't Armhus oder en Arbeits-  
tath halt un rantrocken harr, æwer Schillers Räuber,  
Bessens Luise, æwer en Ode vun Klepstock an die  
Freundschaft oder æwer Adelong un Gottsched sin dütsche  
Sprachlehrböcker. Weer doch of al ut menni Schriwer en  
Postmeister oder Innghmer warn. Dennoch slegen de  
arm Schelms meistens ünner de Trepp oder op en Afsit  
un eten un drunken mit Kutscher, Knechts un Deenst-  
mädens. So hett't noch Friedrich Hebbel gan. Dar  
weer de Tun de Rikmanns Garn vun Kättmanns trennt!  
So weer de Gewohnheit.

Thieff harr dat sogar beter als vele vun Simstiken.  
Ein lütt Stur in Nissens Hus ann Markt weer fründli  
un warm. He eet Sündags dann un wann mit de Herr-  
schaft ann Disch. He weer deshalb of ni blöd warn un  
de Umgang mit de Dochter vun'n Hus' harr noch jümmer  
en lütten Anstrich vun Spelkameradschaft.

Sobald he nu wedder op de Been weer un de Dee-  
ter dat togev, gung he ant Geschäft as gewöhnlich.  
Schriben funn he nich, æwer dar weer genug Opsicht te  
föhrn un Anweisung te geben. Dat Geripp vun de Mæl  
steeg al wedder inne Höch, nu sekerer as dat eerste Mal  
an dree Böm, as he al vun'n Garn ut sehn harr. Dar  
harr natürlich de Bumeister vær to den un to sorgen.  
Dat gev æwer of hier noch vær Thieff wat af, wo he mit  
denken und hölpen muß. Dar schulln twee grote Mæln-  
steen, nich Rhinsche as de Møhlmöllers se brukt, sundern

echte Grausteen ut Frankrit, vun en unnos' Gewicht bet to vele dusent Pund, de to Schep na Brunsbüttel fann un dar landt weern, na de Heid un de Schibenwall rep brocht warren. Son Steen deent as Höpers. Ze lopt inne Mael an en Gerüst rund um inne Kant, op en annern as platte Uennerlag', un quetscht de hitte Rapsaat entwei, ehr de ünner de Stampers un Bær- un Raslag kumt. Dat gev en grēsi Hallo un Dprohr de Dinger her to friegen. Wagen un Gerüsten weern ni stark nog, de Weg' to los'. Man stell se inne Kant mit en Balken dar, sübn as Ræd, un en ganze Snor Per vun en twintig un mehr Stüd troden de groten Schiben langsam dar de Marsch bet na Hogenheid herop. Denn müssen se quer dar æwer de Koppeln, Walln müssen dalsmeten warren, Korn meiht wat inne Weg stunn. Un so fēhr denn op enmal en nien unbekannten Weg vun den Schibenwall na de Mölderper Landstrat herut. De muß Allemann passeern un mal besehn, un allmähli heran troc dat Wunner mit twintig Per un feen Wagen. Thieß Thießen gung darbi anne Sit. Dat harr Dag' durt. He harr alle Arten Lehm ünnerwegens mit sin Steweln darpett un de Mütz seet em oft wunnerli scheef, denn he harr noch beide Hann beündelt as en paar Waschhöster in Vinttuch. Natürli keem de halwe Heid' se inne Möt. Dar weern of Dams un Herrn darbi, un richtig keem of Reinilde in Snacken und Lachen darher. Landschriwers Dochter fulln de Puden länger voer dal as

Grausteen Granit. unnos' fabelhaft. inne Möt entgegen, to meet.

gewöhnli, se seeg gar ni wo se hintrę, sundern jünmer daræwer værbi na de nien Secretair sin Snurrbart, de ęr ann Arm harr un mit Reinhilfe un ęr spaß, dat dat man een Gelächter gev. Se warn kum mal de Steen wis, de langsam heranwülpten, noch weniger Thieß, de mit sin Hann de Mütz nich afnehm kunn, un de Secretair niid deshalb of man sparsam an sin Hot. Gröt Reinhilfe em oder dę se dat nich? Tolesę weer of dat em nu eenerlei! Un as de dree wider gingn, um in den Möldorper Weg torügg to fehrn, do leet he se ingrimmi gan und harr geern mit an den swaren Steen as en Ferd trecken, harrn em de Hann nich so weh dan.

\* \* \*

In de Rogmæl ant Markt ünnert Dač vun de grote Schün versammeln sit geern abends vun Reinhold Wissen sin Lüd, vun ęr Frünn un de derto hörn. Dat weer dar jünmer nett hell vun Lampen, so wit as man't hell hebbn mutt bi en Pip Toback, denn dat Del derto war dar slagen. Dat weer dar jünmer warm vun dat Fūr ünner de Warmpanns, inn Harst un Winter also besunners nett un hægli. Man seet der oft lat bet deep inne Nacht, denn dar war Dag un Nacht arbeit, stüddi los. Wissen sin öllsten Lüd un de em am längsten deent, harrn dar ęr regelmäsig Dagwerk un Daglohn. Se harrn't nich fur un doch en sęter Verdeenst. Dat weer en Art vun Dn=

wülpen walzen, Wölpe Walze. Warmpanns Wärmpannen, worauf die Rapp- und Leinwaad erhitzt wird, ehe sie unter die Schläger zur Presse kommt. stüddi unausgesetzt.

deel int Geschäft. Wil't Dag un Nacht ging, wesseln se af un harrn dat inricht na Stunn, etwa as de Maan, jümmer een later, dat't am Ende wedder mit de Stunn un den Dag tosam un int Lile keem. So seeg man mitünner een vun disse Lüd en tidlang so wenig as en Nachtul, bet he denn wedder ant Dagslicht keem as anner Lüd un Bageln. Dat ging hier ni so hilt her un ok ni so lut, as mennimal inne grot Windmæl, wo bi en harren Wind kum en Junckerl in sin besten Jahrn sit gau genug wenn kunn, keen Tid harr den Sweet astowischen, de em inn Strom awert Hemd leep, keen Tid, en Drunk to nehmen twischen't Umsetzen. Denn rassel dat el grot Gebüd, dat dat as Storm awern Ort schall, dat Kranke un Swache sit ünner de Bettdeck versteken, un wer Wull verwandts op See harr, um Genad un Hölp vun haben by. Inne Kofmæl ging de Vær- un Naslagg, as de Pær, jümmer in'n Taft, un nich to snell, dat man nich jümmer twischen den Schlag sin Wort maken oder hörn kunn. Dat weer recht en Platz um to klæn, un wer der lang genug kam weer, kreeg en ganz egen Art de Welt antosehn, etwa as Nachtwächters dat hebbt, de jeden Abend in er lütt Wachtstuv dat Geschick vun den Ort darsprekt.

Wenn man de sware Dær apen mak, so keem Een en Geruch vun frisch Del entgegen mit allerlei anner Geruch dermauk, un man muß dat Hart eerst an eenige sware Släg gewöhn', de de Stampers maken, as de gret

int Lile ins Gerade.  
klæn, schwägen.

Wull verwandts Jemand Verwandts.

Barpenrik dat mast oppen Thorn in de Kartenuhr. Of muß man ni bang warrn vör den Vöper, den Kopsteen, de op sin platte Uennerlag' lit op Een to kumt, denn he dreiht sik sin gewöhnlichen Weg rundum. Op sin Gerüst, wo he in hangt, op de veer Ecken hett Jan Baas veer Mäsen int Kleene anbrocht, de vör den Togg sik langsam umdreiht. He süßn steit bi den Vörslag rechts, en annern bi den Naflag links, un twischen in bruddelt de Warmpann, wo en stahlern Stang de Rappsaat in umröhr. Dar kann man sik rum lagern, un de Hann warm' wenn't kolt buten is, awer smerri ward man, all wat Holt heet is blank un kann drippen vun Del, un de Arbeiders sünd gelgrön bestaben vun Rappsaat- un Einsaatmehl.

Dar sitt Kutscher Jan Willem geern, wenn he wedder torügg kam is vun irgend en grote Fahrt; wat em as Del anne Hand kumt, dat wisch he ahn Schaden an sin blanken Kutscherhot oder an sin Stulpensteweln af. He sitt geern lat, Slap deit em nix besunners ut. Wenn't na Merrnacht un de Aflösen kumt, ward mitünner de Warmpann besunners utwischt, vun't frische Del kumt mit Brotrinn hinin. Wenn't darmit rein fast is as Bomöl un smölten Botter, so kann man Kantüßeln un Klümp darin braden. Wa schön rüf mennimal de Rosp-mael na Merrnacht! Un denn seet, wat bleben weer, um de hitte Bratpann, un Jeder fisch sik mit sin Taschen-mess, wat he friegen kunn. Dat much Jan Willem! Dar seet he den Slap vör gan. En Drunk kunn man darto nehmn



Thieß sin Vader harr dar in letzten Jahren sin Sted hatt, un klein Anna blev noch mitünner mal mit sitten un ging eerst inne Nacht mit Rutscher Willem to Hus. De Erinnerung keem er. Wer is nich mal jünger wen?

Bunabend seten dar of Wülke, Geert, Jan Baas un de Bekannten. De Stampers gingen ern gewöhnlichen Gang.

„Wedder kam?“ frag Geert twischen twee Släg.

„Jawul,“ seggt Rutscher Willem, un söch sit sin gewöhnlichen Platz ut.

„Bun Kiel?“ seggt Jan Baas.

„Jawul,“ seggt Rutscher Willem.

„Weer der wat los?“ ging wedder de Frag inne Paus’.

„As jümmer,“ seggt Rutscher Willem.

Awer as he sit nu recht fast sett harr, sä he op eenmal twischen twee Släg, indem he de Dgen in dat Gebäud run gan leet: „Dit Dings ward umbu’t!“

„Wat vern Dings?“ frag jeder Arbeiter.

„Dit Dings hier,“ seggt Rutscher Willem, un wif mit de Hand herum, „de Kofsmæl.“

„Büßt je wul ni klof,“ seggt een vun de Arbeiters, de nu al sit Jahren dat nich anners kennt harr, un sit so weni denken funn, dat dat anners war, as dat de Sünne un Maan en anner Weg neemn.

„Klof noch!“ seggt Rutscher Willem. „Wat kriegt Di to sehn? Nix as de ol Stampmæl un de Brun un de Schimmel, de se treckt, un de Schimmel is sogar blind. Schulln mal na Kiel kam! Dar is wat los! De Di

treckt am Ende noch ganz ræwer un ritt dat hier all dal. Oder he bu't dat um. Dat geit nu mit Damp! He bett in Kiel en Mael mit Damp inrichten laten. Dat's en annert Dings! Ik heff't jülbn mit min Ogen sehn. Awer beschriben kann ik't nich."

Dat sett denn Alle in Verwunnern, awer Alle löben doch fast dat Unmæglige vun den „Herrn“, un blot de Dellste, Jan Vaas, den he ut Holland mitbrocht harr, sä: „Wenn't man all gut geit!“

Darvun wulln nu de Annern gar nix hörn, un Rutscher Willem kunn ruhig wider vertelln.

„Wi hebbt of en jungn Herrn mitbrocht,“ seggt he, „de den ganzen Weg bi de Ol inne Rutsch seten un räsonneert hett. En scharmanten Kerl! He is, hör ik man, as Secretair bi den Landvogt. Ik meen eerst, dat weer wul en Brüdigam vör Mansfells Reinhilde, un de Weerth in dat Hotel sä mi of so wat.“

Dat weer natürlk wat vör klein Anna, de in Gedanken al grote Hechtid un schöne Geschenken seeg, worun ern Thieß un er of wat affull, un mit so'n schöne Gedanken brok se vunabend op to Hus, un harr nix anners to denken, as dat se dat ern Thieß as schöne Maricht, sobald se em seeg, verkünden wull, damit de arm Jung mal de twei'n Hann un dat Maleur vergeet!

Wenn se ahnt harr, wa se em eerst weh dē! Se teem je of richti darnit to Gang! He sä ni ne un ni ja, he war ni roth un ni bleek, awer he föhl, wa em all dat Blot as en Klumpen int Hart tosam leep, he föhl in sin Seel, dar hung sin Sēligkeit oder Verdammnis an, vun

Vaten un Berlaten, vun Gönn un Könn weer gar de Gedanke nich. Dat handel sik blot darum, ob he noch leben kann, wenn't wahr weer, un dat bedach he sik, as he meen, ganz foldblödig. Ob dat wat an den Snack weer oder nich, ob't en Klänerie weer, de man in de Rogmael utdacht harr, wo menni Dings torecht makt war un Beses würklich, wat annerwärts kum mal möglic, oder ob't vun de richtige Stell un ut de richtige Quell keem: dat dach he nich wieder æwer na. Gar am Ende to töben un to lurn un sik jülbn to æwertügen, darto weer in sin Gemöth weder Ruh noch Besinnung genug. In en Ogenblick weer he mit sik un sin Schicksal int Klare. Denn tolegt weer't eenerlei, ob't wahr weer oder nich. Vær em deen of en Gerücht as en Licht, dat em mal recht in de Düsternis wis', wo he sunst jümmer blind an varbi lopen weer; dat wis' em de Asgrund, wo he eenmal herin störrten muß, keem't nu oder later, keem't mit dissen oder en annern, mit en Secretair oder en Bagt, mit en Doctor oder en Afsat. Vær em weer de Appel nich, vær em heet dat tosehn oder wegsehn, vær em weer't, as wull he mit de Arms na den Heider Klostenthorn roplangen un de gollne Kugel hindalhaln, vær em weer se to hoch, un dat weer op jeden Fall dat Enn vun de Geschichte. Wewrigens sehn harr he genug, düch em: dat de Mann fast Arm in Arm mit Hilda op Stræt un Wegen ging, dat reed vær em ut, um to weten, warum man ant Markt bi Beamten, Pastoren un Doctoren nu jüs een Gesellschaft na de anner gev, of bi sin Herschaft, un Reinhold allwärts darbi weer.

Dat full em awer um so swarer opt Hart, as he sit in de Krankentid int Garnhus doch in en Art Dufel rin levt harr, twischen Drem un Waken. Muchen de Biller noch se düster laten, de he sit vun't Bett un Sopha ut vœrmal, am Ende un teletz weer der doch en hellen golln Rahm um, un Biller weern se man alltofsam. He leeg un dach nu doch eenmal dar wûrtlich oppen Sopha un seet op desûltwigen Stôhl mit Reinhilde, he athem desûltwige Lust mit er, sêr vun Leetjengeruch, sôter vun er sùlbn, un de Britsch sung of so gut vœr em as vœr Annere, de dar weern. He fôhl sit, as hœr he mehr derte as sunst; wa kunn he anners!

Reinhilde weer herlich! Dat weer dat wenigste, dat se dann un wann kam weer un harr em fragt, ob se em en Taß Supp schicken schull, ob en beten Quittensaft, ob en Gluck Win? Ne, as he wedder op weer un nu mit-ûnner buten, wa se mit em snackt harr, mit em op un dal spazeert, em tohœrt, em fragt harr, dat weer't! Wa vertrut harrn se mit enanner snackt. Se frag geern, se harr dat as junge Mædens besunners dat hebbn kûnn: se keem vun't Yûttste op't Grœfste, vun en Katt op en Lœw, vun en Pump de jank oppe Musik, vun en doden Bagel op de ewige Seligkeit. Thieff sin Weisheit weer dar natûrlich bald to Gnn, awer dar keem't je of nich op an, dat keem op den Ton an, op den Sinn, op ern Ut-druck, op er Dgen. He neem dat jûmmer eernsthasti, un se gungn mennimal tein Mal den Strieg op un dal, bet an de Bank, de æwer't Moer na de Meldôrper Stark sùht,

laten erſcheinen.

ehr se mit en sware Parti fertig weern. Wädens lehn demals noch gar nig anners, as wat de Schol mit sik broch un etwa de Moder funn, nich einmal en beten Französch oder Geschichte, un keen Bos war der egentlich lest, as Bibel un Gesangbok. Reinhold harr frili en beten Privarstunn mit Landschriwers Dechder bi'n Propsten hatt, un vun darher stamm recht er Bekantschaft; awer de ol Mann les' Klopstocks Messias mit se, un misch ehr mal en Brocken Ebräisch dartwischen (Reinhold lach mitünner daræwer un reep: Bereschit barahim! wenn er de Geschichten infulln, ahn dat se wol wußt, wat't bedüden dē, dat klang er gar to drulli), ehr as Französch oder Engelsch, wo he eben so wenig wat vun heel, as he der wat vun verstunn. Nu muß se sik mit dat behölpen, wat er Batter er in seltene Tiden, denn he harr to vel var. bibroch, un se weer op en Art sewit darin as Thieß, so dat se, na dat deepsinnige Schur, mennimal en drulli Art Uennerrędung harrn mit bon jour, yes sir un anner solke wichtige Wahrheiten.

Im Ganzen weern se sunst beide eernsthast vun Natur, un wenn se nich sik jüs besproken æwer Gedichte vun Matthissen oder Claudius, so ännern se wol in Gedanken Stieg un Beeten inn Gern um, un dar weern Thieß sin Ansichten nich blot geschickt un paßlich, em weer of jüs darbi to Moth, as weer he nich blot en Stück Möbel in de Familje, sundern een vun de Wenigen, de dat Recht harrn, sik darop to raun un se uninstelln na er Gefalln oder Ansichten.

Tan ruben, auseruben.

Ja, in so'n Dufel harr he sik rintsevt in de Tid, wo he twischen Leven un Dod merrn in hungn harr. Un nu he wedder recht seker stunn op sin Leven un Gelenten, nu hör un seeg he, wat em darrtred, dat he dach, dat Beste inne Welt weer öf man Lægen, keen Verlaten weer op nix, as dat Allens en Enn neem.

\* \* \*

So wit em dat anging, wull he darmit eernsthast den Anfang maken. As he to Hus un in sin lütt Stuv keem, fram he ut en Schuf enige Papiern un Saken tosam. He harr sik doch al enige lütt Andenken an Reinhold sammelt un opbewahrt. Dar weern en paar lütt Zetteln, en Inladung to Disch, un en Ved um en lütt Besorgung, de een noch fast mit en kindlige Scholhand, wul ut de Tid, as se den Fot verrenkt harr un süßn nich kam oder gan kann. En lütt Teknung vun en Blom, de se em mal schenkt harr, as he in er Tekenbok teek; se Lehr dat bi en ol Mamsell, de in Kopenhagen harr Water warrn wullt un nu hier her vertragen, na enige Barlegeblæd so vël Rinner quäl, as se magli tosam beteln kann. Mamsell Meinung heet se, wat inne ganze Heit vun Jedereen gewalti düttlich utspraken war. Uterdem weer noch en würlige verdrögte Blom mit en roth Band darbi, as't leet de grötste vun disse Schätze. Denn Thies le de Blom am vörsichtigsten bi de annern Saken in en

merrn in mitten inne.	Leven Glieder.	Schuf Schieblade.
Teken- of Zeichenbuch.	Barlegeblæd	Verlegeblätter.

schön groten witten Vagen, mat dar en Breesgestalt ut, siegel dat to, un schrev darop: Ungeöffnet zu verbrennen! Denn le he't wedder deep achter inne Schuflad.

Un nu weer't to Enn! Föhl he sit ni lich, so föhl he sit doch seker, un he dach gar nich daran, dat twee Darn wider velliicht de een sit apen don kunn, un de Stimm, de denn langs de Del triller, war all't Barnehm to Water maken, dat nu fast un seker weer as Januarius oppen Notpol.

To don weer je vör em nix anners, un he muß sehn, alleen mit sit klar to warrn. En junge Natur hett jümmer Hölpsmittel in sit, sowul in't Unglück as in Krankheit. Wenn't man so wit kam is, dat man wat fast int Dog fat, so is darin al jümmer wat, dat hölpt. Thieß harr sit bi sin Vaggn doch en Art Plan makt. Weer't keen Lebens-, so weer't eerst mal en Arbeitsplan, wo velliicht dat Leben, oder wat ton Leben hört, nasolgen muh. He neem regelrechten Uennerricht int Engelsche bi en o'n engelschen Kopmann, de int Unglück hier behangn bleben weer un sit kümmerli mit Stunden geben darslog. De Mann weer en ol düster Gemöth, wahn in en ol düster Kabüs', weer awer en Mann, de wat lehrt un vel dacht harr. De les' allerlei düstere Schriften: Youngs Nachtgedanken, un wat he Philosophie nöm, dat nöm he of de Wahrheit inne Welt, un dat paß Thieß Thießen wul, de of de Wahrheit söch.

Vagen Vapierbogen. seker sicker. Barnehm Versuch. Kabüs' Häuschen, Stübchen.

Dar arbeit he sik rin, studeer binah Nacht un Dag, funn awer doch ni de Wahrheit, ehr allerlei Twifel un Gedanken, de nich to lösen weern. Un wenn sin Herr of mit Vergnügen seeg, dat de engelschen Brev em licht vun de Hand gingen un em nagrah de Correspondenz anvertrut warn funn: so vermahn he em doch, nich to vel nachts to arbeiten un as sin Bestes jümmer sin Gesundheit to schon'n. Ja, Gesundheit! wat schull he darmit?

Dar keem öfters Besöt vun Scholkameraden op Thieß sin lütt Stuv. Sin Herr seeg dat geern, sitdem he eernsthaster un stiller warn weer as sunst, bleek utseeg un nich anners rutkeem, as wenn dat Geschäft em rutdrev. Junge Lüüd markt dat licht, ob se in en Hus willkamen sünd, wenn de Herr se of blot mal tonücht bi't kam oder gan. Man brukt sik nich jüs luter Näs'waters to denken, de an so'n Ort tosam lopt. Verstand un Vernunft is allenthalben to Hus. Dar hört keen grote Lehr- noch Bökeranstalten darto, dat oprecht to erholn. Dar keem en Jarwers Söhn bi em, de Holtsniden lehrte harr, un sin Forms to'n Rattundruck sülst to maken. Dar keem en Dischers Söhn, de na Hamborg west weer, blot um en nie Art vun Fourneearbeit kenn to lehrn, beide wussen en beten vun Chemie, wo se mit Vergnügen vun snaden, un berühmte Nams warn of hier mit Ehrfurcht utspraken, wenn of nich jümmer richti. Dar keem en jungu Musiker. He spel frili to Danz de tweete Vigelin, un muß mit herum to jede Jahrmarkt un Burnhochtid, um vör



smertleddern Steweln Suppsa to fragen: awer he vertell Thieß Thießen mit Begeisterung vun Musif. Wat se ni hörn, dar lesen se vun in en Musifzeitung, un weern de Jahrgäng of nich de letzten: man ley doch in en grote schöne Welt, much se buten wen oder varawer.

Mank de jungn Lüd bi Thieß Thießen keem dar sit enige Tid een, de gegen de annern en beten verschüchtert leet. He weer Gesell bi en Wittgarwer, heel sit awer en beten better as sunst Handwertsgeselln, ging ni to Tanz un Gelagg un säch sit of en better Gesellschaft. So harr he sit mit een vunn den Börgers Kinner bi Thieß insunn oder so to seggn inföhrn laten. He keem ni anners as smuck nett in Sünndagstüg, wat em frili jümmer wat sünndägli unbequem seet. He weer vunn Vann, recht vunn Dörpen, un dat war em fur, un he bemöht sit angeltgentlich, finere Stadtmaneern to sehn un antonchm. Lehrt harr he wol heel wenig, apenbar weer en Mundvull nothdresti Lesen all, wat he kunn. Awer he säch bi Thieß, wenn se alleen weern, vun't Lesen inne veer Speetschen wenigstens natehalm. Dat drück em awer of op alle Kanten as sin Kock un Westen, he weer swigsam un as mit Angst opmarksam op jede Bewegung vun de Annern. Wenn de awer en Gegenstand, de dat mit sit broch, int Hochdütsch spröken keenn, so sweeg he ganz still. Doch harr sin Stimm so wat Indringligns as sin Tgen, un darbi meer he en suncken jungn Minschen. Wenn he mit Thieß alleen weer, wenn he int Spröken

buten draußen, entfernt.    leet ließ, schien.    nothdresti nothdürftig.    veer Speetschen die vier Specie, die vier Grundrechnungsarten.

feem, wenn he vertell, so ging dat, as weer Jüür darünner böit, dat feem em deep uten Harten un he drung dat Thieß op un in. Thieß harr egentli nümms, de he sin Geheemnis anvertru. He harr wol Frünn genug un se heeln alle vel op em, he weer, ahn dat he daran dach, de Mittelpunkt vun en ganzen lütten Kreis. Awer gewisse Dingen lett man sik blot afzwingen; so gung em dat mit sin Lev. Un jüs de linksche junge Minsch vunn Lam harr em dat binah afzwung. De gung jümmer op Een in, as bahr he Een an, de fram jümmer int Depe in Hart un Geföhl herum, harr jümmer wat to apenbarn, un Lffenbarung antotappen.

He seet hernn, as deß he de Löder to, wo de Jung vunn Dörpen gar to nakelt daerschin, un he harr en Geschicklichkeit, de Löder in Annerlüt er Hart oder Kopp opstosinn un optodecken. Thieß harr nog to den, dat he nich Nam un Datum darbi angev, æwrigens harr de Anner al lang Allens herrut, wat em quäl.

Un darbi harr he Hölpsmittel dargegen un Trost darvor. Wenn de Noth am grötsten, weer de Hölp am neegsten. Man muß se frili annēhm wöllen, man muß se nich vun sik holn, man muß sik ni verblenden. Dat Wort war egentli nie utspraken: as weer't en Medizin mit en geheemnisvullen Nam. Awer Thieß mart recht gut, warum dat sik handel. Se keenn regelmäsig tosam, vertell de Wittgarwer, as hier of bi Thieß, junge Lüd un ole, un sproken sik ut, en Jeder sin Erfahrung.

Nu harr Thieß sit so fast leßt in sin Nachgedanken un annere düstere Böker, un sit so fast snackt mit sin Mister Cole æwer Wahrheit un Philosophie, he weer so verlaten un toslagen un innerlich toschann, dat he binab vun Jedereen sit harr anne Hand nehmn laten, de em Rath oder Trost versprok. Bun de Lüd kenn he, kennt man doch eigentlich Jedermann in son Ort. Wittgarwer Wulf un sin ol Süster weern en paar vun de Hauptlüd. He weer en Lamm, so sä man, un wenn de boshafte Slachter Klas Iwen of tosett, dat de Süster en Schap weer, so wuß Thieß recht gut, dat so'n Lüd, de Stillen, as se geern heet, var Spott ni to sorgen hebbt. Wulf weer würtlk as en Lamm, en Gesicht mehr gutmödi leet sit ni denken, dat lach vun Losredenheit. Thieß harr em öfter sehn, wenn he Fridags fröh na't Möldorper Wetenmark uttrok. Wenn he na Hogenheid heropfeem, wo man æwer Moor un Marsch weg süht as vun en Barg, un de Sünn opging, so sung de ol dicke Mann mit den Hot inne Hand as en Lurk dargegen an, within schall sin Psalm: Erheb ihn, meine Seele!

Warum schull he nich einmal hingan? Se keemu gewöhnli cype Gastwurth tosam, wo se in en warme Wartsted en zäpligen Platz harrn. Dat weer dar ganz nett un ging würdig nog her, blot full dat Thieß glit op, wa stramm se all seten, wa dat Hannsolt un Koppnicken, wa fast jede Min' un Geber nich rein vun Natur so, sundern mit Absicht weer, blot Harm Wulf seeg eenfach

un harmlos ut. Of de Wör un Redensarten wedderhahn sit, as dat Hannsfoln un Koppnücken, warn utspraken, as harrn se æwernatürlige Bedüding, as weer dat Wort al Medizin un nich dat Recept darto. Thieß weer as in en fremde Welt, un em war eerst ganz wunnerlich. Wittgarwer Vöhnert seet dermant as de Hauptperson mit sin gewaltjam Gesicht un gewaltige Red. He lê Gewicht un Bivagg op jede vun de Wör, de hier de Lust swar maken. He stütt sit op sin Stoc mit den gollen Knop, un keem bald op de Hoffahrt to spraken, „as welke Christendemoth ni opkamm leet.“ Dat schin sin Hauptkapitel, dat slot as en Strom æwer en bekannten Grund, dat keem de Mael of jümmer neeger, wo dat dat Rad driben schull, dat ging in Winken mit den Tunpal un in de Ellerbeter Blom æwer op „Spitelanten“ un „Sabbathschänder“, un harr toletz blot tosiegelt warrn schullt mit de Opschrift: An Dissen un Jen', in firma Reinhold Nissen. Thieß war unheimli darbi, egentli verstunn he't gar nich, denn dat Schelln, so gewalti dat klung, weer em doch vun de Art, as wenn man dat vör sin egen Gesundheit bedrifft: um de Gall en beten dör to schütteln, un as he wul junge Studenten harr mit den Handstoc inne Lust sechten sehn: se zielt jümmer op Een, de nich dör is, un he wunner sit, dat man em mit Andacht tohör. Dar seten en paar Schollehrersdöchter vun neegbi ut Rikershof dartwischen mit so'n rode gesunne Baden un so'n

Bivagg Beigewicht, von Schlachtern gebraucht für Zulage an Knochen.  
De Ellerbeter Blom Redensart, die sich für verblümt ausgibt, eigentlich aber eine Grobheit schlicht hin sagt. neegbi nahebei.

daersichtige floke Dgen: dat weer't gewis keen Heucheli un Verstellung, de müssen hier je doch wat söken un sinn. Wer kunn't weten? Dar seet de Dochter vun'n Hus' dartwischen, wullhebbn Meisters Kind, de de Wartsted hör, en bleef blaß Mäden mit brune Dgen as en Reb. Wenn't vör de wat weer, düch em, so much't vör em je noch wat warrn, nödig harr he't. Dat much sik torecht sinn. As he Algebra bi den oln Rekenmeister Simon Bader lehrt harr, weern em of eerst de Bostaben blot Tekens wön, eerst allmählig harrn se em wat bedüdt. Dat much hier of so kam. He meen't je ernst un ehrti. Denn much em so to seggn de Geruch of en anner warrn, de em noch jünner weer, as in Friedrichstadt inne katholsche Kark.

Dar war in de Versammlung vel vun Erweckung un Erleuchtung spraken. Dat gev noch mehr solte Wör, de behandelt warn as en Teken. Fast Jeder harr irgend een Kapitel, as weer't sin egen Pachtung. Lud, un so to seggn öffentlich to Alle, sprok awer blot Wittgarwer Löhner, un meistens blev he bi sin bekannt Thema. Dat günn man em, as de Annern dat gre. Man sä vun em, he weer sülb en leidenschaftlige Natur, he lee vun de Leidenschaften, de he in Annern mit dat Wort mächtig straf. Wat harr wul ut so'n Minschennatur warrn schullt ahn Religion? Dar kunn man er Wirkung sehn! An ihren Früchten werdet Ihr sie erkennen. De Mann stunn nachts op un be gegen Stolz un Hochmoth. Thieß

muß süßn derrun, denn vun se wat vertell sik de ganze Heid. Löhnert harr en small lant Hofstell na de Westermeid rut. Dar ging he oft Wintermorgens in Düstern op un af, lud to beden. De Fohrmann Krüschan Nehm, de jeden Sünnaabend fröh morgens mit den Rendsborger Frachtwagen asging un jümmer ünnerwegens Schelmstücken vertell, um sin Passageers warm to holn, bet se in Pinnern dat eerste hitte Eierbeer fregen, harr em dar mal drapen, vertell he, as he jüs ünner anne Port stan un lud ropen harr: „Herr, soll ich umkehren?“ „Do’t man!“ harr Krüschan Nehm jeggt, „ga to Hus un to Bett, dat’s kolt. Awer vergitt morgen din Handstoc mit den Knop nich, wenn du umme Heid spazeerst!“

So machen Annere awer Erweckung un Erleuchtung spröken, velliicht de’t of nödig harrn. Sogar vun deöllern Fruns suaden darawer mit, frilli man int Gespräch. Thieß full dat op, wa de Erweckung un Erleuchtung jümmer as wat beschreiben war, wat den Minschen so to seggn awerfull. He kunn dar nix vör, dat keem em, dat weer de Gnad! Awer he kunn dar doch wat vör, denn wenn se nich keem, so weer’t sin Schuld. Dat weer de Sün, de egentlige Sün, de wider den heiligen Geist. Don kunn he dar nix bi, he muß still holn. Awer don muß he doch sin Deel. So weer’t. Dat weer jüs en Wunner unbegriblich, of vör de Annern. Dat weer gerade dat Herlige darin. Dat keem op enmal un unbedacht, ging awer ni af ahn vel Geföhl. Gerade dat war geern un umständli beschreiben, dat schin en egen Freud un en egen Geschicklichkeit, alle Umständ darbi ge-

nau to beholdn un vœr de Tohörer uttomalen. Se wußten Tid un Stunn op't genauste, dat keem bi Dag oder bi Nacht.

Gen oldbelti Mäden weer besunners stark darin. Se alleen of stunn op in de Versammlung un sprok to Alle. Se beschrev dat mehr int Fürchterlige, se beschrev de Erwedung, as wenn en Tiger weckt ward un em ward sin Blot aflaten, awer Lammsblot wedder intappt un nu is he verwandelt. Darbi seeg un rē se utdrückli Thieß an as wull se Teten sehn, ob bi em de Aenderung intrē. Thieß kenn dat Mäden vun't Ansehn. Se lahm en beten op een Fot, wat ern Gang wat Fierliges gew. Dat Gesicht weer hübsch, wenn of streng. Se goll vœr ungeheuer rik; jedenfalls harr se en Gewes' vun ẽr Batter arst, wo se nu eensam as ol Jümfer huck un dat verwallt. Dar seeg man ẽr op den Schobmakerort vœlmals achter ẽr Stratendœr stan un mank de mischen Dweerstöck ut de Ruten oppe Strat liken. Man sä, se paß dar op gegen de Arm', darmit de gar ni-eerst rin keemn. Se goll vœr noch mehr gizi as rik. Harr se doch mal so ute Darfinstern tosehn, as en arm Kind inn Regen vœrbigging un en Schilling verlor. Den söch dat arm Gœr vergebens, Jümfer Timmsen seeg to. Awer statt rut to gan un dat Kind den Schilling to geben, tœv se, bet't weg weer, un nadem söch se dat Geldstück mit en Knüttwihr uten Rünnssteen: darmit Gotts Gav ni umkeem! So vertell man.

oldbelti alt aussehend.  
eine der Hauptstraßen Heide's.  
Knüttwihr Strickfäden.

Schobmakerort der Schubmacherort ist  
mischen Dweerstöck messingene Querstäbe.

Thieß sin Fründ hier, de Wittgarwer vunn Lann, sprok, as't schin, gar ni mit. He harr dat awer hilt, Stöhl un Sitzen torecht to stelln, wobi he dat jümmer so inricht, dat he neeg bi de Meistersdochter to sitten keem un Thieß bi Jümfer Timmsen. Uterdem verdeel he de lütten Böker, wovun jümmer nie dar weern, de man Tractätlein nöm, wobi Thieß toerst jümmer an de Apthek dach, alle in desülwige Art vun Sprak, de hier redt war as en egen Mundart. En Missionsblatt keem of regelmäsig dær de Wittgarwer sin Hand. Ebenso sammel he in en slaten Büß de Geldbidrag in, wobi he jedesmal mit de Büß klæter un bi't Hinholn wegseeg. He harr sik æwerhaupt in de Versammlung as de Küster Klas Habener inne Kart.

Æwrigens sülkn disse Dingen nich jümmer ganz de Tid ut. Denn warn of weltlige Saken beredt. Se wussen hier genauer Bescheed, as Thieß dat jemals dacht harr, æwer Vermögen, Innahm un Utgav vun en ganze Keeg vun Lüd inn Ort un inn Lann. Dat dur man enige Mal, so leet sik Wittgarwer Löhnert hendal un frag Thieß ut æwer Reinhold Rissen, æwer sin Gewes', sin Handel, sin Umsatz, of æwer sin egen Stellung un Innahm, un wat he sunst so antordörn verstunn, ahn dat man jüs seggn kunn: Thieß much em dar Handslagg op geben, he wull dat brufen. Doch so vel vun de Genolt vun en Duv of noch in Thieß steken much: dar weer he doch al to vel Kopmann un to „gerieben“ darto, as dat

bilt hebbn eifrig sein, es eilig haben.



he nich utwik un achtern Barg heel. Wulf sin harmlose Süster, dat Schap, as de Slachter Iwen sä, weer in all er Unschuld Vermedersch vör junge Lüüd, besunners Deenstmädens. Inne Heid weer dat domals en Geschäft, wat man mit slimme Nams nöm, un mennig Een sä wul vun er, se weer en Seelenverköpersch. Se harr of een un anner Deensten in Nissen sin grot Gewes' lewert, wo bi de Röh un in Hus un Garn en ganze Reeg Mädens brukt war. Dat gev vör er allerlei an Thief to fragen. Un so maken sit Mehr wat mit em to don, Zünfer Timmsen nich am wenigsten, de sit æwrigens fründli na sin ol Moder erkundig un de sin Badder recht gut kennt harr, un darbi sin Hart wunn.

Besunners genau un streng, as en italiensche Volschollung, war awer dat Sündenregister æwer den Ort föhrt. Dat weer tym Bewunnern, wa genau man in fast jede Hus un Familie æwer dat Heemlichste Bescheed wuß. Thief war fast gruli darbi, he harr keen Ahnung darvun un lehr nu eerst, wa vel in so'n Flecken verrött un anrött is, wa wenig ganz heel un gesund ünner Minschen. Züs oft un meist in de eersten Familien inn Ort, in Hüf', wo he so to seggn mit Ehrfurcht rop un inne Finstern sehn harr, dar weer't am wenigsten geheuer. Bi Aftaten, bi Pastorn, bi de eersten Beamten, de öllsten Kopmannshüser dar weer irgend wat versteken, verdeckt un verborgen, wat Dags Licht schu'n muß. Wo de Dellern rechtli weern, dar harrn oft de Bæröllern dat op en Art erworben, dat wul de Kinner dat harrn wegsmiten mußt, wenn se't genau bedachten. Oder de Kin-

ner arten ut, un en heemlige Schann war mit Glanz oder inne Fremden todedt.

Of op Reinhold Rissen fulln allerlei Schatten, Wittgarwer Löhner wuß vun sin Vatter her, Sümfer Timmsen vun sin verstorben Fru. De Schatten harrn binah æwer se weg op Reinilde falln kunnt, harr Thieß sin Geföhl sit nich dargegen wehrt.

Am schlimmsten ging't æwer arme Mädens her, de en Unglück hatt harrn. Un dit Kapitel war so utföhrli behandelt, as dat vun de Erweckung, un de Fruns weern darbi nich de Swigsamsten, un wo de Wör noch nich ann Platz weern, dar red dat Winten ut, um Allens apenbar un dürtli to maken, dat Süßzen, um de Sünn to beteken.

So ging't her. Doch kunn Thieß nich seggn, dat de Lüd dat nich ehrli un in ern Sinn gut meen. Blot, he harr nix darvun oder paß dar ni mank. Vun Erweckung weer der in em nich de Red, obglif dat darop recht affehn weer, un man sit Mög um em geb. Denn he weer vellicht de Genzigste, de ol Matthias Claudius hier mögli en Butenminsch nömmt harr. Sin Fründ vunn Dörpen, schin dat, harr em ganz besunners in sin Schutz, as söch he dat Verdeenst, sin Seel to erobern oder to retten, vellicht mit em den ganzen Kreis vun junge Lüd ut de beste Börgerie, de bi em lepen. So schin em, un he harr ol nix dargegen. Sogar de Meistersdochter wenn' er Rehogen oft in Swärmerie op em un harr en Wort besunners var em, wat em klung as Fründlichkeit un Mitleiden.

Butenminsch der draußen gehört, Nichtbürger.

Dat neem em doch sunnerbar hin. Oft brochen se abends 'de beiden nüdlichen frischen Schollehrrersdöcker na Rifershof rut. War dat Gespräch denn innerwegens of nich jüs fortsett, de Ton darvun wenigstens dur an un klung as en Melodie mant Allens dær. Se weern't alle gewohnt uttospreken, dat in Wör to bringn, wa se to Moth weer, wat se föhln un dachten. Man fram jümmer int Hart un de Vost herum un ut dat Innere herut; nich Unwahrheiten un nix Elechts, jo nicht! Awer in unsen Vann is dat so wenig de Art un de Bruf, dat dat Thieß as wat ganz Fremdes værfam muß. Hier buten, alleen mant de jungn Mädens, keem of de Wittgarwer to Wort. He wif' na de Steern un den Maan un sprok æwer den schön Himmel, nich blot den, den man süht, of æwer den, den man hæpt un de Fromme al op Gern findt. Sin indringlige Stimm klung fierlich, man kenn den Mann nich wedder, dat keem deep ute Vost un de Wör sunn sik em so egen darto, man kunn sik en Mann darbi denken, as man se ut't ole Testament kennt. He sprok vun sin verkümmerte Kindheit. Ja, de weer eerst verkümmert! Dargegen weer Thieß en Glücksfind west. Oppen Krumstæder Fierth oppe Heiloh in en Hütt half ut Eoden, dar harr he hungert un drömt bin de Dær oder buten. Sin Dlen weern op Törsgraben west, wenn he de ganzen Dag' alleen seten un na'n Himmel sehn harr, un keen Minsch harr em wul en Frag' beantwort, wenn he harr fragen kunnt. Doch of darto harr he't nich

Krumstæder Fierth öde Gegend in Holshein. Eoden Rosenhüde, Torsihüde.

brocht, to Wör' harr sik't nich opklärt in em bi al sin Gruweln. Un doch weer em en Stimm kam vun baben in de Dunkelheit, als Samuel se kam weer, un he harr se verstan. Dat weer de Berop. He weer nafsolt un to-  
eerst na Elmshorn kam, dar harr he de Wittgarwerie lehr. Awer nu harr em de Berop na de Heid föhrt, un dar weer em eerst dat Licht opgan, dat himmlische Licht, dat de Ger to en Garn mak un em den Engel sehn leet, de em nich ut Eden rutwis' ut't Paradies, sunnern hinin. Wen dat goll, dat weer je düttli genog, un de blasse Meistersdochter seeg swärmerisch umhöch. Denn fung he Leeder an to singn un alle sungn halstüd mit. Se sungn Leeder ut't Gefanghof, de wi hier sunst blot inne Rark hört mit de Orgel darbi un in Gedanken de Predig un de Sünndag. Doch hör Thieß se geern vun de sausten Mädenstimmi, se maken en egen fierligen Indruck op em un he sung allmähli sachten mit. Doch sungn se of Volkslieder, de vun Lev, vun Glück un Unglück sprökt. De Wittgarwer steet vull darvun un Thieß hör menni schön Ton as ut sin egen Seel' herut tum eersten Mal. En ganz egen Slag Minschen un ganz egen Art Verkehr ünner junge Küd! Wenn se so in de stille Nacht langs den eenfamen Fotsstieg na de Marsch to gingn, twee junge slanke Gestalten vör em, eenfach in Kleidung, awer sauber un dreppli, æwereens as en Paar Tweschens, de Köpp ünner en paar lütt witte Taschendöcker, de sik dann un wann na em umsehn, um en Wort mit to spröken; de biblische

gruweln grübeln.  
Zwillinge.

dreppli pöhtlich, einfach.

¶ Tweschens

Gestalt un Ton vun den jungen Mann, de sit anne Sit vun de Meistersdochter heel-un mit er wul noch en heemli Wort flüster, de swärmerischen Rehogen vun de, wenn se Thieß mit en Art Mitsiden betrach; darto Maan un Steern baben se, de hendalblinkern: dat röhr em mittin-ner al dat Blot op. Seter wussen de jungn Mädens vun sin Liden un Miden, so wit de Wittgarwer dat wuß. Dat harr de gewis in sin biblische Maneer apenbart un wenn he of man Vers' ut dat Hohelied Salomonis op em anwennt harr. Daræwer weern de Mädens um so mehr mitsidi un vertrut mit Thieß, un oft full en Wort as schull't en Trost sin. Thieß harr egentlick Umgang mit junge Mädens gar nich kennt. Mit Reinhilde weer de Verkehr je ganz anners. Dit Vertrun de em gut. Dat der seggt un utspraken war, wenn of ut en anner Mund, wat em dump un swar opt Hart leeg, lös' em dat op, un gev em Trost.

De Lev weer nämli en Kapitel, de in dissen Kreis vel bespraken war, ja se weer een vun de Hauptthemas. Jede Art keem hier to Wort, vun de an, de man gegen den Höchsten hebbn mutt, vun de Christen- un Kindeslev an, bet to de, de twischen Leefste un Leefsten dat Band afgift, twischen Brut un Brüdigam, Mann un Fru, in alle Gestalten, un of dat Gefährliche war utspraken oder doch andüdt. Uennerwegens reet of disse Faden nich ganz af. Man sprok vun dat Glück un dat Unglück inne Lev, vun de rechte un de unrichtige; un harr of de Wittgarwer hier dat Hauptwort, un wenn' dat tolek jümmer an de richtige Person, so snaden doch of Schollehrers

Döchter in alle Unschuld mit daræwer. Spreken mutt de Minsch æwer dat, wat em drückt oder quält, man seggt je, wenn he keen Dhr findt, mutt he sik en Rul graben, wo he't hinin röppt, un wenn he man daræwer spreken hört, so tröst't al, wenn he of süßn swigen mutt. So funn denn Thieß mank disse guden Lüüd, wat em sunst ganz feil. Denn mit sin ol Moder weer nich to spreken, un de jungn Frün, de em op sin Stud besöchten, harrn ganz anner Geschichten vør. Weer em nich jümmer wedder unsæker darbi to Sinn warn, as weer doch wat darbi, wat sik nich hör, as weer he vellicht en Heuchler, wenn de Annern dat nich weern, as heel em ganz wat Anners, as wovun egentlick de Red weer: dat harr em wat andon funt. He keem mitünner mit en Geföhl bi den Schol-lehrer an, dat he sik freu un sæker föhl, dat se dar weern, so harr em de Weg umwöhlt, begehrt, he muoch seggn, dun maht. En Mäden keem em begehrtli vør, he seeg schöne Glieder, nackten Hals und Schullern dør de Klee-der hindør. Dat weih em an as en warm söten Athen.

De Lehrer weer en ganz ol nüchtern mager Mann mit klofe Dgen. Vels to old, so schin't, vør disse hübschen jungn Döchter. So häßli he weer, un hellgrau vun Gesicht, so harrn sin Dgen wat vun Reinilde er. Thieß seeg em nich an, ahn dat all sin nüchtern Verstand un fromme Lev vør dat herlige Mäden wedder lebennig war, all sin Liden frili of. De Schollehrer hölp awer of mit sin Wör mit derto. He seet jümmer noch op, of wenn't lat weer, op sin Döchter to töben. He seet bi en lange Pip, wo he wenig ut rok, un studeer geistlige

Schriften. He weer of en religiösen Mann, awer, as he süßn sä, Rationalist. He weer ganz dat Gegendeel vun en Swärmer. He seeg jümmer mit en Art Smustern as man op Kinnerie süht, na den Wittgarwer op. Doch günn he Jeden sin Wertüügung, sä he, wenn se ehrlich weer. Darum leet he sin Döchter of ganz ahn Mistrun na de Heid to de Versammlung gan. Se weern annern Sinns as he, sä he. He kunn sik op se verlaten. — Gegen den Wittgarwer harr he apenbar nich ganz dat Vertrun. De awer föhl sik hier as to Hus, un bi den bescheden Mann as en æwerlegen Held, spar he of de Wör nich, keem awer mitünner slech darbi weg, denn de Ol harr vel mehr dacht un lehrt, as man em anseeg, un vel mehr egentlige Religion, as he süßn togev. — Thieß stell he vær as sin Fründ. Un Thieß kunn bemarken, dat he dar allerwärts wichti mit de. He verdeck den Burjung mit sin Stadtsumfang. Wahrscheinlich vertell he vun Börger's Söhns aller Art, de bi Thieß in un ut gingen. Vellicht de't of al wat, dat Thieß bi Reinhold Nissen in Gunst un Ansehn stunn.

Of bi Meisters muß he Thieß hintofnaden, un harr't dar natürlig eben so verbrocht. Dat weern ganz ol simple Börger'slud. De Moder lach jümmer æwer jedes Wort. De Meister weer en ol æwerglöbschen Mann, de jümmer Allns værut seh. He harr na sin Meenung dat tweete Gesicht. He harr vele Kinner hatt un verlarn, un man disse een Dochter na beholn. Dat harr he allns værut sehn, un sin Fru bekräftig dat, indem se ja sä un lach. He seeg værher dat Sark oder de Drägers oder de

Per oder den Küster, un dat drop jedesmal in. „Ja,“ sä sin Fru un lach, „dat drop jedesmal in.“ Awer he apenbar dat nie Jemand vörher. „Ne,“ sä de Fru, „dat de he nich.“

So weer Thieß na un na vun Wunner umgeven, un seem ut't Verwunnern gar ni rut. Bald weer't de Globen, de't mak, bald de Höhnergloben, oder, as he mal vun en ol Paster hört harr:\*) bald dat grote Loth, dat dat Uhrwerk inn Gang holst, bald dat lüttje, denn sunst war menni Minschenfeel ganz still stan. Wat anners noch heemli mit derachter steek, dat weer, wat man op Hochdütsch Triebfedern nöm.

Bi Thieß sin biblischen Fründ weer disse Fedder nich verborgen. Ob de Ol dat ditmal verrutseeg oder de Moder, dat funn man vellight daran weten, dat bi en lütt Theegesellschaft, wo of Thieß un de neegsten Fründ, Schollehrers Döchter un Bümfer Timmsen inladen weern, nadem Punsch bru't war, den de Ol geern drunk. Un as de Ol wul ungesehr dat twete Gesicht seeg, do war de Moder noch mal gewaltig küßt, un denn vun de Batter dat Jawort geben.

Nadem gev dat vel Fröhlichkeit, un of de Punschung ni ut, wo de Wittgarwer vör sorg. Lud war man nich, awer innig. Dat gev vel Küssen un Rosen, wat of de Dlen nich versmahn. Dar war en Pandspill inricht. De junge Brut küß Thieß bi de Gelegenheit, dat he kum

Höhnergloben Aberglauben.

\*) Es ist ein Wort von Claus Harms.



wuß, ob dat de Brüdigam weer, de toseeg, oder he süßbn. Awer he war doch am meisten verfehrt, as he mark, dat Bümfer Timmsen er Geföhl op em hinwendt harr, un dat sin Fründ so gut as vele vun de Annern dat geern sehn un dat andüden: dar weer noch vellicht en Paar in de Gesellschaft, wo de Harten sik in Lev still to enanner funn harrn. Dat fehr sik in em um. He war nüchtern, as harr he Scholmeister sin kloken Dgen sehn. Oder velmehr, he seeg Reinhilde er leibhaftig vœr sik, as sä se em: „Un wenn du nix to hapen hest, bewahr di din Engel un Heiligdom, un wenn't nix as Truer un Entsagen gev, din Himmel is't dennoch!“

To de Vernüchterung gev't vœr Thieß den annern Morgen noch en argerlige Geschichte. Dar keem mitünner fremdn Besök in de Versammlung oder to een un anner Familje, un dat broch denn jedesmal vel Bewegung mit sik. Dat weern Lüd, de so to seggn opt Geschäft reisen, oft mit en apen oder verflaten Breef vun Bröder un Swestern ute Fremdn, de mehr oder weniger fierlich oder still opnahm warn un op eben so'n Wis' wider fördert. Dar keem Lüd, de der sammeln vœr irgend een Sat, Bröders in Noth warn stütt, dat feil enermögens an en Schol- oder Bethus. Dat weern meistens gude un weern Nothsaken, warum se keem. Thieß full blot op, dat der jümmer am meisten Iwer un Müßden weer, je wider weg dat Unglück; en Juden in Friedrichstadt to bekehrn, darvœr harr ni licht een en Drüttel æwer hatt, wull æwer vœr de Swarten „ünner de Vinje“ un daræwer hinut. Towilen blev't of rein Geheemnis

vær de Inwiheten, wat en Mann vær harr, warum he dar weer. De Lüüd harrn meistens vel dærmakt, de so keemn un gingen, inne grote Welt oder in ęr egen Seel. Dar keemn Missionäre, de den ganzen Erdfreis kenn, sit rumslagen harrn mit wille Minschen un wille Thiern, ünner Hitten un Küll, ünner Hunger un Kummer. Man hör mit Bewunnerung an, wat Lüüd don un ut-holn künnt in Begeisterung. Dar keemn Lüüd, de alle Leidenschaften dærmakt harrn, un dat to beschriben ver-stunn, wa de Minsch umsmēten ward, bet he Ruh findt. Mehrmals keemn der, de mit Bibeln un heilige Böker handeln, de vun Hütt to Hütt oppen Lann wannern, vun Hus to Palast inne groten Der. De kenn un ver-telln, wa't innerli utseeg, wat buten Gold schin, oder wa innerlich rit, wat buten Armseligkeit. Dat weer merk-würdig. Thieſ hör nich licht to, ahn ganz vull dervun to Hus to kam. Een un Anner keem em frili of wul mal verdächti vær, de Iwer to gewaltig, de Ruh ni echt. Man kenn vun de Lüüd of mank annere inne Heid, de nich in de Versammlung hörn, un sprot dar ganz anners æwer se, as Harm Wulf oder Wittgarwer Löhnert. He wuß seker nog vun Een, de mit Bibeln handel un sanft denöddig in jede Dær treſ, dat he of wul Tonderſche fine Spizen ut en achter Rodtasch rut freeg oder Willn un Pulver vær een un anner Krankheit, wenn de Handel bēter paſſ. Ein Frünn hier vertuschen dat geern, sproken höchstens vun rändige Schap un vun Rüggfall un so wat, of wul mal selten vun de Wulf in Schapstleder, awer darmit war dat dot swegen. Im Ganzen awer un

wenn he sit mal daræwer besunn, keem dat Thieff vør, as weer de Welt in twee Deel deelt, de Minschen in twee Arten, jede harr ganz er egen Gesicht un Ansicht un keener kenn un verstunn sit vun de een Deel hinæwer na de annere. He sülbu kunn noch jümmer sin old Gesicht nich los warren un seeg nu so to seggen duppelt.

Darum blev he un enige Annere of jümmer noch buten, wenn wat ganz Besunners keem. Man heel denn en Versammlung to en annere Tid oder an en annern Platz. Harm Wulf un sin Süster Gretchen harrn er Wohnung ganz oppen End vun de Lüttwesterstrat. Se wahn dar in en groten Keller in Elachter Iwen sin Nebenhus. Klas Iwen de Ol un Klas Iwen sin Söhn weern beid en paar lusti ævermüdige Geselln. Se scheeln all beid op een Dog, un seggen deshalb jümmer ut, as mak de Een dat de Annere na, as weern se verdweer mit Willn, as lach dat rode Gesicht spöttisch inne Welt hinin. Se lurn jümmer beid derop, wenn Gretchen Wulf mit en verdeckten Armbors inne Schummern to lopen harr. Denn weer der wat los. Denn mak Batter oder Söhn sit in Keller to don, un wenn Gretchen en lütt Disch mit en rein witt Dischdot deckt harr un op en annern Theegeeschirr un Gläs stunn, so frogen se er ut, bet Gretchen, nadem se sit lang wunn, endli de Fingern verlegen inne Kaffenschört afwisch un mitdeel, all wat er Hart dervun wuß, meistens wenig nog, awer genug vør Iwen Batter un Iwen Söhn, de neegsten Sünnaabend opt Markt vertellen: „Bi Gretchen Wulffsch weer wedder en Heiligen west, dat harr en Theedrinken un Keden geben, en Punschen un noch

wat,“ wat se mit en süten Mund dütti makten. Dat gev denn inne Slachterboden en Heidengelächter, dat dat na de christligen Wittgarwerboden höhnisch heræwer schall.

Thieß weer bi so'n Gelegenheit nie tolaten oder inladen west, war nu awer mal vun Pöhnert süllst opfördert: dar weer en ganz besunnern Mann to erwarten! — He funn dat denn so, as he un de ganze Heid dat ut Iwen sin lächerlige Beschreibung kenn. Man seet fierliger as gewöhnli herum, un en Mann stell sit achter den witten Reihdisch un rē. De Mann frili gefull em gar nich. Dar hör alle Unschuld vun Harm Wulf to, oder en guden Globen, de de Dgen to makt, um to den Mann Totrun to faten. Dar stunn nix Gudes in sin Gesicht mit gele Fohn, un dat weer Thieß gradto häßli, dat he sin paar Spirn Haar inne Merrt oppen Kopp utscheitelt harr, dat se as Heed æwer beide Ohrn fulln. Vær ging der sunst nix, as dat man sprot, nadem he rēdt harr, man weer still un as't schin ängstlich. Dat keem denn rut, dat de Heilige en verfolgten weer, dat man vør sin Eßterheit Sorg harr, un am Ende war Thieß angan em en Gelegenheit op Nissen sin Schipp to geben, dat jüs vun Tünn mit Rappstoken asgan schull, damit he seker na England keem. Dat weer also de Grund west, weshalb man em inladen harr, darto schull he brukt warrn! Thieß kunn der doch nich gut umhin. He schrev em also glit en Breef op an Mätler un Koptein, den de Mann dankbar vergnügt instel, Thieß sin Sögen gev — un ver-

swunn weer he. Dat war awer keen Sünnaabend, so vertelln al Klas Iwen un Söhn mit de Slachtermull Hus bi Hus: „Bi Greten Wulffsch weer ditmal en Heiligen west, de der echt weer, den harrn se in Tönning as en bekannten groten Spigbov opgrepen un insteeken.“ So weer't, un war bekannt inn ganzen Lann.

Thieß muß jüs de Naricht kriegen, as he al so ann annern Morgen vernüchtert an dat Verlöfniß vun sin biblischen Friinn, an Jümfer Timmsen un anner Værfäll tortligg dach. Em kunn nix Besunners darut entstan. Awer he muß doch mit sin Herrn daræwer spræken un den mehr vertelln, as em jüs angenehmi weer. De sä nich vel darto, verwarn' em awer doch: he harr't al bet darhin nich geern sehn, wa Thieß mennig Abend tobroch, awer dacht, dat muß Jeder vær sik dærmaken. He kenn de Lüd recht gut, he wuß, dat se't nich slecht meen', awer se warn in ern Iwer blind, sä he, maken sik un annere wunnerlich, un ungerecht gegen anner Lüd un anner Meenung, Secten ging't jümmer so. Thieß much künstlig værsichtiger sin.

Dat harr he sik allerdings al sülbni seggt. Wat he söch, funn he doch nich, unheemli weer em't jümmer bli-ben. Wat man to dregen harr, muß man doch alleen dregen, wat man dærtomaken harr, mit sin Gott alleen dærmaken. Uttreden kunn sik keen Minsch den Minschen, un de sik inbill, he harr't utföhrt, bi den lur vun achtern doch en „Triebfeder“, as bi sin Friind un bi Jümfer Timmsen. Wul weet awer, ob he ni doch wedder inn Dag hinin levt harr un velliicht troß Lev un Kummer

mal an en Paar Rehogen oder en Paar rode Lippen  
oder en warm söten Athem weer behangn bleben, wenn  
he nich unsanfter as dörch sin Prinzpal un sin egen Ge-  
danken, lud un utdrücklich, ut sin Drom vun Unglück un  
Frömmigkeit, wa he in los swimel, weer opweckt warn.

\* \* \*

Man vertellt sik vun Rom — wat wi ewrigens  
fülb'n of wul harrn lehrn kunnt, denn in uns ol ditmar-  
scher Krönk warn wi jümmer as en Art Römer betracht,  
— also in Rom weern in urolen Tiden ordentlich en  
paar Lüüd anstellt, de jede een man in dat Hus rintreden  
oder oppe Strat angan, mintwegen en fein Junkherrn  
bi den gollen Knop fastholn un em seggn kunn: Hör,  
vun wegen de Snörn an din Rock, wull ik man blot  
seggn, dar hangt sik de Eitelkeit in op, awer de Fedder-  
busch anne Mäh, de is to grot un schint to dull, ik be-  
di, lat em lütter maken; wenn't of nich vör din Dln sin  
Geldbütel is, de't mægli utholn kann, so is't vör Anner-  
lüüd er Dgen! — Oder he trock en lütt Mamsel vör dat  
Dok awer den witten Bessen tosam un seggt: Verköl  
di nich, min Dochter, du wist jüs en gefährliche Sted!  
un se müssen dat hinnehm un sik dat gefallen laten.

En Anstellung vun de Art harrn wi jüs nich bi uns  
inne Heid un de annern lütt Fleckens in Ditmarschen,  
awer dat Amt weer doch jümmer freiwillig besett un war  
ahn Salarium richti vörstan. Bald weer dat mal en  
würdiggen Bullmacht, de dat mit Anstand verwalten de,

de mit Indruck stan blev as wenn en Tinn bestan blifft, un Nadruck gev' sin spansch Rohr, wenn he dar wat mit reden kunn. Jedereen schu em, un de Jungs maken sik bi't Fleuten Sniden un bi't Appeln Stehln bang mit den Kop: de Bullmacht kumt! — Bald weer dat en magern oln wittharigen Amtsmeister, de sin Geschäft anne Kinner aströden harr, un innen Ort nu dat Lopen de um Kunnt tosam oder Fründschop oprecht to holn, den man denn morgens un abends, un wo man 'gung un stunn, ünner de Dgen leep, un he harr jümmer wat to bemarken, as en echte Husmansfell æwer Sæhn, Dochder, Herr un Madam, un weer't man en Faden astopußen.

Nicht weer dat Amt jüs nich, un angenehm nich jümmer. Denn wenn de Fohrmann Hans Surbeer mit sin magern Per langs den Lüttjenheid int Sand knoje, un de Been un de Arms un de Pittsch röhr as en Seildanzer, denn sta mal Gener still un segg em: de Hawersack her, Hans Surbeer, un de Pittschenstæl weg! — Mægli man frigg en Drach Schell, de arger is as en Drach Släg'. Denn so'n Fohrmann is gros. Oder wenn de Landvagt langs den Forstieg na de Schanz ritt, wo he süßn ant Brett hett anslagen laten: Das Reiten und Fahren auf diesem Fußsteige ist bei fünf Thaler Brücke verboten: wer mag jüs op em togan un sik mit de Müß inne Hand hößlig de siif Daler vær de Armbüß utbeden? Wer weet, wat dar nasolgt, wenn he of mit Lachen inne Tasch grippt? Denn so'n Landvagt is mächtig.

schu em scheute ihn.

lepen laufen.

Armbüß Armenbüßle.

Daher reet man sit eben nich um dat Amt, un wenn Een dat man ævernahn harr, so dräng keen anner sit hinto. Ja, inne letzte Tid, da de Wahrheit jümmer unbrutbarer ward un de Höflichkeit jümmer billiger, do hör dar all Een to, de en lütt beten en Schruv los harr oder irgendwo en lüften Worm, denn dat Amt war binah gefährli, un de't richti utfülln wull, de muß en beten wat den Baijaz maken kün, dat he wegstospringu verstunn, wenn't em mal to neeg keem, un dat Amt war mehr wat man en Fledensnarren nöm kunn as en Fledensopseher oder Schau-  
mann. Dar funn sit doch noch jümmer Een wedder var dat lerrige Amt, un de Stohl blev selten lang unbesett.

To Thies sin Tiden weer dat en Mann, de Jeder-  
een Onkel nöm un he nöm Jedereen Du. He heet bi'n Bærnarn Gustavus, sin Familjennam schin ganz vergeten, ob he glif ut een stamm, de nich ahn Ansehn west weer. Doch much he de Letzte sin, un drev jif nu rum bi Siden-  
verwandten, bald vun een Nam, bald vun en annern. Man sä gewöhnli Onkel Justus, awer je na Gelegenheit alle Veräumerung, de man twischen Gustavus, Stabus un Onkel Just opfinn kunn. He weer en Art Quartal-  
drinker, oder as he sä: He harr den Quatemberdörst. Dat Quartal keem öfter, de Quatember full jümmer op en Mandag. De ganze Wef æwer weer he en ganz annern Winschen: still, as weer he stumm, ordentlich, arbeitsam, mak sit nützli bi de Sinigen. Sünndags gung he to Karf. Awer wenn sin blaue Mandag keem, so harr he den Hot schreeg, den Rock wit apen, dat man sin brede Vost un witte West seeg, un denn gung he, as



wull he op Jedereen los, un söhr sin Amt ahn Rasicht. Wat harr man en Angst vör em, wo he op en Hus losstür! Dar weer gewiß en grot Kaffeslampamp den Stinn-dag west, wo de Mann nix vun muß, un nu keem't all to Dag'. Oder de Dochder harr güsternabend mit de Innehmer sin Schriwer spazeern gan, oder wat dar of los wun much: los weer dar wat, seker, un de Straßend folg, oder de Stichelred, de noch arger weer.

Of to Thieß keem Onkel Justus. „Wat, seggt he, if meen, du wullst mal wat warn! Un huchst di nu mank de Bälammer oppe Gastwurth? Meenst, du sittst inne Wull un kannst di de Reems sniden ut nie Vedder vun de Wittgarwers? Scham di wat, Thieß Thießen! Dat's keen Religion, wat di dar hollt, dat is ganz wat anners. Erst is't söt, denn ward man dun, ut Rosin' ward Brannwin distelleert, un tolegt ward't Etig. Dat's nix vör di! Wullt du Religion söken, ga to Karf, wull't Vergnügen söken, ga na't Landschopshus, wo ordentliche Lüüd kamt, wull't Glück söken, Junge! Kerl! denn tik ni na'n ünnern, sunnern na'n baben. Di hangt noch keen Appel to hoch, wenn du man klattern wullt. Ja, weer if noch so junk as du! Mi ging't ebenso, if kann mitspreken. Weest, wo man hinkunt, wenn man ni stigg? Wo if nu. bün! Mit Emmanuel un Jan Piter bi Greten Gevsch achtern holten Disch; grot Mat darop. Schent in, Greten Gevsch! Dat is dat Enn! Dar kann if oppen

Gastwurth Straß in Seide. Reems Riemen. Etig Etig.  
Landschopshus das landschaftliche Haus, zur Versammlung der Bevollmächtigten des Landes, zugleich Wirthshaus und Hotel.

Disch hann, un wenn it will, spud it se oppen Kopp, all mit enanner. Dat is dat Enn!" Darbi sett he sik dal, sett eerst den Hot scheef op, sett em denn af un lê den grisen Kopp op den starken Nacken trurig inne Hann. — „It wull di man seggn," seggt he denn in en ruhigen Ton un hev sik op: „Hö di! Lat di ni jangu! Du warst mi dat Wort danken. Du kannst mehr, as een vun de dunim Jungs, de vun Möldorp mit rode Mützen wedder kamt! Dat sünd nu bunte Tiden: Paf op! Grip to! Grip to!" Un darmit wanner he rut, den Hot wedder scheef inne. *Blau-Mandags-Stellung.*

Bunter war allerdings dat Leben. Harrn wi keen Krieg, so harrn wi doch Kriegsgeschrei, de Welt weer ute Fogen, de Tid ging en verkehrten Top, alle Ordnung ging to nichten. Fröher, wenn Abends de Klock negen slog, denn stunn de veer Hauptwächters as en Kleverveer vör de Wachstuv vör Dær, un lurn op den Schlag, jedereen na sin Himmelsgegend. Man kunn se vör ole Ritters holn, de to irgend een fierlige Handlung parat stunn. De Kük, de se drogen, heet de Morgensteern, dat Dings, wat se dreihn, de Kätel; wat se an harrn, weer in Düstern swar to seggn, harr of keen Baerschrift un much mægli en Uennerrock liker sehn as en Rüstung. Un wenn de Karfentklock utslagen harr, so ging jedereen op sin Strat los: de op de Desterstrat, de op de Wester, jeder na sin Himmelsgegend, de Kätel klung fürchterlich un se repen jeder in sin Gegend de Lüd to, dat nu de Klock negen weer.

Dar harrn de Kopmannsjungs un Ladendeners al lang slapri op lurt, al mennimal japt un tolets Hus an Hus vör Dær stan, un sik tofragt, ob't bald so wit sin much?

Op den Slag mit de Klock, un mit de Wächters toglik, hör man denn de Finsterlufen ballern un't ganze Markt rum un in de Stratenenns herin, een Dærklock na de anner klingel as de Dær tomakt war, un de Lichten verswunn in de Hüser een na't anner. In't Landschopshus lüch de Weerth de lesten Gäst' ute Dær, denn wenn man de Wächters hör, war de letzte Kobber spelt, oder dar war opdeelt, un wenn nu noch irgendwo en Licht blev, kunn man seker wön, dat brenn vör en Kranken, un Frag un Antwort, wa't em wul gan much, weer de letzte Ton, den man vun Minschen hör bet morgen fröh. Blot vun Müssen sin Stampmæl hör man, as vun den Perpentikel inne Thorklock, de Værslag un Naslag lisen æwern Ort hin.

Dat war nu all anners. Wie geseggt, Krieg harrn wi nich, awer wi hörn doch dat Kriegsgeschrei un dat mak uns alle unruhig. Wi hörn dar na hin as na en grote Brügelië, de wi je noch kenn' un dann un wann, sogar int Landschopshus, beleben, un wo of jede ordentlige Kerl Partie nimmt, wenn he nich gar to soldblödig is, un denn wecht em sach en Kameraden. As wi uns je denn vun een vun de groten Volks Jungns vertellen, de en Slägerie tofucht un smökt.

„Wat," seggt Karstenohm Karstens, „Krüschan, schamst di ni, smökt hier un letts din Kamraden rutsmiten?"

„Ja,“ seggt Krüschan Kols un lacht, „it kann je man ni dull warren, giff mi een ant Gesicht!“

„Dar kann it mit deen,“ seggt Karstenohm Karstens, un giff em, wat de Hamborger Bäckers en „„Mulschell““ nömit, „nich vun güstern.“

Un Krüschan deit em sin Pip hin un seggt:

„Hol mal en beten an, dat hett hölpn.“ Un rut smitt he, all wat em entgegen kumt.

Wi weern meist var den Franzosen, as de Kerl, de der am dullsten „op dat“ ging. Dat unse dütschen Bröder darbi dat Blot laten müssen, dat neem wie as en Schicksal, bi’n Krieg sett dat Blot, wi harrn em nich anfangn. Unse Regeern, dat heet de Dän, heel dat mit Napoleon. Dat wi darbi am besten wegkeem, weer unse Glück un nich unse Verdeenst. Wi, de Nakam’ vun de Römer in Ditmarschen, wi freun uns, dat dat mal weder en ordentlichen Kaiser gev, en Kerl, de de Throns umstött as wi gelegentlich Dischen un Stöhl, un dat dat en Mann weer, de fröher mal Korporal speelt harr! Dat weer unse Mann. Wi kossen uns sin Bild, am leefften mern inn Pulverdamp, un hungn dat bi Friedrich de Groten op, wo dat behangn bleben is, so lang de oln Rahms heeln.

Dar war nu doch æwer spraken un darbi oft Nachtwächters un Börger-Bett-Kloß æwerhört. De Tiden weern unruhi

Oppe Gastwurth seet Wittgarwer Löhner mant sin Bälammer, as Dunkel Justus sä, he heel den Stof faster as gewöhnli, he seeg gewaltsamer as sunst ut de Ogen,

un sin Wör fulln mit duppelt Gewicht, as he vü vun dat Thier mit säben Köpp, un denn op de Hoffährtigen keem, de Spiselanten un de Sabbathschänder, un he seeg sit um, ob Thieß Thießen noch dar weer.

Bet na de Rosmæl drungn de Awise, as man de Zeitungen domals nöm. Wer am besten de Kunst verstunn, de harr dat Værlesen, bi jeden Slag vun de Stamp kunn he de Tid ton Vostabeern benugen, denn dat ged vël gefährliche Nams, wo of en gewandte Tung awer stültern kunn. Sogar Landkarten funn sit bet in Rutscher Willem sin Hann. He, as de, de am meisten oppe Landstrat leeg, schull billig of Weg un Steg weten, un dat „Hauptquartier“, wovun jümmer de Red weer. Awer meistens muß ol Jan Baas em söken hölpen, sin smerrige Finger leet bi jede Hauptquarteer en Fettplacken ton Weddersinn.

Int Landshophshus, wo alle Beamten keem, war natürlick würlkli kangetert, dar fung man of an von Ratschen to spröken, dat klang as en Fremdwort, un Bataillen ganz ähnlich, un wi weern natürlick buten alle Ratschen. Glücklicher Wiß' weern wi of ahn Bataillon.

De grote Wunschenflot blev meistens achter de Elß. Doch smeet se uns mitünner wat annen Strand, oft vun allerlei Nations un allerlei Gestalten. Dat weern de Tiden, wovun Onkel Justus seggt harr, se warn bunt; Thieß dach oft an dat Wort, un of an dat anner, dat weer em deep int Hart fulln: he schull togripen. Wohin

stültern hölpem.

man? He harr eigentliich keen Lebensmoth, dat weer em eigentli allens eenerlei.

Awer dat keem an em, un so wit muß he wul, much he mägen oder nich. Al dat he en beten vun anner Spraken verstunn, broch Lüüd to em. Wul muß denn mennimal, wat sinner so'n Gestalten versteken weer, Prinzen un Fürstentinner mitüinner. Wat muß he sehn un lehrn, wa't inne Welt herging!

Bi Reinhold Wissen weer't bald as in en Dubenflagg, dat slog man jümmer in un ut, un wenn de Herr ni dar weer, muß Thieß Thießen uthölpn, of op Gefahr hin. Dar war mennimal en ganzen Swarm bi uns oppen Strand smeten. Landvagt un anner Vagt wussen denn meistens ni ut noch in un lepen bi Reinhold Wissen um Rath un Hölp.

Vær den weer dit recht as sin Wedder. He weer as en Art Stormvigel, de de ruhige Luft as Sticksuft ansüht. He jahr dermanf rum recht as ton Vergnügen. Hölp muß he jümmer, verlegen um wat weer he nie.

Wi müssen doch of wat don, dat Vaderland to vertheidigen, so meen de Herr Landvagt. Dat keem de Heider Jungns natürlü unbannü lächerli vær. Haut harrn wi uns wul neg, awer meistens mit de Dän, dar lesen wi noch all Dag' inne Krönk darvun, un wisen uns de Stelln, wo dat Blut flaten harr. Nu vært Vaderland? Wokeen? Un gegen wen? Dat schull sik sinn, wenn he keem, meen de Herr Landvagt, man eerst vertheidigen! En Nam weer of inne Landvægdi utdacht, Landstorm schull dat heten, dat paß uns wul, Storm kenn' wi, to

Land un to See, blot Lüd harr man noch nich un an Gesehn un Nlinten war se war natürlich gar ni dacht.

Reinhold Nissen muß wedder raden un hölpn. He schick sin egen Lüd hin un dat gev denn al en ordentlichen Supen un en Stamm, de tosam heel. War allen awer snack he mit Thieß un schick den in de Versammlung, un so keem de, wo Onkel Justus em hin hebbn wull, of int Landschopsshus, ahn dat he't bedacht harr. Dar heel de Secretair ut de Landvagdi de Versammlung af, un mehre „Herren“ uten Ort reden mal en Wort vun baben dermanf. Doch dat weer dörcht ni gan, un dat weer gewis all in en Kuddelmuddel ut enanner lopen, denn keen Wilsch verstunn den Ton to drepen, harr nich Thieß sit of hier dermanf mischt, un gegen sin schüchtern Gefühl, lud dermanf spraken. Dat weern meistens sin Bekannte un vele sin Frönn, de hier tosam kam weern, dar sehl nich Farners un Dischers Sehn, dar sehl nich junge Lüd vun de Wittgarwerie un wat darmit tohop hung, op Thieß sin Wort hörn se all, un so kreeg he richtig to Gang, wat sik awerhaupt utföhrn leet, de „Herren“ un de Secretair sproken bald gar fründlich un bekannt mit em, un dat Dings kunn los gan, de Landstorm. De Grossmid Stömer mit sin veer groten Jungns harrn en Monat to don, un vel Brannwin un Speck to vertilgen, bet de Peken usmect weern, wovun Jeder een inne Hand kreeg. Mit en grot Gelächter lepen denn de Heider Jungns op den groten Heider Marktplatz tosam, de Dinger as Mistforken inne Hand, ton Exerceern, as fröher ton Speln. Jeder muß wul, wo he dat Dings

hinsmiten wull, wenn ut den Spaß mal Ernst warren schull, dar weer nix mit to don, as sik daran opspießen to laten oder dar wüerkli en Fork ut to smieden. Awer vœrlœpi weer't en Spaß in en lankwilige Tid, un Thieß harr en Art vun Commando æwer de frischen jungn Lüd, un dat de em wenigstens gut, oft merrn dermant to sin.

In Reinhold Nissen sin Hus un Kantor gingen awer ok noch anner Dingen vœr, wo Thieß Thießen mit darbi sin muß. Wenn de Herr ok rum flog as en Stormvogel, de Wind sin Vergnügen, so vergeet he doch nich, dat he en Nest harr, un dat man dat warm heln much gegen kole Tiden. „Allerwärts deen," weer sin Grundsatz, „un allerwärts verdeen." Dar keem ni licht en Emigranten in sin Hus, en Flüchtigen ut Hamborg oder wider her, so hœlp he em æwer de Eider oder wo't hin weer. Oft harr Thieß dat heemlige un gefährliche Amt, muß mit so'n Mann bi Nacht un Næwel, dat ging still un stumm æwer't Lindner Moor, op Nebenweg na de Au, dat ging æwer de Tieler Marsch, in lütt Bœd ging dat twischen de Fährn æwer de Eider, un oft warn em denn mit Danken oder Süßgen de Hann drückt, wenn he torügg fehr: dat weer de Lohn.

Awer wenn der Trepps vun Soldaten keem, so harr Reinhold Nissen de Verweranz. Denn muß Tieß los ævern ganzen Lann, Hawer to kopen, Korn, Schinken un anner Etwaar um jeden Preis. He freeg Bullmacht æwer Geldsummen, dat em mitünner gruli weer, un he



seeg denn naher inne Böfer, wa sit Daler op Daler summeer, oft tein op een, un an sin Principal, wa vergnügt he sit sin sin mageren Hann rev. Natürlich full em darvun of sin Deel mit to, un he kunn nagrah seggn, dat he en lütt Kaptal achter de Hann harr. Ein ol Meder ley in Newerflot vun Kasse un Stuten, un verwunder sit oft, warum he nich en Fru neem? Se wuß je menni smucke Deern var em.

So leep var em buten dat Leben. Of Reinilde seeg he natürlich öfter. Dat gev fast jede Wef inn Hus' Gesellschaften var allerlei fremd Volk, un Thieß muß meistens derbi sin. Wa weer se jümmer schön! Wa weer se jümmer anners! Wa weer se jümmer, dat em dat ant Hart wedder en weke Sted drop, so fast he sit of maken dy! Wenn se einmal de groten Dgen fründli op em richt, so weer em var en Tidlang to Moth as en Swacken, den de Sünn beschint hett; sprok se enige Wör mit em, so leeg var em jümmer noch wat Besunners darin, wat æwer un ünner de Wör, wat ut en annern Mund gar ni kam kunn. Mit de Wör int Dhr sleep he in, darmit wat he op, un oft harr sit nachts darut in sin Drom en ganze glückselige Welt tosamsett, wovun he den ganzen Dag of noch Lust un Natlang darsöhl. He wuß seker nog, dat he var er ni gut nog weer, he harr of natürlich egentli nie daran dacht, dat he er heirathen kunn oder wull, blot he wuß nich to leben ahn er. Nu harr he't, as he meen, so wit brocht, dat he't ruhig ansehen kunn, wenn en anner er kreeg; wenn se blot dann un wann de groten Dgen fründlich op em richten wull, wenn he blot nich er

ut de Meegde verlor, wenn se blot wuß, wa grenzenles  
 vel he vun er holu harr, un dat he harr vör er den  
 kunnt, all wat en Mann mägli. Sogar den Secretair  
 wull he nich böß wen, wenn de de Glückliche weer. Se  
 wit harr he't brocht. Dennoch weer jümmer na een vun  
 sin Reisen, de nu hüfiger warn, de eerste Frag', de he  
 sin ol Moder in allerlei nie Formeln bibroch, dat eerste  
 wat æwer sin Lippen keem: ob Mamsell Reinilde noch  
 nich verspraken weer? ob de Secretair noch nich glückliche  
 Bräutigam? un desgliten, un dat full em jedesmal as en  
 Steen vun de Bost, em war jedesmal to Moth as weer  
 em wat Besunners schenkt warn, wat em fröhlich mak,  
 wat em de Mund to'n Singen oder to'n Lachen stell,  
 wenn klein Anna em jümmer noch nich dat Glück mit-  
 deeln kunn, wona se so longer un hunger.

Bi en Gelegenheit, as wedder fremde Herrn un Of-  
 zeers den Ort æwerlepen, muß vör de Herren int Land-  
 schopshus en Ball geben warn. Dar kunn Thieß nich  
 fehl'n, al wegen sin Engelsch un Französch, wat he in  
 disse bunte Tid mit fremde Lüd so vel övt harr, dat em't  
 licht vunn Mund ging. He muß sogar Mamsell Rein-  
 hilde inn Wagen hölpen. Se feet as in en Wulk vun  
 Spizen un witten Moßlin. So muß en Engel uten  
 Himmel herut sehn! Er Farben weern all noch deeper as  
 sunst, de so al vun't deepste weern: de Harr, de Dgen,  
 dat Roth oppe Backen; de fremden Herrn reten sik um er  
 ton Danz un Spreken. Un as se doch ok vör em enmal  
 en Danz æwer harr, as he er mit den Arm umfaten döß,

d öß durste.

as ęr warme Arhen em anweih, as se mit em sprof, gar ni in den luden Ballton as mit de Annern, junnern in den dāgligen Huston, enige vertrute Wör æwer Husangelegenheiten: do weer he binah dun warn vœr Glückseligkeit; he wannen so sęter ünner de groten Kronlichters rum, as harr sin Weeg dar mal stan, un sprof mit fremde Herrn un Heiders, as kenne he mant Liden keen Uennerscheed mehr, denn em harr en Wesen uten Himmel anlacht. Den Secretair war he kunn wis.

Frili heel so'n Glücksal jüs nich jümmer lang var. Heinilde harr em doch ganz anners uttefen mußt, wenn dat wat mehr bedüden schull as Fründlichkeit. Se neem sif sogar in Acht, so schin em, dat he ęr nich to vœl Gefälligkeit wisen kunn, kunn mal, dat he ęr en paar Noten afschrieb oder oppaß ęr de Feddern to sniden. Of war dat Geschäft so grot, dat he genug to denken un to don harr, um man hindær to sinn un den Kopp nich of noch to verleern — um vun't Hart nich to spręken, wat doch al weg weer.

De Franzos wull in sin Wuth den Engländer — wo he mit sin Kanon' ni rœwer recken kunn — ersticken, wull em den Handel affniden, em so to seggn, as bi en Minschen de Pulsadern ünnerbinn'. Dat ging nu man nich, as he sif dat dacht harr. Bellicht weer't gan, wenn he den Engländer alleen hatt harr. Awer wi weern all mit derbi, un, Fründ oder Fiend, dar hølpen wi all mit: de lüttjen Aderu wenigstens apen to holn. Denn he much rech gut en groten Kaiser sin, wo wi in Ditmarschen unse Freud an harrn, awer dat uns dat Pund To-

bad nu en Daler kosten schull, un dat Pund Kaffe en Speetschen, blot sintwegen, dat weer ni to verlangen. Kaffe-drinken un Smöken funn man nich wegen en Kaiser opgeben. Un sunst, muchen wi em of bewunnern op de Biller, wo ünner stunn: Napoleon auf der Brücke von Vodi, oder Bonaparte in der Schlacht von Marengo, un inn Dampf en lütten Mann mit en groten Riser; dat wußten wi recht gut: alles sehn funn he doch nich, un wat smuggeln heet, kenn wi al ut fröhern Tiden. Dar keem bi uns keen lütt Lock int Land as en Bütt oder en Priel, so leep der en Smack rin oder en Slup, en Boot oder en Kahn, un all keemn se vun en engelschen Haben oder en engelsch Schipp, un harrn jümmer Toback un Kaffe laden, um vun't Newrige nich to seggn. De Eider un de Treen weern natürlig de Hauptweg, Tönn' leeg vull vun all de Minschen, de wat wagen. Dar war Karten spelt un Bank opleggt, dar weer all wat Utschott weer mank ordentliche Lüden. Dar wanner awer of menni klof ruhi Gesicht umher, de man't ni ansehn funn, dat he de Hauptmann weer vun de Bann'. Dar warn bi düster Nacht Wagens vull lad, de keem as harr de Wind se tohopen blas't, dar seet mitünner en Dimmarscher vun dree hunnert Pund, un drunk dree Controllours dun, dat se Hörn un Sehn vergeten. Un denn ging't op de Per, na alle Ranten stoben de Wagens ut enanner, wülke Horn

Speetschen anderthalb Thaler. Bütt oder Priel Wasserläufe, kleine Häfen. Smack, Slup, Boot, Kahn Namen für verschiedene Fahrzeuge zu Wasser. Treen Nebenfluß der Eider, woran Tönnung (Tönn') liegt. Utschott Ausschuß.

de Eider langs na Hohn un't Holsten to, op Unwegen  
æwer Nienmünster oder Sylburg weg, oder Lüden æwer  
Lunden un de ditmarscher Grest, na Hohnwested rop oder  
funst wo lant: de Afnehmers lurn al as Pack- un Sack-  
dräger, dat ging in Sigbrød in Wagenkastens, ünner Hei  
un Strei rop na Hamborg, un weg weer't trotz de Grenz-  
sperre.

Reinhold Nissen weer nich de Letzte, de de Elitwegg'  
kenn un gung. Krieg gegen Krieg. Wie du mir, so ich  
dir. He weer æwerhaupt keen vun de, de den lütten Kor-  
poral bewunnern. He dach ganz anners æwer em. Bi  
em keem mank de Flüchtigen of anner Lüd, as de fran-  
zösch sproken. Weer dar doch mal en lütten isern Mann  
kam, den se Ernst Moritz nöm, de fürchterlich op den  
Disch haut un op den Röwer un Mörder schulln harr.  
De weer heemli na Sweden verschwunn. Awer Böker legen  
der vun em un Annere, de versteken holn warn, un of  
Thiefß les' den Geist der Zeit un de Nöden an die deutsche  
Nation.

Boer Reinhold Nissen harr de Sak noch en besuunnern  
Haken, de em, as man wul seggt, dar de Gut int Fleesch  
gan much. He harr sin Handel mit England, he harr  
sin Affatz darhin. Sin ganze grote Wirthschaft weer  
darop bu't, dat dat Water twischen hier un dar ni toging  
un ni topannt warren kunn. Kum mal dat Del weer  
binn Lands los to warren un harr wenigstens, as de Kop-  
mann seggt, keen Pris. Ordentliche Lampen brenn wi

noch nich, un „Straßen-Erleuchtung“ harrn wi nich. Wi brenn Talglichter oppen Disch, wi gingu mit Stocklanten to Strat, wenn't düster weer. Wo noch en Lamp ansteken war, dar weer dat en echte Thranlamp, de vun Bæhn hendal mit en Rød, an en Arm as en groten Wiser hung, un bet miern æwern Disch stellt un regeert warrn funn. De geef jüs so vel Licht, dat Moder darbi spunn, Vader darbi en holtten Äppel snee, un Dochter darbi de Strümp æweren Abensteen stopp. Wer achterto seet, war ni sehn, un harr nix to sehn, dat weer höchstens en swig-sam Klawer, mit de Pip inn Mund. — Also dar verkop Gener Del! Reinhold Nissen wuß doch sin Weg. Wenn he dat Del mit Roggenbrotskrinden harr utfaken laten, so heet dat raffineert, un darvun got menni lütte Herzog in Thüringen un dar herum ut en fein lütten Buttel dat Brawanzöl op sin Salat, un leet sin Gäst rükken, wa echt dat weer. Salat eten wi bi uns of ni. Dat Gras æwer-laten wi de Röh. Wi eten dat lewer naher als Botter to't Brot, oder eten Brot to de Botter, un Del brufen wi also tweemal nich.

Doch, as ik seggt heff, darmit harr't tolek wul gan, un Reinhold Nissen harr Mittel un Weg' funn: slimmer weer't mit de Delfoken, de Nest, de der nablistt vun de utpreßte Saat, de as bacht in Forms tolek ut de Naslag herutkamt. Dat is je meist so in Fabriken, dat in den Affall eerst de rechte Verdeenst sticht. De legen nu rum in Stapeln opschicht as Tegelsteen, un keen Minsch funn

Tegelsteen Ziegelsteine.

se bruten. De gingu fröher as dat beste Behfoder na England ræwer, wenigstens ünner den Nam — kunn sin, dat man dar noch en Rest vun Del ruttokrieggen ver- stunn, un dat se't man kossen sinuer dissen Titel, as se je Bli kossen wegen en Beten Sülwer darin: genoz, hin gingu se dar in ganze Schöpfsladen un betalt warn se, as keen Behfoder sunst prist. Hier kunn se nütms brufen, un en ganz Capital leeg tolets inne Schüns ünner de Föt rum.

Dat Hauptgeschäft keem deshalb na un na int Stocken un de groten Mælen int Stahn. Dat weer mehr vært Ansehn inn Ort, de dat ganze Jahr æwerhin Nissens Stampers hör, dat man inne Hofmæl regelmäzīg fort arbei'. Dar war en beten Pinöl slagen, wat vunne Malers un Anstrikers inne Heid un Umgegend sit Jahrn ute Fabrik afhalt war. Sunst weer Allens still, de Markt- un Schibenwallsmæl stunn in Scheern. Geert un de Baas pusseln dar wat an binn un buten rum, um dat en beten ünner Färv to holn.

Inne Hofmæl war banni de Kopp schüttelt. De lütt Korporal un sin Hauptquarteer keem jümmer mehr in Miscredit. Vunn Generalstab war mit Verachtung spraken, de verdammte Franzos kreeg vun Allens de Schuld. Wenn de Herr mitünner mal dar de Schüns un de Mæl schot un mit sin scharpen Dgen hier un dar keek — he weer jüs ni verdreeth un jüs ni schlagen, awer he rev sit of ni jüs hüpi de magern Hann — so dach jümmer en

in Scheern Han d. h. die Flügel wie ein Andreaskreuz, es bedeutet Heier.

Jeder: nu war't lasgan! He war' se nu alle an er Postens stellen! Denn se heeln em alle vær en Art vun Napoleon, dat weer dar eenmal Red un Gedanke warn. Doch he bestell weder Generalsstab noch Hauptquartier, un ging jedesmal, nadem he hier wat ordent un dar wat torecht stellt, levt oder tadelst harr as sunst, mit sin raschen Schritt ut de Eidendar, un man seeg sin grauen krusen Haar verswinn as gewöhnli: Krieg gev't noch jümmer nich twischen Napoleon un Reinhold Vissen.

„Wenn man wenigstens en lütt Scharmüzel,“ sä bi so'n Gelegenheit Rutscher Jan Willem, „en lütt Bærpostengefecht,“ seggt he, un slecht an sin Swep, as wenn en Artillerist sin Kanon afprugt. „De verdammte Franzos! Dær schull he egentli nich darmit, hebbn schull he der wat vær!“ Un he probeer sin Pitsch, as funn he em darmit affstrafen.

Ditmal schull he ehr Recht kriegen, as he't binah sülb'n dacht harr, un ut de Spaß schull en halwen Gernst warn. Thieß Thießen keem achter de Herr na un bestell Jan Willem, he much alle Wagens bereit holn, de los oder los to kriegen weern, he much se bestelln, dat se ahn Opsehn rund de Heid un dweer dar, all as't paß, op verscheiden Wegen sik Merrnacht bi'n Galgenbarg Korn de Heid infunn. Dat klung denn allerdings gefährli nog! „Spanngrund un Grimslit“ weern dar neeg bi, wo sik all mal de Ditmarschers haut harrn, Mann gegen Mann, denn Jan Kantau\* harr seggt to sin Lüd: „Scheet ni ehr,

\* Zur Zeit der Eroberung Ditmarschens 1650.



as bet jü se dat Witt in Ogen sehn künnt, de en Ditmarscher sleit, sleit en Kerl.“ Dat wi Ditmarschers weern, wulln wi de Ratschen doch mal wisen!

So snack un dach Kutscher Willem sit ganz in den kriegerischen Moth rin, sammel awer sin sáeben Saken vun Pitschen un Blattschen tosam, un weer richti mit en Keeg Wagen to rechter Tid ann Platz: dat Scharmüzel kunn losgan. Dar gung awer nix wider los, as dat se eben so heemli een bi een awern Aufrog na Heisted fahrn un sit awern Linn' un Hennsted verstrein un inne Mergenschummern bi de Tönninger Fähr wedder tosam drepn. Thieff weer mit un blev bi Kutscher Willem. Bi Tönn ging he int Fährbot in den Morgennebel na de Stadt ræwer un Jan Willem wif' em mit de Pitschenstael achterna un sä: „Dat ward enmal en Mürat, en Hauptkerl! Wer schull dat dacht hebbn vun Klein Anna er liint Flakstopp!“ Denn keem der Böd an ünnerscheedlige Stelln ant Land, de Wagens warn ili vull pakt, un weg ging dat op de jülbiga Wis', as se kunn weern, op verscheeden Wegg' na'n Osten to.

Dat weer recht Kutscher Willem sin Wedder. Dat weer ni blot dit un eenmal, dat ging bald Nacht un Dag regelmäsig los. Jümmer anner Wegg' un Straten, jümmer anner Tid un Curs. Bald mal awer de Eider bi Hohner- un Verfähr, bald mal wedder Süden weg; hin jümmer de Wagens vull Del un Koken, torügg wat se kriegen kunn, meist Taback un Kaffee. Uennerwegens jümmer bi Nacht un Nymel, en Halteplatz to'n Bespreken in irgend een afgelügen Weerthskath bi warm Gedränk un

Stuten: en rechtes Hörter- un Smugglerleben, Controleurs achter un vör, jümmer alle bedragen, dun makt oder dæsig. Towilen all wat de Bär lopen kunn, boots! in en Nebenweg rin un still holn, bet se vörbi klabastern, denn wedder umwendt un dweer æwer de Landstrat weg, um se den Wind astofniden. Schulln all de Taun riten, snee man de Streng' af, leet den Wagen stan un jag' mit de Bär dweer int Land rin æwer Heid un Weid. Un dat much den Controleur nich gut gan sin, de dar velliht ünner Jan Willem sin Pitschenstael kam weer, dat harr seker en lütt Scharmüzel geben, en Bärpostengefecht! Se gings't hër.

Thieff muß't leiden un leuten. He leeg bald in Tönn un bald inne Heid. Geweten mak he sik of nich darut, weer em dat Geschäft of wat spitzbobenmäsig. Denn wat maken? Se maken't all so. Wer nich ünnergau wull, de muß wul. Frilich, menni rechtliche Mann ging darbi innerlich to Gruun un menni Schelm keem haben. Dat ging ni anners. Unkel Justus sogar kunn't ni laten, weer of bald hier oppe Landstrat, bald dar, de Hot nu jümmer inne Blau-Mandags-Stellung, doch weniger dun as sunst. Bär em weer't velliht de letzte Haken, wo he noch mal wedder an heropkeem. Un wenn he mal Thieff Thieffen drop, so müß he em mit Wulgefalln to un sä, as verstunn se sik: „So recht! togripen! Destereggjungenes haben!“ un ging sin Weg. Ja, Thieff muß wul, denn Reinhold Wissen muß. De sä frili anner Lüd nix, un slog as jümmer inn Ort un Lann herum as en Stormvogel. Awer Thieff muß genauer Bescheed.

Se müssen Geld maken. Wat se na England schiden, tuschen se vœr Emuggelwaar in, de se in Hamborg baar betalt fregen. So gefährli dat Geschäft weer, dat muß wagt warn. Un doch red of dat nich recht ut. Reinhold Nissen harr mehre Scheppladen Kappsaat na Holland schidt, um to Hus nix mehr in Del un Kofen to verarbeiden. Se harrn en Kopmann funn un legen in Amsterdam anne Brügg. Awer de slaue Wijnheer, de se koft harr, mak de Waar slecht, um se billiger to friegen, un dat gev nu en argertigen Proceß statt Geld, un to de Unruh, de al jümmer dat grot Bedriv undrev — fröher doch mit Lust — gev dat nu of noch Sorg, de sit as en Schatten un en Kewel jümmer dichter daræwer lê. Reinhold Nissen weer al fülbn mal deshalb na Holland west. He harr dat awer nich to Enn brocht, ehr flimmer mak un mehr vertift. To so wat paß he nich. He kunn wul wat anröhrn, un dat weer jümmer geschidt, awer vœr en Geduldéproov weer he to ungedüllli. Darbi war sin rasche Natur stump un dump, un he obsternatsch un hartnacki; denn ging he blind un störrig op Allens los, schull he sit of den Kopp darbi inrenn'. Thieß paß sit darto vel beter. De weer't ni wenn't warn, to den, wat em gefull, un dar to brêfen, wo em wat gegen stunn. De harr't in Kummer un Glend lehrt, sin Natur inn Tægel to holn, dat se mit em ni dærging. Un allerwärts, wo Heemlichkeit, Ruh un Egetheit nödig weer, dar weer de „Bewalter“, as man em na un na nöm,

verrissen verwirren.

Tægel Zügel.

beter as de Herr süßn. Dat muß de Herr so gut as sin Arbeiters. Wenn mal Thieß sin junk ernsthafti Gesicht inne Kosmæl teef, so dach Jedereen, dar weer wat Besunners to Weg'. Jan Willem sä een mal awert anner: he weer en wahren Mürat, un he un sin Zuhörer dachten darbi mehr an Mürn, un Een, de der darging, as an Napoleon sin Swager: dat klung wenigstens heldenmäßig, un dat weer ernsthafti nog meent.

Dat is bi so'n Bedriv, as bi Reinhold Nissen, as in en Imstod: keen Arbeiter so lütt, dat he ni weet, wa den Wiser to Moth is. Wat man vun de Herr nich hör, dat söch man an den Verwalter sin ruh'i Gesicht te lesen. He keem ni lich in sin Moder er lütt Stuv, abn dat se sit an em inne Höch hev, um em deep inne Ogen to fiken, ob dar of wat Gefährligs vörging. Denn fragen döß em al lang keen Minsch mehr. Dar keem nich de arm Rohjung Abends mit de Melt op den Esel to Hus, dat he ni glif de sware Dær na de Kosmæl apen trock, um to sehn, ob't noch All op sin Placken stunn un Allens richti weer.

Inn Ort war man dar nich wider um wis, as dat de Mælen still stunn. De Verwalter sorg noch darvør, dat jümmer wat an Rapp un Roden to sliiden oder antostrifen weer, darnit Jedermann sehn kunn: dar war repareert. Ewrigens, de Börgerklüd harru mit er lütt Geschäften to don un verstunn vun so'n Bedriv as Nissen sin gar nix, de weer de Eenzigste in sin Art inn ganzen

Lann. Dat seeg man mehr an as en Wunder, wo man of nich fragt, wa't togeit oder wa't magli is. De „Herren“ int Landschopsbhus spelen dar Abends er l'Hombre un heeln jeden Monat Clubabend as gewöhnli. So lang se dat ni stört war, dachten de nich an anner Lüd as de to se keem, denn de Herrn weern meistens Beamte, de er sêter Innaahm harrn, oder so'n, de dar as sêter op lurn, denn en Beamtensehn arf irgendwo wedder en Stell, dat hör sik eenmal so: wenn en Paulsen Landschriwer weer, so heet gewis de Raspelschriwer Paulsen.

To een vun de Art Lüd hör of de Secretär inne Landwagdi. He keem noch jümmer, as weer't de sütlwige Rod, mit dat sütlwige Gesicht of bi Reinhold Nissen to Disch oder to Abend. He de jümmer, as weer dat sin Hauptpflicht recht vergnügt uttosehn, as de Maan je blaut utsehn mutt un de Sünne warm, un he rükt an sin Brill un seeg dar eerst hindær mit en Min', as war he nu noch vergnögter æwer Allens, wat he wis war, un dar weer jedesmal wat, wat he noch gar ni sehn harr un wat em nu in Verwunnern sett un em en vergnögten Schrecken mak. Dat vertell he denn as en Entdeckung. Fast jümmer entdeck he wat an Reinilde, an er Drach, an Hand oder Fot, an Krus' oder Kragen, un dat broch he denn so nett var, dat se dar nüdli op antwor, un so weern de Beiden jümmer glif, as hörn se tosam, un Snacken un Lachen reet ni af ünner de Beiden.

Thieß war denn um so stummer. Wenn't of nix

bedü, wat de Minsch sä, so muß he sit doch seggn, he kunn so wat nich, he kunn gar dat eerste Wort nich sinn, un wenn he't kunn harr, so weer't em as en Frechheit værtam, wenn he vellicht seggt harr: Mamsell Reinilde, wat hebbt se dar vern schön Nelt ann Vossen, oder: de langn Endörsteweln paßt vel beter vær ęrn Fot, Mamsell Hilde, as de niedrigen Schoh mit Krüzbann, de se legmals anharrn. Am Ende weer't je wul en egen Kunst, derglifen nüdli værtobringn. He muß gestan, de Secretair verstunn se. Blot he bedur, dat man jüs mit en solke Kunst vellicht den grötsten Schatz winn kunn. Ja, dat Lachen un Brüden mak em oft so trurig, dat he sit man wedder weg wünsch int geröfige Geschäft himin. Doch meistens denn mal sprok Reinilde mit em en paar Wör in en ganz annern Ton, un as weer he verzaubert, blev he, un ęr nadem mant wękenlange Unruh daran.

Ob Reinilde egentliح wuß, wa ęr Batters Saken stunn, freeg he nich to węten. Allens wuß se gewiß nich, Reinhold Wissen verbo' em ewrigens nix un befohl em nix. Awer he neem sit natürlıcherwies in Acht; wat kunn dat nügen, wenn dat arm Mäden mit in Schrecken leem, de vellicht ni mal nödig weer. Dennoch schien em towilen, as wull of se em wat anne Dgen aslesen oder Fragen dou, vær de se vellicht so wenig dat rechte Wort sinn kunn, as he vær Smeichelęęden. Blot as he nu of weg na Holland muß, do ę se em mal plözli op de Del inne Hast an un sä: „Steit't schlimm, Thieß?“

Un darbi le se em er lichte witte Hand oppen Arm, un seeg em mit en paar Ogen an, dat em soorts dat Blet vunn Kopp hendal in en hitten Strom na't Hart tosam leep; he seeg, se harr Vertru'n to em. „Dat ward noch all gut, Mamsell Hilda,“ sa he, un de Ton war em swar dat he bewer. Awer gerade keem Rissen ut sin Stuv, se funn blot adius un glücklige Reis' seggn, un dat leste wat he vun er seeg, weer, dat de düst're Kopp inne Stuebendæ verswunn.

Wa hell dat binn in dissen lütten düstern Kopp utseeg, dar harr frilich weder Thieff noch er Vatter, noch sunst Besmand egentlich en Ahnung vun. Thieff dach sik allerdings vun er all dat Schönste un Beste, un wenn man irgend wat röhm, wat en Mäden smück oder Werth gev, so wuß he seker, dat dat Reinilde nich fehl. He seeg er't anne Ogen an, he hör er't ut de Stimm herut, dat se ahn ers Risen weer. Dat se Clavier spel un sung, as man domals ni licht an en lütten Ort hör, schin em vœr er blot natürlich, un dat verwunner em kum, dat ol Danzmeister Schulz, er Lehrer, sa, sie könnt's öffentlich, in Hamburg könnt' sie's, sie wår ne Virtuosen, sie wår' ne Pasti, sie müßt italiensches Blut an sich haben, sie hätte den „Rehskopf“! Bekannt weer se vœr er Fründlichkeit, Jedermann much er liden. Dar weer wul ni licht Een inne Heid, de er ni kenn' un sehn harr — un de er sehn harr vergeet er ni licht, awer of wul Keen, de nich vun er hört harr, wa klok, wa geschickt un wa gut se weer. De Armin harrn er op Hann dregen mucht, drogen er seker inn Harten. Dat weer nich blot, wat se gev, of de Art dervun. Besunners

aver alle Arbeiders, Wädens un Rinner op dat gret  
 Riffensche Gewes betrachten er as den guden Engel mant  
 de Blag' un dat dägliche Glend, wat nümmer fehlt. Se  
 weer se — wenn man mit stille Tugend en Ruf kriegen  
 kann — op en Art beröhm't inn Lann', un as er Batters  
 Nam' nennt war mit Respect, so klung de Nam Rein-  
 hilde, de domals in Ditmarschen selten weer, as leeg in  
 de Nam al Holdseligkeit un Reinheit.

De Ol wuß vun sin Dochder nich vel mehr, as klein  
 Anna vun ęrn Thieß, se weer „sin eenzigst Kind, sin  
 Schatz, sin Alles“, wenn he Tid harr mit ęr to spreken;  
 se funn don, wat se much, kriegen, wat se hebbn wull.  
 Dat se schön weer, sän Annerlūd em mehr as nödig, dat  
 se klof un geschickt weer, vel Verstand harr, Allens licht  
 opfat, funn he wedder ganz natürlich; he freu sik besun-  
 ners, dat se so heiter un fröhlich weer, em besunners  
 tröstli in sware Tiden un en Erinnerung an fröhere. He  
 war kum derum wis, dat se en grotes Huswesen mit vel  
 Getös' un Gesellschaften fast alleen regeer, denn ęr ol  
 Fru Meddern, Tante vun sin Sit, weer noch ut en an-  
 nern Stand, un harr de Kummertiden noch ni affschütt.  
 De harr höchstens sparn kunnt. Dat Uthwart ging, dar  
 weer he mit tofreden, denn he harr to vel um de Ohrn,  
 um to sehn, wo de Fedder seet, de't in Gang' heel. He  
 harr der am Ende ok nix op rest, wo't hauptsächlich op  
 Geld ankeem, na sin Meenung, un dat weer velliicht de  
 beste Sit in sin Dochder, dat se still de un nich mal da-  
 ran dach, sik to wisen.

In so'n Naturn sitt gewöhnli mehr, as sik vör ge-



wöhnlig wifen kann, wo se eben gat, as hör sik dat se. Grot wart so'n Natur in grote Tiden, tomal int Unglück. Man meent, dat war se bögen, war se daldrücken, war se knicken, man meent, dar hör Debung to, dat to dragen, man muß't wenn't warrn as Spadenarbeit, man meent, dat kunn blot de af, de't Glück gar ni sehn hebbt, den Awerflot ni kennt: all ni wahr, Stahl rußt nie innen Sünnschin. Probeer em nu man, wenn de Fedder spannt warrn mutt. Reinilde seeg de Wulken so gut sam as Batter un Verwalter, blot dat se nich genau um't Handelsgeschäft Bescheed wuß. Awer dit Stoden un Stoppen vun de Maeln un Fabriken, dit gefährliche Fahren un Wirthschaften bi Nacht un Newel weer genug vör so'n klaren Kopp, dat se nich ęr Gedanken harr. Un de drog se ganz still alleen. Se blev gegen den Batter jümmer as en fröhlich Kind, wat em opheiter, se sung vör em, se spel vör em, se glänz in Gesellschaften vör em. Nebenbi awer heel se tosam, mött bi, seeg sik um na de Püd un ęr Schicksal un Bedrieven, un harr in Gedanken so gut ęn Plan, wenn Allens scheef ging, as man Reinhold Nissen een hebbn much. Se harr daröver am leeffsten mal mit Thieß sik utspraken. Awer de weer vör Bewunderung ni licht to Wort to friegen, as wenn man em gradto anging, un dat harr doch of vör ęr wat Bedenkligs. Darto weer he so vsl umher oppe Landstrat, in Tönning, in Kiel, dat dat so to seggn keen Gelegenheit vör ęr gev. Endli harr se de doch vun Tun bręken wullt, as he na Holland ging, wo se demals dach, dat stunn darhin, dat man den Din insteef un dat Vermögen wegneem: unglücklicher-

wis' keen er Batter dartwischen. Un so ging Thieß siner Weg' in sin Gedanken un se blev noch mal wedder alleen un drog't mit sik un den lewen Gott.

Thieß muß richti wegen de Rappsaatladungen na Amsterdam. De Prinzipal gev em Instrukschen un Bullmacht, Reinhold Nissen muß recht gut, wat he in sin Hand le. Vun disse Reis' hung't af, ob dat Hus bestan blev oder umsmitten muß. Darspraken harr he't mit Thieß natürli sit lang, verborgen weer den Verwalter nix, un de Verwalter weer of de Eenzigste de Allens muß.

Thieß bruk sik also nich to verwunnern, wenn Reinhold em Totrun wis'; denn wat de Batter em anvertru, weer ahn Grenzen. Awer Thieß weer een vun disse runnerligen Naturn, as wi se hier hebbt, de so to seggn op een Sit hell waken sünd, un op de anner Sit drömt. Un disse Naturn sünd hier unse besten. He dach gar nich daran, dat he wat anners weer as Reinhold Nissen sin lütten Schriwer. Dar dröm he. He seeg an sin Herrn rop as na den Alosthorn, un na de Dochder as na den Himmel. Awer he besorg er Geschäften, as weer he de Prinzipal süßbn, un he kenn die Lag' un de Welt genauwer as de Herr. — Nu besorg he sik en baten Reis'geschirr, denn domals gevt keen Isenbahn un kum Posten. Ob man jüs Abends en Weerthshus drop, weer fragli. En Reis' na Holland domals weer witslöftiger as nu een na China. So wit mægli fahr man mit egen Per un Wag'; wenn't ni gar to ili weer, leet man se nich vun sik. Rutscher Jan Willem muß ditmal vör en Reis' an-

spann, Bitschen un Blattchen verbinn, de wenigstens æwer Hamborg hinutging.

He weer gerade inne Koffmael an't Vertelln, as Thieß keem, em den Befehl to bringn. He vertell vun en lütt Scharmützel mit en paar Controleurs op de letzte Smugglerfahrt. „Keem wi mit min Wagen,“ vertell he, „oppe Rendsborger Landstrat na den Swarten Buß to un dachten dar uns Holt to maken un en warm Kaffe to kriegen, denn dat weer en banni kold-düstre Nacht. Büm weet, de Swarte Buß liggt der moderseeln oppe Heit alleen, el Jakob Schütt hett dar de Weerthshof. De kennt den Rummel, de hett al menni Fahrt mit de Controleurs hatt, al as se noch vun Ditmarschen ræwer de Eider smuggeln un an de Sperre ni dacht war. Keem wi also langs de Landstrat, wo de Wind kold achter uns anpust un man nix sehn kann as hin un wedder en witten Pahl anne Zit, dat man den Weg ni verlüst, bet an den Wis'pahl den ik kenn, dar steit so'n beten Buschwart bi rum, un de een Arm hangt dal, de Weg geit dar af na Hehn lank: do seeg ik to min Nebenmann: „Anton Betters,“ segg ik, „wi künnt ni wit vun den Swarten Buß af sin,“ segg ik, „dar is, lör ik, de Wis'pahl na de Hehner Landstrat.“ „Jawul,“ seggt he, „mi dünkt, ik kann al de grote Sootswang schimmern sehn.“ Denn el Schütt hett dar en fürchterlig groten Sootswang, achter mit en paar Steen in isern Bann, bi Dag' kann man em op en Mistwegs æwer de Heiloh sehn. El Schütt seggt,

verlüst verliert.

Ecotiwana Brunnenschwengel.

dat is sin Beertheschild, gude Frönn kennt em daran inne Feern. So weer't ditmal. Ik segg to Anton Peters: „En Tas warm Kasse schall uns wul smeden, un wenn't of en half Duzend is.“ „Ja,“ seggt Anton, un haut sit de kold Hann vergnügt um de Rippen, „wenn Trina man op is un den Kasse warm hett.“ „Gewis,“ segg ik, un tipp en beten op de Brun', „ol Schütt is süßn op un lurt seker op uns, dar will ik Döwel op seggn.“ Un so lat wi denn de Brun' en beten antreden. Awer mi is noch jümmer, as hau Anton Peters sit de Hann umme Rippen un wul mi mal umsehn — he seet achter mank de Waar, dat nig raffull — un em seggn, he schull de Rippen schon' — as ik mark, dat dat ute Feern kumt, un of Anton spitt al beide Ohrn un seggt: „Fisch! dar kamt se.“ He meen de Controleurs, de Per weern to hörn. „Twee Mann sünd't man,“ seggt he, „wüllt wi holn un se aftloppen?“ Awer ik harr en annern Plan. Ik segg: „Spring af un lop værut, segg ol Schütt Bescheed; wenn he dar is, so holt de væ Dær inne Dærfahrt apen, ik jag rin, un ut de anner rut. Dar künnt jüm se fangn as in en Fall, wi hebbt ehr so Huslünken fungn. Man jü!“ Un so nei he ut. De Sat war spaßi. Also ik paß op, un richti, ehr se kamt, bün ik so wit, dat ik jüs eben væ se inne Dærfahrt kam. Se achter in, se ropt in Königenam: Dær to, ik in Döwels Nam: Dær apen, un rut bün ik un binn sitt se, denn Anton un ol Schütt holt op jeder Zit de grot Dærn to. — Wat schulln se maken? Beschl'n? — De Beiden weern buten, un hörn nich. Affstigen? — To Fot hal mi nüms in, denn ik

harr de beiden groten Brun vör. Un weer ik eerst awer de Brügg vun de lütt Ku, de bi'n Swarten Bud vörbi löppt, so kunn ik inne Heid rin fahrn, keen Spörhund schull mi sinn. Also den se am besten, mit Anton un Schütt Kaffe to drinken. — Wat se ok dan hebbt. Ol Schütt harr sin dicke Trina binah an Anton weggeven, as he de Controleurs eernsthast vertell: wa disse junge Minsch en Reis' to Fot drum mak, um sin Trina mal to besöken! — Wi dropen uns eerst wedder inne Heid, un hebbt unbanni lacht." — Dat den ok de Tohörers vun Jan Willem, as Thieß noch eernsthaster as gewöhuli inne Kofmæl rintrę un Kutscher Willem op morgen vör em füllst bestell, vellicht op en dree, veer Dag'.

„Nu geit't los!“ sä Kutscher Willem, un greep na de Pitsch, de em selten verleet, un ok de Annern inne Kofmæl weer dat as en Ahnung, dat wat Besunners värging.

De Ahnung weer richti, dar weer allerdings wat los, mehr as de Verwalter dach, do he den Kutscher bestell. Jan Willem harr sogar seggn kunnt: de Krieg ging nu an twischen Reinhold Wissen un Napoleon, se harrn bet to man dat Värpostengefecht hatt. Leider kunn man denn ok weten, wer de Sieger blev, trogdem dat de ganze Kofmæl ęn Herrn vör en lüttten Napoleon heel. De grete weer he doch jedenfalls nich, un de Art Krieg as twischen

bet to bißet.

Goliath un David, wervun wul menni Een in dat Mælen-Concilium dat Bispiil hÿr neem, weer of al demals ute Mod kam.

Genog, bi dat Scharmützeln un de Barpostengefecht weer man na un na gar to drist warn. As Jan Willem geern dat Wort bruk, wenn he en Smugglergeschichte vertell: de Sak war spaßhaft. So segen de Holstener dat an, un bedreben dat darna, un de Ditmarschers weern vun alle Holsteners noch am aller spaßigsten, oder as Jan Willem dat nöm: de Kettligsten bi de Sak; tum Deel, wil se't Smuggeln wenn't weern, tum Deel, wil se jümmer, sit se de Frihit verlarn, geern den lütten Krieg föhren, mit wem't of weer, un schulln se sik ünner enanner prügeln, oder Norderditmarschers gegen Süderditmarschers opstan, oder Marschlüd gegen Oeesflüd, oder Desterreggnsjungens gegen Süderreggnß. Ganz, as al er el Geschichtschriwer Neocorus sä: se weern en wremelich halsstarrig Volk. Mit de Controleurs un Gendarmen gingen se um, as weern de Lüd egens darvör bestellt, sit brüden to laten, un de Geschichten veten gar ni af, in Krög un Weerthshüs' war fast nig anners vertellt, un gewis war awer nig fürchterlicher lacht, as wa man hier en Controleur bi de Käf' hatt harr, dar em een andreit, de Knep weern oft as vun de Slausten lang vörher unstu-deert un utföhrt na en Plan, as man en Krieg föhrt warren kann mit „Taktik“.

„Daröver war de Kaiser argertlich un gev sin Be-

teitlich tiglich, lächerlich.

fehlt, dat anner Maßregeln brukt warren schulln " So dach man sit dat ünnert Volk, wat sit egentlich vun süßst verstunn, denn as de Smugglers to drist un to frech warn, weer't natüürli, dat se anlepen un dat dat Gesetz of wider lang. Awer man meen domals, Napoleon weer allerwärts persönlich darachter, ja man harr em oft bi en Smuggelfahrt anne Elf oder de Eider süßst inne Schummern sehn in sin lütten Hot un sin graun Rod. De ol Bootsführer Friedrich Holm, de lang as Stürmann fahrt harr, de allerwärts mit darbi west weer un de noch lange Jahren bi en Glas Grogg, „orri stark un nich to feur“, sin Geschichten vertell, wuß of so een vun Napoleon, wenn he fragt war, ob he den Kaiser kennt harr: „Dummbart,“ seggt Holm to den Frager, „wat schull it ni! It keem mal vun Altona æwert Heiligengeistfeld mit en lütten Sack Rasse oppe Schullern un söhl mi al ganz seker, as ik na de nie Drögen to keem: do begegnet mi jüs op dat lütt Ziel dar vör de eerste Tobacksladen linker Hand en lütten Mann, den ik al seeg, as he dar int Licht trę un sit de Tobackstuten anseeg, wul wegen Smuggelwaar, ob dar wat mant weer, un as he mi jüs vörbi geit, to seeg ik inne Schummern den lütten Hot un den graun Rod un krieg en fürchterligen Schreckschuß, dat dat mi man inne Been fahrt, un ik harr dalsacken funnt, obglik min Rassefack nich æwern hunnert Pond wog. Dat weer richti de Ol, de banni argerli weer op dat Smuggeln vun wegen de Sperre, denn wat hölp dat, wenn de nich holn war? Wat denn? Also ik wull mi schreeg æwer ant Hus drücken, wo't noch mehr in Schatten weer,

denn wat schull ik don? vœrbi muß he. Awer he weer mi al wis warn. Doch ging't datmal gut. He drau mi blot mitten Finger un sä: „Friedri Holm, lat mi dat na!“ Un do wif' he mit de Hand achter æwer de Schuller, dat heet, ik schull man maken. Also leep ik wat ik kunn. Awer ik heff mi nœß banni in Acht nahm. Ja, so weer he.“

So ungesehr dach man in Ditmarschen, as nu op eenmal hin un wedder Smugglers opgrepen un insteken warn, un as de Gerichten æwer de Köpp vun Knechts, Kutschers un Fohrsliid weg na de Köpp vun de Herrn lang, de mit darachter steken.

De vorsichtige Thieff Thieffen weer vœr so wat al jünmer bang west. So lang he de Fahrten lenk un lei, un Kutscher Willem, de alle Weg un Slikweg kenn, se utsöhr, weer dat jünmer gut gan. Wenn mal irgendwe Gefahr drau, so harr he to rechter Tid mit Ruh un Rath, mit Geld un Geldswerth Allens wedder asplant. Awer kum weer he weg op sin Reif' un Jan Willem mit em, so muß kam, wat to fürchten weer: dar legen Waarn in Tönning, Schep legen der buten un töben, wagt muß der wat warren, Geduld harr de Herr gar ni, un so lepen richti Reinhold Nissen sin Liid an, Reinhold Nissen sin Wagens warn anholn, de Waarn warn wegnahm, un wat folg, weer slimmer, as wat verlarn ging.

Junne Heid gew dat en Flüstern un Pisseln, denn dat drop ditmal mehr as Een. Dar weern Herrn, de op er

töben warten.

pisseln flüstern.



Anechten turn, de länger as gewöhnlich mit Per un Wagen utbleben, dar weern Bruns, de op er Manns töben un en Pas' vull Bohn — as man den Kaffee nöm — oder sunst en Affall vun de Smuggelie: so weer't al Gewohnheit warn. Se lepen, as se Dag un Stunn æwer de Tid gedüllli utdurt harrn, allmähli na Nawersch un Annere, warn ängstli un maken sit se, un man funn bald en dree, veer Lüd vœr en Perstall, bi en Schün, bi en Wagenschur tosam stan sehn un heemli verkehrn, iwri vertelln un ängstli tohöörn. Dat Gerücht is je noch jümmmer arger as dat Unglück fülbn. Dar war vertellt vun Bataillons, de Napoleon bi't Lindener Moor harr opstellen laten, um de Smugglers to fangn. De harrn de arm Lüd ruhi bet op Schußwit heran kamm laten, de harrn denn darmant haut as mant Rößen, un Allens massacreert, den Nest harrn se inne Moorkulen jagt, de Per harrn se slacht, dat Fleesch harrn se eten, un wat ni all mehr seggt war. Genog, dat harr inne Heid en „Heulen un Zähntklappen“ geben kunnt, wenn nich süllst dat Guln gefährlich west, un wenn nich of weniger slimme Berichten kamm weern, vernünstige Lüd to Ruh ermahnt harrn, un man op jeden Fall swigen muß, so lang't angan funn, um nich slimm to maken, wat velliicht noch gut to maken weer.

Reinhold Rissen harr natürlisch glik den eersten Morgen genaue un bestimmte Naricht. He weer fürchterli verdreetli, fahr sit een Mal æwert anner mit de mageren

Fingern dær sin grauen frusen Haar un scholl op dat dumme Volk, dat sit ni in Acht nehm kunn. Blote Unversicht! Bloten Uwermoth! Ahn sin Thieß ging nagrað Allens scheef! Mit den weer't gewis nich passeert!

Doch hier nütz keen Schelln un keen Arger. So hart de Schlag wen much: dat heet den Kopp nich verleern, richtig handeln un dat gau. Denn Al weer nödig. De Folgen seeg Nissen. Man war so gut na em süßn langn as na sin Vermögen, wenn man wat darvun faten kunn: dat weer em klar. Wenn he sit of nich dær en lütten Grafen heel oder en groten Bothandler, wona de Korporal in Paris mit egen Fingern greep, so geef't Franzosenfrünn genug, de't an sin Statt don muden, un he wuß wul, dat he sit lang nich mehr dær „gut gesinnt“ gell, he harr to wenig swegen, un to mennig Een æwer de Eider hölpen, as dat't verborgen bliben kunn. Awer he harr of al so menni gefährli Sak dærmaft in disse gefährliche Tiden, dat he indvt weer as en Feldherr: Slacht verlarn, is nich Kopp verlarn! Værlöpig op en geschickten Rücktog denken! Un dat ahn Tid to verleern!

Dat dur man Stunn na de eerste Schreck: do weer Reinhold Nissen mit sin Hauptgläubiger inne Pennmeisterie west, harr sin ganz Gewes' op den sin Nam schriben laten, harr sin Werthpapiern inne sekere Tasch, harr an Thieß Thießen na Holland schreben, he much jeden Verglif ingan, blot baar Geld maken un dat in Seferheit setten, un sin Wagen stunn bereit, em inner de Föt ut to bringn.

in öv't eingeklt. Pennmeister Piennigmeister, Haupteinnehmer, der zugleich das Schuld- und Pfandprotokoll führt.

Blot sin arm Kind mak em noch Sorg un Twifel. Schull he er mitnehm? Awer wohin kunn't ni gan? Belicht æwer de russche Grenz. Un wat schull se bi em? Oder schull he er na Kiel schicken. wo he bi sin lütt Gewes' sekere Lüüd harr — Verwandte weern der nich uter de ol Meddersch inn Hus'.

To sin Bewunnern wis' em awer Reinilde, dat se keen Kind weer, sunnern Helden=Dochder. Se hölp em uten Twifel, ehr he er em utspraken harr. Se wis' em, dat se em mit wat Anners Trost bringn kunn, as dat se em wat varfung oder danz, dat se mehr weer, as en fröhliche Unschuld. Se sä em rasch, dat se Allens wuß un nix fürch. Bliiben muß Wer. Dar muß na de Saken sehn warrn un vœr de Lüüd forgt. Se dräng em na den Wagen. Do umarm he er mit Thran inne Ogen, en glückseligen Batter, un as he er noch uten Schlag herut darmit tröst, dat Thieß bald ut Holland torügg kamm un er bistan war: de seeg he mit Freuden, wa er bi den Nam dat Roth inne bleken Backen torügg steeg. So jag he dervun na Lübeck to un de preußsche Grenz, un leet Reinilde in dat grote Bedriv mit de ol Meddersch alleen.

Ja ganz alleen! Dat weer se, un se wuß dat ek. Dat weer se al lang west, so to seggn jümmer, sit se de Rinnersehoh uttrocken. Wat se inne Heid an Umgang harr, weer blot Umgang, nix Anners. Mit Landschriewers Dochder un ers Lifen leet sik wol nett to Ball un spazeern gan, æwer en Hot oder en Kleed spreken, en Leed singn oder tosam Clavier speln: awer dar weer't ek all. So'n Lüüd wat antovertrun, vun so'n Lüüd Trost un Hölp

erwarten? Eben so wenig as vun Danzmeister Schulz oder Klein Anna. Dat harr se lang inseh'n, dat weer Dorheit. Frönn in Gefahr — de sünd ni dar, dat harr se in dissen Tiden begripen lehrt, wenn se't fröher Meddersch of ni lövt harr un er dat sur full, nich b'eter æwer Minschen to denken. Awer de Herrn vun de anner Sit dat Markt, ute Landvægdi un dat Landschopshus harrn Amt un Stand, er Batter harr blot dat Geld wat he sit erworben. So lang man gut un seker bi em to Middag oder to Abend eet, leet man sit dat fründli gefallen. Nagrad war't uns'ker. De Mann war gefährl. Nu leet sit nich mal de Husfründ hülfiger sehn as't dörchut nödig weer, he, de sunst mit tehrt harr bi't vulle Fatt un de vulle Flasch Middag un Abend jede W'ek. Dat funn em en künstige Anstellung kosten; so v'el seet v'ar em nich darep. He drück sit um dat Hus Süden ant Markt, un blev of int Horn as de Annern, wo he bi Landschriwers Dochter eben so fründli verwunnert sp'el, as fröher bi Reinhilde.

So v'el Fründschop harr indes Reinhold Wissen noch op de anner Sit mank de „Herren“, dat se em ünner de Hand en Andübung maken leten, de Sak stunn gefährl. De Secretair funn nich umhin, de Sendung to æwernehm. As he bi Reinhilde v'ersichti intr'et, do æwerkeem er binah de Lust, den arms'eligen Minschen to quälen. Awer se broch dat nich wider, as dat se em dat sur mak, to Wort to kam. Se harr em in den bekannten spaßigen Gesellschaftston, worin se in schöne Verwunnerung mit enanner verkehrn, jümmer noch wat to wisen oder varto-

bringn, ehr he endli mit de Saß herut kam kunn: dat't mit Reinhold Nissen sin Selterheit gefährli stunn, un dat he as Fründ vunn Hus' nich ünnerlaten wull, em to raden —. Do sä Reinhilde em stolt: er Batter weer en beten na Preußen in Geschäften verreist, harr er al schreben vun Lübeck ut, war sik gewis hartli bedanken, war awer wul in enige Tid nich wedder kam. Se dank of den Herrn Secretär un wünsch em vel Vergnügen oppen Ball. Un darmit leet se em rüggwärts ut de Dær rutschen mit en Gesicht, mehr in Verwunnerung as gewöhnli.

\* \* \*

Awer Ditmarschen weer dat Fröhjahr kam. Dat kumt lat, denn dat hett en wide Reif', ehr dat vunt Süden rop to uns dringt. Dat hett toley jümmer noch en Sprunk æwer de Elf to maken, dat steit un lurt op günd Sit, as wull dat eerst en Tolop nehm. Man hört vertelln vun Böm de dar grönt, un Kirschen de dar blöht, un bi uns is noch Allens dodensstill. Awer wenn't denn kumt, so kumt't of in en Sprunk. Denn süht man't anne Wullen, denn hört man't annen Wind, denn markt man't annen Gerdgeruch: dat Fröhjahr is dar, dat kumt mit Macht! Un mit kamt de Summergäst in ganzen Schaa-ren, in ganzen Familjen, se kamt bi Nacht un bi Dag, se kamt in 31, as weer de Tid knapp, er Nest te buden. Kum sett de Hatbar sik opt Daß un hett kum sin Willkam klappert, so driggt he al mit Busch un Stroh. All uten

aünd Zit jenseits.

Tolop Zulauf.

Süden, as de Wulken, as de Wind. Oppe Groten brukt man nicht to achten: dat ropt de Kinner inne Dörper Een to. De bi Dag' kamt, süht Jedereen: de groten Weiben, de noch wider na'n Korn jagt, de Bruchhöner, de Kewitt, de awer de Wischen schellt. Doch wer darop achten deit, de hört se ok inne Schummern un bi Nacht. Dat snackt un pipst, dat flüstert un flattert voraewer, dat huscht un fluscht, un sleut eenzeln hell darmank. Dat sünd de Stiumm, de de Summernächten lebennig maht, dat sünd de Klütten vun de Sängers, de na enige Dag' in jede Heet un Tun er Kopp wif't, de dar hüppt un wüppt so vertrut, as weern se to Hus, un nich verweist west, un bald mit ern Gesang de Luft opfüllt so fröhlich, as weer't alle Dag' Hochtide un de Jugend weer ewig.

Wo is't denn nich schön? Wer de Elf hindalkunt, etwa vun Hamborg, damals mit en Ewer, langsam, as de Flot astreckt, de rük dat awern Dik, de hör de Lurken singn in ganzen Schaaren vun Ditmarschen raewer. Un wer bi Brunsbüttel ant Land steeg, de harr dat vör sik un um sik an de langen geln Klappsaatkoppeln, an de Krög' in Klewer, an de Wischen in Gras; un mank de Saat, mank Weten un Roggen dar reep al de letzte vun alle Summergäst de kamt, de ol Maivagel, de Kufuf reep sin summerbarn Krop. Wenn he ol Mai ni röppt, seggt man, se röppt he dat Jahr gar nich. Awer wenn he denn röppt, to tellt man geern, to wo vel mal he den Athen hett, un leggt noch mehr as sunst en Bedüdung hiin

(Ewer eine Art Sibidisch. Krög pl. Krög' Aldersüd. ol Mai d. i. der 15. Mai, der erste nach dem alten Julianischen Kalender.

Bar de gret Dar buten de Darfahrt vun dat Weerthshus to Brunsbüttel stunn en netten jungn Minschen, de half lud, as wenn he man half wak un mehr dröm, na en Rukut hör un so to seggn mit Andacht tell: een, twee, drie — un so wider, un darbi sit mit en Gesicht umseeg, as weer he in Gedanken ganz annerswärts, awer doch keen em hier de Gedanken. He weer en beten verbrennt oder verreisht antosehn. Darna seeg of sin Kledung ut. En lütten Reis'sack beheel he, of as in Gedanken, inne Hand. He weer mit de letzte Ebb mit en Ewer hindalkam, un töv blot bet sin grötere Reis'kuffer op en Stohlwagen packt weer, den he sit hier bestellt harr. As de Husnrecht den Kuffer oppackt harr un de Kutscher mit de Sweep klattsch, do sohr he as ut en Drom op, sett sit lichtfarrig toredht, un sohr den Weg na de Heid to.

Thieß Thießen weer dat. — He keen vun sin Reis' na Holland torügg. He keen tum eersten Mal torügg vun en längere Reis'. Dat deit wat an en Minschenatur, tomal an en junge. He harr sit Weten lant mit fremde Minschen herum slagen, meistens nich mit fründlige, he harr sware Geschäfte afwickelt, he harr nu Getös' un Allens achter sit. As he vun den Ewer stegen weer, as he den eersten Fot op Ditmarscher Grund un Born sett, do gingu op eenmal sin Gedanken vartwärts un rüggwärts awer disse Tid weg, de der twischen leeg, he weer würtlk as in en Drom, de der söcht wedder antofaten, wo he ophört: wa weer't man noch? Un wa schallt warin? Disse Kutscher sohr em nu bet to Hus; wenn he afsteeg vun dissen Wagen, so weer he — — Ja, wo weer

he denn? Wer en lütt braken Dær hev sit en swaden, tosamfunken Körper inne Höch un en paar bleke, ole, blaue, glückselige Ogen sehn æwer, un herut lepen strikten Strom as Parlen de blanken Thran, denn er Sæhn weer wedder dar, er Thieß, er Alles! — So stell he sit't vœr ep sin eensamen Wagensitz, un sin Ogen gingn æwer dat gröne Land: min Baderland! dach he, min Møderland! Em full en Leed darbi in, wat he as Kind inne Schol kum ohne Thran' hart singn kunnt, an de wehmödige Melodie len sit de Wör as weern't Drapens ut sin Møder er bleken Ogen — „füllen sie mit Erde ihre Hand, und küssen sie, das sei der Dank für deine Sorgfalt, Speis' un Trant, du liebes Vaterland!“ — Un indem he dat schöne Leed, wat mal de arm Lüd bi'n Abschied sungn harrn, de na Afrika verkofft weern, bi't Weddertam half lud sung oder mummel, steeg vœr em en Garnhus ep mit blau Schieferdach, dat eenzigste inn Ort, en Akazienbom hung æwer de Flügelbarn, en Bagel sung to Sit. Un en Mäden tre in den Sünnschin, en paar Ogen segen em an: funn man Nacht un Filt togli den — dar weer't tosam! Awer wat he sit nich verstelln funn, dat weer, wodenni de Ogen em ansehn. Se wulln nich ween' un nich lachen in sin Gedanken, un en anner Melodie summ em dær den Kopp: „Ach Gott, wie weh thut scheiden, hat mir mein Herz verwundet!“ Weddersehn funn he gar ni utdenken. Baderland dach he blot as dat, wovun man Abschied nimmt. Sin Ogen gingn æwer de

braken Dær Thür aus zwei Hälften über einander.      Len legten.



Grenzen vun ganz Ditmarschen, de man hier sif teken kann, un he dach se sif blot as de Tun um en Garn, wo he nu bald herut muß. Unse oln Geschichtschriwers vertellt uns, vun Johann Adolfs an, jedereen mit nie Wör un Begeisterung, so de ol Viethen un Volten, Jan Russe un Hans Detlef, un de letzte, Jan Mohr ni am wenigsten: wa vun Möldorp an bet na Tielenbrügge an de Eider en grot Holt reck, Bom an Bom, æwer de ganze Grenz, dat en Katteler much vun Twig to Twig springn tein dütsche Milen lank. Dit Holt weer lang verschwunn, æwer den Som seeg man noch un süht man noch, wo't stan hett, un inn Fröbjahr tekt sif de ganze „Höfde“ grön, denn noch meenni Eef un Böt is stan bleben. Dar gingen Thiep Thieffen sin Ogen æwerhin mit en ähnli Geföhl, as de oln Herrn dat beschriev: dat alle Herrlichkeit vun Vergang is. So harr he stunnlant mit sin Gedanken to don, bet he endli æwer de flacke Gegend toerfirst de Maeln vun Heide wis war, de within um den spitzen dünn Thorn er Krützen gegen den Heben streckt. De wecken em nochmals ut sin Drömerie, un he muß sif dütli seggn, wa't in en gude Stunn um em utseeg.

He harr dat Geschäft in Holland na Nissen sin Wunsch to Einn brocht, de Saat weer to en mäßigen Pris verkofft, dat Geld in Seferheit bi en Hamburger Hus. Wa't mit dat Gewes' inne Heid stunn, dat wuß he, so dat't em dar kum wat to verwunnern gev. He wuß, dat de Prinzipal na Preußen gan weer, velliicht na

Königsberg, vellicht awer de rußsche Grenz, wo domals so vele hinawersflüchten. Vellicht kunn man op better Tiden hopen un dat Geschäft wedder anfangen. Gegen Noth weer eerstmal de Familje in Sekerheit, so vel weer der rett'. Dat Unglück leet sik am Ende dragen, man drog dat in de Tid sogar lichter, denn unszer weer Allens, dat Op un Dal ging awer Land und Lüd hin, „Kopmann en Popmann“ dat ol Sprökwort muß domals Menig- een as Trost deen', de der gar nix na beholn harr, un noch vergnügt weer mit de Freiheit un sin gefunden Glieder. Dat weer nich so selten, dat en Prinz eenerwegens oppen Dörpen Scholmeister spyl, un en Slachtergesell Generalfeldmarschall war. Thieß harr uterdem buten Lands, bi en rik Handelsvolk, noch mehr sehn un lebrt, dat man dat Oligewicht nich to verleern brnt, wenn mal en Dings scher hung. Dat Delgeschäft inne Heid harr doch al lang stoekt; wenn de Handel ni wedder flott un apen war, ging dat awerhaupt ni mehr. He wuß, dat Reinhold Rissen de Mann weer, dar wat anners ut te maken wenn't angung, Mæln leten sik umbuden, man kunn Mèhl un Roh stats Del un Stöken maken. Dat harr tolesz all nix, wat ni mægli weer. To Noth kunn Thieß sogar op sin egen Hand wat darvun anfaten, so vel harr he nagraad verdeent, lehrt un an Totrun erworben.

Thieß wuß blot een Deel nich: Reinhilde weer inne Heid torüggblieben. Wat schull se of mit Batter oppe Flucht? Awer Thieß dach herum, bi wen se blieben sin much, ne, he stell sik egentlich de Frag': vær wen se wul blieben weer? Dar harr he natürlk nich na fragt, dar

harr man em nix vun schryben, dar muß he sif teen Antwort darop oder he wull se nich weten. Am Ende, ob se bi Landschriwers wahn oder bi sunst wên, un ob se vör den blegen weer, den he meen, oder vör sunst Jemand: jede Antwort sä em egentli datsülwe, dat eenzige, wat he nich to trëgen muß: vör em weer se nu ut de Welt, vör em alleen heet dat nich: Got verlarn, sundern Noth verlarn, un dat is: Allens verlarn.

Mit so'n Gedanken keen he de Heid neger. Oppe Möldorper Landstrat süht man se liggn, mit utbreedt, to Osten un Westen rut en lange Allee vun Linnböm. Ewerweg, op de Hauptstrëken vunn Rumpaf, domals acht Windmæln. Thieß weer Möller genug, um al op en Mil Wegs an disse half lebennigen Gebäuden to sehn, wat darin værging, man much seggn, wa se to Noth weer. En half Dutz dreihn lisen vör den Südwind um, so lisen, as weert blot en Teken, dat se noch leben dên. He kunn sif denken, wa Möller un Möllertnecht oppen Mælnbarg rum fulenzen, inne Feern æwert ganze Land Ditmarschen kelen, un vun Mæl un Möllers sproken, meistens nich dat Beste, awer mit vël Behagen, vun de Büsumier an, am widsten na't Westen un gegen den See hinut, bet an de Grenz oppe Geest na Tellingsted un Dörpeln int Osten: gewiß snacken se of æwer Wind un Wedder, dat se mit hin kunn andüdt sehn an ęr Collegen, meist na de Richtung vun de Roden, oder na de Segeln un ęr Gestalt, na't Linntüg, as de Möllers seggt. De

Heider Maeln seken alle, as harrn se Thieff de Gesichtter tokehrt. He weer je of bekannt genog in sin lütten Heimathsort un mank de Möllers tomal, dat gewiß op jeden Maelnbarg uter dat Gebäud noch een oder en paar Minschengesichter sit em towendt harrn, harrn se em sehn kunnt. Blot de beiden Maeln mit Zwickstelln, wo jede vun mit Gesichtter harr as beplant sin kunnt, de æwert Geländer seken, wenn jedes dar weer, wat em leef harr — se weern vør en Mölleroog as en Bagel de flinkenlahm is, as en Rattul inn Winterflap, as en Snickenhus, wo keen veer siv Fingern utsteken ward, man mag of noch so zärtlich ropen. Se stunn inn Scheern gegen de Stormsit na't Norwesten, as jede Möller se stellt, wenn se länger ut Arbeit sett ward.

As he de grot Mael ant Mark rut kenn, de grötste vunnn Ort, de war em erdentli truri umt Hart. Se mag en Schipper to Moth sin, de sin Schipp as Brack liggn süht. He seeg an de groten Flinken hendal, æwer de Rapp, de so zierli op dat Gebäud seet as en wahre Hur — so seggt de Zimmerlud — op en slanke Gestalt. Sin Ogen lepen daran hendal, un in Gedanken hinin in dat blanke Gebäud, wo so lang hitte flitige Gesichter mank den Arm vun de Stampers em tonickt harrn. He dach an de dämmerige Hofmæl un de oln inrußten Geselln, de dar so lang arbeit harrn Dag un Nacht. Wo se nu wul weern, wat se nu wul bedreben? Ob Rutscher Willem wul mit de Herr gan weer? Den war

dat sunst am swarsten drapen. Wa schull de hin ahn „sin Herr?“ De Delslägers funn tum Deel in Riel un Flensborg sacht er Brot sinn.

Doch vör allen lepen sin Gedanken na dat Hus neeg an, as ging he dar in de Husdær langs de Del mit Flisen bet in en lütt Stuv, wo he so menni Dag harr ut Fenster sehn. He seeg dar op en groten Wallnatsbom, de in Rawers Garn stunn, em foll op eenmal de Nam vun de ol Bümfer in, de de Bom un de Garn tohör. Anne anner Sit weer en swarte antheerte Plank, un he wuß, achter de Plank ging en ganz lütt enge Strat, en Twiet, de den wunnerligen Nam Himmelstie föhr. De ging na't Markt, un achter na de Bümfernstieg. Doch ehr se dar utging, leep se in en Gank ut, de vun Enige de Höll nömt war. Oppen Enn daran leeg dat lütt Gebäud, wo Rutscher Willem un sin Moder in wahn. Ewern Weg weer de grote isern Port, de in Nissens Garn ann Schibenwall föhr. Dat muß he sik all mit Gewalt eenzeln dürtli vörstelln un utmaln, denn de wunnerligen beiden Stratennams flungn em, as harrn se vör em wat to bedüden.

He dach daræwer na, ob de Wallnatsbom wul al grön weer. He funn sik genau vörstelln, wa junge Wallnatsbläd rükt, dat weer as trock em de würrige Geruch inne Näs, un he wuß op eenmal, dat he dar ännern Bom al mal as en ganz lütt Kind Reinhold sehn un mit er speelt harr. Se rüken anne Bläd, se harr na sin Meenung domals egentli gar keen Näs un he rev er mit de Bläd, darmit se't ef doch rük, bet de lütt Stum-

mel gelgrön war. Denn schin em, as trocken se mit en Rinnerwagen, wo he mit ansat, langs dat Himmelrif un de Höll, un oppen Schibenwall sprung dat Kind mit en Kamm inne swarten Haar, de sit opböm un vaxerwer fulln, achter Fleerlinten her. He seeg er dar in Gedanken tosam mit en wunnerlig Thier, wat he un de ganze Heid domals of noch nich sehn harr, dat weer de eerste Zieg, de na Heide keem, un de Reinhold Nissen, eben so as de eerste Melkesel herbrocht harr; so hör he man nadem. He dach dat Kind domals darto etwa as he sit nu wul en Prinzessin to en Kameel denken much: wat vun en Prinzessin ut' Osten harr Reinhilde.

He harr se mal sehn, dat weer nich gar lang vax sin Reis', do weer se, noch nich vull antrocken, xwer de Del flücht — as dat in jede Hus wul mal angeit, wo man sefer meent, man is alleen — mit lose Haar un klote Schullern, de Kleder ent um de Gestalt, se heel se mit de Hann xwern Bossen. He harr sit so verfehrt as se sülb un sit eben so gau torügg trocken. Dat kunn he gar nich vergeten. Weer he Maler west, he harr er malen mügt, un he harr er malt as en Prinzessin, wul weet ob ut Indien oder Persien: as wi dar nüllich vun wussen ut Carsten Niebuhr sin Reisen.

So seeg he er nu of in Gedanken as he den Ort neeg keem. Un wenn he sit dach, dat vellicht Reinhilde bi den Landschriwer torügg laten weer, vellicht um den Secretair sin Willen; wenn he sit dach, dat de vellicht mal dat Recht hebbn war, er dägli so to sehn, un er sin vergnögte Verwunnerung uttospreken, so war em to

Moth, as kunn he krank warn oder rebellisch, oder wat don, wat em süßst leed weer, blot um dat ni ruhi denken to mæn.

Dat weer en Art Trost, dat de Wagen op de schlechte Steenbrügg vun de Gastwurth rinrassel. Dat schüttel em torecht, he muß sik nu tosam holn, denn he begegu Gesicht, de der sproken, of wenn se ni sän, un de Allns sehn, wat he ni deep versteek. Vår de Wittgarwerie stunn al de nie Meister mit en fromm fröhli Gesicht, as harr he em rükt, un nüch un reep em Gotts Segen to. Dar leeg doch en beten in Ton un Ansehn, as wenn en Kind Gottes op en Weltkind süht, jüs wenn dat Weltkind uten Himmel smeten ward. — Un mit so'n Gedanken steeg he bald vun den Wagen, leet den Fohrmann langs de Süderstrat to Markt un to Weerthshus fahrn un ging op den Bümfernstieg achterum na'n Schibenwall to, noch in Twifel, ob he toerst na sin Moder er Hüschken inkehrn un erfahrn wull, ob de Secretair nu Brüdigan weer, oder noch eenmal eerst den Garn un dat Lusthus besehn, wat doch gewis lerri un verlaten stunn, un dår em nu bald verflaten weer vår jümmer. He kunn't ni laten, dat trock em as mit Gewalt na den Garn, de Höt gingen as vun süßben den Weg rechtsaf vun den Bümfernstieg na den Schibenwall. De hoge smalle Port weer man anlæhnt. As Jung harr he jümmer eerst dår de Trallen kieft, ehr he rintre. Dat de he hüt of, he harr of desüßwige Art vun Angst oder Ehrfurcht, de em donals

jedesmal æwerfull, wenn he mit en Geschäft dar rinschickt weer. De Port harr noch densüßwigen Ton: as en Stück vun en lustige Melodie, wenn se apen trocken war, un se full nadem swar int Elott torügg, wenn se toging. So leet se Een in Schreden dar alleen achter den hohen Dorntun, wo man ni dærkfen kunn, un ünner de dichten Dann op beide Siden vun den frumm Stieg. Um jede Eck kunn de Herr sam op sin lisen raschen Schritt oder ol Garner Heuf oder en feine Dam, oder wat ni all Weer't buten al still, hier weer't musstill, bomstill, de Brummers rasseln ut de Dannnateln, de inne hitte Sinn braden un rüfen, dat man mug dun warren. — Thieß ging Schritt dær Schritt, leet alle Erinnerung dær sit dær treden as dissen Geruch, seeg noch mal op jeden Platz, wo he wat belevt oder bedacht harr, as weer dat dat lekte wat he nu mitneem, un dar weer fast keen Schritt, wo nich derglifen opdul. De Værhålfte vun den groten Garn weer mehr en Art Holt oder Bomgang, Allens weer dicht beplant un bewussen, mit Stiegen dartwischen, de hin un her un herum föhren. Grote Böm vun fröher harr man stan laten, junge vun alle Arten darum herum sett, un dar weer keen, de Thieß ni kenn, kum en Art, wovun he ni wuß, wa se rüf, wa se smed un utseeg. He weer hier so to seggn mit de Pflanzen tosam wurtelet un opwussen, as annere Jungs mit er Hunn un Kaninken. As de Barken dær em en witt Kleed harrn un Röpp mit lange Haar, so harrn

Brummer Fliegenart.      Dannnateln Tannennadeln.      opdul  
 austauchte.      Barken Birken.



annere Böm vör em en Gestalt un Ansehn, so dat se mit em sproken un he mit se söhl. As sin ol Scholmeister Treppe einmal Liebe und Ehrfurcht inne Schel erklär, do dach Thieß Thießen an Wiecheln un Pappeln un wuß genau, wat he mit de Wör meen. Int fröhste Fröhjahr fung dit Leben an, wo man toeerst noch mit stüwe Fingern, wenn man de Hann vullsammet harr, to Hus flüchten muß un Rätzchen un Danntwigen int Sandloß bi'n Flürheerd implant. Awer bald keem denn de Tid, wo't warm war, wo man ganz ünner de Büsch besitten blev, wo man Fleuten un Sprüitten mak un darbi genau utprobeer, wa jede Art Busch smeck, den man bi de Gelegenheit dör den Mund trecken muß.

An all dit dach Thieß, half mit en Smustern, half wehmödig, as he Schritt vör Schritt wider slunter. He dach of noch an de wilden Tiden, de vör keen echten Jung ganz sehl. Vun de größte Dann, de neeg bi den Fisch dik stunn un mit de Twigen bet na Ger reck, harr he mit en paar anner Bengels oft rasrutscht, jedesmal in Gefahr, den Hals to breken. Dar harr he baben in seten, æwer de Gegend sehn un drömt. Dar harr he of mal en Tidlang abends in Schummern as en Nachdigel fleut, bet de Heideres in ganzen Tropps langs den Jünfernstieg spazeern, um den selten Vagel to hörn.

He harr sik binah ganz in disse Gedanken vergeten, weer he nich tofälli de oln Garner Heut wis warn, de op de anner Zit vun den Dik to graben stunn. De ol

Mann weer gar old un gris warn, Thieß seeg gar düttli an em, wa lange un sware Tiden verlopen weern, un as de Ol opkeek un mit en Gesicht, as seeg he en Geist, sit opricht un anne Mütz greep, do drev em dat rasch voerwarts ut de Tiden, de nich mehr weern, un ut de Gedanken, de em as in Slap harrn inweegt.

He keem rasch op dat Garnhus to. Ja, noch stunn dar de Quittenbom, de op en Wittdorn ris't weer, de bæwer Stamm armsdick, ünner as en Handstoek, en Naturwunner vør Beden, de't sehn harr. Un de Afazienbom harr eben junge Bläder. Dat weern of in er Art de eersten inn Ort. Nissen harr allerlei Wunner, de Böm harr he meistens ut Möldorp vun Landvagt Boie un Carsten Niebuhr, de grote Reisende, de dar Landschriwer weer, un de beide ute Fremden allerlei mitbrocht un anstedelt harrn.

Thieß dach of hüt an de beiden Herrn, op de ganz Ditmarschen stolt weer, as he so oft an de süttwige Stell dan harr, un dar seeg man bi't Hus weg de brede Möldorper Thorn inne Dämmern opdaken as jümmer. Ja, dat weer noch Allens ebenso. De Mär vun't Hus düstergrau, een lütt Finsten baben keek na't Westen. Wenn he um de Eck try, so weer't en Schritt bet in de groten Flügeldærn. Dat Gras grön as jümmer vør Dær, de Leekojenplanten in't Beet darin weern noch man eben eerst sett. Un as he sit umdreh, do stunn de Dær apen, de Skinn schin hell herin, un inne Dær stunn, de he gar nich vermoeth' un an de he nich wagt harr to denken, un keek inne Feern — ja, dat Hart stunn em stupp still!

stupp unglücklich.

Se stunn ganz ruhig oprecht inne Dær, de greten swarten Ogen gungn inne Feern, se harr en lütt Bot inne Hand un een vun ęr witten Fingern mank de Blæd, he kenn dat Bot recht gut, as he Allens kenn, wat se um un bi sik drog: dat weern Gellerts geistliche Lieder un Gedichte, wo se mitlänner in to lesen plegg. Se seeg inne Feern, as verhör je sif, wat se lest harr, ob se't noch wuß, oder as dach se der æwer na, ob se't of löv. Langsam gungn ęr Ogen herum un op em to, as he um de Eck treden weer — as man op en Stod oder Steen süht, so schin em. Gerst allmähli richten se sik würtlī op em, un eben so allmähli ging ęr dat Roth ute Bæden, bet se op eenmal ganz bleef utreep: „Thieß Thießen!“

Thieß Thießen weer vellicht noch bleker, un stamer un sä: „He wull blot noch mal dær den Garn gan, noch mal dat Hus ansehn, noch mal —“

„Awer mein Gott, wat denn?“ seggt se.

„Dch,“ sä he, „he muß je nu doch Allens verlaten.“

„Leider,“ sä se, „gewis, Hus un Garn,“ un se seeg æwer den Platz herum, „Mæl un Geschäft. Awer dat mæt wi je all, un dar kamt je wul noch mal wedder bẽtere Tiden, um torligg to fehrn, Batter is nich ahn Hofnung weg gan, un wi —“

„Wi?“ frog Thieß, un war noch bedrückter vun en Wort, wat leet as hör he mit derto, un he wuß je man to gut, dat he nu sin Plichten dan harr un gan muß, as all de annern Lüd int Geschäft.

Darop sä se, „Batter harr ęr seggt, wat to don weer, wenn Thieß vun Holland torligg keem. Nu leet sif't denn

doch je beröden. He weer doch am Ende de eenzigste Fründ, he war doch nich den Gedanken hebbu, er un ern Vatter of to verlaten."

„Gewis ni," sä Thieß, „so lang he deen' un wat hölpen kunn. Doch de Geschäft weern je egentli afwickelt un Frünn harr se je de Meng', de ganze Ort weer so to nömn. Also dar bruk vun em nich mehr de Red to sin."

„Dch," sä Reinilde, un schüttel truri den Kopp, „Frünn int Glück, wenn't Unglück kumt, sünd se nich dar, dat mæt wi of erleben."

„Awer mein Gott," meen Thieß Thießen, „ob Mamsell Hilda denn nich bi Landschriewers wahn?"

„Ne, gewis nich! Se weer mit en Mäden ganz alleen, un wahn noch int Hus ant Markt bi de Saken."

„Doch keem de Mamsell je wul dägli dar oder hier to er?"

„Keen Wünsch vun de Darn," sä Reinilde, un de Stimm feil er binah.

„Awer gewis keem He doch," sä Thieß indringli un as mit Angst, dat nu de Entscheidung keem, „he, de dat Glück nu je mit beide Hann gripen kunn: denn of noch Trost to bringn to de Lev, dat weer je duppelt Glück un rein as vunn Himmel."

„Awer, mein Gott, wer denn?" frag Reinilde ganz verwunnert, as harr se gar keen Ahnung darvun, wo Thieß hindüden wull.

Doch as de nu den Nam vun de Secretair al oppe

Lippen harr, un noch man half mit dat Wort herut weer, do ging dat so sunnerbar æwer dat schöne Gesicht hin, as kunn Lachen un Ween' sik aflösen inn Ogenblick, doch ok en lisen Spott wull sik wisen, vertrock æwer eben so rasch as en lütt Wulf ann warm Morgenhimmel, un mit en Ton, womit en verständnig Schwester wull en eenfoltigen Broder torecht wif't, — un de Ogen fungn an to lachen darbi — sä se:

„Also dat heft du lört, Thieß Thießen? lört vun Batter un vun mi? den Mann? ik will nix anners seggn!“

Æwer Thieß hör egentli nix mehr. Em weer ungefehr, as fungn de Klocken an to liden, vun de man seggt, dat se Oftern un Pingsten toglik inklingt. Jedes Wort drop em, as stunn he dicht darünner, as he wul ehr dan harr op den Thorn dar ant Markt, un denn weer't em, as war he allmällig ut en Binn rutwickelt, de em de Ogen toholn un dat Hart bebrängt harr, dat he weder recht mehr harr sehn noch athen kunnt. Un as se noch mal na en lang Bedenken nich ahn en Bærwurf sä: „Bi so vel Totrun vun Batter un mi, heft du dat löben kunnt?“ do fregen de Klocken em ünner, do greep he er Hann un sä:

„Inne Angst vun min Seel, Reinilde, un inne Demoth vun min Harten, och! ik heff nix lövt un wag' nu noch weniger to löben, denn wenn ik mi nu irr un feiln de, so gevt vær mi keen Weg, as . . .“

Doch he harr noch nich utrødt, so föhl he al den Druck vun er Hann, de he fast holn harr, de eenzige Druck, de em sä, dat he't wagen kunnt to löben un dat he

sit nich irr. Do trocken de Wullen em vun sin Ogen, de em sit Jahrn de Welt verdüstert, de em nu den ganzen Weg inhüllt harrn in sware Dröm un Gedanken, un as he sit opricht un glückseli gr de Hand un de Mund küß, do bruk se em dat nich mehr mit utdrücklige Wör to ver-  
sefern, do muß he't in un ut sit süln al gewis, dat se em leef hatt harr al lang, dat se gedüllig tövt, bet em de Ogen opgingn. Do warn alle Kleinigkeiten vun fröher grot vör em, un ewer en lange Tid rüggwärts harrn Telen en Bedübung, de he blot ni wagt harr uttöü-  
den. —

De Iritsch sung sin Leed un de Afazienbom weeg sin junge Bläd, as de Beiden stunn Hand in Hand, un nu tosam nochmal de Tiden glückseli æwerdachten, de he sit hüt morgen al mal dærdacht harr alleen, un æwerlen, wat inne neegste Tokunft to don weer. —

To æwerleggn weer nich vël, denn dat gev nich vël verscheeden Weg'. As Thieß man muß, dat Reinhold Nissen nix gegen em hebbn war, as he hör, wat værn Bertrun he gegen sin Dochder æwer em utspraken harr, do weer't bald beraden. Se müssen eerst mal op un dar-  
vun; ob se mal wedder kam' un wat vun dat Gewes' hier anfaten kunn', muß de Tid wisen. Thieß muß vör Allen eerst den Dien achterna. He muß Reinholde irgendwo ünnerbringn. Em schin Kiel am besten vör gr. Sun-  
nerbarer Wis' weer de Familie ganz ahn Verwandten. In Kiel harr Nissen awer noch ünner en Stück Gewes'

an en lütt Dampmael. Dar dach Thieß dat Geschäft an-  
tosaten.

So beraden se herum, bet Stunn verlopen weern, ahn dat se in er Glück darum wis warn. Denn all't Düster vör de Tokunft weer hell Sünnschein vör en junge Kraft as Thieß, un Reinhilde harr in dis sware Tid genug Kummer leden, weer so demödig un drückt warn, dat se geern mit hœp un mit opbu vör en betere Tokunft, un sik mit dregen leet vun en nie Hofnung.

Thieß sin ol Moder muß al lang, as de ganze Ort, dat er Sœhn wedder to Hus kam weer, un wat noch vun Nissen sin Warcklud, Handwarfers un Arbeiders nableben, dat hœp op em, as de Mann, de en groten hollandschen Geldsack mit un Allens wedder to Gang broch. De Beiden dachten natürlích gar nich daran, dat Minschen op se töben un lurn un Annerlud of en Recht harrn op Thieß. Se keem' eerst to sik fülbn un to so'n Gedanken, as en lütt frumme Gestalt, nu an en Stoc, sik langs de Stiegen fleek un mit grote ängstlige Ogen am Ende an se Beide behangn bleef, as seeg se en Unglück oder en Wunder. Se stunn en Ogenblick still, denn war se lank as en vullwussen Fru, un mit de Stimm ut er Jugendtid, de er wedder vœrswœben much, reep se: „Min Sœhn! min Kinner! Gotts Segen un min!“ un denn huf se wedder tohopen, so kleen, as se je west weer. —

Dat gev vör enige Tid noch genug vör Thieß to den: mit dat Lager, mit de Böker, mit Gläubigers un Schuldners, mit Möbeln un Werthsaken, de man beholn wull oder muß. Dar hör en geschickte un gedüllige Hand

to, dat harr nix as Truer un Verdruß geben, harr em nich dat heemlige Glück æwer Allens wegdragen. Heemli blev dat. Keen Minsch weer't velliicht opfulln, wenn Thieff un Mamsel Nissen as en Brutpaar optreden weer, man reken den Verwalter al lang as en halben Herrn un as Een uten Hus' un de Firma. Keen Minsch dach æwer of jüs daran, wenn de Beiden vel tosam sehn warn, man wuß je recht gut, wat se tosam to don un to kriegen harrn. Dat grot Gewes' stunn je dar as en utpust Eischell. Dat harr wul en Egendömer an Nissen sin Hauptgläubiger, de kunn der man nix in opstellen un nix ut maken. He leet værlöpi Allns tosluten, as man en Dodentapell tomaft, wenn't Allens værbi is. Natürlích en beten Opseher un Inwahrner blev an jeden Placken, un de Dellsten vun de Arbeiders funn dar so er Gnadenbrotstfell, se bleben as dat Brack vun en grot Fährtüg, wat so gallant harr See holn in Storm un Wedder menni Dag. Un dit keem of endli mit Thieff sin Hölp allens torecht. Baas huck op een Mael, Geert op de anner, klein Anna wull nich ute Heid, un wenn man er in Gold harr faten un ünner Glas harr setten wullt. Se blev in er Hilschen, wat Thieff vær er alleen torecht maken leet, denn Jan Willem weer richti mit de Herr gan, he un de Herr tosam — op Værposten. Se blev un heel en beten mit Opsicht op Hus un Garn.

As Thieff un Hilda tum lesten Mal ut de grot isern Port gingen un de swar achter se int Slött full: do segen



se sit noch mal wehmödig awer glücklich inne Dgen. Se ahn', dat se nich wedder keem'. Se verleten de Heimath, um sit en annere nie to söken. As se nochmal, tum letzten Mal, unnie Heid spazeern gingen, um noch eenmal jeden Platz un Placken to besehn, do dropen se of noch op Onkel Justus, de in disse Tid na un na fast en annern Minschen warn weer. He harr sit bi de Smuggeli un Handel en beten erworben, dat war em en Stütt, wo he sit eerst an heel un denn an opricht. He söhl sit fri, he hung vun keen Minsch, vun keen sin Gnad un keen sin Vun mehr af. Leet he of dat Swarmn ni ganz na, so war't doch „nobler“, as he sä, he seet ni mehr bi Greten Geosch, grot Mat oppen Disch, he drunk sit en „Rittien“ ordentlich ut en Glas mank ordentliche Lüüd. Dat kreeg so to seggn en „Form“ mit em, un sin Amt as „Schaumann“ inn Ort verlor mehr vun den Bajaz un kreeg mehr vun den Bullmacht. He weer keen gewöhnlichen Minschen, daræwer paß he mehr in de ungewöhnliche Tid. He seeg mit Bullgefalln op Thieß un Reinhold, seeg of glif, wa't um de Beiden stunn. He schoof den Hot en beten scheef, um sit mit de Hann en beten ant Ohr to kraun, un sä: „So recht, Thieß Thießen! dat heff ik ni jümmer dacht. Du kunnst mehr, as all de dummen Jungs, de ut Möldorp mit de roten Mützen wedder kamt. Is man schad, dat Si inne Fremden gat. So wannert dat ut, de Besten gat jümmer dervun, jümmer in de Fremden, Baderland hebbt wi ni — Wat denn? — Hebbt wi? Dittmarschen? ol Dittmarschen? Rumperie! Wo is't? Tum Döwel is't, sit lang! Rix

hebbt wi, nix sünd wi, uns fehlt de Matschon! Wannert man ut! Dats beter! Adjäs!“ Un darbi schoof he den Het, dat he Blaumandagsstellung kreeg, un as in en drullige Art vun Bertwiflung æwer Baderland un Matschon, stempel he dervun. — Thieß harr frilich ok op en Art so'n Gedanken. He war je ok egentli verdreben. War denn ni am Ende all't Stück hier entwei slagen, wat düchtige Hann gründt un opbu't harrn? Awer de Menschen weern domals, as drev dat Geschied se un nich de Dummheit vun de Milljonen. Weder Thieß noch Nissen harrn wul en Ahnung, wa vele vun unse Besten noch jünmer fort müssen, utstött warrn un utwannern ahn en Heimath, wil se der nich herpassen.

Awer de der nableben, dat weern se, de harrn dat Räsonneern. Dar funn Wittgarwer Löhnert Sünndagsnamiddags umme Heid spazeern gan un sin Weisheit utreden. He funn schnell bi den Schibenwall op de Epistelanten un de Sabbatschänders un den Stod inne Höch heben mit den golln Knop, um op Allens hintowisen, wa't verfull, un dat he Recht harr un Recht hatt harr un Recht beholn war — so lang op de Welt de Philisters regeert.

Ja, dat verfull, de Garn, dat Garnhus, de Maaln, de Gebäden. Denn de Seel weer der herut un trock nich wedder in, as menni Bagel in sin old Nest. Dær den Tun broken de Jungs, ol Garner Heul — ja, wo weer he bleben? Int Garnhus smeden se de Finstern in. De Regen ging dært Dack, Bæn un Fotborrn verröten un fulln tosam. De Hauptcreditor war unsinnig ut

Arger, dat nix ut den Kram makt warrn kunn. De grote Mael ant Markt war dalreten un leeg in Stücken oppe Hoftstell, de Mann leet sin Wuth anne Saken ut, toeerst an een, de't am meisten föhln leet, wenn se't ni fölbn föhl. De ganze Heid schull't sehn, wat se an Nissen hatt harr. Statt en Geist ging't as en Gespenst um, dat ganze Nissensche Gewes' war spökele. Am Enn de de Mann en Hauptslag. He verkoff den Schibenwallsgarn an den Grossmid Stömer. Nu geef't noch eenmal lustige veer Weken vör jeden echten Scholjung, un en Truer vör jeden Mann vun Geföhl. De Smid mit sin groten Jungs hau de Böm dal, Stück vör Stück. Een na de anner gnaschen se hin un nül'n se den Kopp to Ger. Dat Garnhus war dalreten, de Steen warn verkofft. Dat Land war umgrabt un Kantlöffeln warn der bu't.

Aken Wunner, dat weder vun Reinhold Nissen noch vun de Sinigen jemals wat wedder na de Heid keem. Wa kunn se't ansehn? Wa harrn se't utholn? Man hör blot, dat se't gut ging. Thieß Thießen harr toeerst ünner sin Nam dat Geschäft wedder in Kiel anfang' bet stillere Tiden keem' un de Ol seker torlugg kam kunn. Denn verswunn' se ok ut Kiel, ut't Gesicht un ut de Erinnerung fast vun de, de torlugg bleben.

Wer awer nu umme Heid spazeert, den ward velliht noch en Platz wif't, wo nu en Grimmelwimmel vun lüttje Hüf' stat, un em ward denn velliht vertellt, dat dar mal sik en Garn utbree, twee Morgen grot, mit Dann

n üln den Kopf beugen.

as en Heltung, en Garnhus mit Schieferdach, un dat de Mann, de Allens gründ't un plant un de Mael dar inn Schibenwall, de noch steit, bu't hett, en echt ditmarscher Jung weer, Lüttjmanneskind ut Büsum, Matthias Reinhold Nissen mit Nam, un vellicht weet denn noch Jemand genauer, as de, de dit schrift, wat ut sin schöne Dochter warn is mit de herligen groten swarten Ogen, un Klein Anna ern lütten Flaskopp, Thieß Thießen, de Verwalter. Blot dat Een weet he of seker: dat se glückli warn.



## Vermischte Gedichte.

---



### Quickborn.

Mal weer't en Tid, de weer so schön,  
Dat Glück dat trock mi daer un daer.  
Do war mi fast dat Hart to fleen,  
De Lust en Last, wo ik an bær.

Wer harr se drögen kunnt alleen?  
Harr ik keen Mund to spröken hatt,  
Ik harr se ingravt inne Steen,  
Se frizelt op en flegen Blatt. —

Do keem daru en sware Tid,  
Dat Unglück war mi fast to grot,  
De Vost so enk, dat Hart so lütt,  
Un ik as dalbögt in min Roth.

Harr ik to spröken hatt keen Mund,  
Un noch en Fründ de na mi hör:  
Dat harr mi bögt bet annen Grund,  
Dat harr mi drückt bet inne Ger.



Do schrev ik allens in en Bet :  
 Min Freud, min Kummer un min Lev,  
 Dat quiek mi füllst un Anne et,  
 As wenn ik't jüs vör je beschrev.

Dat dankt wi di, min Moderstut,  
 Min Badersprak, so slicht un wahr :  
 Du kumst as ut den Quell herut,  
 Un spiegelst allens still un klar.

Un föhlt dat Hart sik as erlöst,  
 Dat swar an Glück un Kummer drog.  
 Büßt du't, de as en Moder tröst :  
 „Kumm her, min Kind, wat feilt di noch?“

### In Düstern.

Ik gung int Holt in Düstern,  
 In Düstern alleen,  
 De Böm de stunn to flüstern,  
 De Maan weer to sehn.

Dat blinker mank de Twigen,  
 De Bageln weern still,  
 Min Hart wull doch ni swigen —  
 Beet Gott wat dat will.

### Na'n Haben.

De Steern un de Wulken —  
De gat dar so schön,  
De Duben un de Swulken  
Künnt of na'n Heben tehn.

Wi arm stachel's Minschen,  
Wi wantt herum op Eern:  
Hebbt doch en Hart to Wünschen  
Un Ogen vör de Steern.

---

### Summer.

Wohin schall ik mi wenden  
In disse Summerstid?  
Dat blöht an allen Enden,  
Dat blöht op wit un sid.

De Blöm de kann man plücken,  
De Tid de hollt ni still,  
Dat Glück mutt sülsen glücken,  
Dat kumt man wenn dat will.

Dar stat vel Steern an Heben,  
Wer wünscht sik een hendal?  
Ik much wul allens geben,  
Schin mi min Steern man mal!

### Geduld.

Dat kumt wul mal — de Welt de dreiht —  
 Dat wackli ward de ganze Wand,  
 Un wenn dat so koppheister geit,  
 So ward Een füllsten blümerant.

Denn is't dat Best, man lett dat gan,  
 Süht ruhi to, wohin se will:  
 Blistt man dat Hart Een fast bestan —  
 Dat Anner hollt wul wedder still.

### Idyll.

Ol Bremen mit sin Rathhus un sin Dom,  
 Sin Rathhuskeller un sin Risen Roland  
 Liggst achter di, in Smok un in Gerös'.  
 Du büst int Frie, lat se dar man wogen!  
 Dat is nich allens Glücksal, wat der schint,  
 Un jüs keen Unglück, wo dat Gaslicht mangelt.  
 De Welt is drullig: mennimal opt Sand,  
 Jüs, wo man meent, nich mal en Unkrut wurzelt,  
 Dar waßt en Blom, as hier de Weg entlant,  
 Un gar en smucke, de du plücken mußt.

Du büst int Gröne! Lat se man betzmen,  
 Un quäl di nich um Annerlüd Bedriben.

Smok Rauch, Nebel. Eine Puffatille wächst im Dünenande der Weier.  
 betzmen laten gewähren lassen.

Is't hier ni nüdli? Frisi nix to sehn,  
 As muß du rut de Hut un uten Arthen,  
 Doch prächti grön, anmodig un bequem,  
 Dat Dg geit lisen rærwarts as din Wagen.  
 Læhn di torlugg un sit di æwerher!  
 Gedüllli geit dat Beh, so gat de Winqschen,  
 So treckt de Wulken, un de Lurken singt.  
 Du kannst of slafen, dat is warm genug,  
 Un wenn du wedder opwast — wesp' ni bang,  
 Dar's nix verlarn, dat Grön is noch so grön,  
 De Welt is noch so grot, as du man sehn kannst,  
 Noch jümmer drippst du Hüser hoch un sit,  
 Drippst Kinner de der spelt un Lüd de arbeitet,  
 Un Ruh un Frëden, Leben un Geduld.

Bellicht of giffst dat mehr: en beten Water!  
 Dat weckt Een nüdli ut de Wagenrau,  
 Besunners wenn dat warm in Sünnschin blinkert,  
 Un, wo dat treckt, de Wiecheln stat un nückt.  
 Of wast de Botterblöm dar geern int Kethgras,  
 Un Bageln bu't dar, un de Junges fischet —  
 Tomal ann Sünndagmorgen, so as hilt.

Denn steit wul of en Vader mit to lisen,  
 En desti Grotknecht inne witten Maun,  
 De Hann in Tasch, de sunst den Spaden jat,  
 Inn Mund de Pip, de he des Warfdags schont.

rut de Hut aus der Haut (fahren).      sit niedrig.      Eut Verdr.  
 Wiecheln Weiden.    desti derb, kräftig.    Maun Hemel, Hemdsärmel.

Dat Water löppt sin Weg an Hüs' un Wischen,  
So leet wi of, as uns de Wagen föhrt.  
Doch höert wi geern noch na de Watermael  
Un seht dat Boot mit blanke Rodern na,  
Wat lisen hin glitt op den blauen Grund.

Hier wennst wi uns. Sieh an, nu kamt of Hölter!  
„Man langsam“ denkt de Kutscher un de Per, —  
Nich jüs vör uns, damit wi dat betracht't  
Un wul bedenkt — doch geit dat an barg an,  
Wenn't regent kann man't sehn: hier löppt dat hin,  
Un dar maet wi herop, bet na de Karf!  
Bi't Weerthshus harrn de Per wul Lust to drinken,  
Doch wider maet wi! noch en Vertelstunn! —  
Ja, dat sünd Strecken hier! Schull man se truppen,  
Dat war Een fur warrn! Also heff Geduld!

Nu kumt de Mael de utfüht as en Spinnwibb!  
Nu kumt de Brügge mit roth un witt Gehäng!  
Rechts nu dat nie Landhus vun den Möller!  
Links noch de Tollbod — un nu sünd wi dar!

Hier langsam Kutscher! — Doch, he weet dat al!  
Wi maet dat hier besehn! Dat Nest is staatsch!

Of drept wi't gut: De Karf is eben slaten,  
De saubre lüttje Ort kumt uns to Möt.

truppen friechen. Tollbod Zollbude, Zollhaus. Der Ort ist besetzt  
a. d. Weiser, meistens von Sectaritäten bewohnt.

Sühst du de Köpp? Wa brunn de meisten sünd?  
 Wa stramm se gat? Wa fast de Ogen fikt?  
 So'n egen Art vun Egen inne Feern?  
 De Fruns dargegen sünd as Miel un Blot  
 Un all in Staat in swarte siden Kleider.  
 So sünd de Hüser: glatt, as weern se börrst,  
 De Straten schrubbt, de Finstern aspoleert,  
 Un achter jedwer Regellen un Rosen!

De Lüd hebbt Recht. De Meisten de der gat,  
 Dat sünd „befahren Lüd“, un nich vun güstern!  
 De hebbt den Dod al inne Ogen sehn.  
 Un Storm un Waggen um er defern Planken.  
 De dankt keen Annern as er egen Hann,  
 Berlat sik op keen Annern as er Ogen.  
 Wenn de mal faste Eer mit Föten pett,  
 So pett se seker to, mit faste Hacken,  
 Un wüsst geneten wat de Eer se bütt.  
 De dingt nich um dat Leben, nich umt Geld,  
 Dat is en egen Klaaf — so is dat Seervolk.

So, Rutscher, links! — Hoch awer weicht en Fahn!  
 De Mur man langs! — Zieh so! Un hier 's de Port!  
 Wi maht se apen — buten blifft de Welt!  
 Wi maht se to — nix kumt uns achterna,  
 Nix kumt herawer as de Klockenklang,  
 Un Bageln in de Böm mit Voof und Schatten. —

lugen gucken. börrst gebürstet. deker dünn. verten treten.  
 bütt bietet.

Nu seh di um! — Wat dünkt di to den Garn?  
 Un to dat smucke Hus mit apen Dær?  
 Dat Water achter is de Weserstrom.  
 De Stigen föhrt dar machelig hendal,  
 Wi gat dennöf einmal un sett uns hin,  
 De Schep to sehn, de dicht vœrœwer segelt.

Sunst, wat de Ogen achter reekt, sünd Wischen;  
 En Insel hier; wat achterhin en Mael,  
 En Hartdörp dar, if weet nich mal den Nam,  
 Glündsit is jümmer wit, man kumt der selten,  
 As mal en Abend in uns lüttje Bot,  
 Wenn't gar to still un warm un lurig is,  
 Un Een dat loekt mal dicke Melf to eten.  
 Denn gift't dar rennlig Buernhüs' genog.  
 Un fründli Fruns, un Wulstand, un Genög'.

Wa's mægli?! röppst du, hier en Paradies?  
 Dicht bi den Nordpol?

Ja, min gude Jung,  
 Bel is der mægli mit Verstand un Kraft!  
 Zieh Em man an, de dar nadenkli geit —  
 Hann oppen Mügg — de kunn wul mehr as dit!  
 Em is dat dicke Haar umsunst ni bleekt,  
 De hett den Kopp wul brukt woto he gut is.  
 Doch geit sin Schritt noch seker, un sin Og,  
 Wenn du dat ansühst, lücht em vuller Kraft.

apen öffen, kuten draußen. machelig gemächlich. nöffen nachbei.  
 lurig still, geschüßt. rennlig reinlich.

Un lidsam is he, gar ni as en Löw,  
As dat wul lett, sin Hart is weef as Botter.

„Halloh!“ Dar röppt he! Junge, wat en Stimm!  
Ni wahr? Den mutt of Hart un Boff gesund wen!  
Wi gröt em nößen! —

Stell di hier torügg! — —

Sühst du dat Mäden dar den Stieg herop kam?  
Langsam — so geit se — mit en Schäferhot —  
Slank — as du süht — un zierlich op de Föt —  
Se süht sik um na jede Busch un Blom —  
Hier bögt se wat — stellt dar wat inne Höch —  
Geschäfti — doch en mehr noch still bedächti.  
Ja, süh of man den Kopp, nu se herop kumt  
Un sik herum wennt all un æwerall,  
Dat Og nadenkli noch mal allervwärts,  
As harr se't all bedacht un allens erinet  
Un lē den Seggen nu in Gottes Hand:  
Denn, fierlich — so steit se. — Gegen Heben,  
Hoch as se is, so wiest sik ęr Gestalt.  
Se nimmt den Hot af, hangt em æweren Arm  
Un strakt dat brune schöne Haar torügg.  
Dat op den Nacken hangt in dicke Flechten.

So! nu is't fertig! Noch en raschen Glup,  
Un flink op smale Föt un slanke Knoern  
Swepst se den saubern Stieg na't Hus hentlant.  
Do röppt de Batter! Within schallt dat: „Doris!“

lidsam freundlich, lenkbar. lē legte. Glup Blick. Knoern Knöchel.



Seegst du de Dgen? Hörst du wul ȝr Stimm?  
 Wenn d e einmal statt „Batter“ seggt „Min Leefste“,  
 Wen d i s se Dgen mal mit Gunst betracht,  
 De Mund em küßt, de Bessen sik nich wegert,  
 Dat Hart em sleit, beruhigt, in sin Arm:  
 Wat meenst du: Is de Mann nich half uns Herrgott?  
 Is't nich en Glückeskind, utföcht vör de Welt,  
 Dat mal uns Herrgott en Exempel wis',  
 Wa he en Minschen selig maken kann,  
 De't nich verdeen? Segg an, meenst du't ni so?  
 Ik seh di't an: Jawul, un du hest Recht,  
 Denn ik bün disse Mann, ik kann dat weten,  
 Bün de dat hett, un de dat nich verdeen,  
 Un sta hier nu mit solte Hann to wünschen:  
 Lohn Gott ȝr wat en Minschenkind nich kann!

1559.

### De Bläder fällt.

Nu welst se hin de gröne Welt, —  
 Hier is ȝr letzte Gruß:  
 De letzten smucken Blöm op't Feld,  
 Ik bunn se to en Struß.

Wenn nu de eersten wedder blöht,  
 — Wat meenst du, ward se sam'? —  
 Ȝv Gott, dat wi se wedder seht,  
 Wi beiden, so tosam!

weten wißen.

Ward't denn of noch so grau opt Fjeld  
 Un ward dat noch so fahl:  
 De Hofnung hellt se smuck, de Welt,  
 Ze blöht uns bald noch mal!

### Trost.

Wenn't of mal weih't un regent, —  
 Wenn Gott uns beiden segent,  
 Un lett uns man tosam:  
 Dat mutt uns allens baden,  
 Wat künnt de Wulken schaden?  
 De Sinn mutt wedder kam.

### Spruch.

(Unter das Bild einer alten Frau am Herde.)

De Welt de löppt, de Tid de geit —  
 Weest wat se taken und maken deit?  
 En byten Sorgen vör jeden Morgen,  
 En byten Plag' vör jeden Dag,  
 En byten Hapen vör jeden Aben,  
 En byten Hach vör jede Nach —  
 So weer't vör leden —  
 Wēs du of tofreden!

baden nugen. Kant Zeite. Hapen, Hapen Hoffnung. Hach  
 Behagen, Ruhe, vör leden früher, von alt her.

# Min Jehann.

÷ 1860.

So gingst du denn to Niek, Jehann,  
Un leets mi hier alleen.  
Du makst din Ogen to, Jehann —  
It warr se nie mehr sehn !

Kumt morgens nu de Dag, Jehann.  
Wer weckt mi fröhlich op?  
Un geit de Maan to Nacht, Jehann —  
Wer süht mit mi hinep?

Doh wul ! Du wußt Wokeen, Jehann.  
Un heft of tövt so lang' !  
Leets mi nich ganz alleen, Jehann,  
In Sehnsucht un Verlangn.

Du bleevst un heelst di op, Jehann,  
Bet if de Leefste kreeg.  
Nu lat uns Gott tohep, Jehann,  
Bet if di wedder seeg !

Noh, Nau Ruhe. leets ließen. woken wer. töben wachen.  
heelst di op kieltest dich emper. tohep zusammen.

# Min Otto. En Breef vun to Hus.

(An Otto Zahn.)

It schick di geern en Vers so got,  
As weer't en Struß ut Rosen roth,  
Opfchaten ut min Hartensblot,  
Min lewe Otto,  
Oder as en Holsteensch Botterbrod  
Mit Kieler Sprott to

So recht en Strüßchen, dat di rükt,  
As harrst du eben süllst di bückt,  
De leeffsten Blöm di söcht un plücht  
Dar in den Gern,  
Wo mal din Finster ræwer list  
Ber menni Jahn.

So schull dat wæn, wenn ik di schrev:  
As weer't en ol verleggtten Breef  
Ut schöne Tiden, tru un leef,  
Doch as vun güstern:  
Wußt rein nich wo din Hart di blev,  
Du weerst as bistern.

Dat broch di mit einmal torügg,  
Dat weih di lisen umt Gesicht,  
All wat di drückt dat war di licht,  
Uln Lev un Freuden,  
De sän: Kumm her! Wer hett wul nicht  
Ok mal wat leden?

Otto Zahn geb. in Kiel, gest. 1869 als Prof. in Penn. bistern  
bistern verwirrt.

So na ol Kiel un Holsteen muß  
 Dat smecken, as en Værjahrgruß,  
 As weer noch allens junk in Schuß,  
 De Sinn ann Heben  
 De schin hendal de ole Lust  
 Op all wat blyben.

Of noch en Blatt vun Krusjesie  
 As Süündags Kükelsch hör darbi,  
 Un vun Lavendel'n süttten Twi —  
 For beer un Nelken  
 De do't wi an de Supp, un sieh,  
 Safran of Welken.

Doch Spasß bi Sit! Ik much de Blöth  
 Ut menni schüchtern still Gemöth,  
 De oft ik sehn heff to din Föt,  
 — Di ganz verbergen —  
 Di plücken to en Struß, de smödt  
 In Mög un Sorgen.

Of much ik vær dat Vaderland,  
 Obschons du wit un sit bekannt,  
 Un mit de Besten in Verband  
 Bunne Besten Gen,  
 En Kranz di binn mit Dichters Hand  
 Hü t duppelt schön.

Krusjesie Salbei. Twi, Twieq Zweig. Nelken Nägelein und  
 Nelken. Welken Ginige. smöden geschmeidigen, wohlthun. Hü t am  
 Tage seines Doctorjubiläumä.

Bun Vappens liggt dar of en Tall,  
 Al dann un wann versöch ik 't mal,  
 Un schrev dat slicht un oprecht dal,  
 As ik dat meen,  
 Dat di 't redt mat na 'n Harten hal  
 As Mennigeen.

Doch gung dat nich. — Sprökt ik to di,  
 Hör Otto! Dat is wunnerli,  
 So fällt de schlechten Wör mi bi,  
 So slicht rein hin,  
 As kunn ik blot dat Wort vör di:  
 „Min Otto“ kunn!

Dat giffst so Welt, de sünd to neeg.  
 Wenn 'n darmit snack, as ob man schreeg.  
 As ob man se vun widen seeg  
 Hoch oppen Thorn,  
 Dat weer, as ob man Backen freeg  
 Anne egen Ohrn.

So gung mi 't of mit min Zehann,  
 Wi stunn un harrn uns bi de Hann —  
 Dat beste watten snacken kunn,  
 Is denn: Min Broder!  
 Gott heff em selig! He's dervan  
 Bi Vader un Moder.

halen wehen, hauchen. schreeg schrie. watten was (siner).

Du büßt mi bleben, beste Fründ!  
 Un süh, so lang as't uns noch gönnt,  
 Dat wi tosam hier baben sünd,  
 Pat't man so bliben!  
 Wenn anner Lüüd dat beter künnt,  
 Mägt se di't schriben!

So nimm den Vers, as if em bring,  
 Kann it em di nich beter sing' —  
 De Lev is jümmer'n narrsches Ding,  
 Min lewe Otto! —  
 Doch dat di't ferner wul geling' —  
 Dar hölp di Gott to!

1862.

### Einer Braut in der Fremde.

Die Fee spricht:

Du kennst mi nicht?  
 Oder kumt di't as't in Slap den Minschen kum  
 Wo de Gestalten trecht as trocken Wullen,  
 Un mit Verwunnrung süht dat Hart se an.  
 Denn awer kloppt dat lud: de dar! dat is se!  
 „Wer denn? woleen?“ Och se! de Genzige! —  
 Un Ruh un Freuden breedt sik awer di.

So kumt di dat — as sungn int Holt de Bageln,  
Un æwern Kopp dar hung dat grön Gewölz,  
Dyt wele Maas dar gungst du hin, as swepst du,  
As warst du ophëvt vun den Bærjähreduft.

Steit dar nich Stamm bi Stamm as in en Dom?  
Un Aft recht hin na Aft mit slanke Twigen?  
Dar geit dat lisen dær, dat geit as Athen,  
Un mant de Büscher singt de Nachdigal.

So kennst du mi! so gah it wær di op,  
So gat wi an den Strand un sammelt Muscheln.

De Fotweg hoch ant Dwer liggt in Dau,  
De Böken dect em, un de Blöm bekrängt em,  
De Sünne schint op den Sand den Afschlag dal.  
Dar streckt de blanke See sik as en Plan,  
Glatt as en Spegel, as de Hëben blau,  
Un Segeln blinkt dar as de Watervageln.

Wohin? wohin? — Een treckt dat Hart je mit!  
Wohin? — Wat hett de Feern? wat locht de Seel?

Wenn hier de Himmel daut, de Dgen thrant,  
Dat is keen Vengn: dat Glück is blot en Wunner!

Kennst du mi nu?



Dat Land is kleen, still sünd de Minschen dar,  
 Grot is dat Hart blot, sünd de Böm, de See.  
 Dar weiht en Luft, de weiht as gung de Freuden,  
 Dar is en Art Geheenuis as de Rau.  
 Dær Wold un Feld un dær de Minschenseel,  
 Dær Busch un Brok un æwert Water treckt dat.  
 Wer is dar kam' — em keem wat as en Ahnung,  
 Absonnerlich, he wuß nich mal wosüß :  
 Un gung he — seker, wenn de Unruh kumt,  
 Ob Glück, ob Sehnsucht, de de Vost em engt,  
 Denn kumt dat wedder, as en Wulk in Drom,  
 As em de Jugend kumt, dat Rinnerpill,  
 En Blomgeruch, de warme Fröhjahrsün,  
 Dat wat em mal de Seel fat deep un still :  
 So kumt dat, dat bün ik, so gröt ik em,  
 So kam ik in sin allerschönsten Stunn  
 Un in sin swarsten, un he kennt mi wedder.

Dat Glück to söken geit en Jeder ut.  
 Wer hett dat funn? Kann he't nich Anner wisen?

Man seggt, dat liggt deep inne egen Vost,  
 Dat waßt nich oppe Eer, nich ünner'n Himmel,  
 Keen kann dat wisen, Keener kann't begripen,  
 Denn wenn dat kumt, so seggt dat blot as ik :  
 Hier bün ik! och un nimt de wide Flucht  
 Wenn't denn ni wedder klingt: Nu bliv! ik kenn di!  
 Getöf' un Unruh litt dat nimmermehr,

Busch un Brok Gebüsch und Wald. wosüß wie.

Nich Lengn un Langn un Wünschen, Kenn' un Lopen ;  
 Denn wenn de Welt kumt mit er Schin un Staat,  
 De Eitelkeit, de Stolt, dat Glück to wiesen,  
 As man en Bild wiest an de Stubenwand,  
 Un wenn man't süßn bespegelt un bekitt,  
 Nieschirig un begehrlieh, ob't of richtig :  
 Denn flüggt dat, as en Bagel den man hollt,  
 Weg dær de Fingern inne blaue Feern,  
 Un kumt nich wedder, ob man locht un bedt.

Ne, Tru un Glauben, sieh, se sünd vun Nöden,  
 Un nix verlangt mehr Glauben as dat Glück.  
 Dar is keen Band, keen Klammer un keen Heft,  
 Keen Bur un Käsch de dat bindt un fasthollt :  
 Stillsin un Glauben, se sünd dat alleen,  
 Geduld, wenn't of mal schint, as weer dat nich,  
 As weer't man half, as weer't nich ganz dat rechte.  
 Löv man un glöv un lat de Sünne man kam.  
 Se kumt je wedder as op Strand un See,  
 Blau jümmer wedder, ob en Wulf of kumt,  
 Frisch jümmer, wenn of mal en Nessel treckt.  
 Keem' nich de Blöm? de Büschel grön' se nich?  
 Du weest je! an uns Strand de Böfengang,  
 Un de dært Feld, wo lisen wog dat Korn!

So denk an mi! ik bün de Holstentru!  
 So spegelt mi de See umt stille Land,

So klingt mi't ut de ole Saffensprat,  
So süht mi't dar ut blaue Dgen rut  
Un ut den Heben de de See bedeckt.

Wenn't di mal kumt, as wull de Welt di ropen,  
De Unruh kam', de stille Globen wiken,  
Dat di dat Hart ni weer as dar bi mi,  
Wo wi ann Strand gungn un de Muscheln sammeln :  
Denn rop mi, un if kam di op en Wort !  
De Globen un de Tru bringt Glück un Ruh. —

### Vær de Smid.

(An Friedrich Gsmarch.)

„De Docters!“ seggt de Smid un lüfft sin Arm —  
Un wat værn Arm ! as Annerlüd er Been —  
„De Docters, hör mal !“ — un sin Stimm weer fin,  
Doch grof weer wat he sä, if seggt ni wider.

Genog, he harr of mal dat Feuer hatt,  
Un fraren harr he richti as en Snider —  
Un jüs den Snider heel he nu de Red,  
De bi em stunn vær Dær un fror un bower.

lüssen heben.

„En Snapps, wat ik di segg, en lütten Räm  
— Fru gah mal rin un hal en Lütjenborger,  
Of een vör mi! — un süh, un düchtig eten,  
Dat warmt de Mag!“ — un darmit schenk he in.

Doch weer der noch en Gast, de of een much —  
Denn dörfstige Seelen wannert geern to Smid,  
As lahme Per — un of de Docters kenn:  
Steenklopper weer dat, mit dat korte Been.  
De seggt: „Jawul!“ un lang na't eerste Glas,  
„De Docters kenn ik, Nower Smid hett recht,  
Arjen un Speck, un denn Gesundheit! Snider.“  
Un darmit drunk he ut bet oppen Grund.  
„De kenn ik vun min lange Reif' na Kiel.

Dar giff dat Docters as Kantliffelarten:  
Vör Tähn, vör Lisdorn, vör dat Innerlige,  
Of blot gelehrte Docters vör de Böker,  
De gar nix nützt, ni Beh noch Minschentinner,  
Un Een, de Allens snitt — as hier en Garner.  
Dat mutt ik seggn, min Been hett he kureert,  
Un leet mi eten — wat se magt! — so seggt he.  
Doch op dat Sniden, seggt man, is he happi,  
Dat 's sin Pläseer, as Annerlüd dat Smöken.

Dar löppt en Koppel Volk mit blaue Brillen  
In Kiel herum, wat meenst — Ogen derachter?

Lütjenburger Rummel ist berühmt. happi begierig.

Ja, as man seggt, so well ut Buttelglas,  
 Doch ganz natürlich un vun schöne Farv:  
 De brun, de grauen — as se jüm gefallt.  
 De olen snitt he weg as wi de Nägeln.  
 De nien nehmt se jeden Abend ut  
 Un leggt se in en Kumm mit Pumpenwater,  
 — Værstichtig, se sünd dürr — damit se afföht.

Wi harrn so'n Arfstück dar in't Hospital,  
 En Kerl den heel he blot to sin Vergnügen,  
 Ni mægli sunst, dat so Een leben funn!  
 Den harr he sickt vun Koppen bet to Föten,  
 De harr en feine Näs ut Höhnersfleisch,  
 Pasleinern Tähn, en Lappen vör de Mag —  
 Ik meen ut würtlk Fleisch mit Hut darawer —  
 As hier de Lappen op din Summerwest.  
 De Kerl sä süßn, he weer man half sin egen,  
 He dach of kum man mit sin egen Seel.  
 Denn sunsten, wat de Docter an em dan harr! —  
 He leet sik't smeden in sin leente Mag,  
 Doch harr he keen Gefühl as anner Minschen  
 Recht ut Een Stück, de Undant weer sin Leben.  
 De sä mi, as ik eerst den Docter seeg —  
 En leisi Kerl mit heel vergnögte Ogen  
 De ut en leddern Tasch sin Messen kreeg —:  
 Nimm di in Acht! so sä he, as he weg weer,  
 Du büst en Kerl, lat em nich an din Fleisch!

Buttelglas Bouteillenglas, pasleinern aus Porzellan, leisi sint.

Hett he't eerst sat hatt, ward em dat gefallen,  
 Wat blüfft, weet Gott! It harr hier en Colleg,  
 Dat weer en Kerl, if seeg di, as en Bom!  
 Denn hett he of besneden un beputzt,  
 Dar weer tolegt so wenig mehr vun na,  
 As vun en Deegpopp an en Wihnachtsbom,  
 Woran de Kinner veertein Dagen licht hebbt.  
 So sä de Kacker mit de Höhnernäs!

Rut keem he — dat is wahr — ut 't Hospital,  
 Un piddt nu Betelkröm, un wat min Fot  
 Bedrippt, den kreeg if beter, bet opt Sinken!  
 Un krieg if mal dat Feuer inne Mag —

It hint na Kiel un seeg: Min Herr Professor,  
 So seeg if — as if jümmer to em sä —  
 Hier is he, wenn he sunst to brufen is,  
 Se hebbt vör mi wul sacht en olen annern!  
 Er Hand is seker, un if bün ni bang!  
 Un vun min Hart — dar hebbt Se doch en Stück!

Un süh mal — seggt he to den Smid, de lach,  
 Un nück den bewern Snider mit de Dgen —  
 Echent in! denn so'n Professor is dat weerth:  
 Op sin Gesundheit!"

Un so hint he wider. —

1863.

Deegpopp Puppe aus Kuchenteig.  
 bewern zittern.

Betelkröm Betteltrumen.

## Sommerbild ute Marsch.

(Nach einem Briefe.)

Heuwagens hebbt dat hilt to aarn,  
Mi dünkt ik seeg den Summer fahrn,  
Un seeg ik Diem na Diem verswinn,  
So ward mi weh un swar to Sinn.

It gah un seeg mi hin un her:  
Se kamt mi as Behüsen vör,  
Un schint de Maan des Abends schön,  
So sünd se as en Dörp to sehn.

De hogen Bohn de rüft un blöht,  
Doch vun dat Fener suacht dat Reth.  
Seeg ik de Kleiers hier un dar,  
Denk ik: Wa is dat Leben swar!

Jawul! en Arbeit, swar un lang!  
Un doch so schön, vull Duft un Klang.  
Un seeg ik, wa sik allens freit,  
Bergeet ik, wa dat Leben geit.

Diem Heubauern. Zur Zeit der Bohnenblüthe pflegt das Marschfieber aufzutreten. Kleien graben, schwere Hauptarbeit in der Marsch.

### Inn Hart.

En Slick un Slamm is Weg un Steg  
 un alle Gröben blank,  
 Man selten kumt den Fotsstieg noch  
 eensam en Minsch entlant.

En Wagen kann nich dær den Klei,  
 un ritt der Bul to Per:  
 Denn spreit de Slamm — dat's Noth un Dod,  
 de jagt der wild hendær.

Wenn so des Nachts de Regen pallscht  
 un Wind un Haff is lud:  
 Wer glücklich is, de blifft to Hus,  
 un jagt keen Hund hinut.

Doch menni Seel de drifft de Pin  
 un menni Hart de Sünne,  
 De söcht un bedt, de flöht un schellt  
 un kann den Weg ni fin.

Denn gnad' em Gott bi't Scheringsmoor  
 Un bi de Wörner Wehl:  
 Na Möldorp to dar locht en Schin  
 Dar röppt dat: Hier's de Schel!

Wehl Sturzloch bei Driehbrücken. Hier's de Schel (Schride) Auf  
 des falschen Landmessen's der nach der Sage Ditmarschen bei der Eroberung  
 vermess'en.



Folg nich! Dat is keen Minschenstimm,  
 Keen Licht ut Hus un Schün!  
 Dat loeft di twischen Moor un Meer  
 In Murrt un Dæpel rin.

Doch mennig Een de is as blind,  
 un folgt as weer't en Weg,  
 Un mennig Een de hört de Stimm,  
 un meent se lei em rech.

Un hört denn Wer int Morgengraun,  
 as reep en Minsch in Noth:  
 De is verschwunn, de ward ni funn —  
 sin Seel genade Gott!

### Die Sage von Herr Nanne.

Herr Nanne neem sin Stoc to Hand,  
 Dat trock em fort na't hilli Land.  
 Herr Nanne neem sin Stoc to fat  
 Un wanner menni lange Strat.

He ging to Land, he ging to Schep,  
 Keem æwer Borgen, dær de Deep,  
 Dær glöni Gitt, dær Is un Snee,  
 Dær Noth to Lann un op de See.

Murrt Meran. Dæpel Dieß, mit Graß bewachsen. lei leinet.  
 hilli heilig. glöni Gitt glühende Hitze.

So keen he mit sin Stoc in Hand  
Un arm un blot int hilli Land.  
Do gung't em as uns HErr dat ging:  
He harr nich, wo sin Kopp to ligg'n.

Doch hör uns HErr sin Noth un Bed:  
Keen Minsch verstunn sin Sprak un Red,  
He much der gan un wider gan,  
He kunn keen starbens Minsch verstan.

Do gung he trurig naft un blot  
Un bę int wide Feld to Gott:  
Int Hart den Globen, Stoc in Hand,  
He dach an Hus un Vaderland.

„Wat liggst du trurig hier opt Feld?  
Stah op, Herr Ranne, hier is Geld!  
Stah op un nimm din Stoc to Hand  
Un wanner in din Vaderland!“

Herr Ranne hör de Stimmi int Feld —  
Dar stunn de Mann un gev em Geld,  
Un seggt: „To Wihnacht um en Jahr  
Kam ik na Lunn un hal dat baar!“

Herr Ranne neem sin Stoc to Hand,  
He wanner ut ut' hilli Land.  
He wanner æwer Land un Meer  
Ein Globen wanner mit em her.

Lunn Lunden, Flecken in Dittmarischen.

Un as he kunn ol Lunden sehn,  
Da sack Herr Manne oppe Kneen :  
He seggt : to Wihnacht um en Jahr  
Denn kumt de Mann un halt et baar.

Un as de Wihnacht keem in Land,  
Herr Manne seet, dat Geld in Hand.  
Do klopp dat lisen anne Rut,  
Herr Manne ging to Dær hinut.

De Fremde neem sin Geld tofat,  
Un wanner langs de düstre Strat.  
Ein Globen hett Herr Manne wahrt,  
Un hett't vertellt noch menni Jahr.

### De Alkenkrog.

Hier gung en Fahrweg dal na't Moor,  
Noch süht man hin un her de Spor,

Noch süht man in de fore Heid  
De Fotpatt un de Trajen beid.

Doch knarrt der nu ni Trump noch Rad,  
Keen Rüter jagt der langs den Patt;

Rut Fensterscheibe. Alle Adelheid. Fotpatt Fußpfad. Trajen  
Spur der Wagenräder. Trump Rabe des Rades.

Dar kumt nu Keen — un hett en Hart —  
Dat em't ni swar un gruli ward.

Bi'n Dæpel is de Spor verschwunn:  
Hier weer't, wo mal en Weerthshus stunn.

Hier stunn de lustige Alfenkrog,  
Keen Gast keem, de vææwertog,

Keen Gast — he drunk sin Win un Beer,  
Keen Gasthus, wo't so lustig weer.

„Wullt du to Kart?“ sä Alke frech,  
„Kumm mit, min Jung, un mak din Zech!“

„De Himmel is hoch! hol di ann Tun!“  
Un de der seet, de drunk sit dun.

Un de der drunk in Gewermoth,  
Vergeet sin Sünne, vergeet sin Gott.

„Wullt du to Hus?“ sä Alke frech,  
„De Nacht is deep, de Patt is slech!“

Un wer der seet, de spel de Nacht,  
Un keem eerst fort ann hellen Dag.

T u n B a u n .

Un Alte lach un rev de Hann:  
„Wenn di't gefallt, fehr wedder an!

„Wenn di't gefallt, fehr wedder in,  
„Un mak din Zech, un bicht din Sün!"

So geit't bet dat uns Herrgott kumt —  
De Altknrog is nu en Sump.

Dat weer en Nacht, so seggt de Sag'.  
Ni Hus noch Schün keem mehr to Dag'.

Hier föhrt de Patt bet dal na't Meer,  
In Murrut un Maas verswinnt de Spor.

Dar klingt keen Rad, dar jankt keen Trump,  
Keen Zuchhei schallt dar ut den Sump,

Un wer dar geit, un hett en Hart,  
Keen Wunner, wenn em gruli ward.

### De Hasenkrieg.\*

1289.

De Stormarnschen trocken mit Macht un Moth,  
Un wat se kregen, dat sloren se dot,  
Un wat se dropen, dat neem' se in,  
Ob Dörp oder Stadt, ob Beer oder Win.

rev de Hann riek die Hände. dal hinunter.

\* Ann. E. Neccerus von Dahlmann I. 352.

Se trocken ut na de Ditmarscher Lann,  
Se wulln se dwingin ünner Schimp un Schann,  
Se wulln se jagen mit Moth un Macht,  
Als Schap oppe Weid, as Hasen oppe Jagd.

De Weg weer lank, un de Wuth weer grot,  
Un menni menni Schap dat maken se dot,  
Un drunken un drunken so menni menni Kros,  
Un gungn as de Wülv op Ditmarschen los.

O Ditmarscher Burn, nu nehmt jüm in Acht!  
De Stormarnschen kamt mit Moth un Macht,  
De Stormarnschen treckt mit Macht un Moth,  
Un all wat se drapt, dat maht se dot! —

Oppen Krummstedder Fierth seet en lütten lütten Has',  
He hör wa de Stormarnsche Iwer ras';  
Do kreeg he de Angst un de swere swere Moth,  
Un sprung langs de Heiloh, as Hasen do't.

Do hör' he de Stormarn, de fürchterli rept,  
Un achter em schregen: nu lept! nu lept!  
Do leep se darvun, de ganze Stormarnsche Macht —  
Unbanni hebbt de Burn in Ditmarschen lacht.

Iwer Eijer.

### Dree Jägers.

Aus dem Englischen.

Dar gungn dree Jägers wul op de Jagd,  
Op Hasen un op Reh,  
Do sehn se nix den ganzen Dag  
As mal en Segel in See.

De Een de seggt: dat is en Boot!  
De Anner: dar schüttst du feil!  
De Driitte de seggt: dat is en Soot,  
Keen Fahrtüg un keen Seil.

Nu sünd bet in de Nacht de Dree  
Dpt Jagen wider gan,  
Do seegen se nix vun Hirsch un Reh,  
As mal ann Heben de Maan.

Do seggt de Een: de Maan is dat!  
De Anner: wat fällt di in?  
De Driitte de meen, dat weer en Fatt,  
Doch feil en Stück derin.

So sünd de Dree de ganze Nacht  
Dpt Jagen wider gan,  
Vel hebbt se drunken un vel bedacht,  
Un Müms wat Leeds andan.

### En bunt Gesicht.

Jan Peter harr en Zifferblatt,  
 Weer temli smud un rund,  
 Jan Peter harr en Zifferblatt,  
 Dat weer en beten bunt.  
 De Ogen blau, de Haar ni roth,  
 De linker Back gesund —  
 Un doch, un doch en Zifferblatt  
 En beten gar to bunt.

Ja, harr Jehann de Stell nich hatt  
 Op een Sit vun den Mund,  
 So harr Jehann en Zifferblatt  
 Smud nog værn türkschen Bund.  
 En Näs de as en Wiser wif,  
 Doch dreih de Kopp sik rund :  
 Op eenmal keem dat Zifferblatt  
 As Swart un Roth, so bunt.

Jan Peter harr en Zifferblatt  
 Blau op en roden Grund,  
 Jan Peter harr en Zifferblatt  
 Dat weer en beten bunt.  
 Sin Fru de sä, he weer so gut,  
 He weer en rechten Fund,  
 Doch weer mit to dat Zifferblatt  
 Of er fogar to bunt.



# Kukuk.

Nu harr de Kukuk Hochtide maht  
 Un lach opt allerbest:  
 Do full em dat op eenmal in,  
 He harr ni Hus noch Nest.

Un schull sijn Fru de Weten helu  
 Ahn Windel, ahne Lür?  
 Do seggt he: Fru, if schaff wull Rath:  
 Wi wahnt so lang to Hür!

He gung na Harwer Adermann  
 Un seggt: „Herr Nachbar hör!  
 Gat jüm vunt Wef to plögen ut,  
 So paß if oppe Dær.

Nachtwächter Ul is gar to ful  
 Un d'Harv is as en Slang!  
 Sing if as Küster hier min Salm —  
 Bær Andacht ward he bang.“

So wahn de Kukuk denn to Hür  
 Un lach opt allerbest.  
 As Plogsteertsch inne Schummern keem,  
 Fuun se en Ei int Nest.

de Weten holt Kindbett halten. Lür Wickelzeug. Adermann  
 gelbe Bachstelze, in deren Nest oft der Kukuk sein Ei legt. plögen pflügen.  
 Ul Gule. Harv Habicht. Hür Heuer, Miethe. Plogsteert Pflüger; d. i.  
 Adermann, Plogsteertsch die Frau desselben.

Se dacht: So recht! min Mann de leggt!  
 Oder is dat spanschen Wind?  
 Dats all verdweer! un de Welt verkehrt! —  
 Un jett sit dat un sinnt.

Un sinnt un sitt un bröd un denkt  
 Un hett dat so inn Kopp —  
 Un ehr se't weet, wa't magli is,  
 Kunt Kufuschen ut Dopp.

Do sä de ganze Naverichopp:  
 Dat weer keen spanschen Wind!  
 Do sä de ganze Naverichopp:  
 Dat weer en Wunnerkind!

Un sän: dat muß en Klüster warren  
 Un vör dat Land en Ehr,  
 Un muß, sobald he grötter war,  
 Bi Kufus inne Vehr!

De Kufus sä: Fru, dat ward told!  
 Hier is dat Helt so dürr!  
 Of wohnt wi, wenn wi wedderkamt,  
 Am billigsten to Hürr.

spanschen Wind leichtes Gedächtnis aus Hinweis in Fern von Herrn  
 Herr Gschale.

# De Beester inn Kieler Haben.\*

It heff junst meistens min Geschäft  
Mit Beester, de en „Stimmung“ hefft,  
As Nachtigalen, Anten, Gös',  
Un anner Slach vun vël Getös',  
Of wul mit Deerten vun Gemöth,  
As Matten Has' un sin Geblöt,  
Mit Reinke Bos un anner Schurken,  
In Værjährestiden mit de Furken,  
Mit Summervageln un ęr Flünken,  
Of mit den Hatbar un de Plinken,  
Un mit de Dorsch un Kieler Sprott,  
Un mal mit Dester, so will's Gott!

Nu schickt Du mi en Bos vull Deerten,  
De Köpp mit Hörns, mit lange Steerten,  
Bald hebbt se Flinken, bald en Fot,  
Ofmals fiffhunnert mal to grot,  
Et achter, leggt vun vörn de Eier —  
Undeerten sün dat, min Fründ Meyer!

Ne, wo en Beest int Water flüggt,  
Grotmoder lüttje Kinner friggt,  
Gen hett dat Lungmark anne Been,  
Gen hett opt Lungmark scharpe Lähn,

Deert Ihier. Flünken Flügel. Dester's Auster. Hörns Hörner.  
Steert Schwanz. Lungmark Athemwerkzeug: Lunge, Kiemen.

\* Rauma der Kieler Bucht von Dr. F. A. Meyer und Dr. K. Möbius. Mit  
mikroskopischen Abbildungen von Seethieren.

De brödt de Eier inne Magen,  
 De driggt sin Ogen op en Staten :  
 Weer't nich betekend un beschreiben,  
 Keen degen Döwel kunn dat löben !  
 Wi sän : Friünd Meyer, mak keen Plunder ! —  
 Nu awer seggt wi : Gottes Wunder !

Dar waßt je haben anne Böm  
 Of Saken, de man sik ni dröm,  
 So waßt deep innen Meeresgrund  
 En Welt vun Wunnern funterbunt ;  
 De Schipper seilt derawer weg,  
 De Fischer maßt sin Nett tored,  
 Wi annern, as gelehrte Herrn,  
 Rikt to, un gat der rum spazeern.

Wi kennt je wat en Fischer friggt :  
 Man kann dat eten, oder nich,  
 Dat geit uns as de Ellerbeter :  
 De kennt Vocksteen un ohne Vöcker,  
 De kennt de Fischen de wat gellt,  
 Un de noch warrn künnt wat se schüllt.

Nu awer wülst wi't nich vergeten :  
 De See gifft mehr as wat to eten,

seilt segelt. Vocksteen Steine mit einem Vock, als Anker benutzt.  
 „De künnt noch warrn wat se schüllt“ sagte ein Ellerbeter Fischer einem Kieler  
 Professor, der ihm fragend eine Handvoll kleiner Fischbrut vorhielt.

Dat Water deent to mehr as Baden,  
De Haben mehr as to 'n Verladen.  
Is't so ni recht?

Un so en Gruf  
An di un an Karl Möbius.

1865.

### Fru Nachdigal.

An Jenny Kind.\*

„Fru Nachdigal int gröne Gras“ . . .  
Un Obbe sä: De sung so schön!  
Un wenn dat mal to Summer paß:  
Wi wulln se hörn, wi wulln se sehn.

Ut drömm un denken ward de Welt:  
Wa is mi denn? Weer dat en Drom?  
Mi dünkt, se keem ut't wide Feld  
Un sung in unsen Appelbom.

Grotvader sä: Behol! behol!  
Mi Aldag singt de Nachdigal!  
Dat Leben is en harre Schol,  
Wa selten kumt de Ton hendal!

„Behol! behol!“ . . . Dat Gras is grön . . .  
Grotvader slöppt al lang derunn . . .  
Ja, selten weer de Welt so schön! —  
En Nachdigal ward selten funn! . . .

\* Sie besuchte mich auf einer Reise von Schweden nach England und fand mein Haus leer.

Mal mit — denn raſt ik an er Tun —  
 Mal mit, denn leet ſe in min Dær . .  
 Behol ! behol den Ton dervun !  
 De Ton , de klingt mi jümmer vœr.

Fru Nachdikal int gröne Gras . .  
 Ik ſing min Jung nu wat ik weet,  
 Och, wenn dat di en Summer paß,  
 So kumm nn ſing du em en Leed !

So'n Summer noch op diſſe Welt,  
 So'n Summer wünſch ik mi noch mal :  
 Du keemſt noch richti mal ut't Held  
 Un jungſt bi mi, Fru Nachdikal !

raſen ſtreifen.

## Leeder.

### Wer hö't se vør de Dev?

Wenn Nawers Hus an Nawers liggt,  
Un Garn de stött an Garn —  
Wenn dar en Appel ræwer flüggt —  
Wer kann de Appeln wahn?

Hett Anna denn de Sorg alleen?  
Lütt Anna, fröh un lat?  
Mutt achter ut de Pforten sehn?  
Mutt vør herut na Strat?

Un Nawers Sohn, de Galgenstrick!  
So 'n Schelm is nich to tru'n!  
De is dat de der smitt und kift  
Un æwerspringt den Tun!

Un grade — geit se vør ut Dær,  
So mutt he jüs to Strat,  
Un grade — kumt he achter vør,  
Hett se em dar to fat! —

Och, Appeln schint so roth, so roth —  
Wer hö't se vør de Dev?  
Och, Rinner ward so grot, so grot —  
Wer hö't se vør de Lev?

## An't Öwer.

De Strom de treckt varæwer  
Un Segeln treckt der mit,  
Geruhi liggt dat Öwer  
Un steit de frame Hütt.

Keth steit herum to wanken,  
De Fotsig treckt der lank,  
Min Hart un min Gedanken  
De gat densülwen Gant.

De Segeln swepet varæwer,  
De Strom bi Dag un Nacht,  
Doh, un vun Öwer to Öwer  
Gat min Gedanken sacht.

Gat mank dat Keth alleken,  
Gat mit den Stig herop,  
Ja, mit den Rok na'n Heben  
Dar stigt se himmelep.

Ik kann den Strom ni stoppen,  
Nich buten un nich binn,  
Dat geit as wegen un kloppen  
Mi jünmer dær den Sinn,



## To Schyp.

(An Frau M. M.)

Dat weer inn schönsten Julimaand,  
 Dat Schipp dat heet Marie.  
 Wi segeln langs den Ostseestrand  
 An Feld un Holt verbi,  
 An menni Insel blid un grön,  
 Dar gungn int Gras de Röh,  
 An menni Segel, wit to sehn,  
 As Möven op de See.

Wa weer de Himmel haben blid  
 Un ünner blank dat Meer!  
 Wi swöben as in blaue Luft  
 Un luter Glanz umher.  
 Un wenn de stille Abend keem  
 Un ruhi sack de Sün,  
 So drog uns Schipp uns, as en Weeg,  
 To Hau, inn Haben in.

Dat weer inn schönsten Julimaand,  
 De Welt de glänz und lach,  
 De Wellen snacken um uns Schipp  
 Den lewen langen Dag;  
 Se snacken nix as Seligkeit,  
 Un trocken æwer't Meer,  
 Un all uns Denken still un blid  
 Trost lifen achterher.

1868.

Blid freuntlich.

### Innern Flederbom.

De leem sobald dat Abend war,  
 De leem dat ganze lange Jahr,  
 Inn Summer, wenn de Fleder blöhh,  
 Inn kalen Harst un Wintersne.

Ant Finster blöht de Flederbom,  
 Dat treckt mi dær in Nacht un Drom,  
 As weer't de Blom nich de der rüft,  
 As weer't en Schatten de der nükt.

Dat rüft mi rein so sunnerbar!  
 Dat nükt mi rein so wunnerbar!  
 Dat kumt mit Macht bi depe Nacht —  
 Min Thran de lopt mi warm un sacht.

Do weer't sin Hand, de lisen klopp,  
 Un lisen ging dat Finster op,  
 Do küß sin Mund mi dusendmal —  
 Nu lopt de hitten Thran hendal!

De warme Regen fällt to Nacht,  
 De weckt de sinucken Blom mit Macht.  
 De Thran bedeckt mi dat Gesicht —  
 Se weckt mi doch min Leefften nicht!

Doh Gott, wa deit dat Hart mi weh,  
Dat it em nümmer un nargens seh!

It ga to Mark — dar seh it nix,  
It ga to Karf — dar be it nix,

It dröm den Dag un wat de Nach —  
Doh dat de lewe Gott dat betern mag!

De Vurken singt ern Morgensang,  
De Klocken klingt dat Feld hentlang,  
Int gröne Gras dar sitt it dal:  
O klungn se of vör mi einmal!

Keen Blom so schön, de mutt vergan,  
Keen Steern de blüfft ann Heben stan.  
He glänz mi as dat Morgenlicht,  
Nu lenngt min Hart un findt em nicht!

He weer mi as de Mergendau,  
Min warme Sünne ann Heben blau.  
De düstern Wulken gat so dicht,  
Nu lenngt min Hart un findt em nicht!

Min Sünne is weg un ünner gan,  
It mutt bedrövt un trurig stan,  
De Thran bedeckt mi dat Gesicht —  
Wa lenngt min Hart, un findt em nicht!

### Inn Regen.

Kumm in, hier kannst du sitten ;  
Du Lütt, du warrst je natt !  
De Bom is gut var Sitten,  
Nu drippt der Twig un Blatt.

De Bank weer gut in Schatten,  
Des Abends of var Twee,  
In Drusen un in Natten,  
Dar ward de Föt di weh.

Dar ward de Föt di weekli,  
Un rein de Bad so roth,  
Un æwer't Haar so bleekli  
Dar sacht din brede Hot.

Sch buten driwt de Wulken  
Un Raben jagt der hin,  
De Duben un de Zwulken  
De samt bi Minschen in.

Kumm in un lat di nedder,  
Un hör se ut de Stuw !  
Du büßt je of en Fedder,  
Du büßt en wite Duv !

Hier is en Stohl to sitten,  
Un is he nich kommod' —  
Var Regen Küll un Sitten  
Kumm in, hier op min Schot.

---

Drusen un Natten leiser Regen und Rässe. Driwt treiben.

### Se lör so fram.

Wa lör se fram,  
 Wa töv se fram,  
 Un seet der mennig Jahr.  
 Denn fleg se op,  
 Denn fleg se op:  
 Gottlof! nu blüst du dar!

Un it? it ween,  
 Un it, it meen  
 De Himmel leeg op Eern.  
 It küß er Bock,  
 It küß er Ruck,  
 It küß er Mund un Steern.

Er Boffen sleit,  
 Er Athen geit:  
 Gottlof, se blüst du dar!  
 Un it? it lach,  
 Un it, it dach:  
 Nu weer de Himmel klar.

### Maibom.

Nach dem Altholländischen.

Schön Leeffte liggst du noch un flöppst  
 Inn eersten Drom inn süeten?  
 Sta op, it heft di Maien plückt,  
 De schüllt di smuck begröten.

„It warr nich opstan vœr din Mai.  
Nich op min Fenster sluten.  
Plant du din Twig wo di't gefallt,  
Plant du din Twigen buten.“

Wo kann't se planten oder don,  
Dat is hier op de Straten,  
De Nachten sünd to kold vœr je :  
Er Blöhn dat mœt se laten.

Schön Yeessie, starft se inne Blöth,  
Begravt wi denn de Twigen  
Oppen Markhof, wo de Linden stat,  
Dar schüllt se Rosen friegen.

Un um de roden Rosen wart  
De Nachtigalen springen,  
Un vœr uns bei' in alle Mai  
Er sêten Yeder sîngen.

### Dat ole Leed.

Is Gueer de mi drinken leet,  
So jung ik em en nies Leed,  
Dat is en Leed vun Mann un Fru,  
Dat ole Leed von Yer un Tru.

He sä : Ade, verget mi ni!  
 He sä : Ade, if dent an di !  
 Un wenn de Lurken wedder singt,  
 So dent dat se din Veefften bringt. . -

Un as dat Jahr verlopen de,  
 Do keem de Lurf un sung so fröh,  
 De Nachdigal de sung so lat :  
 Keen Veefften keem der langs de Strat.

Do fän de Vlid : Wat grämst du di ?  
 Dat seggt man wul : If dent an di !  
 Gräm di umfunst keen graue Haar :  
 En Jeder seggt : To't neegste Jahr !

Wer is't, de an er Finster klopp ?  
 „Min Kind, mijn Kind, de Daeren op !  
 „De Rufuf röppt int Morgenroth,  
 „Nu bliv if bi di bet tum Tod !“

### **Trinett de Marketendersch.**

Nach dem Holländischen des Frans de Cort.

Trinett de Marketendersch,  
 Barwahr, dat segg if geern,  
 Trinett de Marketendersch,  
 Dat is en tralle Deern !

Vel nette Deevens kenn ik,  
Doch mußt ik dat gestan :  
Trinett de Marktetendersch,  
Kann Keene gegen an.

Trinett de Marktetendersch,  
Schier is se, as en Glas !  
Trinett de Marktetendersch,  
Haar hett se as en Flaß.  
Zwee Steern dat sünd ęr Dgen,  
Un lifen, wa se kann !  
Trinett de Marktetendersch,  
Och, snackt mi nich dervan !

Trinett de Marktetendersch,  
Wa de Uniform ęr steit,  
Trinett de Marktetendersch,  
Wa se marscheert un geit !  
Recruten, Veteranen,  
Tambur un Corporal :  
Trinett de Marktetendersch,  
Behert se all to mal.

Trinett de Marktetendersch,  
Se kennt di keen Gefahr,  
Trinett de Marktetendersch,  
Se hett den Noth vœrwahr !  
Se schenkt vœr uns en Drippen,  
So schenkt bi Dod un Noth  
Trinett de Marktetendersch  
Den Fiend wul Blot un Dod.



Trinett de Marktetendersch  
 En Deern is 't na min Smad,  
 Trinett de Marktetendersch,  
 Kann Plattdütsch, as ik snack.  
 Un klænt wi vun to Hus, o!  
 Denn thranogt so as ik  
 Trinett de Marktetendersch  
 Int sülwe Ogenblick.

Trinett de Marktetendersch,  
 So fründlich vœr Alleen,  
 Trinett de Marktetendersch,  
 Mi leet se doch alleen.  
 „Un friegt wi nu den Affscheidung,  
 Denn stiggt bi uns“ — so snack  
 Trinett de Marktetendersch —  
 „De Spelman op dat Dack!“

### To kleen.

Schall Leenten mit to Danzen gan?  
 Marleneken? man to!  
 Se hett de blauen Hasen an,  
 Darbi de blanken Schoh.

thranogen weinen. Marleneken aus Maria Magdalena. Hasen  
 Strümpfe.

„Min Dochder, min Marleneken,  
De danzt in Garn alleen,  
De danzt dar mit Puthöneken,  
De is noch vels to fleen!“

Och, is dat sütt Puthöneken  
De kluckert inne Löw?  
Och, is dat sütt Marleneken  
Versticht sik vœr de Hœv?

Un wenn dat nachts ant Finsler tippt,  
Um Meddennacht um Een,  
So is dat sütt Marleen, de hüppt  
Ra 'n Garn un danzt alleen!!

### In Aewermoth.

Margret, Margret, nu hö' di!  
De Rosen hebbt ȳr Maan:  
Wa blöht se æwermödi  
Un mœt sobald vergan!

Margret, Margret, if ra' di!  
De Krülln verdreit din Kopp,  
De Jægd is æwerdadi,  
De Kü kumt achterop.

Maan Monat.	ra' rathe.	Krülln Voden.	Jægd Jugend.
æwerdadi überthätig.	übermüthig.	Kü Reue.	

Margreta hört dat Snaden,  
Se bindt er Lucken los,  
De Rosen op de Backen  
Sünd as de Summerros'.

De Kirschen op de Lippen  
De glöht er um de Zähn. —  
Se hört vun Storm und Klippen  
Un lacht — : wer wif't er Een?

---

### An de Karkhofsport.

As ik tolegt di seeg, Marie,  
Wa lachst du do vergnügt!  
Dat meer hier, bi de Karkhofsport,  
Wo ik di lachen seeg.

Mi düch de Rosen inne Heed  
Weern bleef bi din Gesicht,  
De blaue Heben æwer mi  
Weer as din Ogen nicht.

Du fäst „ade“, un „Glück to'r Reif“,  
As ging 't to Danz un Beer;  
Ik hör as lach de helle Dag  
Mi fröhlich achterher. —

De Rosen inne Heet, Marie,  
De blöht hier noch as do,  
Un Rosen op din Graf, Marie,  
De blöht nu eben so.

Din blauen Ogen glänzt ni mehr,  
Din Lachen is verstummt;  
Hier steit en stille Karthofsport  
Bær den, de wedder kumt.

### Königin.

E. The Mai Queen by Alfred Tennyson.

Morgen weest mi, leef Moder, wenn du fröh opsteist,  
Weest mi, eh du na Mellen geist,  
It bün nich so krank, un much doch so geern  
Uten Bett de Musik un de Rinner hörn.

Weest noch? vergangen Jahr weer it mit dermant!  
Do trock it mit langs de Straten entlant,  
Mit den Kranz op keet it int Finsler rin,  
Do weer it so smuck un weer Königin.

Weest du mi man fröh, wenn de Trummeln gat,  
Denn hör it un denk, it weer mit oppe Strat,  
Un mutt it ok liggn, so ward mi to Sinn,  
As gung it un keet inne Finstern rin.

Un segg to Marie dat se kumt, ehr je geit,  
Un wist mi er Kleed wat se ankriegen deit,  
De Schärp un de Kranz, un de Blöm in er Haar.  
Denn dat blömt ja nu all as to Pingsten vært Jahr.

Ja all de smuck Blomen, roth, gel un so blau,  
Blöht nu op de Wischen, un dal langs de Au,  
Un abends ann Heben de hell witten Steern,  
Un if much wul hin, wa geern, och wa geern!

Oft hör if bi Nachten en Bagel de singt,  
Denn dent if an Pingsten un de Klocken de klingt,  
Inn Garn schint de Rosen, inn Lun witt de Elöh,  
Och ween nich, leef Moder, un weck mi man fröh!

### Frage.

Segg an Jehann, wa fangst du't an,  
Wo friggst du't eenmal her?  
Du singst je as en Leederbot  
Un weest noch jümmier mehr!

Drömsst du se, oder fallt se di  
Bi Nachten ut de Steern?  
Rißt du se rut ut Gras un Blöm?  
Kannst du se wassen hörn?

dal hinunter. Elöh Ekleben.

Wi Annern — wenn de Bageln singt —  
 Wi Annern hört man to :  
 Di geit't je as de Nachdikal  
 Un Nachdikal sin Fro !

Du heft gewiß en heemli Nest,  
 Un heemli ganz wat Levs,  
 De singt di't ut de Feddern vær,  
 Wat du mit Feddern schrevst.

Antwort.

De Maan de schint int Finster rin,  
 De Steern de gat ęrn Gang :  
 Da ward mi rein dat Hart so warm,  
 Un all min Glück Gefang.

## Tun un vær de Gærn.

### Kinderfrühling.

Dat Wedder war schön,  
De Büscher warn grön,  
Wa weer dat Fröhjahr warn?

Emuck war dat inn Gærn,  
Dat Unkrut dreef Ranken,  
Käfer lepen, de blanken,  
Fleerlinken danzen,  
Tulken steken op as Lanken.

Dar seten wi!  
Slapri un dun  
Seten de Späken in Tun.

Awer darachter weer en Hus,  
Odmodsck un krus,  
De Artnen hung scheef,  
Dat Finster weer beklebt. —  
Un apen keem dat,

Un herut keem en Kopp  
 Mit Snipp un Schehdof op,  
 Et noch en Hüß  
 Un en Brill  
 Un en Ul lang herut,  
 Un stöv den kattun Bærhang ut.

Wa flogen de Späzen!  
 Un wi vertelln vun de ol Schuhu,  
 Harr en Ul inne Hand, en Gesicht as en Fru,  
 Harr de Kralln as en Katt, inne Mund keen Lähn,  
 Un hal all de Kinner de böß dou den.

Weer se dat?  
 Awer de Katt! —  
 Ut Finster keem se,  
 Kitut neem se,  
 Langs Dack lant,  
 Dal in den Hüsgant!  
 Un hulterdepulter  
 Smeet ol Hans Wulter,  
 De Nachwächter, mit Hurrah  
 Er de Ul achterna!

Doh wa mak he uns bang!  
 Un lang  
 Seten wi dar un schudern inn Sünnschijn!

Schehdof alte Art Kopfbedeckung. Hüß Frauenmüge.



Un vertellu vun de Macht,  
Un de Böse sin Macht,  
Un de Tid, un de Dood,  
Un den lewen lewen Gott. —

Baben wahn he!  
De Wulken trocken witt,  
Unse Seel trock mit.

O Welt, wa büßt du schön!  
O Fröhjahr, wa grön!  
O Rinnerhart, wa fram!  
Un schöner as 't alltosam!

### **Einem Erstgebornen.**

Der Onkel.

Nu? is't en Prinzen? Lat mal sehn!  
En echten lütten Prinz?  
Un harr en Kron op, as he leem,  
En Orden um to't mindst?

Die Mutter.

Dat nich! Doch sieh mal inne Weeg  
Den smucken süten Kopp!  
Un süßt du dar keen Strahlentron,  
So fett di Brillen op!

Du büßt to old, du büßt te kold,  
Du kennst keen Moderhart!  
Rief in! So slöppt en Königskind!  
Wüllt sehn, wat he mal ward.

Un wenn he wakt, denn schast du sehn  
De Ogen brun un klar,  
Un seggn, ob't nich en Wunner is,  
En Kind rein wunnerbar!

Un wenn he nich en Wunner is,  
So segg mi, wo een weer?  
Un löben will ik di to 'n Troz:  
He keem vun baben her!

Un Kron un Orden broch he mit,  
Un Glück un Freud to 't mindst.  
Un och, hier seggt min Hart mi lud:  
En Prinz — he is en Prinz!

### Buckermund.

Du lüttje witte Zuckersnut,  
Wa lachst du ut de Ogen rut!  
Du heft en Kul in jeder Back,  
Du heft en Schelm inne Nack.

Du schast noch jümmer grötter warrn,  
 Un schast noch jümmer sötter warrn :  
 Lütt „Kul int Kinn“, Lütt „Schelm inn Sinn“,  
 Un tru Lütt Hart binnen in.

### An Pathe Klaus.

Mit en Bulaften.

Min Pathe Klas ward en Baas,  
 But sit en Hus smuck un frus,  
 But sit en Stall lank un small,  
 But sit en Kart merrn opt Markt,  
 But sit en Thorn höger als Hect un Dorn,  
 But sit sin Welt: Wat ward min Klaus vœr en Held!

### Smucke Diern.

Annmaria heet it,  
 Schön bün it, dat weet it,  
 En Strohhot den dreg it,  
 Un rode Schoh krieg it —  
 Wakeen mag nii liden?  
 De hal mi bi Tiden!

### Priamel to't Oupstan.

De Dag de graut,  
De Ratt de maut,  
De Klock de sleit,  
De Hahn de kreiht,  
De Hund de belst,  
De Rætsche schellt,  
De Hühner de sakelt,  
Un all de Bageln in Bom spetakelt.

---

### Schnaderhüpfel.

Op schöne Dgen

De Has' hett twee Ohrn,  
Un de Bock hett twee Hörn,  
Un min Hanne hett twee Dgen :  
Ei wat is dat en Deern !

---

Op twee Mann, de sik fat hebbt.

Dar günnert na'n baben bi't Hamburger Dor,  
Dar steit en lütten Dümel, hett en groten bi't Dhr.

---

günnert jenseits.

### Ghaselen.

It mag de roden Kirschen geern, un BERN de mag it of,  
 Un smucke lüttje runne witte GERN de mag it of,  
 Un wenn de Bageln lusti singt, spazeern dat mag it of,  
 Un oppen Schott en lüttje smucke Deern dat mag it of.

De Wächter geit to blasen alleen inne Nacht,  
 De Roh geit to grasen alleen inne Nacht,  
 De Maan geit alleßen alleen inne Nacht:  
 Dar is noch Een inn Heben,  
 De hollt vœr All de Wacht.

### Aik in.

Vinge langs de Steenstrat  
 Dar gah du mal hin,  
 Un wo de smucken Blöm stat,  
 Dar sit du mal rin.

Un wo de blanken Schiben stünd,  
 Dar seh mal hindœr,  
 Un sühst du dar dat smucke Kind —  
 Lop rin un küß dat Gœr!

### Versteken.

Wi maekt uns en Water, un dat ward de Dit,  
Denn plant wi de Büscher, un dat ward de Knick,  
Denn sett wie de Rosen, un dat ward de Garn,  
En Port mit en Elött, un de Elätel ward verlarn.

Denn bu't wi en Hütschen — weet nümms wo dat steit,  
Dar sitt wi un singt smuck — weet nümms wer dat deit ;  
De Bageln un Sünn kist vun baben inn Garn :  
De Port is so hoch, un de Elätel verlarn.

### Sünnschin.

Sünn, Sünn, schine,  
Kik ut din Gardine,  
Kik ut din Kalosen  
Un schin op unse Rosen,  
Op de witten Tilgen,  
Op de grönen Tilgen,  
Op dat smucke gröne Gras,  
Wo all de bunten Blöme wasst.

### Vun de Bageln.

#### Hadbar.

Hadbar ann Heben, wa kannst du mit sehn !  
Achter de Koppeln wat wahnt dar vör Een ?  
Is dar en Hütschen mit Finstern un Dör ?  
Steit dar wul eh'n so'n lütt Hanne dervör ?

Dit Leich, Weiher. Knick Jaun. Tilgen Zweige. Hadbar Storch  
Koppeln Ackerland, Wiesen.

Grot un Lütt.

De Kufuk un de Kiwitt  
 De danzen op den Butendik,  
 Da keem de lüttje Spreen  
 Un wuß dat Spiel ansehn,  
 Da neem de Kufuk 'n groten Steen  
 Un smeet de lüttje Spreen ant Been —  
 Au weh! du lüttje Spreen!

---

Tunkönig.

De Katt de seet int Nettelkrut,  
 Int Nettelkrut verborgen,  
 Do keem de kleene König herut  
 Un bo ęr guden Morgen:

„Gun Morgen Musch inn Nettelbusch!  
 Watt sittst du hier in Sorgen?  
 Ni wahr? wenn du min Flinken harrst,  
 So spis't du mi ton Morgen.

Kiwitt Kiebig. Butendik Außendeich gegen die See. Spreen  
 Etaar.

---

### Spas, noch einmal.

Huslünt un sin Ohn  
 De seten oppen Bom.  
 Sin Vader teem, sin Moder teem,  
 Sin Süster teem, sin Broder teem,  
 Un Vatter, Vetter, Wellerfche,  
 Un Kaffsche mit en Teller teem:  
 Do flogen de Flüntken all heraf,  
 Do picken de Lüntken all int Kaff.

### Pock in Maanschin.

Pock de sitt in Maanschin un singt so schön!  
 Pock de sitt in Maanschin, dat Gras is grön!  
 Morgen kumt de Hadbar mit lange Been,  
 Wadt rum int Water bet anne Kneen:  
 Pock sitt in Maanschin, dat Gras is grön,  
 Pock sitt in Maanschin un singt so schön!

### Häschen im Regen.

Nu regent dat, nu regent dat,  
 Nu ward de lüttje Has' so natt!  
 Bloten Kopp un bar Fot,  
 Un de lüttje Has' hett doch keen Noth.

Flüntken Flügel, Vögel.  
 eisser aufgeblasener Mensch.

Pock Frosch, Pock in Maanschin ein



## Pußspiel.

### 1. Akt.

Hier liggt en Appel un dar liggt en Ber,  
Dar kumt Hans un Greten her.

### 2. Akt.

De Greten wul kaaken,  
Neem Hans un wull sticken,  
Neem Greten en Staken,  
Sleg Hans oppen Rüggen.

### 3. Akt.

Hulsterdepulter de Trepp hindal :  
Hans un Greten küßt sit mal.

## To Bett.

Ole Ole Ol,  
He seet bi mi oppen Stohl.  
Do wink he mi,  
Do wehr ik mi,  
Do wink he mi so söt :  
Bergeet ik Dgen un de Föt.

**Ma'n buten!**

**K i n d.**

De Sünn is schön, dat Gras is grön,  
Och, schall ik nich na'n Gaarn?

**M o d e r.**

Kind, Kind! Dar sitt de Mann inn Soet,  
De friggst di bi de Haar!

**K i n d.**

De friggst mi bi de Haar to fat?

**M o d e r.**

Un treckt di in den Soot!

**K i n d.**

Un ik kann gar ni ruter kam?

**M o d e r.**

Un du blüst musedet!

**K i n d.**

Denn kam ik in en smuck lütt Sack!

Ma'n buten nach draußen, ins Freie.

Soet Brunnen.

Moder.

Un inne tele Gex,  
Ganz mit vun hier, günt anne Kart!

Kind.

Denn lep ik wedder her!

Moder.

Denn löppst du nich, denn büst du det!

Kind.

Denn neih ik awer ut!

Moder.

Denn büst du ünner in de Gex!

Kind.

Denn kam ik wedder rut

Denn plück ik eerst de smucken Blöm,  
Denn kam ik antofahrn,  
Denn schint de warme Sünn so schön —  
Ach, lat mi na den Gaarn!

Moder.

Hörst du ni eben wat der bell?  
Dar is en Hund so grot!

Kind.

Den friggt de Mann bi't Haar tofat  
Un halt em in den Seet!

Denn kann he gar ni ruter kam,  
Un wi plückt all de Blöm!  
Denn lat uns nu man rut na'n Gaarn,  
De Sünn de schint so schön!

Moder.

Kind, Kind, din Vatter ward je böös!

Kind.

Un sleit den groten Hund.  
Nu lat uns man!

Moder.

Se lat uns denn,  
Du söte Pappelmund!

### Dat Kind verschr sik.

De Betelmann weer't mit dat holten Been —  
De Kæfsche scholl, de Kedenhund brumm.  
De Hund de reet de Kef entwei,  
De Betelmann leep de Kæfsche um.

veriehn eridreken.

De Trepp weer hoch, un de Hund weer grot,  
De Yetelmann bang, un de Bæn weer mæx,  
Un as de Kætsche noch leeg un scholl,  
Do full he wedder dær de Brød hentær.

Wa stov de Kætsche rut dær'n Gaarn!  
Achteran de Mann mit dat holtten Been!  
De Hahn schreeg lud sin Volk tosam,  
Gan den Spektakel mit antosehn.

### **Dat Kind weer erschaut.**

Hier is de Steen — un hier de Sot —  
Un de Mann de drog en swarten Hot —  
He sett sik op den groten Steen —  
He sett den Hot sik oppe Kneen.

Dat Dot weer in den swarten Hot —  
Dat Water in den deepen Sot.  
He wisch den Sweet sik vunnen Kopp —  
Un treck sik langsam Water op.

He hett dat drunken ahn en Wort,  
Un neem sin Hot un wanner fort. —  
Dær is de Sot — un dær de Steen —  
De kann dat Kind ut Finsten sehn!

### Dat Kind gruel.

Wern Feldweg in Düstern dar wantt en Vantern,  
 Wantt hin un herower, un bligt as en Steern,  
 Stiggt ewer de Stegelsch un schint dær den Knick,  
 Vucht ewer dat Korn lant un glinstert in'n Dit,  
 Duft düster int Vactreep as schimmer de Maan,  
 Denn süht man se langsam den Damm herop gan.  
 Dat seem ewert Moor un ging dweer dær de Heid,  
 Nu is't op den Gant de na't Sprüttenhus geit.  
 Dar bögt dat na'n Vinken, na Presten sin Schön,  
 Nu geit dat bargop na de Karthofsport rin.  
 Dar wantt dat hentlant bet de Kulngräwers Gaarn —  
 Nu achter de Rath is't verschwunn un verlarn!

### Winters Anfang.

De Snee uten Heben  
 Kunt eben alleken  
 In Grimmelgewimmel  
 Sendal uten Himmel,  
 Sendal ute Wulken  
 As Duben, as Swulken,  
 As Feddern, as Dun  
 Oppe Hüß', oppen Tun,  
 As Dun un as Feddern:  
 Fru Meddern! Fru Meddern!  
 Herinner! frup ünner!

Vactreep Reith, Nictagrad, Carex.

Kulngräwer Todtengräber.

Un rop alle Kinner !  
 De Höhner, de Küten !  
 Schüllt kamen, schüllt fiken !  
 Schüllt fiken un sehn,  
 De groten, de kleen  
 Alleben alleben  
 Den Snee uten Heben.

### Na't eerste Jahr.

Mit en Thermometer.

De lüttje Gylgeter is din egen,  
 (Wenn de Jung nu man eerst suacht !)  
 Un en Nothgeter heft du fregen,  
 (Heft em of je half mit maht,  
 Un min Lev de heft du jümmer  
 (Un inn Kerfdisch heft du Blöm) :  
 Leetst di wul en Jahr mal slimmer —  
 Leetst di of een smucker dröm' ?

Un vør de Blöm heft du en Geter  
 Un en Püster vør den Abn :  
 Blot di feil noch en Thermometer,  
 Sieh, un dat is nu of kam !

Dar sübst du nu de Grad an  
 Vun din Glück un vun min Lev,  
 Un höllst mi'n beten mit en Drath an,  
 Wenn ik mal to hitzig schrev,

Der Nothgeter und die Trina sind Gedichte des Verfassers.

Un böttst mal en betjen linner,  
Wenn it cold war oder lahm;  
Denn noch en Paar lüttje Trina's  
Oder Rothgeters mäet der kann.

Un süßt du, wa't Papier un dat Jahr geit to Een?  
Denn mäet wi wul opheln,  
Un dat fröhlich wedder begünn.

### Na'n Pol.

(An Dr. Vansche,

mit einem Quickborn, für die keltsteinischen Nordpolfabrik.)

Na'n Pol — dat weer uns Hauptvergnügen,  
Doch weer uns Pol de Ostenpol.  
De weer vull Water, wenn dat regen,  
Un fest, wenn mal Een rinner full.

Dar weer of Is, in Winterdagen,  
Un Sünndagstid, un na de Schol,  
De Schlittschoh um — gung't mit Behagen  
Na'n Ostenpol! na'n Ostenpol!

Doch na den Nordpol, na den Tappen  
Te sehn, wo sit de Eer in dreit,  
We'n Seehund nich var Skill mehr jappen  
Un'n Isbar nich mehr baden deit;



Wo Petermann sin apen Fahrt hett,  
Un Stielers Atlas witt Papier:  
Dar hört en Magen to de Swart hett,  
Un Kepp un Hart vull Deg un Tier!

Wo dar de Seefoh jüht in Schudderu  
Den Damper, de noch nordwärts hollt,  
Un röppt er Zungen: Kamt mit Muttern!  
Nich wider, Kinner! dar's to folt!

Dar gah it nich — so vel is seker —  
De Nordpol hett vör mi keen Tog,  
Un stunn of nöß in Kart un Böker:  
Groths Land in 90 Graden hoch.

Doch weer den Moth hett — alle Wetter!  
De reis mit Gott! Wi seht em na.  
So deit in England unse Better,  
Un Uncle in Amerika.

Man los! un wist se wat en Hart is!  
De dütsche Art, den dütschen Moth,  
De Küll un Hitten likes Quark is  
Vör dütsche Ehr — un gat mit Gott!

Wi sünd derbi mit Wunsch un Willen  
Un unse Segen folgt jüm na,  
Wi sorgt un bēdt vör jüm in Stillen,  
Un freut uns, sünd jüm wedder da.

Swart Schwarte, Rinde.

Un dat kann recht dat Hart Een haben,  
Wenn't eenmal geit dær Drög un Matt,  
Wenn't heet: O! Sleewig-Holsteen haben!  
Un: An den Nordpol spricht man Platt!

Darmit jüm dat nu nich verlesen  
Vær Finnsch un Pappsch, vær Engelsch un Fransch,  
Schick ik dat Bok di værtollesen  
Bi lange Wil, lütt Docter Pansch.

Wenn't mal ni gan will un ni lücken,  
Wenn jüm mal sitt den Kopp in Hand,  
Ward jüm dat Bok vellicht erquicken,  
De Sprak ut't lewe Baderland.

Vellicht bi't Nordlicht, in de Nachten  
Nimmst du dit Bok, un settst di hin,  
Un list de Holstenjunge's sachten:  
„Min Modersprak, wa klingst du schön!“

Un ward jüm denn unnt Hart wat lichter  
Un mal vun Thyran de Dgen voll,  
So denkt: O Hns, uns plattdütsch Dichter  
Ger uns sin Hart mit an den Pol.

Den 10. April 1869.

## Willkam in Kiel!

(An die Philologen zur Versammlung 1869.)

De Preußen trock na't ole Kiel  
 Dat depe Water — heet dat,  
 Doch wat bi uns de dütschen Phil-  
     ologen sökt — wer weet dat?  
 De Herrn de denkt un drinkt wul deep,  
 Doch keen Solt-Water-Böfer;  
 Un wi hebbt Sprott un Panzerschep,  
 Doch wenig Win un Böfer.

Ne, bi dat Heidelbarger Fatt,  
 Wo legmals se beraden,  
 Dar harrn se ganz en anner Matt  
 As in to swimm un baden.  
 Denn is de Dünn of holl un boll  
 Un lang al leck un lerrig:  
 Ol Bader Rhein is jümmer vull  
 Un bringt den Win noch farrig.

„Dar waßt he so ant Öwer rop“ —  
 As Aemius dat beschreiben,  
 Ruinen stigt na'n Himmel op,  
 Unut Murwart grönt de Neben,  
 Inn Schatten wannert Hand in Hand  
 All wat der dütsch un selig:  
 Dat weer en Philologen-Land!  
 Dat maakt Een junk un fröhlich!

Uns Vand is flack, uns Sprak is platt,  
 Un ernsthaft sünd uns Väden;  
 To seggn hebbt wi hier wenig hatt  
 Un öfter vel to striden.  
 Doch wüllt de Herrn de See mal sehn  
 In Schatten ünner Böken  
 Mit Saten rum un Wischen grön:  
 So magt se uns besöken.

Un westwärts seht se mal de Floth  
 Mit Dit un Danum verstaten,  
 Un nordwärts oppe Heid dat Blot,  
 Dat wi in Ström vergaten;  
 Un drückt wi denn de Herrn de Hand  
 To'n Willkam in Gedanken,  
 So denkt se: De sünd stammverwandt  
 As man am Rhein de Franken

Wenn't so is — denn na Holstenwis':  
 Willkamen Zu Gelehrten!  
 Sitt dal! un langt na Drunk un Spis'!  
 Denkt nich, dat Ji't vertehrten!  
 Wat Gods to ęten hebbt wi mehr,  
 Win wassit uns in den Keller,  
 Un wenn Ji gat, so będt wi sehr:  
 Nu kamt ek bald mal wedder!

**Ol Voß an sin Fru.\***

As ik tum eersten Mal di seeg,  
 Wa lang is't nu al her?  
 As ik as lewe Fru di freeg,  
 Weest du dat noch, wameehr?

Wi drogen unse Glück tosam  
 Un drogen unse Last;  
 So sünd wi fort in't Leven kam,  
 Bet an de Sabudig fast.

Wenn't Glück in Geld un Gut bestunn,  
 So is uns minn beschoert;  
 Doch hebbt wi Moth to'n Leven funn,  
 Un wat to'n Leven hört.

Wi harrn uns Deel Iesredenheit  
 Un weern mit Gott vergnügt,  
 Un wat de Nik vaxerwer geit,  
 Dat hett uns haget un plegt.

Weern uns de Dalers of to grot,  
 De Schillings weern doch dar,  
 Uns smeck uns dägli Roggenbrot,  
 En Koken mal int Jahr.

De seht et hüt nich to din Fest,  
 Mit Blöm um, as du sübst,  
 Un vax uns Beiden, as dat Best:  
 Dat du der süßbn noch büst!

\* Auf Bitte eines alten Arbeitmannes gedichtet zum Geburtstage seiner Frau.

So gev di Gott noch menni Dag,  
Un will he endlich kam,  
So be, dat em't gefallen mag,  
Un nehme uns Beid tosam.

Bet darhin noch en frischen Moeth,  
Un, as de Schrift uns lehrt:  
De gute Glauben, dat uns Gott  
Inn Himmel beiden hört.

### He much ni mehr.

Vert harr he as en Christenmensch  
Un arbeit as dat hör,  
He harr sin Lust, he harr sin Fast,  
He much toleht ni mehr.

He weer ni krank, un doch ni recht,  
He leeg, un harr keen Rau,  
De an sin Bett seet weer sin Knecht,  
Of de meer old un grau.

He seggt: Vertell mi wat Jehann!  
Denn klæn de vun toväern,  
Un as se beid noch Burßen weern  
Un Jungs un halwe Gärn.

He hör em to as na en Veet,  
As wenn he wunner hör,  
He lev noch mal de schöne Tid  
Un frei se noch mal dær.

Denn sä he: Nu is't nog Jehann,  
It föhl, nu kumt uns Herr.  
Do mak he sacht de Dgen to,  
He much tolegt ni mehr.

### Mit einem Erutekranz.\*

Wat noch so slimm steit inne Welt:  
Telegt is't Allens wul bestellt.  
Un wenn't of noch so düstre Nacht,  
Dar kumt en Morgen un en Dag.  
Un wenn't of Krieg to Land un Meer,  
Dar kumt en Freden achterher.  
Wo Leid is kumt doch endlich Freid,  
Wo sei't is ward of endlich meiht;  
Uns Herr Gott mak doch Allens ganz:  
Keen Aarn so slecht, se bringt en Kranz.  
De bringt wi ditmal mit en Spruch,  
Dat Gott nu Allens segnen much:  
Dat Korn, dat wu ssen is un sei't,  
Dat Veh, dat nu noch graft de Weid,  
De Schün, dat Hus, de Hof, de Gaarn  
En Jahr lang bet de neegste Aarn;  
De Lüd, de arbeitd un de ruht,

\* Von Tagelöhnerinnen aus dem Gute Kühren erbeten.

De Herrschaft un dat ganze Gut,  
 So Schol un Kart un jede Stand,  
 Un so dat ganze Baderland!  
 Uns Herr Gott makt ei Allens ganz:  
 Seht, dat bedüdt de Erntefranz!

1866.

**An Chalybäus, Professor der Philosophie,**  
 mit den endlich passierten Schwefelhölzern.

† Sept. 1862 zu Dresden.

Prometheus (bi de olen Griefen  
 En Art vun Herrgott un deslifen),  
 Keem vun sin Vatters Swywelsticken  
 — Zeus patent phosphor —  
 Un wull darmit de Welt beglücken,  
 De noch keen Gas harr.

Accisen gev't noch nich un Toll,  
 So funn man mitnehm' wat man wull,  
 Un war ol Zeus of splitterndull:  
 He funn't nich möten,  
 Dat man mit Taback, Kael und Smull  
 Jung an to böten.

Dat is nu anners inne Tid:  
 De Welt is bang rar Licht un Ditt,  
 Hier anne Grenz steit man un süht  
 Na Für un Licht.  
 „Hebbt Se of Swywelsticken mit?  
 „Passieren nicht!“



Philosophie? . . geit nich, min Fründ!  
 Fehlt inne Tax, hett keen Patent,  
 En Waar, de in sik sengt un brennt  
 As Phosphorsticken,  
 De, as Zeus' Himmelselement,  
 Nich to ersticken.

Doch, vær de Pip? . . Wat fangt man an?  
 Un „Sewelhelzli muß man han“,  
 (Man hört je so noch dann un wann  
 Vær Heerd un Lamp — . . ?  
 Man schafft en Tunderbüß sik an  
 Mit Slött un Kramp! —

Un doch! dat hillige Element,  
 Wat hoch heraf vun oben brennt,  
 Un ob't de halwe Welt nich kennt —  
 De Lichtgedanken,  
 Ob man se „Dichtung“ — „Wahrheit“ nennt,  
 Se bröht de Schranken.

1862.

### An Welcker.

Zu seinem Doctorjubiläum 1861.

† 17. Dec. 1868 zu Bonn.

It broch so dit un dat værdem,  
 Wenn jüs de Seel mi angenehm  
 Un mi dat Himeln æverkeem,  
 In Vers to hopen,  
 (Man kann se as en Bes bequem  
 Bi Maake lopen).

Nu denkt man, wenn de Husmagd backt,  
 Wenn Husmusik de Bratpann maakt,  
 De Kasseebohn in'n Brenner knackt:  
 Dat giffst en Bad vull!  
 Keen Minsch denkt, wenn he plattdütsch snackt,  
 Dat weer gesmackvull.

So kann man löben, wa mi't wesen, —  
 Dat æwerleep mi as en Grefen —  
 En Fründ vertell mi dat in Dresden:  
 Bi Papstens in Rom  
 Dar harrn se plattdütsch Quickborn lesen  
 Bi'n Winachtsbom!

Doch, de Gewohnheit! sä de Katt,  
 Un kreeg en Papagei to sat,  
 Gewohnheit! sett sik oppe Latt,  
 Dreih em den Hals,  
 Gewohnheit! seggt se, eet sik satt,  
 Ja, de maakt Alls! —

So keem de Quickborn an den Rhin,  
 Ging dar spazeern, drunk sik den Win,  
 Snack mit, gelehrt, as muß't se sin,  
 Mit Professoree! —  
 Un war gar fülsten Nachtens hin  
 Doctor honoris!

Un doch, Gewohnheit is't ni warn!  
 He denkt daran dær vele Jahn,  
 He denkt daran in graue Haarn,  
 An Fründschop un Lev,  
 Un't kummt em dimal un verwar'n,  
 Dat he wat schrew.

En Mana, de redt em of sin Hand,  
 Zin Nam klingt wit un is bekannt,  
 Em siert hüt dat dütsche Land,  
 As mit sin Beste,  
 Den broch he geern vun'n Holstenstrand  
 Et wat rum Jeste.

Un ob dat noch so plattdütsch klingt,  
 Un ob he't noch so hütsli singt,  
 He weet, dat di't to Harten dringt  
 Trog Ruhm un Ehr —  
 Un wenn di't blet en Emustern bringt:  
 He will nix mehr.

### Vor en Sühwerpaar.

An H. C. A.

Bun alle Christen — dat's gewis —  
 Is de Minsch de wunnerlichste Christ.  
 Fri will he sin — un fangt an to frien,  
 En Fru will he hebbn — awer'n junk Wäten schall't sin.

Minner will he hebben — aver nich de Jahn,  
 Zülwer will he hebben — aver nich innen Haarn,  
 Freut will he hebben — un will man se bringn,  
 So list he rum na eernsthafte Dingn.  
 Hett jümmer'n Drippen Gall int Blet,  
 En beten Wehmoth bi den Moth,  
 En list Deel Wermoth inne Flasch,  
 En Thrandel inne Bessentafsch,  
 He is, wenn he't recht eensach meent,  
 En Duppeltings dat lacht un weent.

Denn't geit em inne Welt mal so :  
 Een Dær geit apen, de anner te,  
 Un jümmer steit he twischen twee Dærn,  
 Un de der te is, wehin mag de föhren?

Dat is vun Dag' en Freudentag :  
 Wa selten, de em siern mag,  
 Wa seltner, de gesund un froh,  
 Den Dag erlert mit Kind un Fre,  
 Wa gar so selten, de denn seggt :  
 Herr Gott, du warst mit deinem Knecht !

Ja he weer mit, de ole Herr,  
 Un darum gung't bargop bether,  
 Un noch bewahr de Bom de Straf,  
 Un darum geit't noch nich bargaf.

Thrandel Thrauentud, Taidentud.

Un stat Jüm vör en slaten Dær,  
 So weet Jüm: He steit achter vör.  
 He lê Jüm mal de Hann tosam,  
 He heel sin Badershand verbabn,  
 He leggt na siefuntwintig Jahr  
 De Zülwerfranz Jüm op dat Haar.  
 He segg Jüm Rinner, mehr Jüm Frünn,  
 He seggen Arbeit un Gewinn;  
 Un fallt en bittre Thran int Dof,  
 Vêl Freudendrippen fallt der of.  
 Drögt af, un seht mit Ogen klar  
 Int nie Bertelshundertjahr.  
 Un is dat Lëben of keen Danz —  
 So of nich ünnern Myrthenfranz.  
 Mit Gott! — bet dat he golden ward —  
 Un jümmer vull vun Lev dat Hart,  
 Nich to vêl Leid un vêl Freud:  
 Dat wünscht Jüm de dit sriben deit.

### Noch Een.

De echte Lev de is keen Blom,  
 De echte Lev de is en Bom:  
 De starvt ni af int eerste Jahr,  
 De wurteft deeper jümmer dar.  
 Süh di man um int Düsternbrot:  
 Du kennst noch jede Tef un Bot.

De leyt er Leven na 't Jaahrhunnert,  
 Int eerste Bertel kum vermuntert,  
 Mit jede Bæ r j a h r nie Blöt,  
 Inn Su m m e r Schatten um de Föt,  
 En Plaz vœr gude ole Frünn,  
 Of stellt sik mählig nie in,  
 Un haben, æwer Kron un Manten  
 Treckt still de Steern un de Gedanken.

### **Einem dito goldenen.**

„Getreue Nachbarn“ lehrn wi al as Scholjungs buten Kopp,  
 „Getreue Nachbarn und desgleichen“ sãn wi mit Angsten op.  
 Un wat en „truen Næwer“ weer, dat wuß man of as Jung,  
 Belicht hatt Næwer gar en Gaarn, wo man mal vœwer  
 sprung.

Un lohn't of mal en Klapps un Klapps: de weer nich gar  
 to dull;

Man drög bi Næwer Winters sik, wenn man int Water full.  
 Un och! wa smeck bi Næwersche de Stuten fett un grot:  
 Drum røk de Katechismus al se mi to't „dägli Brot“.

Doch wenn man old un öller ward, wa steit't um gude  
 Frünn?

Wa steit't um true Næwerschoep? Dat meiste is derhin.  
 Den nimmt de Noth, den nimmt de Dod, man süßn ver-  
 drögt un soort,

Dat „dägli Bror“ dat blifft Een wul, doch de Gesmaç is fort.  
 Un endlich ward de Minschen Een as fröher Stock un Pal,

Un wenn man'n truen Naver hett: man kennt em nich  
enmal.

So wahn if hier int Hus bian binah en runnes Jahr,  
Un hör eerst eben: bi mi to dar wohnt en Jubelpaar!  
Vær fösfig Jahren schin op se as Brurpaar disse Sünn,  
Na fösfig Jahren schint se noch op se int Finster rin.  
Wat domals se as gude Frünn un true Navers gröt,  
Dat gung wul meistens vær se hin, weg ünner Minschenföt.  
Se awer gingen den Weg bargop tosam de fösfig Jahr,  
Un stat tosam „noch eben so leef as do in brune Haar“.  
Un fulln se hin de olen Frünn, un Navers gingen se fort,  
Noch klingt vær se de veerte Bød un't Katechismuswort.  
De Welt geit rum mit jeden Dag, doch schint desülwen  
Steern,

Un jümmer hört dat Minschenhart vun true Navers geern.

Schull if denn, de de letzte is, un Naver eerst en Jahr,  
Schull if der fehlen, wenn dat heet: hier giff't en Jubel-  
paar?.

Un Naver schull en Dichter sin und harr vær Jüm keen  
Wort?

Ne, ne! sin Hart is nich verdrögt, sin Kopp is nich ver-  
seort!

He is ok, as sin Sprak dat wist, vun olen Korn und  
Schrot:

So wünscht Jüm ferner Gottes Heil Jüm Naver, Dich-  
ter Groth.

1860.

Gedichtet für Segelmacher Horn und Frau.

An

Seine Königliche Hoheit

**Großherzog Peter von Oldenburg**

als Dank für eine Auszeichnung, die mir zur Zeit meiner  
Verheirathung von ihm zu Theil wurde.

Man denkt sik wul, en Kim to maken  
Hört vør den Dichter to de Saken,  
As vør de Kætsche Supp to katen,  
As vør den Bäcker  
Wittbrod un Tippenstuten backen,  
Sogar noch lecker.

Man hett de Eier — steit se an,  
Man hett de Botter — deit se an,  
Man hett de Kæhlen — weih se an,  
Welt op de Bant et,  
Un Mund un Magen freit sik d'ran :  
Dat giff en Paumfot !

Ja, so vør dægli — is't keen Kunst,  
Un vør den Hunger geit't unsumst ;  
Doch vør wat Rechts, vør Gar un Gunst,  
Gar vør en Prinzen  
Hört span'schen Wind, un mehr as Dunst,  
Eiermaan tum mindsten !

Welt op de Bant Milch auf der (Milch-) Bant.  
Spanischer Wind und Eiermond, seine Gebärde.



Nu harr ik't richti op't Geweten,  
 Ik funn't ni Nacht noch Dag vergeten,  
 Dat keen mi oft as flegen Scheten,  
 As hilli Ding',  
 Dat ik Di richti as Voeten  
 Mal Dank muß singn.

En guden Mann is vel op Ger,  
 En guden Fürsten noch wul mehr,  
 Dat harr mi freit, dat de mi ehr,  
 Un ute Feern  
 En fründli Wort schick, wat ik hör  
 Man gar to zeern. —

Wi hebbt en Weg hier lank na Düstern,  
 Man kann dar sin Giggarr anpüßtern,  
 De Bageln hörn, inn Schatten lüßtern,  
 Sitten op Banken,  
 Un abends heit man, noch in Düstern,  
 Dar sin Gedanken.

De groten Böken hangt herawer,  
 De blauen Waggen samt ant Dower,  
 Opt Water treckt der Schep un Erwer  
 Still in den Haben,  
 Herrn op de Wischen schint de Alewer,  
 De Steern der haben.

hilli Ding fliegende Gicht.  
 lüßtern werden. nern unten.

Düstern für Düsternbret.

Dar geit uns Herrgott mit Een wanken,  
 Bun't sülben kamt Een de Gedanken,  
 De treckt na'n haben mit de stanken  
 Still-framen Twigen,  
 As kunn't hier all na'n Heben ranten,  
 Na'n Himmel stigen.

Dar heff it gan so menni Dag,  
 Dar heff it gan as krank un schwach,  
 Gan as de Sünne mi fründli lach,  
 Gan mit min Leefste.  
 Noch güstern gung it dar un dach:  
 Na! morgen schriffste!

Nu is't man mit uns „Modersprach“  
 En heel verdreihete dwattsche Sack,  
 — As mit en ehrli Möllerknaß:  
 Vær Wêldag' springt dat, —  
 Un wat Een jüst recht eernsthafte mak,  
 Jüst spaghafte klingt dat.

Mit Gott den Herrn snackt wi sodennig  
 Un mit en Herzog, mit den König,  
 Seggt selten byl, geneert uns wenig,  
 Lacht merrn mank't Byden,  
 Sünd eenmal nu puglustig klänig  
 Un nich vær't Ryden.

wanken spazieren. Möllerknaß Möllerpferd. Wêldag' Heber-  
 muth. klänig schwachhaft.

So kummt't denn, dat ik recht un slecht  
 So pall lik ut op plattedütsch segg,  
 Rich mit vel Wör, doch wahr un echt  
 — Ahn jüst Standarten — :  
 Ik dank Di, min Herr Herzog, recht  
 Ut vullen Harten !

De gut regeert, dat Gude ehrt,  
 As Du, min Herzog, is dat weerth,  
 Dat Em uns Herr en Kron bescheert —  
 Ik meen : en echte !  
 Un Unsereen Em Dank verehrt,  
 Ik meen : de rechte !

So wünsch ik denn : Si licht Din Last !  
 Bliv hell Din Hus ! Din Stamm stah fast !  
 Gah Du man ahne Hast un Rast  
 — Du bruckst keen Pitschen —  
 De Bærste — kumt of mal en Knast —  
 Baran uns Dütschen !

Ja, Herr, ik heff mi hartli freit,  
 As wul en Kind to't Jahrmarkt deit,  
 — Is je en Dichter de't so geit —  
 Dat Du dat weerst,  
 De wat en Holsteensch snacken deit,  
 Mit Andacht hörst.

vall gerade. Wör Werte. de Bærste d. i. der Rüh, der Verdienste.

Dat giffst Een Meth, dat maakt Een seker,  
 Denn Recensenten sind je klöcker  
 As op de Plumm de Appelhacker:  
 De mäkelst bi't Kopen,  
 De kopt ni mal, de lehnt min Böcker,  
 Un lat mi lopen.

It ging min Weg still un alleen,  
 Hölpt hett mi Keen, dankt heff ik Keen,  
 As do ik fast stunn op min Been.  
 Un do? Ja frilich  
 Keem, dat Rhinoceros to sehn  
 Wennigeen ilig.

Doch wo en Dog mi fründli kiff,  
 Doch wo en Kopp mi hartli nück,  
 Doch wo en Fründ de Hand mi drück,  
 Weet Gott, ik spör dat,  
 Un gar din Huld, o Herr, segg ik  
 Noch mal, mi röhr dat!

Wenn nu uns Herr Gesundheit ger,  
 Un dat min Hedder jümmer schrev,  
 Un wat ik leef heff um mi blev,  
 Un wat to eten —  
 So wünsch ik nix as Di vel Lev,  
 Un Dütschland — Freuden!

1859.

## Mit einem Portrait.

An . . . in Vest.

Am besten is dat ute Feern  
Mit König un Dichter,  
Reeg bi künnt se Een aisch versehn  
Mit er Gesicht.

Man dach dat seeg na Wunner ut,  
Recht as to wünschen,  
Un endlich kumt as Kern herut  
En stackels Wunschen.

Doch di s se wull nix anners wen,  
Nix höger noch klöcker:  
Bewahr em Gott mant Kepp un Töbn  
Dat Hart man seker!

## Der Gelegenheitsdichter.

Wenn it mal aufseeg wat it sungn heff,  
An Vers al makt vör Old un Jungn heff.  
So is't, as wenn it mi verdungn heff  
Musik to maken,  
So is't, as wenn it blot min Lungn heff  
Vör fremd' Lüde Saken.

aish versehn arg erschreden.     mant Kepp un Töbn zwischen  
Kepp und Zehn.

Vær Thorn un Kark, wenn de der bu't ward,  
 Vær Hans un Greien, wenn se tru't ward,  
 Vær Noth un Dod, wenn se mal lud ward —  
 Singn mutt Klaus Groth,  
 Wenn Kindbeer gebn un Aarnbeer bru't ward —  
 It heff de Noth.

It sing, as sung it op de Landstrat,  
 Vær de to Stadt un de to Land gat,  
 De blot mi fründli mal de Hand sat:  
 „Du kennst de Kunst!  
 „Wi weet, dat Vers di vun de Hand gat  
 „As doben Dunst.“

Kunt Een to Welt recht springn lebennig,  
 Geit der Een ruter recht elennig.  
 Kunt mal de Herzog, kunt de König:  
 Denn Vers to maken,  
 Dat reft man to min Amt sodennig,  
 As Kacksch dat Kafen.

It segg tolekt: so 'n Amt in Ehren —  
 Wer sorgt min Kinner to ernähren?  
 Wer giff mi Brot un Win to tehren?  
 Wer Hus un Hav?  
 It kann ni gan un wedder kehren  
 As Lurf un Rav.

Min Jungs — hett Jeder al en Savel  
 To 'n Speln — hett Jeder al en Gavel  
 To 'n Sten — un Jeder al en Snavel  
 — Weest wul woto —  
 Wüllt Jach un Bix, un sünd cumpawel :  
 Of Strümp un Schoh. —

So dent ik, wenn mi 't mal bedwingn deit.  
 Doch wenn de Lurf denn haben singn deit,  
 Dat mi dat recht to Harten dringn deit  
 As Barjahrenregen,  
 So dent ik: sing man! Wenn 't nix bringn deit:  
 Bringt 't doch wul Segen!

Du büst hier, as de Lurf opt Fesb,  
 NICH var en Lohn un nich um Geld,  
 Bunn leben Gott int Amt bestellst,  
 NICH mehr, nich minner,  
 Un de var de sorgt un de Welt —  
 Sorgt var din Kinner.







